



BIBL. NAZ.

t. Emanuele III

66

E

2

NAPOLI

2. 9. 18

64

2

IN COMMENTARIUM
A JUSTINO FEBRONIO

IN SUAM RETRACTATIONEM

EDITUM

ANIMADVERSIONES

H. G. C. S. C.

DE IN
ANIMADVERSIONES
RECENS ADDITAE.



ROMAE . PENES LAZZARINIOS

A. MDCCCLXXXII.

Superiorum Permissu.

M O N I T U M

P Raeclara Justini Febronii Retractatio quum primùm edita in lucem magnâ continuo famae celebritate inclaruisset, dubitandum non erat, quin pro multâ ingeniorum aetatis hujusce, studiorumve dissimilitudine in varia dissidentium inter se hominum judicia, variosque sermones incurreret. Omnes certe, quotquot fuere toto Orbe, unitatis, ac pacis Ecclesiae Cultores mirificâ gratulatione, ac plausu pulcherrimum Viri factum prosequuti sunt, qui pristinis turbulentis consiliis, erroribusque depositis justum, et pium, nec Religioni minùs, quam sibi gloriosum de se ipse triumphum reportasset. Alii contra, nec pauci, quibus insitum haeret, penitusque defixum Hierarchici Ordinis, ac Principatùs odium, acerbissime tulerunt, partium suarum patrociniū desertum ab eo fuisse, quo potissimum Duce susceptas jam dudum, sed tūc acriùs renovatas cum Romano Pontificatu inimicitias majore animorum contentione gerebant: Isti nimirum hominis levitatem, et inconstantiam vehementiùs accusare coeperunt, qui sive blanditiis delinitus, sive minis territus de instituto cursu turpiter dimoveri se passus esset; quamque animo alte retinebat fixam, certamque sententiam, mendaci scripto ejurare, fidem, ac socios prodere non erubisset. His longe, lateque dissipatis rumoribus permotus Febronius commentarium edere properavit, quo consilii sui rationem planiùs expromeret, simulque inustam sibi ficti animi labem, ac notam depelleret.

Opus vix editum curavit ad Summum Pontificem maturè cum litteris perferendum, quibus et librum, et se se totum Apostolicae Sedis judicio, ac potestati subicere cum amplissimâ obsequentissimi animi testatione profitetur. Aequius quidem.

Novus itaque in Commentarium Febronii conscribendus fuit Commentarius: quod opus paucis mensibus absolutum non ante ego sum ausus deferre ad Pontificem, quam fuisset a praestantibus quibusdam Viris recognitum, quos inter liceat mihi honoris caussâ nominare inclytæ memoriae Cardinalem Boschium, cujus de hoc opusculo judicium aliquod apud Pontificem factum esse affirmare possum; quale illud fuerit reticere debeo, ne videar Operi velle tribuere, quod propensae in me praestantissimi Viri voluntati acceptum magnâ ex parte refero. Atque tum quidem velut prævii publici responsi loco ad publicum Febronii Commentarium Opusculum hoc ipsum instar familiaris alloquii privati cum privato disserentis protinus edendum Pontifex decreverat: quum ecce de improvviso novum quid natum est, de quo nil attinet hoc loco dicere, quod, ne qua inde gravior offensio pro temporum conditione suboriretur, consultius fore persuasit paratam editionem in aliud tempus differre. Interea Pontifex codicem penes se retinuit manuscriptum, quem nunc tandem sublatâ caussâ, quae moram injecerat, e re censuit immutatum prorsus, ut primûm sibi oblatus est, prodire in lucem. Quumque multa multis ex partibus longo illo intervallo effluerint, quae praeverti cogitatione non poterant; si quae loca occurrerent, quae alia viderentur additamenta postulare, ea jussit ad calcem rejici, ubi ab Operis contextu separata reperientur. Litteras porro, quas Febronianâ larvâ depositâ, suâque plenâ dignitatis repetitâ personâ Episcopus Myriophitanus suo nomine, suâque manu scripsit, voluit item SSîmus Pontifex typis vulgatas in medium proferri, quibus patefactis vel inviti cogantur obmutescere, qui dictitare non desinunt, malis artibus quaesitum, aut vi extortum pium illud justae, ac debitae Retractionis docu-

documentum, quod suâ sponte, consultûque a se datum Auctor ipse professus sit, idque quum alias, tum et iis litteris, quas post suum clandestinis typis emissum Commentarium non provocatus, non lacessitus consilio, ac voluntate suâ ad Pontificem dedit, Pontifex nec suspicans accepit. Legatur Epistola, conticescat invidia.

EXEM.

EXEMPLUM EPISTOLAE

Quam Episcopus Myriophitanus Jo. Nicolaus de Hontheim suo nomine, suâque manu scriptam dedit

AD SS. D. N. PIUM SEXTUM

Unâ cum subjecto Commentario Francofurti ad Moenum edito ex Officinâ Esslingerianâ MDCCLXXXI.

Appositâ Inscriptione, quâ suâ etiam manu se operis Auctorem proficitur.

QUOD SANCTITAS TUA a me postulat, quod praestandum suscepi, id pro modulo mearum per octoginta, et quod excurrit, annorum aetatem, et continuos labores finitarum ingenii, et corporis virium nunc exequor: ut quos olim sub nomine Justini Febronii in disputationem Sacrorum Summae Sedis jurium conscripsi libros, illos eodem nomine redarguam, refellam, et Supremas ejusdem Sanctae Sedis dotes ad aedificationem eorum, quibus priora mea opera offenculo esse potuerunt, novo Commentario explanem, atque stabillam.

Non putavi id luculentius abs me praestari posse, quam si omnes, et singulas in authentico meae Retractationis documento contentas TUAE SANCTITATI probatas assertiones argumentis e Sacra Scripturâ, Conciliis, ac Patribus depromtis confirmem, et congruis Commentariis illustrarem, eâ tamen ratione, ut insimul firma stent jura Episcoporum, Imperantium, et Nationum, nec non privilegia, et tot laudabiles Consuetudines particularium Ecclesiarum, quae omnia SANCTITATIS TUAE Praedecessores toties immota esse debere, sanxerunt.

Ex quo grave munus Suffraganei in amplissimâ hac Archi-Dioecesi suscepî, singularis mihi cura demandata est de magnâ illâ portione Trevirensium Dioecesanorum, qui vivunt sub Dominio, et Civilibus legibus Regis Christianissimi, uti et de non minore eorum numero, qui in Ducatu Luxemburgensi parent Augustae Domui Austriacae, et Constitutionibus Belgicis. Minime ignorat SANCTITAS TUA, in administratione, et exequutione Vicarialis hujus Officii, quod a triginta tribus annis sub beneplacito, directione, et celsissimis auspiciis trium Archiepiscoporum hactenus gessi, singulorum horum locorum mores, et Saecularium Principum edicta mearum actionum secundariam regulam esse debere; eâ neglectâ omnia turbari: insuunt illa in Disciplinam Ecclesiae, quamvis eam in substantialibus non mutant. Porro quemadmodum in exercitio Sacri hujus Ministerii non iisdem ubilibet usibus, ac moribus, vel in unâ hac Archi-

dioec-

dioecesi conformare me aut possum, aut debeo, uti nec quicumque alius eodem in munere mihi Successor aut debebit, aut poterit: ita prudentiae esse duxi in hocce scripto iis potissimum Ecclesiasticis legibus me alligare, quae jam dictis, immo omnibus Catholicis Nationibus nobiscum communes sunt.

Nihil equidem impensius cupio, BEATISSIME PATER, quam ut praesens Commentarius (postrema certe mea litteraria opera) tamquam testamentum, et suprema mea voluntas TUAE SANCTITATI, ad cuius sacros pedes illum depono, haud displiceat. Hoc scio, nihil aliud in animo meo, nihil amplius in votis meis esse, quam ut omnia mea TUAE SANCTITATI probentur. Ea intentione, eoque fine (quum sibi nemo satis sapiat) quâ maxime valeo demissione supplico, ut, si quae eodem in libello fortasse sint, quae perspicacissimos oculos Tuos, aut excelsum animum Tuum offendant, ea a me non sinas ignorari, ut in supplemento, quod tunc in modum Codicilli libens adjiciam, illa valeam emendare.

Illud interim mihi solatio esse potest, et debet, quod, etsi alium forte ex brevi hoc Commentario fructum Ecclesia non referat, illud saltem omnes ex eo intelligant, de quo non pauci etiam editis scriptis dubitare aut praesumerunt, aut affectarunt, videlicet solennem illum actum Revocationis, quem SANCTITAS TUA in die Natalis Domini Anni MDCCCLXXVIII. in Secreto Consistorio cum Cardinalium Collegio communicavit, meum esse, non fictum, non extortum, sed liberum, quin immo deliberatum.

Finaliter ante Sacros pedes Tuos, quos reverenter deosculor, prostratus Apostolicam Benedictionem humillime expeto debitâ cum submissione, et filialis obedientiae contestatione emoricens

SANCTITATIS TUAE

Humillimus, et Obedientissimus Filius

Joan. Nicolaus ab Hontheim Episcopus Myriophitanus
Suffraganeus Trevirensis manu propria.

P R O Æ M I U M

Quibus pridem litteris praeclaræ suae, bonisque omnibus probatissimæ Retractionis Acta Myriophitanus Episcopus cum spectatissimo Clero, Populoque Trevirensi communicavit, eisdem ingenue fassus est, libris iis, quos plures sub ficto Justini Febronii nomine paucos ante annos edidit, *novitatis cupidine inductum se in nonnullas assertiones incidisse, quæ et Apostolicæ Sedis jura, et reverentiam Supremis hujusce Praesulibus debitam non parum laederent*: (a) „ Agnovit, Febronianis istis „ assertionibus obstare quorundam Patrum Sententias, seu di- „ cta, Conciliorum in disciplinaribus Decreta; potissimum ve- „ ro receptum a Saeculis Ecclesiae usum, atque disciplinam, „ quibus contraire nemo praesumit, quin de Religione periclite- „ tur, et exitium in Ecclesiâ turbarum Auctor existat. „ Tunc confirmavit, libenti, promptoque animo Pontifici libros eos dam- „ nantem sese adjungere, sibi propositum esse, quod reliquum esset aetatis, quoad vires suppetereut, in id Auctore ipso Pon- „ tifice conferre „ ut genuina primæ Sedis jura exponeret, et „ pro viribus defenderet non quidem *palponum more*, quos suis „ lucubrationibus eidem Sanctæ Sedi, quin et Ecclesiae ipsi plu- „ rimum nocuisse compertum est, sed solidis, verisque monu- „ mentis, quorum auctoritas in omnibus Ecclesiis agnoscitur. „

Itaque Febronius, ut promissa exsolvere videretur, seque suæ Retractionis interpretem, ac vindicem praestaret, commentarium in eam scripsit, *nullâque* (nescio quo consilio) *præ-
viâ superiorum censurâ* typis cominisit. Pollicetur, se hoc in opere defensorem futurum *nonnullarum primæ Sedis prærogati-
varum, quarum impugnator extiterat*; „ intactis tamen juribus „ Episcoporum, Principum, et Catholicarum Nationum, quæ „ optimi Pontifices semper immota esse sanctissime sanxerunt. „ Nihil porro ad hujus instituti sui rationem accommodatius fore censuit, quam si Commentarii contextum ad ordinem, et ad ipsa etiam verba Retractionis exigeret. Totam itaque Retra-

A

cta.

(a) Verba hæc sunt Myriophitani Praesulis cû in Epist. p. 246. Minime tamen diffitemur

stationem in 38. Positiones distribuit, singulisque Positionibus peculiarem culque suam explanationem appinxit adeo, ut expositiones exteat velut Capita totidem, seu argumenta explanatorium, ex quibus integer Commentarius conflatur. Extremo porro capite (pag. 240.) iterum confirmat, hoc suo Commentario, quem Auctoribus summis in Ecclesiâ Potestatibus a se susceptum, quemque illarum iudicio sine retentione submittere se se profitetur, sibi propositum fuisse mediam tenere viam, quâ semoto omni partium studio, cuique, quod suum est, tribueretur *duce veritate, et Canone.*

Neque hâc tantum extremâ sui libri parte obsequentem suum erga summas in Ecclesiâ Potestates animum declaravit; sed expressius etiam, et clarius privatis manu suâ litteris, quas ad Summum Pontificem PIUM VI. (quem D. O. M. Ecclesiae suae diutissime servet incolumem) unâ cum suo Commentario perferendas curavit, quibus testatur, nil se impensius cupere, quam ut id scriptum, in quod velut testamentum ultimam mentis suae sententiam quodam modo redegit, atque ad Sanctissimi Patris Pedes deponit, haud ei displiceat: Nihil se habere magis in votis, quam ut sua omnia Sanctitati Suae probentur; ob eamque rem, quandoquidem nemo sibi satis sapiat, ei quam maximâ valet demissione supplicare, ut, si quae forte in eo libello sunt, quae perspicacissimos ejus oculos, excelsumve animum offendant, illa non sinat ab ipso ignorari, ut in supplemento, quod libenter est adjecturus, quasi per Codicillos ea valeat emendare: interea id sibi solatio esse, quod, etsi ex hoc brevi Commentariolo nullum Ecclesiae fructum sit perceptura, istud saltem omnes intelligant, de quo non pauci dubitare praesumserunt, aut affectarunt, solemnem illum Retractationis actum, quem Sanctitas Sua cum Cardinalium Collegio communicavit, suum esse, non fictum, non extortum, sed liberum, *quintimmo deliberatum.*

His ego cognitis librum eo animo perlegendum accepi, ut de toto scripto ex aequo, et bono judicandum, in singulis vocalis aucupandis non morosius insistendum; si quid obscurius, duriusve dictum occurreret, commodiore, quâ fieri posset, interpretatione molliendum, atque in sanio rem partem flectendum existimarem.

Etsi quidem nonnulla sunt, quae in hâc novâ mentis suae, ac
sen-

sententiae declaratione Febronio gratulari non immerito possimus : Quod Claves non jam Ecclesiae , prout hâc vocē Fidelium Coetus intelligitur , sed Apostolis , eorumque Successoribus datas expresse agnoscat : His Clavibus veram regiminis auctoritatem contineri triplici potestate constantem , Legislatoriâ , Judiciariâ , et Coërcitivâ : Hanc potestatem Apostolis a Christo sic traditam , ab eisdemque sic administratam , ut in ferendis legibus , ac decretis ad Fidem , ad Morēs , ad Disciplinam pertinentibus , in Successorum suorum ordinationibus , ac deputationibus , nimirum in iis , quos ad Sacra Munia idoneos judicarent , vocandis , legendis , et cooptandis ; in coërcendis contumacibus , censurisque infligendis nulli esset alteri Potestati obnoxia ; Hanc ipsam potestatem eodem jure in Apostolorum Successores migrasse in aevum omne prorogandam : Primatum non ordinis , inspectionis , ac directionis tantum esse , sed verae auctoritatis , et jurisdictionis : Hunc perpetuum esse : In Petri Successores Romanos Pontifices jure Divino transire : Romanum Pontificem Supremum esse Judicem controversiarum in rebus Fidei , ac Morum , nec fieri posse , ut a verâ Fide aberret Corpus Episcoporum Capiti suo Romano Pontifici adhaerens : Ecclesiam a Christo habere auctoritatem judicandi de sensu , seu Doctrinâ propositionum , librorum , et Auctorum , nec non Fideles cogendi ad subscribendum suae sententiae : Concilio Florentino Aëcumenici nomen deberi ; Tridentinum porro etiam in rebus disciplinae liberum fuisse .

Haec ille recte , ac laudabiliter . Atque utinam optima haec sentiendi ratio totius operis continuationi sic moderata esset , ut prima mediis , media extremis cohaerent , nec ea in Commentarium irrepsisset faeda verî , falsique permistio , quae ubicumque se prodit ; totumque corpus teste Augustino (*L. 2. Quaest. Evangelic. c. 40.*) velut quodam colore Leprae iuficit , ac maculat . Verum quod non inimice , non contumeliose , sed dolenter cogor dicere , non eam prae se fert Febronius *Germanam sinceritatem* , quam olim pollicitus fuerat : Quin potius adscitis undique distinctionum , exceptionumve involucris in tot ambages se conjicit , ut diverticula de industriâ quaesisse videatur , quibus elaberetur , dictamque sibi suis Positionibus legem non tam tueretur , aut sorvaret , quam eluderet , seu verius oppugnaret .

Quâ in re tamen unum occurrit, ac sese offert multâ sane; attentissimâque consideratione dignum, quod Positiones ipsae, quae explorata Ecclesiae, Pontificumve jura simpliciter, aperteque referunt, permultis in hâc ipsâ Febronianâ lucubratione, locupletissimis Sacrarum Litterarum, Conciliorum, Patrumve testimoniis munitae cernuntur: Exceptionibus vero, quas Positionibus suis Febronius affligit, seu potius opponit, nulla Sanctorum auctoritas, vox nulla suffragetur, sed aut propriis Febronii cõgitatis, aut unius, alteriusve Scriptoris, nec aetatis admodum remotae suffragio nitantur: Ut proinde, si suis in Positionibus statuendis hanc ille sibi laudem merito tribuere potuit, se, quae scriberet, *duce veritate*, & *Canone* scripsisse, non idem de adjectis illis exceptionibus praedicare valeat, quae quamtum recedunt a germanâ, et obviâ Positionis cujusque vi, ac sententiâ, tantumdem ostendunt, illum a *veritate*, & *Canone* descivisse.

In eâ multiplici capitum varietate, in quibus Febronii constantia merito desideratur, minus haerendum censui iis persequendis, quae ex notissimo *Defensionis* libro, qui perillustri *Bossuetio* passim adscribitur, Febronius decerpit. In quo tamen, si aequum se aestimatorem probare vellet, non ita se uni parti ad dictum ostenderet, ut alterius momenta fere praeteriret. De quâ contentione si nonnulla disperse attigimus, non eo consilio id a nobis factum est, quasi disceptationem ex professo cum *Defensionis* Auctore suscipere velimus, cui muneri non ita pridem est ab aliis cumulate satisfactum; sed ne in eâ causâ, in quâ doctissimos inter Viros hactenus certatum est, quisquam existimare posset, uni Febronio contigisse, ut triumphum ageret, juriumque Pontificiorum Defensores silere coëgisset: scilicet alia sunt (quod magnopere defendendum) in quibus positos a *Bossuetio* fines transire non est veritus, eoque progredi, ut quae jura vel ipse *Fleurius*, ejusque Defensor velut rata jam, fixaque habuerunt, ea ipse in discrimen adducere interdum non dubitaverit.

Multa hujus generis, sive quae ad Ecclesiasticam Potestatem generatim, sive quae speciatim ad Primatum pertinent, latius in subjectis animadversionibus exponentur. Pauca, et strictim hoc loco non abs re fuerit velut per exemplum proponere.

Quod Ecclesiae disciplinae generali Concilio probatae, et
per

per omnes Ecclesias receptae Laicus Magistratus adversari haud possit : quin immo Seculares Principes , quos ut Catholicos *Deus Sanctae Fidei , Ecclesiaeque Protectores esse voluit* , (*Trid. Sess. 25. c. 20. de refor.*) praesidio eam suo tutari , ac munire debeant , id quidem perfacile fuit Febronio plurimis Canonum statutis , Patrumque sententiis comprobare . Quod vero subjicit , *non videre se* , cur , quod circa ejusmodi disciplinam Laico Magistratu non licet , quatenus Tutor est Canonum , non eidem liceat , quatenus Regni Tutor est , nullum profert Febronius Canonem , quo singularem hanc suam inscientiam , haesitationemque excusare valeat . Nec sane mos fuit gravissimis Patribus Canonum Conditoribus sic verbis ludere , ut quam potestatem de rebus Ecclesiae cognoscendis , ac moderandis nullam in Laico Magistratu nec praesidii jure agnoscerent , eam ipsam per unam vocabuli commutationem sub aliâ Personâ eidem ultro deferrent .

Quod spiritalis potestas in decernendis rebus ad Fidem , Mores , ac Disciplinam pertinentibus nulli sit alteri potestati obnoxia , in eo etiam exploratis Patrum auctoritatibus tueri se potuit Febronius : Non ita porro in exceptione , quâ spiritalis hujusce potestatis jura coërcere quodam modo videtur ad ea , quae ille vocat *civiliter indifferentia* . Sane non eam Apostoli cautionem agnoverunt , qui tam multa de cultu externo , de conjugii ineundis , de censurarum inflictione , et effectis , de Ministrorum deductu decernere non dubitarunt , quae , licet ad Febronianam distinctionem relata spectari possent veluti non omnino *civiliter indifferentia* , non ideo se in Laicae Potestatis jura invadere putabant , quod ea ipsa nullâ petirà veniâ decernerent , Discipulisque sancte , ac fideliter servanda edicerent . Reverâ cultum externum ad Religionis intimam constitutionem pertinere nemo Catholicus dubitat : Aliunde quaecumque in Republicâ exterius geruntur , ea semper , prout quisque volet , pro non civiliter indifferentibus traducere poterit . Nullus ergo erit in Religione ritus tam sacer , nulla tam religiosa functio , nullum Sacerdotale Munus , et officium , de quibus ob eam causam , quod externam actionem , ac velut materiam requirant , nequeat Secularis Potestas decernere , suaeque cognitioni , ac judicio vindicare . Sic Potestas illa , quam Febronius , quatenus spiritalis est , Seculari Imperio subducere videtur , eam ipsam suae distinctionis ope , quatenus corpora-

li actione, et corporeâ in materiâ versatur, in Seculare arbitrium de integro rejicit, eidemque prorsus addicit.

Romanorum Pontificum Decretales Epistolas reverenter suscipiendas, et sancte custodiendas, Positio est Febrouii *duce Canone* constituta: Sed quod Pontificiæ Decretales, etiam dum urgent exequutionem Canonum, singularis cujusque Antistitis judicio subjectae esse debeant, qui de illis recipiendis, aut repudiandis statuat, prout eas conuenire, necne Suae Dioecesi iudicaverit, id vero longe abest a Canonum Sententiâ. Equidem quod lex loco, ac tempori congruere debeat; quod Episcopus, quae Gregi suo congruant prae caeteris dignoscere valeat; quod, si quid incommodi ex lege metuatur, Episcopi praesertim partes sint ad superiorem Potestatem referre, id ordinari, rectique regimini ratio postulat, in eoque libenter omnes acquiescunt: At quod jus, fasque sit cuique Antistiti de lege Pontificiâ recipiendâ, vel repudiandâ suo arbitratu decernere, nullo unquam satis apto Ecclesiae disciplinae monumento comprobari poterit. Certe quum Tridentina Synodus Decreta sua ederet, eaque pro summâ, quâ pollebat Potestate, praeunte Pontifice sancte seruanda Episcopis praescriberet; dum loca illa expresse notaret, quibus aliquam indulgentiae veniae facultatem eisdem faceret, num forte suspicari poterat, fore aliquando, qui singulis Episcopis id juris tribuerent, ut caetera quoque Decreta judicio suo subicerent, deque illis, prout sibi profutura, necne viderentur, recipiendis, vel repudiandis decernerent? Quin potius discere potuit Febronius ex Barthelio, cujus ille testimonium profert *pag. 34.*, quam faeda suboritura esset in Ecclesiâ Fidei, ac Disciplinae perversio, nisi Episcoporum multitudo per Orbem diffusa Supremi unius Capituli efficaci auctoritate in ordine, et officio contineretur: Qui autem contineri poterunt parendi necessitate sublata, seu, quod in idem recidit, uniuscujusque judicio, et arbitrio permissâ?

Sed in eam fraudem ex hoc inductus fuisse videtur Febronius, quod singulos Episcopos prorsus velit cum *indefinitâ* ligandi, atque solvendi potestate suis in Dioecesibus positos esse. Quam tamen potestatem si nulli alteri superiori potestati obuoxiam facit, pugnat ille cum Catholico Dogmate: Sin facit obuoxiam, non ex eâ consequetur jus illud, quod singulis Episcopis tribuit decernendi,

di, an, et quousque superioris Potestatis Decreta recipienda sint, an potius repudianda.

His adde, si placet, quod statuit de Civilis Potestatis assensu praestando, ut Decreta ipsa Fidei, ac Morum vim legis publicae obtineant, et executioni mandari valeant; Quod negatam Dogmatico Sanctae Sedis, ac universalis Ecclesiae Decreto debitam obedientiam ad merum caput refert violatae disciplinae; Quod insinuare non veterur, primos Reservationum Auctores legitimo forte jure caruisse.

Ex his, quae strictim attigimus suis quaeque locis distinctius enucleanda, non obscure intelligi potest, contextum sic esse Commentarium istum Febronianum, ut sanorum verborum forma, quam Positiones plerumque prae se ferunt, haud raro quoque per multiplices distinctionum, exceptionumve anfractus in alienum, adversumque sensum detorqueatur. Haec profectò nec Romano Pontifici probari possunt, cujus est potissimum Ecclesiasticae libertatis, suiue Primatus jura Christi ordinatione constituta tueri, nec cuiquam Episcopo de totâ Ecclesiasticae Hierarchiae constitutione, deque suae Dignitatis amplitudine recte sentienti.

Reperat Febronius, quam sancto, quam severe, ac diligenter Tridentina Synodus hortando, monendo, praecipiendo Ecclesiasticae disciplinae tutelam, debitamque Summorum Pontificum, Conciliorumve Constitutionibus, ac Decretis obedientiam quam Fidelibus omnibus, tum et ipsis Magistratibus enixe commendaverit. Ponat sibi ante oculos, si quis in eo Conventu Antistes auditâ illâ Patrum Sententiâ prosilire in medium veritus non esset, ac dicere, sibi eam placere, quoad Magistratus Tutorem Canonum se gerat; non item, quandocumque aliam Tutoris Regni Personam assumit: quis non sentiat, quam graviter Sanctissimi Patres captionis non ante auditae novitate percussi ludibrio se, ac despectui habitos esse doluissent? Quâ mente, quo vultu absonam vocem, ne quid asperius dicam, excepturi, et ex ore praesertim Antistitis deprecaturi fuissent?

Habet itaque Febronius, quae referat in Codicillos, quorum tamen nec longi, nec molesti laboris futura est confectio, si quidem eam praestare vult, quam pollicitus est, *Germanam sinceritatem*. Referat se ille ad suas Positiones, simulque ad Canonum Decreta, Patrumque Sententias, quibus vel in hocce suo

Ccm.

Commentario fulciuntur : Circuitionum fallacias aut a se exco-
gitatas, aut a privatis, nulliusque in Ecclesiâ auctoritatis Scri-
ptoribus petitas, quae duplicis cordis, et linguae suspicionem in-
gerunt, prorsus abiciat.

Quamquam Febronio facilis, et prompta patebat via, quae
se ab istiusmodi Codicillorum curâ omni, ac labore levaret, qui,
si testamentum hoc suum ante Pontifici obtulisset, quam id typis
in vulgus edendum committeret, ab amantissimo Patre clemen-
ter, ac privatim admonitus sic testamentum ille suum compone-
re potuisset, quod nullâ Codicillorum emendatione indigeret.
Nec vero quidquam erat caussae, cur eum pigere debuerit prae-
clarum imitari factum Augustini, qui quo tempore meritâ sapien-
tiae laude maxime floreret, non indignum se duxit, immo anti-
quius nil habuit, quam ut scripta sua, quae contra duas Episto-
las Pelagianorum (*l. 1. c. 1. n. 1.*) paraverat, ad Bonifacium I.
examinanda; et, ubi forsitan aliquid displicuisset, emendanda
dirigeret. Adeo illi perspectum erat, quid ei deberetur, qui
caeteris Episcopis *altius praeideret.* Quod etiam potiori iure
expectandum erat a Febronio, qui jam per sese expertus fuerat
eximium illum Pii VI., plenumque *paternae dilectionis affectum*,
quem de Bonifacio I. aliorum praedicatione Augustinus acceperat.
Nunc quum debitum istud omni jure officium Febronius neglexe-
rit; quum opusculum suum *nullâ praevidâ Censurâ* praeter jus fas-
que publici juris fecerit; Pontificemque rogarit, ne, si quid in
eo lapsus esset, id ipsum ignorare sineret, unusquisque profecto
intelliget, non amplius integrum esse Pontifici rem totam,
prout aliunde Febronii inconstantia suadere videbatur, silentio
praeterire; sed ne hoc ipsum *tacere (Caelestinus I. Epist. ad*
Episcopos Galliae) idem videretur, atque *connivere*, curandum
fuisse, ut quae Febronius non sine reprehensione notanda typis
edere in vulgus praesumpsit, ea quoque typis, ac palam nota-
rentur.

Recogitet aetatis suae, ac senectutis (*2. Machab. c. 6.*)
eminentiam dignam, et ingenitae nobilitatis canitiem; quam pa-
rum illi aetati dignum sit fingere; insidiosae, fictae reconcilia-
tionis exemplum Juventuti relinquere, sempiternamque nomini
suo, ac memoriae inconstantiae, ac defectionis notam, macu-
lamque conquirere. Non dissimulat *pag. 245,* quae olim scri-
psit

psit, „ Quum novitatem spirarent, et excutiendae Pontificiae Auctoritati ansam praeberere possent, *pro perverso hujus Saeculi genio* avidè ubique accepta, et citius, quam credibile est, „ quâquâversum pervulgata. „ Paciteat ipsum male ominati successus, qui perverso Saeculi genio debeatur, quo nefas gloriari. delectarique quemquam, qui meminerit ab Apostolo praedictum. surrecturos in Ecclesiâ homines, qui perversa loquerentur, ut abducerent Discipulos post se.

Rectius ille sibi plaudit, apertos pridem sibi fuisse oculos super suis erroribus ab Amplissimo Antistite, qui pro eximio suo in Religione tuendâ studio non praetermiserit ipsi ostendere, suos illos libros *idoneos esse ad scindendam Catholicam Unitatem*, quâ certe nil potius, nil antiquius Christiano homini esse debet. Timeat proinde Febronius illa errorum semina dequo exsuscitare, illaque iterum tentare capita disciplinae, *quibus contraire nemo possit, quin (ipsomet iudice) in Religione periclitetur, et existatium in Ecclesiâ turbarum Auctor existat.*

De Pontificiâ Auctoritate sentire aperte non vereatur, quae sensere Patres; quae sentit Bernardus, quem nemo adhuc suspicatus est, Romani Pontificibus *palponum more* blandiri voluisse. Ne Petro dotes invidet, quas in eum, ejusque Sedem Christus contulit; quibus Fidei, Unitatis, ac Pacis bono in perpetuum servando consultum esse voluit: Si Ovis Christi esse vult, non spernat; immo amet ab eo pasci, cui suos Agnos pascendos, pascendas Oves suas Christus commisit. Non eripiat Ecclesiae fructum laetitiae jucundissimum, quem sollemnis illa pii animi testatio totum se in complexum Petri demittentis eidem attulit; nullâ se deinceps irrequietae mentis agitatione, aut pristini animi residuo veluti pulsu ab hujus complexûs Charitate avelli suat, ut quum aliquando, quod Mortalibus omnibus imminet, Anima ejus ab eo repetetur, exitum suum Apostolica Petri, Successoris orè confirmata, piisque omnibus expetita Benedictio prosequatur.

INDEX

POSITIONUM FEBRONII

POSITIO I.

C *Laves Ecclesiae et uni Petro, et unitati simul a Christo concessae sunt ita, ut unum aliud non excludat.* pag. 17.

POSITIO II.

Claves datae sunt uni Petro, quatenus ille Primatum, et regiminis potestatem accepit a Domino; Idemque Personam totius Ecclesiae gerebat. pag. 27

POSITIO III.

Ecclesia est Societas hominum, in quâ baptizati Fideles ex institutione Christi sub legitimorum Pastorum, ac praecipue Summi Pontificis regimine degunt. pag. 30.

POSITIO IV.

Hujus regiminis potestas a Christo instituta veram subjectionis, et obedientiae obligationem Multitudini imponit. pag. 30.

POSITIO V.

Propterea inter duodecim Apostolos unus (Petrus) electus est, ut Capite constituto Schismatis tollatur occasio. pag. 32.

POSITIO VI.

Quisquis contra singularem Petri Cathedram aliam collocat, vel ab ejus communionem per obedientiae negationem recedit, Schismaticus est. pag. 34.

P O S I T I O VII.

*Primatus non ordinis, inspectionis, ac directionis tantam est;
sed vtrac auctoritatis, et jurisdictionis.*

pag. 35.

P O S I T I O VIII.

*Primatus perpetuus est in Petri Successores Romanos Pontifices
Jure Divino transiens.*

pag. 48.

P O S I T I O IX.

A Romanâ Sede ad aliam transferri Primatus nequit.

pag. 48.

P O S I T I O X.

Concilio Florentino Oecumenici nomen debetur.

pag. 52.

P O S I T I O XI.

*Plena potestas pascendi, regendi, gubernandi universalem Eccle-
siam Romano Pontifici a Christo tradita in Concilio Florenti-
no declaratur.*

pag. 52.

P O S I T I O XII.

*Pontificia hæc potestas non potest esse sine conveniente auctorita-
te, jurisdictione, ac coactione, ad quam etiam pertinet poe-
na excommunicationis.*

pag. 54.

P O S I T I O XIII.

*Romanus Pontifex est Supremus Judex controversiarum in rebus
Fidei, et Alorum.*

pag. 58.

PO.

P O S I T I O XIV.

*Fieri non potest, ut a verâ Fide aberret Corpus Episcoporum
Capiti suo Romano Pontifici adhaerentiam.* pag. 58.

P O S I T I O XV.

*Haeresis Lutheri jam ante Concilium Tridentinum, praecunte
Leone X. Pontifice Maximo, ab Ecclesiâ irrevocabiliter da-
mnata fuit.* pag. 70.

P O S I T I O XVI.

*Ecclesia a Christo habet auctoritatem judicandi de sensu, seu
doctrinâ Propositionum, Librorum, et Auctorum; nec non Fi-
deles compellendi ad subscribendum suae sententiae.* pag. 74.

P O S I T I O XVII.

*Constitutioni Unigenitus, ut Dogmatico Sanctae Sedis, et uni-
versalis Ecclesiae Decreto omnimoda ab omnibus obedientia
debetur.* pag. 76.

P O S I T I O XVIII.

*Quae ad Ecclesiae statum pertinent, si quid dubitationis fuerit
obortum, ad Romanum Pontificem referendum est.* pag. 78.

P O S I T I O XIX.

*Decretales Romanorum Pontificum reverenter suscipiendae, et
sancte custodiendae sunt.* pag. 81.

P O S I T I O XX.

*Summo Pontifici jure Divino competit jus indicendi, dirigendi,
et confirmandi Universalia Concilia.* pag. 88.
PO.

P O S I T I O X X I .

Generalia Concilia sortiuntur firmitatem independentem a quacumque aliâ acceptatione . pag. 91.

P O S I T I O X X I I .

Concilium Tridentinum etiam in rebus Disciplinae liberum fuit . pag. 92.

P O S I T I O X X I I I .

Causae Criminales Episcoporum per Concilium Tridentinum Romano Pontifici merito reservatae sunt . pag. 92.

P O S I T I O X X I V .

Pro Supremâ Potestate Pontifici in universâ Ecclesiâ collatâ ille sibi , inque Judicio quaedam graviora peccata jure reservat . pag. 97.

P O S I T I O X X V .

Papa habet potestatem dispensandi ex legitimâ causâ in lege a Generali Concilio latâ . pag. 100.

P O S I T I O X X V I .

Primis jam tum Ecclesiae temporibus ii censebantur Spurii , Adulterinique Episcopi , quorum Ordinationem Romanus Pontifex respuebat , veluti modo Ultrajectorum . pag. 113.

P O S I T I O X X V I I .

Confirmatio , Translatio , et Depositio Episcoporum non possunt Provincialibus Synodis restitui , nisi de libero Summi Pontificis consensu . pag. 114.
PO-

POSITIO XXVIII.

Canonizationes Beatorum etiam olim fiebant de consensu saltem tacito Romanorum Pontificum. pag. 117.

POSITIO XXIX.

Legitimo usu in quibusvis causis Ecclesiasticis invaluerunt Appellationes ad Apostolicam Sedem. pag. 119.

POSITIO XXX.

Summi Pontifices omni jure damnarunt Appellationes a Papæ ad futurum Concilium. pag. 125.

POSITIO XXXI.

Beneficiorum Reservationes sanæ rationi, et æquitati consonæ sunt. pag. 140.

POSITIO XXXII.

Concordata, utpote vim pacti habentia, religiose utrinque servanda sunt. pag. 144.

POSITIO XXXIII.

Annatæ retinendæ, usque dum Romanæ Curiae necessitatibus aliunde provisum fuerit. pag. 145.

POSITIO XXXIV.

Exemptio Regularium a Seculari Potestate, aut ab unâ particulari Synodo non valet abrogari. pag. 147.
PO.

P O S I T I O X X X V .

*Exemptionum abusibus per Concilium Tridentinum occurrentum , et
provisum est.* pag. 158.

P O S I T I O X X X V I .

*Episcoporum Potestas jurisdictionis potuit quoad usum per Cano-
nes arctari.* pag. 165.

P O S I T I O X X X V I I .

*De iis , quae ad Fidem , Sacramenta , et Ecclesiasticam Disci-
plinam pertinent , sola Potestas Ecclesiastica decernit.* pag. 173.

P O S I T I O X X X V I I I .

*Cavandum , ut pax , et Concordia inter Sacerdotium , et Impe-
rium servetur , et offensionum vitentur occasiones .* pag. 181.

Obsecramus , ut Joannes aut simpliciter nostra fateatur , aut
aperte defendat aliena . Nolo verborum ambiguitates . Nolo
mihi dici , quod et aliter possit intelligi . Revelatâ facie glo-
riam Dei contemplemur = *Hieronymus Epist. 61. c. 1. ad
Pammachium.* = apud Lup. Tom. IX. p. 63; col. 1.

P O S I T I O - I.

„ Claves Ecclesiae & uni Petro , et unitati simul a Christo
 „ concessae sunt ita , ut unum aliud non excludat . „

A N I M A D V E R S.

Videbatur Febronius primo illo singulari libro, quem *de Statu Ecclesiae* inscriptum edidit, in eorum opinionem, seu verius errorem incidisse, qui Clavium Potestatem purant directò, ac proxime Fidelium coetui collatam fuisse, indeque in Pastores commigrare. Idque non immerito innuere videbantur, quae scribit c. 1. §. 6. his verbis „ Clavium potestatem universitati Ecclesiae „ proprie, & ita transcriptam esse, ut illa per eos Ministros pro „ suâ cuique portione, ac inter hos per Summum Pontificem exer- „ ceatur „ Et n. 3. „ Quum itaque Ecclesia ipsa principaliter, „ et radicaliter obtineat potestatem Clavium, quae ab illâ in „ omnes ejus Ministros, ipsumque Summum Pontificem deriva- „ tur, et singulis quibusque pro suâ portione communicatur ec.,

Hoc suo Commentario ejusmodi errorem respuere se, profîtetur Febronius, atque ad eum refellendum haud paucas ex illis auctoritatibus profert, quas abunde in eam rem Scriptura, et Traditio ex aequo suppeditant; tum concludit: „ Nusquam Commu- „ nitati, ac Multitudini Fidelium ea potestas donata legitur, nisi „ eâ ratione, eoque sensu, ut ad totius corporis utilitatem, velut „ ad finem referatur, non ut in multitudine tamquam in subjecto „ resideat „ (a).

C

Huc

(a) Quin ab istâ communicatione vel ipsum ordinem Sacerdotalem excludi inquit enim: = Ex pluribus his Sacrae Scripturae locis apertum est, omnia, quoad potestatem, Apostolis, eorumque Successoribus a Christo relicta esse, quando ex alterâ parte nullo textu probatur, eandem potestatem collatam fuisse Ecclesiae acceptae pro multitudine Fidelium comprehensam, eo etiam ordine Sacerdotali, et inde ad Ecclesiae Praelatos transiisse = Quo loco, ne videatur Febronius ordinis potestatem ipsimet Ordini Sacerdotali eripere voluisse, facile puto, intelligendum esse de potestate proprie dictâ Regiminis, seu Jurisdictionis, ut ajunt, in foro externo. Quippe,

pe,

„ Huc usque recte satis , ac dilucide progressus videtur Febronius . At nonnihil perturbationis afferunt verba , quae sequuntur (p. 7.) „ Huic Sententiae , quae nunc verior videtur , adven-
 „ santur (si fides habenda Doctoribus Sorbonicis , Natali Alexan-
 „ dro , Joanni Launojo) Parisienses Theologi docentes , Clavium
 „ potestatem a Christo concessam fuisse Petro tamquam Eccle-
 „ siae Perso iam gerenti , atque adeo penes Ecclesiam seu subje-
 „ ctum immediatum , ut Scholae phrasis habet , Clavium illam
 „ residere potestatem . „

Confusa plane oratio . Nam Sententia , de qua unâ hic agitur , ea ipsa est , quam Richeriano errori Catholica veritas opponit , cui proinde adversari nemo queat , nisi qui se idem systematis Richeriani propugnatorem profiteatur : Quo in numero si vel Launoium , vel Dupinium , vel alios quosdam ejus indolis homines Febronius habere velit , non valde repugnabimus ; Doctores vero Parisienses universe Richerio favere , nullo pacto concedemus : Quod et ipse Febronius minus jam secum ipse consequens deinceps agnoscit ; sequitur enim : „ Absunt tamen ipsi ab eâ opini-
 „ one , quasi Potestas Ecclesiastica uni , et soli Ecclesiae per
 „ se , Petro autem , caeterisque Apostolis per Ecclesiam ita data
 „ esset , ut his Jurisdictio solum instrumentaliter , ministeriali-
 „ ter , & quoad executionem tantum competat . Quam doctrinam
 „ nam in vitio cubare recte statuunt Tournelius , Petavius &c. „

Nihil est igitur causae , cur vereatur Febronius in Doctorum Parisiensium offensionem incurrere , tametsi non ut *verior* tantum , (quae vox est subdubitantis adhuc animi) , sed ut omnino *veram* , certamque amplectatur eam doctrinam , quam ipse agnoscit , fateturque , prolatis a se perspieuis sacrarum litterarum , Traditionisque monumentis apertissime comprobari .

Neque officit , aut ad rem facit , quod Doctores isti , ut ait Febronius , doceant , Clavium potestatem datam esse Petro *tamquam Ecclesiae Personam gerenti* . Hoc enim ipsum sic intelligi
 VO-

pe , ut cum Theologis omnibus testatur *Bellarminus de Paenit. l. 11. c. 14.*
 „ Quum Catholici dicunt , universo Ordini Sacerdotali datas esse claves ,
 „ id omnes intelligunt de Potestate Ordinis , quam Sacerdotes omnes in
 „ Ordinatione suscipiunt , quamque exercere non possunt , nisi praeterea
 „ Jurisdictionem ab Episcopis accipiant . =

volunt, Auctore *Natali Alexandro Disert.* 4. in 1. Sec. §. 3., non quasi Claves Petro collatae sint, ut *Ecclesiae Legato*, sed ut *Ecclesiae Supremo post Christum, et sub Christo Rectori, ac Alo-*
deratori.

Ut proinde non ab Ecclesiâ, cui jussus est praeesse, sed a Christo, qui eum praeesse, jussit, Ecclesiae regendae potestatem acceperit. Etenim, ut etiam animadvertit *Petauius* a Febronio laudatus p. 4. „ Prius illa potestas fixa, constitutaque fuit, atque ministerium ejus, et Episcopi prius designati, quam Ecclesia, atque totum Corpus, ac Respublica tota coaluisset. Ita, que non ante penes ipsam Communitatem Jurisdictio Ecclesiastica resedit, & inde velut Populari consensu in Magistratus est translata „

Sed ne in causâ tanti momenti de constanti mente Parisiensis Scholae, merito suo celebratissimae, vel minima ambiguitatis suspicio resideat, velim Febronius audiat, quid de sua, deque Gallicanarum Ecclesiarum, Academiârumque Sententiâ *Natalis* ipse *Alexander* testetur *Disert.* 4. de Auctorit. Concilii Constantien. n. t. „ Ecclesiae Gallicanae, et quotquot in Galliis sunt Academiae, „ Dogma Fidei nihilominus esse censent, quod Romanus Episcopus unus sit Jure Divino Summus in Ecclesiâ Pontifex, cui omnes Christiani parere tenentur: et qui immediate a Christo non honoris solum, aut dignitatis, sed et potestatis, ac jurisdictionis Primatum habeat = nec mirum. Quippe *Papam non esse proximum, & immediatum Christi Vicarium*, proscriptus „ error est inter damnatas in Concilio Constantiensi propositiones *Vicleff* n. 37.

Hinc et post Concilium Constantiense Parisienses Doctores nefastas plures, dirasque defixerunt M. A. de Dominis Sententias, quibus Vir ille (claro ingenio pessime abusus) Supremam a Christo profectam Pontificis Auctoritatem impetebat. Censuram refert *Ludovicus Bail* (sum. Concil. tom. 1. p. 81. & seq.) Doctor ipse, ac Pro-poenitentiarius Parisiensis, hâc potissimum de causâ, quod haec mentem *Parisienſium maxime, ac velut in meridiana luce manifestat* Hujus certe censurae, pergit ille, quot „ pene verba, tot Sententiae sunt; quot sensus, tot victoriae: sed, „ etsi jam devios ad sui consensum impellere non valeat, suadebit „ forsâ alios, ne iis adhaereant „ Inter plures porro praeclaræ

hujus censuræ articulos, quos libenter omnes describerem, nisi a propositâ brevitate discedendum foret, duos potissimum seligam: Quod Spalatensis dixerat, *Monarchiæ formam non fuisse immediate in Ecclesiâ a Christo institutam*, hæc notâ reprobant Parisienses: „ Haec propositio est hæretica, Schismatica, Ordinis „ Hierarchici subversiva, & pacis Ecclesiæ perturbativa „ Quod Spalatensis subjunxerat, = *Doctrina in articulis His contenta, nimirum in Ecclesiâ non dari unum Caput Supremum, et Monarcham, præter Christum; Christum suam Ecclesiâ per multos Ministros sine uno isto Monarchâ mortali regere perfecte, & gubernare, est doctrina Catholica a Sanctis Patribus egregie explicata, et confirmata*, brevi hæc censura perscrinxere Parisienses: „ Haec propositio est hæretica quoad singulas partes „ Ex hujus porro censuræ toto complexu animadvertit Bail pag. 84., rite colligi posse, quæ sit mens Parisiensium, nimirum: „ Regimen Ecclesiæ a Christo institutum Monarchicum esse, non Aristocraticum (a); Jurisdictionem Apostolicam ordinariam in solo Petro, non in caeteris Apostolis extitisse; Monarchiæ formam „ in Ecclesiâ a Christo immediate institutam fuisse; Dari præter Christum unum Caput Supremum, et Monarcham in Ecclesiâ; Christum non regere Ecclesiâ, nec gubernare per multos „ Ministros sine illo Monarchâ mortali; In Ecclesiâ Romanâ Supremum esse Primum; Pontificem Romanum peculiarem esse „ Petri Successorem; unitatem Rectoris visibilis ad unionem Ecclesiæ facere ita, ut falsum sit, unionem Ecclesiæ Catholice „ in unitate Rectoris visibilis non consistere; Romanam Ecclesiâ „ Jure Divino auctoritatem in alias Ecclesias habere. Haec, et „ similia doctrinae Parisiensis Facultatis capita, ut quod etiam „ ibidem continetur de Concilio Florentino, et aliis, longe aliena „ sunt ab iis, quæ nonnulli his temporibus libris suis circumforaneis in Christi Vicarium blaterant sub velo Parisiensium, quasi „ paucorum ex iis opiniones essent omnium „

Accedat Gersonis auctoritas *tract. de Statib. Ecclesiæ Consid. 1.*, ubi non veretur *Schismaticum, et Hæreticum* dicere eum, qui negaret, *Statum Papalem institutum esse a Deo supernatu-*

(a) Tamen Aristocratiâ quiddam temperatum agnoscit non Tournelivtantum, sed et Bellarminus, ut mox exponetur.

naturaliter, et immediate, tamquam habentem Primatum Monarchicum, et Regalem in Ecclesiasticâ Hierarchiâ. Et lib. de potest. Ecclesiae consid. 10. Plenitudo, inquit, Legis Ecclesiasticae sic proprie sumpta non potest esse de lege ordinariâ, nisi in unico Summo Pontifice formaliter, et subjective; alioquin Ecclesiasticum Regimen non esset Monarchicum, et habere posset multiplex caput ex æquo, quod est haereticum. Et lib. de Anseribilitate Papae consid. 5.: Nullam aliam politiam (in Ecclesiâ) instituit Christus immutabiliter praeter Monarchicam, et quodammodo Regalem; et oppositum sentientes, quod videlicet fas est, esse plures Papas; aut quod quilibet Episcopus in suâ Diocesi est Papa, vel Pastor Supremus aequalis Papae Romano, errant in Fide, et Unitate Ecclesiae contra Articulum hunc: Et unam Sanctam Ecclesiam; et si pertinaces maneant, judicandi sunt Haeretici, sicut Marsilius de Padua, et quidam alii.

His perspectis quaeri potest 1. num satis ex aequitate, et veritate olim egerit Febronius, qui paucorum Italorum assentationi Statûs Monarchici in Ecclesiâ propugnationem adscriptam retulerit? 2. Num satis esset causae, cur ab hac Monarchiae appellatione tantopere abhorreret, quam tot insignes Parisienses non usurparunt modo, verum et libenti animo complexi sunt, ac retinendam omnino judicarunt? Nam quod ille dixerat, formam regiminis Monarchicam minus Ecclesiastico regimini convenire, quod haec facile solet in despotismum declinare, paullo contumeliosius dictum videtur in eam politicae formam, quam sapientissimi totius antiquitatis viri caeteris anteferre non dubitarunt; quamque, siquidem temperata sit, longe a despotico Dominatu. vi suâ recedere non diffitetur Vir hujus aetatis politicae scientiae famâ (jure ne, an injuriâ, non quaero) celebratissimus. 3. Num Catholicî cujusque Lectoris expectationi rite tum satisfecerit Febronius, a quo rogatus, quae demum dicenda sit vera regiminis in Ecclesiâ vigentis formula, respondendum censuerat „ Cum „ viro, sacris quidem Protestantium addicto, sed docto, et rerum politicarum cum primis perito, atque in hac parte vera „ tradente: *In Ecclesiis formandis non opus est decreto super certâ regiminis formâ introducendâ, absurdaeque adeo sunt quæstiones, Monarchica, Aristocratica, an Democratica forma „ competat Ecclesiae. Hae quippe formae cadunt in Statum aliquem.*

„ quem, seu Civitatem: Ecclesia autem Status non est? „ An haec docti, ac politici, si placet, Hominiſ Samuelis Puſendorffii leviffima ſane argutia ſatis momenti habere debuit, ut ſpretis Pariſienſium decretis, ac ſententiis, quod illi de formâ Eccleſiaſtici regiminis Monarchicâ dixerunt, abſurde quaſitum, ac ſtatutum cenſeri oporteret? Leviffimam dixi argutiam: Quis enim hanc poteſtatem dedit Puſendorffio, ut quae voces vi ſua, et notatione tantum patent, quantum patet vox ipſa regiminis, atque adeo locum ſuum habent, ubicumque ſeſe prodat aliqua regiminis conſtitutio, cujuſcumque naturae illa ſit, eas ille voces ad ſolum civilis ſtatûs regimen contrahi jubeat? Aut ergo delenda penitus, et obliteranda regiminis Eccleſiaſtici Conſtitutio; aut, ſi aliquod regimen in Eccleſiâ retineri placet, necesse eſt, id praeditum eſſe aliquâ ex iis formis, quae memoratis vocibus aptiſſime exprimuntur. Ac ne quemquam terreat terra illa ſpecies *deſpotismi*, quam Febronius objecerat, audiendum *Bellarminus l. 1. de Romano Pontifice c. 3.*, ubi poſteaquam generatim diſſeruit de regimine ex tribus formis temperato, dein ex civili ſtatu, atque ex veteris foederis Eccleſiâ, orationem convertens ad Chriſtianae Eccleſiae regimen ſubjungit: De Eccleſiâ Teſtamenti novi idem „ poſtea probandum erit, eſſe in eâ videlicet Summi Pontificis „ Monarchiam; atque Epiſcoporum, qui veri Principes, et „ Paſtores, non Vicarii Pontificis Maximi ſunt, Ariſtocratiam; „ ac demum ſuum quemdam in eâ locum habere Democratiam, „ quum nemo ſit ex omni Chriſtianâ multitudine, qui ad Epiſcopatum vocari non poſſit, ſi tamen dignus eo munere judicetur. „ Et cap. 5. „ Jam vero Doctores Catholici in eo conveniunt omnes, ut regimen Eccleſiaſticum hominibus a Deo „ commiſſum ſit, illud quidem Monarchicum, ſed temperatum, „ ut ſupra diximus, ex Ariſtocratîâ, & Democratîâ. id, quod praecipue tractavit B. Th. in 4. cont. gent. c. 76. Joan. de Turrecrem. Nicol. Sanderus in lib. de viſibili Monarchiâ Eccleſiae. „ Sed ne quis ambiguitati, aut hallucinationi locus relinquatur, quod attinet ad iſtam Ariſtocraticam temperationem conſulenda etiam nota, quae ad Schol. 5. Diſſert. 4. Nat. Alex. Sec. 1. adjecta eſt Edit. Ven. pag. 95. col. 2. Ex quibus patebit, iſtiusmodi temperationem non ad Pontificiae imminutionem auctoritatis, ſed ad ejus ſubſidium, ac robur valere.

Sub

Sub hac positione notatus ab aliquo fuit locus alter, velut minus accuratus, ex quo nimirum inferri posse videretur, Episcopos, qui caritate careant, Clavium quoque potestate carere. Locus hic est p. 8. „ Atque hoc ipsum Episcoporum universum „ corpus per fidem, et caritatem in suo capite conjunctum ea „ est unitas, cui a Domino Imperium a Patre sibi creditum *im-* „ *mediate* collatum fuisse *Augustinus* prae caeteris luculentius as- „ *seruit* *Serm.* 108. de Divers. c. 2. „ Hic tamen ego nollem esse morosior, atque dictum istud in eum sensum facile interpretarer, quo apud *Ballerinum de Primatu* c. 10. n. 5. dictum reperitur : „ Porro hae duae unitates Fidei, et Charitatis tam verae Christi „ Ecclesiae, singulorumque ejus membrorum propriae, ac ne- „ cessariae sunt, ut qui alterutrâ careat, is esse desinat in verâ „ Ecclesiâ „ Ubi ex toto contextu apparet, Charitatis nomine vinculum illud communionis designari, quod Schismate dissolvitur; quo Unitas Catholica constringitur; quodque ad Charitatem refertur velut terminum, unde formam, perfectionemque accipit.

Aliud potius eo in loco notandum occurrit, quod scilicet *Serm.* 108. de Divers. seu *Edit. Maur. Serm.* 295. *Augustinus* dicatur luculentius prae caeteris asseruisse, Imperium, quod a Patre accepit, Christum Unitati *immediate* contulisse. Nam 1. vox illa *immediate* deest apud *Augustinum*. 2. Neque ex toto contextu erui potest, Sanctum Doctorem censuisse, Claves *Unitati* aliter, quam per Petrum, collatas fuisse. Eo sermone c. 2. *Augustinus* illud in primis celebrat singulare Petri decus, quo inter Discipulos *pene ubique solus totius Ecclesiae meruit gerere Personam*. Tum addit : „ Propter ipsam Personam, quam totius Ecclesiae „ solus gestabat, audire meruit : *Tibi dabo Claves Regni Coelorum*. Has enim Claves non *Homo unus*, sed *Unitas accepit* „ *Ecclesiae* „ Dno hic habentur : Primum, soli Petro dictum esse : *Tibi dabq Claves* : Alterum, istas tamen Claves non hominem unum, sed unitatem accepisse Ecclesiae. Et licet primo aspectu minus una pars congruere cum alterâ videri possit, ambae tamen aptissime cohaerent, siquidem plano sensu, ac suo tota sententia intelligatur. Claves scilicet uni quidem Petro primitus datas, non tamen quatenus Petrus unius tantum singularis, ac privati hominis Personam gereret, sed quatenus Caput Ecclesiae

con-

constituebatur; adeoque totius Ecclesiae Personam, non ut Ecclesiae (V. Sup. Nat. Alex.) *Legatus*, sed ut *eiusdem Supremus post Christum, et sub Christo Rector*, ac *Adorator* gerebat. Hoc, inquam, pacto plane intelligitur, non unum dumtaxat hominem, sed Unitatem Ecclesiae Claves accepisse, quas ille, non ut privatus, et singularis homo pro se ipso tantum accepit, verum prout Ecclesiae ipsi tamquam Caput praeficiebatur adeo, ut earum vis, et potestas, quae ipsi, ut Supremo Rectori, primitus data est, in reliquos Praepositos sibi adhaerentes, et obnoxios velut a Capite in membra promanaret. Quae dicendi ratio populari etiam loquendi consuetudine mirifice comprobatur. Quid enim tam tritum sermone familiari, quam quod vulgo dici solet sive in physicis, sive in moralibus, Corpus ipsum, seu corporis unitatem recipere quicquid in caput pro toto corpore, totiusque Corporis usu, et utilitate confertur?

Neque solum huiusmodi explicatio hâc de causâ existimari debet Augustini menti aptissime congruere, quod nil contortum, nil a communi sensu, et sermone abhorrens prae se ferat, sed ob hanc maxime rationem, quod antiquiorum Patrum unanimi sententiae, perpetuaeque Traditioni prorsus consentiat, a quâ fâud par est credere, Augustinum recedere voluisse: Memorie rat sane Augustinus, quod sempiternae Fidelium memoriae *Tertullianus* commendaverat hisce verbis in *Scorp. c. 10.*: *memento Claves hic Dominum Petro, et per eum Ecclesiae reliquisse*. Non eum fugiebat, quod tot locis Cyprianus (De Unit. Ecclesiae Ep. 55.) et dixit, et significavit, Christum ita disposuisse, ut a Petro Sacerdotalis unitas exoriretur. Quod si unitas a Petro; ergo a Petro etiam (eodem sensu) potestas unitati cohaerens. In eandem sententiam *S. Optatus Milevitanus l. 7. cont. Parmen.* de Petro ait, eum *Claves Regni Coelorum communicandas ceteris solum accepisse*. Quam universalem Traditionem paucis deinceps, at aptissimis verbis complexus est *Leo Magnus Serm. 3. in Aniv.* dum ait, *Christum nunquam, nisi per ipsum (Petrum), dedisse, quidquid aliis non negavit*.

Quod ergo ait Febronius, luculentius prae ceteris asseruisse *Augustinum Serm. illo de Divers.*, Claves a Christo immediate datas unitati, uberiore quâdam explicatione indigere videbatur, ne quisquam existimaret, ex Augustini Sententia Clavium pote-

sta-

statem Ecclesiae primitiis, quam Petro datam esse. Quod secus est. Enim vero *huic Ecclesiae Claves Regni Coelorum datae sunt, quum Petro datae sunt*, inquit *idem S. Doctor de Agone Christiano c. 30.* Quae verba, nisi quis in alienum ea sensum detorqueat, idipsum aperte significant, quod modo ab aliis Patribus traditum accepimus, Ecclesiam per Petrum, non Petrum per Ecclesiam Claves accepisse. Quamobrem nemo melius Augustini mentem assequutus est, quam ejusdem fidelis aequae, ac tutus Interpretes *Thomas in 4. dist. 24. q. 3. a. 2.* „ Quamvis, inquit, „ omnibus Apostolis data sit communiter potestas ligandi, et sol- „ vendi; tamen, ut in hac potestate aliquis ordo significaretur, „ primo soli Petro data est, ut ostendatur, quod ab eo in alios „ debet ista potestas descendere „.

Antequam huic Capiti finem imponamus operae pretium fuerit nonnulla percensere, quae ut sunt suo loco sapienter a Febronio constituta, sic aptissima videntur ad illa praeccludenda effugia, quibus saepe ille deinceps a se ipso, suisque positionibus discedere nititur.

I. De Personis. Quemadmodum a Christo electi fuere Apostoli, sic agnoscit *ab Apostolis factas suorum Successorum, et Presbyterorum Ordinationes, et Deputationes*. Quod quidem apertis constare ait Scripturarum textibus, ac demum concludit: *Hi soli ex naturâ regiminis hujus sacri jus habent alios quosdam ad Ministerium Religionis ordinandi*. Ex naturâ itaque sacri regiminis a Christo instituti agnoscit, prodisse potestatem eam, quâ praediti Apostoli fuere in Sacrorum Ministris non ordinandis tantum, sed et deputandis; quippe non alio ex fonte profecto jure factas memorat ab Apostolis suorum Successorum, Presbyterorumve non Ordinationes tantum, sed et *Deputationes*; meritoque ad Ordinationem adjunxit jus istud deputationis faciendae, quâ nimirum legitima missio continetur. Quocirca *Tridentina Æcumenica Synodus Sess. 23. de Sacram. Ordinis Can. 7.* illos anathemate percellit, qui dixerint, *eos, qui nec ab Ecclesiasticâ, et Canonica Potestate rite ordinati, nec missi sunt, sed aliunde veniunt, legitimos esse verbi, et Sacramentorum Ministros*. In hac porro inmissione praecipuas esse partes Romani Pontificis, satis intelligitur *ex Can. 8.* „ Si quis dixerit, Episcopos, qui auctorita- „ te Romani Pontificis assumuntur, non esse legitimos, et veros „ Episcopos, sed figmentum humanum, anathema sit.

D

De

II. De modo potestatis illius exercendae haec docet p. 5. „

„ Quod si intueamur modum , quem in regendis Ecclesiis Apo-
 „ stoli servabant , apparet undique , illos egisse tamquam nihil
 „ tenentes a Corpore , sed plenam a Deo in universam Fidelium
 „ Societatem obtinentes Auctoritatem cum omnimodâ , absolutâ
 „ que ab illis independentiâ , quantum scilicet ad sacrum eorum
 „ Ministerium attinet „

III. Agnoscit , Gentium Doctorem , quum Apostolico suo munere fungeretur , non Ecclesiae , sed Christi Domini nomine potestate illâ usum esse sive in excommunicando , sive in absol- vendo incestuoso Corinthio . „ Non expectato multitudinis con- sensu sive tacito , sive praesumpto „ (quo plane revincitur Quesnelliana propositio 90. : *Ecclesia auctoritatem excommunicandi habet , ut tam exerceat per primos Pastores de consensu saltem praesumpto totius Corporis*) „ , sed ne Ordinis quidem Sacer- dotalis . . . convocat Fideles , non ut suam Sententiam con- firmet , sed ut illa maiore solemnitate executioni mandetur „

Quum ergo potestas illa , quam pro regendâ Ecclesiâ Chris- tus Apostolis concessit , in eorum Successores , fatente Febro- nio , eodem plane jure manaverit , fatendum quoque illi erit , qui- buscumque in rebus sive ad Fidem , sive ad Mores , et Discipuli- nam pertinentibus Apostoli eâ potestate proprio , Divinoque jure uti sunt , nec ab eâ utendâ legitime impediri potuerunt , jus , fas- que esse illorum Successoribus eisdem in rebus decernendis , et constituendis eâdem potestate utendi , prout deinceps latius ex- plicabitur .

IV. Exponens Febronius , quemadmodum intelligi velit , Claves Ecclesiae et uni Petro , et unitati simul a Christo ita concessas esse , ut unum non excludat alterum , profert inter alia , quod statuit *Haereticus Part. II. de Hier. Eccl. C. 5. §. 1. q. 2. „* „ Potestas Clavium data est Ecclesiae , hoc est Pontifici , et Epi- scopis ; et his quidem cum subordinatione ad Pontificem Petri „ Successorem „ Quum ergo huic Haberti Sententiae suam Feb- ronius adscribat , agnoscere illum oportebit , quam potestatem Christus Episcopis tradidit , eam fecisse Petri Successoribus obnoxiam . Inane igitur commentum est , quod aliis locis insinuare non veretur , primis Ecclesiae temporibus Episcopos suis in regen- dis Dioecesisbus plenariâ quâdam , et indefinitâ potestate potitos esse

esse. Quippe haec duo consistere nullo pacto possunt, ut eadem potestas et plenaria sit, et alteri simul superiori Potestati obnoxia.

P O S I T I O I I .

„ Claves datae sunt uni Petro, quatenus Ille Primatum, et
 „ Regiminis potestatem accepit a Domino; Idemque Personam
 „ totius Ecclesiae gerebat „

A N I M A D V E R S .

Explanationem hujusce Positionis aggreditur Febronius hisce verbis: „ Constans est, *inquit*, Patrum doctrina, quas Claves
 „ Christus Petro dedit principaliter, eas caeteris quoque Apo-
 „ stolis, et eodem quidem actu a Christo datas fuisse minus
 „ principaliter. Tautum non innumera sunt in hanc Sententiam
 „ eorumdem Testimonia, ex quibus pauca seligo „. Pauca reve-
 „ ra seligit, nec ea, tametsi apud Patres frequentissima, quibus
 „ principalis illa potestas in Petrum collata splendidius elucet.

Recte porro se habent, quae de interpretatione celeberrimi textus *apud Matth. c. 16. v. 18. Tu es Petrus, et super hanc Petram* eloquitur „ Etsi autem *Petram*, super quam aedificaturum „ se Christus Ecclesiam suam significat, alii quidem Christum „ ipsum; alii Fidem, et Confessionem Petri; alii denique cum „ Petro reliquos etiam Apostolos, et Discipulos interpretentur, „ perstat nihilominus, eâ interpretandi varietate nihil detrahi „ *litterali* interpretationi, cujus in disceptando praecipua ratio „ habenda est, quâ constat, Petrum in eâ Christi dispositione „ *peculiari quâdam ratione significari* „.

Sed insuper notandum, Doctores illos, aut Patres, qui varias illas interpretationes attulerunt, non propterea germanam, maximeque propriam ejusdem textûs significationem deseruisse; verum eâ omnino retentâ in alios quoque sensus, quos recondita, planeque mira Divini Verbi foecunditas abunde suppeditat, pro rerum, de quibus agebant, oportunitate intendisse. Hoc ipsum praeclare observat *Natalis Alexander laudatâ Dissert. 4. in 1. Saecul. §. 3.* nimirum „ S. Augustinum ipsum, et nonnullos

D 2

alios

„ alios Patres, qui haec verba, *et super hanc Petram*, ad Christum interdum referunt, non excludere aliam expositionem, quam ad S. Petrum convenientius referuntur a caeterorum Patrum Choro, immo utrumque sensum adstruere. „ Quod idem de aliis interpretationibus confirmat perspicuis in eam rem prolatis testimoniis.

Ad extremum haec Febronius adjicit non sine quâdam animadversione praetereunda: „ De quaestione, cui per se ipsum, „ et principaliter Christus Clavium potestatem consignaverit, „ ita ante duo Saecula, et amplius scripsit Martinus Azpilcueta dictus a sua Patriâ Navarrus, Romae Poenitentiarius, ibidem „ anno 1586. defunctus, in Cap. *Novit* de Judiciis, Notab. III. „ n. 84. Non est consilium in praesentiâ definire, cui principaliter Ecclesiae potestas fuerit a Christo collata, an toti Ecclesiae, „ an vero ipsi Petro, propter maximam illam discordiam Romanorum, et Parisiensium. Hi vero, quibus adhaeret Gerson, „ tenent, totam datam esse Ecclesiae, licet exercendam per „ unum. atque adeo in aliquibus saltem casibus Concilium esse „ supra Papam. Tum subjungit Febronius, hanc se quaestionem in medio relinquere.

Hic porro videtur non solum in medio quaestionem relinquere, de qua hic non agitur, num in aliquibus saltem casibus Concilium sit supra Papam, sed et in dubium, et discrimen vocare, quod paullo superius constanter, et aperte docuit, certissimisque auctoritatibus confirmavit, Claves Petro *principaliter* a Christo datas esse: Quin videtur et istud in quaestionem adducere, de quo nihil in allato Navarri testimonio, an Christus Petro *per se ipsum* Clavium potestatem consignaverit; quasi non per se ipsum Christus Petro dixisset: *Tibi dabo Claves*: et rursum: *Pasce Oves meas*: et insuper: *Confirma Fratres tuos*.

Neque vero est, quod in hac excitandâ dubitatione tueri se, ac tegere Auctoritate Navarri sibi blandiatur. Ait Navarrus, suum non esse consilium in praesentiâ quaestionem illam definire. Aperienda erat proinde praesentis ejus Consilii ratio. Nimirum, quum Ecclesiasticam potestatem definire aggressus esset Navarrus, propositum ipsi fuerat ejusmodi definitionem edere, quam nemo, qui Catholicus audire vellet, nec Almainus ipse inficiari posset. Ob eam causam abstinendum sibi duxit eo loco

ab

ab eâ disputatione , quae de superioris auctoritatis contentione , quod attinet ad Pontificem , vel Concilium , nonnullis in Scholis vertebatur ; nec adeo quaestionem attingendam , quae de subiecto Clavium prodierat non solum Romanos inter , et Parisienses ; sed et inter Parisienses ipsos , qui tamen plurimi ab Richerii errore longissime semper abfuerunt , quod forte Navarrus non satis caute animadverterat . Aliunde quid de totâ illâ contentione senserit Vir Religione non minus , quam doctrinâ , et eruditione praestans , intelligi potest ex his , quae scripsit 3. *lib. Consil. Tit. de his , quae sunt a maj. pat.* , videlicet Papam longe aliter praeesse Concilio Generali , quam Archiepiscopum Provinciali „ „ Quia , *inquit* , Papa praeesit ut Persona , in quâ residet tota „ potestas Ecclesiae ita , quod solus potest statuere quidquid cum „ Concilio posset „ *Quin et in hâc ipsâ Relect. in cap. Novit* , quae a Navarro pronunciata est An . actatis suae 55. in icyclytâ Conimbricensi Academiâ , testatur , quidquid dicturus est , eâ se mente dicturum , ut nolit vel transversum , ut ajunt , unguem secedere a Romanâ , quae una est omnium Magistra , Ecclesiâ .

Sed jam forte vereri caepit Febronius , ne quidquam a se praetermissum videretur , quod ad minuendam quoquo modo Pontificiam auctoritatem valere posset , majora deinceps hujusce sui studii , et animi exempla daturus . Caeterum quod ex illis Navarri verbis definire non audet , num Pontifex non aliter suam potestatem accipiat , nisi quatenus hanc Christus Ecclesiae toti contulerit , exercendam tamen per unum , in eo primûm suam inconstantiam prodit , qui paullo ante disertis scripturae testimoniis patefecerit , Apostolos in regendis Ecclesiis ita se gessisse , ut nihil se a corpore tenere plane ostenderent , suisque muneribus non Ecclesiae , sed Christi Domini nomine perfunctos esse : Deinde haec ipsa ejus inconstantia eo minus excusationis habet , quod Febronio , siquidem constare sibi voluisset , nulla metuenda controversia videbatur vel cum Doctoribus illis , qui Episcoporum potestatem suis in regendis Dioecesium non a coetu Fidelium , sed a Christo *immediate* repetunt . Quod enim isti omnibus indiscriminatim Episcopis ultro concedunt , ut a Deo *immediate* suam potestatem accipiant , hoc ipsum uni Romano Pontifici negare haud possunt ; eo vel maxime , quod singularibus Episcopis sua cuique portio Gregis non Divino , sed Ecclesiastico instituto assignata

gnata est; Petro vero, Ejusque Successoribus Grex totus Divina est institutione commendatus. Praeterquamquod qui a Christo immediate jurisdictionem Episcopalem repetunt, eam ipsam auctoritati Romani Pontificis obnoxiam, et subjectam confitentur; et proinde haec ipsa, cui caeteri Antistites Divino jure subsumunt, multo potiori ratione immediate Deo accepta referri debeat. Sed de his plenius infra dicitur.

POSITIO III.

„ Ecclesia est Societas hominum, in qua baptizati Fideles
 „ ex institutione Christi sub legitimorum Pastorum, ac praecipue
 „ Summi Pontificis regimine degunt. „

ANIMADVERS.

Definitionem Ecclesiae sapienter a V. Bellarmino propositam vindicandam cum Tournelio suscipit adversus Launojum.

Agnoscit in Ecclesia verum Regimen a Christo Domino institutum triplici constans potestate, *Judicatoria*, *Imperativa*, et *Coercitiva*.

Refellit propositam a Protestantibus definitionem Ecclesiae, qua dicitur *Societas aequalis ad colendum Deum secundum doctrinam a Christo traditam &c.* Ostenditque, haud aequalem dici posse Societatem, in qua ex Christi instituto alii sunt *Regentes*, alii *Parentes*.

POSITIO IV.

„ Hujus regiminis potestas a Christo instituta veram subjectionis, et obedientiae obligationem multitudini imponit. „

ANIMADVERS.

Perfectum Regimen tribus ex partibus coalescere docet, potestate nimirum *Legislatoria*, *Judicatoria*, et *Coercitiva*; confirmatque, triplicem hanc potestatem Christum Praepositis Ecclesiae contulisse, quam in rem aptissimis utitur Apostoli testimonio.

moniis ; tum addit „ Longum foret enumerare determinationes ,
 „ constitutiones , praecepta , et mandata alia ab Apostolis pro
 „ re natâ edita , quae in eorum epistolis prostant ; multo magis Ca-
 „ nones , qui ab Apostolorum Successoribus pro temporum va-
 „ rietate , et rerum exigentiâ in Synodis conditi sunt. „

Mox recitatâ Protestantium sententiâ , qui statuunt , transi-
 sisse quidem ab Apostolis in posteros docendi munus , non item
 ferendi leges , eorum errorem coarguit his verbis „ At quis non
 „ intelligit , sicut in nullâ aliâ , ita nec in Christianâ perpetuo
 „ duraturâ Societate sine Legislatoribus aequè parum pacem , et
 „ felicitatem Ecclesiae , ac sine Doctoribus sanam doctrinam Re-
 „ ligionis Christianae conservari , promoverique posse ? „

De judiciariâ potestate , quod attinet ad controversias Fidei ,
 ac Morum dirimendas , videtur sese Tournelii explicationibus
 magnâ ex parte accommodare voluisse .

Quod attinet ad coercendi , puniendique potestatem , agno-
 scit „ habere Ecclesiam , vel a se ipsâ , et vigore suae institu-
 „ tionis jus suos Fideles ad obedientiam cogendi , imponendi eis
 „ poenas canonicas , non salutes tantum , sed veras poenas spi-
 „ rituales mediis sententiis , et censuris , quas primi Pastores jus
 „ habent in Refractorios pronunciandi

„ Ex his concludit , non posse non agnosci , quod indepen-
 „ denter ab eâ parte jurisdictionis , quâ ex liberalitate Christia-
 „ norum Principum Ecclesia fruitur , ipsa etiam ex propriâ suâ
 „ substantiâ exteriorem , veramque jurisdictionem obtineat , quae
 „ includit potestatem in crimina inquirendi , Reos ad suum Tri-
 „ bunal vocandi , testimonia , et probationes recipiendi , senten-
 „ tias pronuntiandi , et spirituales poenas infligendi „ . At vero
 de toto isto genere poenarum Spiritualium , quarum infligendarum
 potestatem Ecclesiae concedit , deque parte illâ jurisdictionis ,
 quam Christianorum Principum liberalitati acceptam refert , quum
 non satis explicite mentem suam aperire voluerit , verba ipsa re-
 citabimus , quibus illam aut intelligendam , aut divinandam pro-
 posuit „ Quum igitur , *inquit* p.28. „ summum in Ecclesiâ coër-
 „ citionis genus excommunicatione , seu privatione juris Chri-
 „ stianae Societatis contineatur ; istiusmodi autem privatio ea
 „ dumtaxat bona spectet , quae a Societate istâ , quâ tali , pro-
 „ manant , regula iude velut suapte nascitur , quâ discernere ,
 „ quas

„ quas coercitiones Ecclesia jure proprio intentare valeat, atque
 „ dum aliquas facinorosis, ut ad frugem redeant, reipsâ infligit,
 „ quid in iis agat jure proprio, et Divino, quidve ex Principum
 „ Saecularium concessione, atque assistentiâ: ita Revm̃us Rau-
 „ tenstrauch Inst. jur. Eccl. sect. 1. &c. „

Quam vim huic regulae, quasi per transennam indicatae, tribuat Febronius, curiosius rimari non vacat. Tantum, ne aliquis in Spiritualium poenarum intelligentiâ nobis error objiciatur, notandum ducimus, poenas Canonicas, quae vel priorum Saeculorum usu invaluerant, inter eas a Febronio ipso enumerari, quas *vigore suae institutionis*, jure scilicet proprio, ac Divino Ecclesia valet infligere. Jam istud notissimum est, poenas canonicas, quae ipsis antiquissimis Canonum statutis decernuntur, tametsi spectato fine *spirituales* jure, ac merito dicantur, spectato genere ipso corporalem sane perperessionem, totiusque personae afflictationem quamdam inferre, quarum proinde infligendarum potestatem quisquis Ecclesiae volet abjudicare, illi erit cum Febronio ipso configendum. Et quamquam evenire queat, ut contumaces homines perferre illas detrectent, non propterea obligatione solvuntur, quâ jubenti Ecclesiae parere tenentur; siquidem, ut ad extremum docet Febronius, „ Legislariam, Judiciariam, et „ Punitoriam potestatem parendi, seu obediendi obligationem „ post se ex parte subjectorum trahere, sponte intelligitur. „

POSITIO V.

„ Propterea inter duodecim Apostolos unus (Petrus) electus est, ut Capite constituto Schismatis tollatur occasio. „

ANIMADVERS.

IN positionis hujusce confirmationem longum satis, nec a proposito alienum profert Barthelii testimonium, quod brevitatis causâ nonnisi ex parte referemus: Sic autem habet p. 34. „ Epi- „ scopi longe plurimi sunt in Ecclesiâ; quo autem plures sunt, „ eo citius inter multos reperiuntur contentiosi, pertinaces, scientiâ inflati, et Charitatis, vel etiam scientiae aedificantis expertes. Locorum intervallis per totum Orbem distincti raro in „ unum

„ unum coeunt adeo , ut non sit alia facultas cohibendi haereses ,
 „ et Schismata , utpote quae ut cancer serpunt , quam subordina-
 „ tio , et dependentia illorum ab uno , et primo visibili Capite ne-
 „ cessariâ , et extrinsecâ potestate eosdem in officio , ordine , et
 „ communione continendi instructo , sine quo alioquin multitu-
 „ do Episcoporum induceret confusionem , et saltem ad haereses ,
 „ Schismataque fovenda plus virium haberet , quam ad rectae fi-
 „ dei consensionem , et unitatem Religionis promovendam , et
 „ conservandam . Atque tota in eo conspirat veneranda Patrum
 „ antiquitas , et constans Ecclesiae Traditio , Primatum Petri ne-
 „ xum , et vinculum esse communionis Ecclesiasticae &c. ,

Ex his porro intelligere facile potuit Febronius , quam neces-
 se sit ad Fidei , Disciplinaeque conservationem , ut divisi per Or-
 bem Episcopi Supremi Capitis auctoritate regantur ; nec eam ver-
 bis tantum , et velut ad speciem observent , ac vereantur , quasi
 singulis Episcopis jus , fasque sit decreta , quae a Sede Apostolicâ
 eduntur iudicio suo subicere ; ac , prout ea magis , vel minus con-
 venire censerint , ex arbitrii sui sententiâ recipere , vel respue-
 re . Quam facultatem si singuli sibi Episcopi sumerent , nemo
 non videt futurum , ut ex eâ turpis illa confusio , totiusque ordi-
 nis perversio exoritura esset , quam non aliter praecaveri posse
 graviter monet Barthelius , nisi firma , et integra in capite ma-
 neat excellens illa potestas , quae singulos Episcopos in officio ,
 ordine , et communione contineat .

Primatus insuper necessitatem p. 36. Febronius vel ipsâ
 etiam illustrium inter A catholicos virorum , Grotii videlicet , ac
 Leibnitii confessione confirmat . Quo loco velim ipse cogitet ,
 num satis Catholicum Antistitem deceat , vix paullo maiora , et
 aegre quidem Summo Ecclesiae Pontifici concedere , quam quae
 isti A cathonici rei perspicuitate convicti ultro ei detulerunt .

Jam itaque Febronius hoc ipso loco , dum Romani Pontificis
 Primatum vereri se profitetur , hoc tamen monitum addendum
 censuit „ Summus Pontifex Ecclesiae Caput est , non a corpore
 „ independens , sicut Christus ; sed ejus sustentatione , ac ope in-
 „ digens , sine quâ suam firmitatem , vigorem , et dignitatem
 „ amitteret , quemadmodum Sixtus III. scribebat ad Episcopos
 „ Illyrici an. 437. apud Constant Col 1272. „

Verum , ne quid ambiguitatis hic relinquatur , notandum ,

E

quum

quum quis ab alio pendere dicitur, dupliciter id intelligi posse; vel quatenus alienae opis indiget, quemadmodum et Reges ipsi a subiectis Populis pendunt; vel quatenus alienae auctoritatis velut superiori obstrictus sit, quo pacto non Reges a Populis, sed Populi pendunt a Regibus. Quod homo quisque alienae opis indigeat, id quidem humanae conditioni sic conaeretur, ut ab eâ separari nullo modo possit: Hâc propterea indigentia laborare Pontificem, opusque habere ab Ecclesiâ sustentari, ultro fatendum. Quod autem hoc sensu ab Ecclesiâ pendeat, quasi ab Ecclesiâ auctoritatem suam mutuetur, id vero nullo pacto concedendum. Neque alia sententia ex allato Sixti III. testimonio elici potest. Primum quidem eo loci non loquitur Sixtus nominatim de Ecclesiae Capite; sed, posteaquam Illyrici Episcopos monuit, ut Anastasio Thessalonicensi, cui suas vices commiserat, reverentiam exhibeant, quae Capiti debetur, tum ea verba subjicit, quae sunt a Febronio relata, ex quibus non aliud colligi potest, nisi sublata subiectorum obedientia praepediri quidem posse auctoritatis exercendae facultatem, non ipsam vim auctoritatis imminui.

POSITIO VI.

„ Quisquis contra singularem Petri Cathedram aliam collocat, vel ab ejus communionem per obedientiae negationem recedit, Schismaticus est. „

ANIMADVERS.

Agnoscat, non pacto, non foedere, non ullo humano modo, sed Christi instituto factum esse, „ ut Beatus Petrus, et post illum „ in hac perpetua Ecclesiâ perpetuo quis adsit tamquam Caput visibile &c. „ Addit, „ tantam esse, tamque gravem obligationem, neminem in hac unitate vivendi, ut qui etiam injuste ab eâ praecisus non curat, ut in communionem recipiatur, separationem ex propria contumacia approbare censeatur; proinde veluti „ Schismaticus jure habeatur „. Tum prolato in hanc rem Nicolii testimonio rite perstringit eorum contumaciam, qui tamdiu patiuntur, se ab eâ unitate divelli „. Frustra igitur, *inquit*, nonnulli eo se se nomine purgari existimant, quod a communionem „ Se-

„ Sedis Apostolicae se non separaverint , sed ab ipsâ Sede ex-
 „ clusi , et separati fuerint , dum haec separatio ex eorum culpâ
 „ originem duxit , et pertinacia eorum in causâ est , ne in com-
 „ munionem recipiantur „ . Utinam aliquando huic gravissimo
 Febronii monito isti pareant , intelligantque , ad Christi Ovile non
 pertinere , qui Pastoris a Christo Praepositi vocem refugiunt , asper-
 nantur auctoritatem .

Demum Febronius eos pergit refellere , qui ad valorem ex-
 communicationis consensum Ecclesiarum desiderant . Quâ de re
 superius dictum est .

POSITIO VII.

„ Primatus non ordinis , inspectionis , ac directionis tan-
 „ tum est , sed verae auctoritatis , et jurisdictionis „

A N I M A D V E R S.

Scripserat Febronius *primo illo libro* , quem *de statu Eccle-
 siae edidit* , c. 1. §. xi. „ Principatum Summi Pontificis per univer-
 „ sam Ecclesiam non tam esse jurisdictionis , quam Ordinis , &
 „ consociationis „ Respuit hâc suâ positione dictum istud a Câ-
 tholico Dogmate nimium abhorrens , Romanumque Pontificem
 agnoscit , non honore tantum , ac dignitate , sed et auctoritate ,
 ac jurisdictione praecellere (a) .

E 2

Inter

(a) Qui Romano Pontifici collatum divinitus honoris Primatum conce-
 dunt , juris , & potestatis negant , quaerere ex his non alienum videtur ,
 num existiment , in eo constituendo Primatu Christum ad honoris gradum
 spectasse potius , quam ad munus , & officium Primatui adjunctum ? Quis
 porro putet , Christum , qui ministrare venit , non ministrari , voluitque , ut
 qui Major inter suos futurus esset , minor fieret , dum unum caeteris prae-
 posuit , de gradu honoris cogitasse , qui ad otiosam Personae amplitudinem
 dumtaxat pertineret , non de Vicariâ potestate , quâ universi Gregis uti-
 litati , salutique prospiceret ? Quid Ecclesiae profuisset enim praeponi , cui
 primae tantum salutationes deberentur ? At profecto non ea fuit ratio Prin-
 cipatus a Christo in Regno suo , quod est Ecclesia , constituti . Unum re-
 legit , cui claves commisit , quae , si potestatem significant in membris .
 qui-

Inter alia Primatûs jura istud initio commemorat „ quod
 „ mitterent Romani Pontifices subinde viros in Terras remotas,
 „ qui in Fidem inquirerent, et Primatis nomine, ac mandato
 „ de unitate aut servandâ, aut restituendâ invigilarent. Ejusmo-
 „ di Legatos, seu Nuncios (qui et Vicarii quandoque appellaban-
 „ tur) mittendi morem antiquissimum esse, & admodum fre-
 „ quentem „ pluribus monumentis demonstrat, concluditque „
 „ has Legatorum missiones, quando eas unitatis, ac fidei ser-
 „ vandae necessitas postulat, cum ipso Primatu originarie con-
 „ nexas quisque facile intelligit. „

Verum, quod non sine intimo doloris sensu dicere cogimur,
 in exponendis deinceps Primatûs juribus sive in hujus Positionis
 explanatione, sive in totius operis decursu sic versatur Febronius,
 ut ea non illustrare, sed obscurare potius, atque in angustum con-
 trahere, quoad posset, ac prope in nihilum redigere voluisse vi-
 deatur.

In dirimendis controversiis, quae ad Fidem, Moresve per-
 tinent, non aliud Pontifici tribuere videtur, quam ut ejus judicio
 velut *provisoria* magna reverentia debeat, et a particularibus
 Ecclesiis exhibeatur eo etiam sine, eâque auctoritate, ut latius
 non serpent errores, grassenturque haereses. Quâ in re licebit
 quidem Febronio Gersonii, aliorumve recentioris aevi patrocinio
 uti, non item remotioris antiquitatis praesidio, cujus tamen ille
 studiosissimum se profitetur. Sane, quum in duplici Orientalium
 dissidio, cuinam scilicet ex Antiochenis Episcopis esset communi-
 candum, atque utrum tres in Deo Hypostases, an una Hyposta-
 sis, et tres Personae dicendae forent, *Hieronymus* Damasi sen-
 tentiam his verbis efflagitabat. „ Obtestor Beatitudinem tuam, ---
 „ ut mihi Epistolis tuis sive tacendarum, sive dicendum Hy-
 „ po-

quibus communicantur, multo eam excellentiorem demonstrant in Capite³
 unum, cui Gregis sui et Oves, et Agnos pascendos tradidit: Unum, quem
 Fratres suos confirmare jussit. Quae munera omnem illam praestantem au-
 ctoritatem complectuntur, ac praeseferunt, sine quâ rite praestari nullo
 modo possunt. Quo satis intelligitur, non ita Petro, Petrique Successori-
 bus collatam a Christo Primatûs dignitatem, ut in insigni quodam honoris,
 velut in magni nominis umbrâ consisteret, sed ut potestatis praestantiam
 pro salutari totius corporis regimine institutam ipsa, ut par est, praestan-
 tia honoris comitaretur.

„ postaseon detur auctoritas : „ Facile quisque intelligit , sic ab eo requisitam fuisse Apostolicae Sedis auctoritatem , ut in eâ tamquam in veritatis oraculo firme , tutoque conquiesceret ; sic enim mentem ipse suam aperit *Epistolâ* 57. notissimâ (a). Sic dum *Basilus* ad *Athanasium* scribebat *Epist.* 69. his verbis ; quae recitantur a *Febonio* p. 46. „ Visum est mihi , ut scribatur *Epist.* „ scopo Romano , ut quae hic geruntur , consideret , et sententiam expromat „ , Putabimus , ab illis gravissimis , sanctissimisque Patribus non aliud expectatum fuisse , nisi pendens , et *provisorium* , quod nuncupant , iudicium , quod animos ut atea dubios , incertosque relinqueret ; non autem fixam , certamque sententiam , quae rem definiret , omnemque in posterum dubita-

(a) Edit. Vallars. 1. class. xv. ad *Damasum* , quem *Doctor maximus* rogat , ut sibi significet , an tres hypostases in Deo dicendae sint , vel tacendae ; et cum quo apud *Antiochiam* communicare debeat : „ Ego , inquit , nullum primum , nisi Christum sequens Beatitudini Tuae , idest Cathedrae Petri , communionem consocior . „ Praeclara verba , quibus ostendit Hieronymus ei , qui Christum sequi velit , necesse prorsus esse , ut Cathedrae Petri Communionem consocietur : simulque , dum ait , *Beatitudini Tuae , idest Cathedrae Petri communionem consocior* , plane significat , auctoritatem Cathedrae non in alio ab Hieronymo agnitam esse , quam in eo , qui Cathedram tenebat : quo patet , quam longe recedant a Patrum mente , ac Sententiâ , qui Cathedram se jungere moliantur ab eo , qui praest Cathedrae . Sequitur porro Hieronymus : „ Super illam Petram aedificatam Ecclesiam scio . „ Quicumque extra hanc domum agnum comederit , prophanus est . Si quis in Noë Arcâ non fuerit , peribit regnante Diluvio „ *At deinceps* „ Non novi Vitalem , Meletium respuo , ignoro Paulinum . Quicumque tecum non colligit , spargit : hoc est , qui Christi non est , Antichristi est . Et n. 5. „ Quamobrem obtestor Beatitudinem Tuam per Crucifixam Mundi salutem , per homousiam Trinitatem , ut mihi epistolis tuis sive tacendarum , sive dicendarum hypostascon detur auctoritas „ Quis non agnoscat eam auctoritatem hoc loco ab Hieronymo quaesitam , quae certum , fixumque iudicium contineret ? *Epist.* porro xvi. , alias 58. ad eundem *Damasum* „ In tres partes scissa Ecclesia ad se rapere me festinat . . . Ego „ interim clamito , si quis Cathedrae Petri jungitur , meus est ; Meletius , „ Vitalis , atque Paulinus tibi haerere se dicunt . . . ideo obtestor „ Beatitudinem Tuam , . . . ut mihi litteris tuis , apud quem in Syria „ debeam communicare , significes . „ Quibus verbis palam fit , de communionis necessitate cum Romano Pontifice non aliter Meletium , Vitalem , Paulinum sensisse , ac sentiret Hieronymus .

bitationem amoveret? Jure proinde Summus Pontifex Agatho non ad Sedis suae ostentationem, ut probe notat *Tournelius de Eccles. q. 3. art. 2.*, sed ad salutem publicam sic ad Imperatores scripsit: „ Petri adnitente praesidio haec Apostolica ejus Eccle-
 „ sia nunquam a veritatis viâ in quâlibet erroris parte deflexa
 „ est, cujus auctoritatem, utpote Apostolorum omnium Princi-
 „ pis, semper omnis Catholica Christi Ecclesia, et universales
 „ Synodi fideliter amplectentes in cunctis sequutae sunt; omnes
 „ quae Venerabiles Patres ejus doctrinam amplexi. „ Alia priscis e
 „ Saeculis petita ejusdem veritatis monumenta deinceps suo loco
 „ proferentur.

Hanc tot aetatum decursu delapsam ad se Patrum Traditionem collegit *Bernardus*, hisque verbis complexus est *Epis. 190. ad Innocentium* „ Oportet ad Vestrum referri Apostolatam peri-
 „ cula quaeque, et scandala emergentia in Regno Dei, ea prae-
 „ sertim, quae de Fide contingunt. Dignum namque arbitror,
 „ ibi potissimum resarciri damna Fidei, ubi non possit Fides
 „ sentire defectum. „

Pergit *Febronius p. 48.* „ Si privatis Ecclesiis Judicio Sum-
 „ mi Pontificis non acquiescentibus mota controversia magis inar-
 „ descit, uti contigit in causâ Nestorianorum, Monothelitarum,
 „ Protestantium ita, ut malo levando unicum super sit Generale
 „ Concilium, tum ad praecipuum Romani Pontificis munus per-
 „ tinet cura, et opera, ut ex universo Orbe Episcopi Catholici
 „ convocentur sub Hierarchico ipsius praesidio ortas in Fide, et
 „ Moribus controversias ultimato, et inerrabili judicio decisuri:
 „ de quo nos infra ec. „

Ambigua sane oratio, ut mitius loquar. Aliud est agere de subortis erroribus efficaciter comprimendis: aliud de iisdem damnandis, controversiisque Fidei, ac Morum certo, nec errori obnoxio judicio dirimendis. Quod ad grassantis haeresis incendium restinguendum praesentem opem, eamque opportuniissimam Concilii Generalis convocatio asserre quandoque valeat, facile id quidem dabitur. Quod vero evenire aliquando possit, ut citra Concilium error plane damnari, & suborta controversia de re ad Fidem, aut Mores pertinente *ultimato*, nec errori obnoxio judicio definiri nequeat, id vero a Catholico Dogmate abhorret plurimum.

De

De Legum ferendarum potestate sic statuit *Febronius* p.48

„ Porest itaque Pontifex pro Canonum executione , et observan-
 „ tiâ Leges condere , quas Episcopi tum solum non tenentur re-
 „ cipere , si particularium Ecclesiarum necessitas , vel evidens
 „ utilitas contrarium suadeat . „

Duo hic notanda sunt ; primùm , condendæ legis potesta-
 tem non aliter , nisi pro urgendâ Canonum observantiâ Pontifici
 concedi : Alterum , Episcopos Pontificiis hisce legibus latis pro
 Canonum observantiâ tum solum teneri , si quidem particularium
 Ecclesiarum non repugnet necessitas , vel evidens utilitas .

Sed i. non minorem Pontificum Decretis , quam Canonum
 Statutis vim inesse , tota sane antiquitas agnovit . Equidem per-
 petua hæc laus fuit Apostolicæ Sedis , ut sanctissimas Patrum
 Regulas et ipsa coleret summo opere , et ab omnibus servari diligen-
 tissime curaret . Quo pertinet *Cælestini* dictum apud *Constant*
Praef. num.41. Dominentur nobis Regulae , non Regulis domine-
mur . Simus subjecti Canonibus , quum Canonum praecepta serva-
mus . Sed ne verbis illis putaretur Cælestinus , minorem vim tri-
 buisse Pontificum Decretis , quam Canonum Statutis , continuo
 monet *Petrus Constant num.42. , inter eas regulas , quibus non*
dominari , sed subesse vult Cælestinus , reponere ipsum non modo
Synodorum Canones , sed Romanorum etiam Pontificum Decreta .
 Siquidem Cælestinus , ut rite Constant pergit animadvertere ,
 „ duo hæc sane commendat , quum ait , *nulli Sacerdotum suos*
 „ *liceat ignorare Canones ; nec quicquam facere , quod Patrum*
 „ *possit regulis obviare : ,* praesertim quum id proxime adjungat ,
 „ *Quae enim a Nobis res digna servabitur , si Decretalium nor-*
 „ *ma Constitutorum pro aliquorum libito licentiâ Populis per-*
 „ *missâ frangatur ?* Quâ in re videtur exemplum sibi sumsisse ex
 „ Aricio , qui postquam Himerium Tarraconensem *ad servandos*
 „ *Canones , et tenenda Decretalia Constituta cohortatus est ,*
 „ *generale illud effatum pronunciat : Statuta Sedis Apostolicæ ,*
 „ *vel Canonum venerabilia definita nulli Sacerdotum Domini*
 „ *ignorare sit liberum .* Unde manifestum est , piissimis illis
 „ Pontificibus persuasum fuisse , Episcopos omnes non minus Apo-
 „ stolicæ Sedis Decretorum , quam Synodicorum Canonum scien-
 „ tiâ instructos esse oportere . „ Id ipsum probat insuper , quum
 celebri Gelasii testimonio , tum maxime Leonis Magni Decreto ,
 cujus

cujus intelligentiam egregie idem Scriptor vindicat adversus famosum Editorem, qui dum Leonis dictum. (Verba sunt Coustantii) „ ad suam de Codice Canonum a se vulgato sententiam accom- „ modare vult, ita id interpretatur, ut Lectoris animum a genui- „ no Leonis sensu longissime abducatur „.

2. Loquitur allato loco Febronius de Legibus, quas condant Pontifex pro Canonum exequutione, & observantiâ. De his autem sic statuit, tum solum Episcopos non teneri eas recipere, *si particularium Ecclesiarum necessitas, aut evidens utilitas contrarium suadcat*. Proinde non ipsa solum lex Pontificia, sed et Canones, quorum urget ea exequutionem, et observantiâ, cuiuslibet singularis Episcopi iudicio subduntur; eique permittitur, ut de Canonibus, quos vel Synodus Generalis ediderit, pro suâ prudentiâ judicet, num recipere illos, vel repudiare debeat. Repetat quæso memoriâ Febronius (quos sane familiares habet) Synodorum pene omnium Canones, videatque, num in eis præsertim, qui primis sæculis prodierunt, vestigium extet ejus arbitrii, quod allato loco singularibus Episcopis tribuit; an non potius ipsæ Synodi pro suo jure, et imperio decernant, ac præcipiant, quid ab Episcopis sibi subjectis servari omnino velint poenis etiam indictis adversus eos, qui conciliare statutum aut servare neglexerint, aut violare præsumserint. Quis non videat, si aliquando jus, fasque sit Episcopis latas a Pontifice, vel Concilio leges pro suo arbitrio amplecti, aut respuere, omnem superioris auctoritatis aciem hebescere, nihilque superesse, quo fusi per Orbem Episcopi efficaciter in ordine, et officio contineantur? quod si desit, nec supremâ Capitis Ecclesiæ auctoritate præstetur, sædam prorsus orituram in Ecclesiâ rerum omnium perturbationem, confusionemque prudenter paullo ante monuit Balthelius.

Pag. 49. agit Febronius de jure, quod habet Pontifex, supplendæ Praelatorum negligentia; tum adjungit „ In hoc consistit jus *Devolutionis*, non in præcipiendis juribus Ordinariorum, aut eorum functionibus, quum ipsi eas exequi possunt, „ et volunt, occupandis. Est autem jus illud *Devolutionis Synodici*, quo lædi minime debent jura *Devolutionum intermediorum* Praelatis Pontifice inferioribus competentia „.

Videtur hoc loco Febronius negare, fas esse Pontifici jure ordi-

ordinario; seu aliter, quam pro 'supplendâ Prælatorum negligentia singulis in Dioecibus munia exercere, quæ propria sunt Pastoralis officii, quod idem est, ac velle supremo Ecclesiae universae Pastori universale jus pascendi eripere. Atqui tamen constat, Christum Petro, et in Petri Personâ Successoribus ejusdem Romanis Pontificibus jus istud pascendi et universale, et *immediatum*, ut vocant, contulisse.

Dico *Universale*. Quâ de re luculentum extat, ac celebre Bernardi Testimonium superiorum ætatum constantem Traditionem complectens *l. 2. de consider. c. 8.* „ Habent illi assignatos „ Greges, singuli singulos: Tibi universi crediti, uni unus. „ Nec modo Ovium, sed et Pastorum omnium tu unus Pastor... „ Oves meas, inquit. Cui non planum, non designasse aliquid, sed assignasse omnes? Nihil excipitur, ubi distinguitur „ nihil... „

Dico *immediatum*. Et sane *Febronius ipse Posit. 36. p. 227.* statuit, *primitus indivisum fuisse Episcopatum: Poterat* (addit ille) *quilibet Episcopus ubivis terrarum suam libere exercere potestatem*. Quod quidem, si de facto agitur, quam verum sit, in præsentia non disputo. Certe notum est, ab Apostolis Jacobum in ipsis nascentis Ecclesiae primordiis Hierosolymis præpositum fuisse; prætereaque alios aliis in locis constitutos Episcopos Actus Apostolorum, Pauli Epistolæ, et Johannis Apocalypsis abunde testantur. Quod si ad jus quaestio revocatur, non contendet Febronius, eam potestatem, quam putat, Episcopos libere ubivis terrarum primitus exercuisse, non fuisse Petri potestati subjectam. Quod si negaret, et cum Catholico Dogmate, et secum ipse confligeret. Quis proinde negaverit, quod quilibet Episcopus ubivis terrarum libere faceret, non idipsum pleniori, firmitorque jure Petrum, Petrique Successores facere potuisse?

Sed quod ad singulos Episcopos attinet, illud fortasse Febronium fefellit, quod a Petavio notatum superius retulit, nimirum Episcopos prius designatos, quam Ecclesiae Corpus coaluisset. Verum aliud est, quod Episcopi ante designati fuerint, quam certis Gregibus assignati, quod unum ex Petavii dicto elicitur: aliud, quod ii Episcopi ubivis terrarum libere suam potestatem exercere possent, quod, ut mox videbimus, nullâ firmâ ratione nititur, certisque aliunde antiquitatis monumentis adversatur.

F

Equi-

Equidem *Natalis Alexander Dissert. 4. in 1. sec.* id Episcopis tribuit, ut necessitate urgente etiam extra suas Dioeceses „ Ecclesiae subveniant in locis, quae Catholico Episcopo destituta „ sunt salvâ semper, et in omnibus Romani Pontificis auctoritate, quam Divino Jure, et immediate a Christo institutam, „ et acceptam obtinet „. Sic enim *Natalis* suam ipse mentem explicat *Schol. 3.*, ostenditque, hoc differre facultatem illam, quam necessitatis, charitatisque causa Episcopis tribuit, ab eminenti jure Summi Pontificis, quod „ Romanus Pontifex summam „ habeat, eamque *ordinariam* in Ecclesiâ universâ potestatem, „ et auctoritatem, quam non extraordinariis dumtaxat casibus „ (nec ideo pro supplendâ tantummodo Praelatorum negligentia), et Ecclesiae periculis, sed semper exercere potest, et „ in Fideles universos, et in ipsos Ecclesiae totius Episcopos, „ quia *Pastorum omnium unus est Pastor* „. Quae verba doctus Scriptor exscripsit ex S. Eucherio Lugdunensi, sive alio antiquo, ut ille putat, Episcopo Gallicano (*a*) *serm. de Nat. SS. Apostolorum*

(a) Adscribit haec verba *Natalis Alexander* (cit. *Dissert. §. 1. n. 4.*) S. Eucherio Episcopo Lugdunensi, seu alteri Episcopo Gallicano antiquo in *Sermone de Natali SS. Apostolorum Petri, et Pauli, qui cum aliis sub nomine Eusebii Emisseni falso circumfertur*. Equidem Homilias olim sub Eusebii Emisseni nomine vulgatas Brunoni Astensi potiori jure tribuendas multis est argumentis patefactum egregiâ Praefatione in hujus Commentaria in IV. Evangelia, quae an. 1775. Romae curâ, et studio Esmi de Zelada in lucem prodierunt. Sed quod attinet ad Eucherium, monet *Natalis Alexander* de Scriptoribus Ecclesiasticis Sec. 5. art. 20., duos esse distinguendos Eucherios, unum seniores, Juniores alterum, utrumque Episcopum Lugdunensem; illum quinto, istum sexto seculo floruisse; additque „ Quin „ aliqua ex Homiliis illis, quae sub Eusebii Emisseni nomine circumferuntur, sint Eucherii Senioris, nullus dubitat „. Caeterum memoratus locus disertis verbis extat apud Brunonem *Comment. in Johannem tom. 2. pag. 604.* Insigne plane documentum vigentis eo aevo doctrinae, quam ex Superiorum Patrum traditione acceptam retulit Vir ille Sapientiae, ac Sanctitatis laude clarissimus. Nec enim, ut praeclare animadvertit praestans Auctor laudatae Praefationis pag. XV, „ novis sive interpretationibus effendis, sive sententiis cudendis Scriptor hic allaborat; sed antiquiorum „ floribus veluti decerpendis, probatissimis scilicet explicationibus, institutionibus, documentis, effatis „. Quo semper magis elucet successio „ doctrinae a primis saeculis per medium aevum ad nos deductae „.

rum Petri, et Pauli: Pastorem Pastorum eum constituit. Pascit igitur Petrus Agnos, pascit et Oves; pascit Filios, pascit et Aliteros; regit subditos, et Praelatos. Praeiverat Johan. Chrysost. homil. 55. in Matth. = Hicremiam uni genti Pater, hunc autem universo terrarum Orbi Christus praeposuit. Hinc in magnâ Lateranensi Aecumenicâ Synodo sub Innocentio III. splendide jus idem universale in omnes Ecclesias Romanae Ecclesiae assertum est, quae, ut habetur c. 5., disponente Domino super omnes alias ordinariae potestatis obtinet Principatum, utpote Mater universorum Christi Fidelium, et Magistra.

Haec sane universalis Ecclesiae regendae ordinaria potestas ab ipsius Ecclesiae ortu splendide in uno Petro emicuit. Post Christi Ascensum in Coelum, quum tota in Coenaculo collecta esset Ecclesia, unus eidem Petrus praefuit, atque in locum Judae alium sufficiendum curavit, quod ipsum proprio jure per sese praestare potuisse, luculentissime testatur S. Johannes Chrysostomus (a). Auctam suis primis concionibus Ecclesiam regere idem perrexit summâ semper, et ubique praesenti auctoritate usus si-
ve in judicio Ananiae, et Saphirae, si-ve in invisendis Ecclesiis, quae post dispersionem multis locis per finitimas Regiones constitutae fuerant, quam peragrationem in *Actis Apostolorum cap. 9.* notatam facile quisque intelligit, non merae urbanitatis, sed pastoralis officii causâ esse susceptam; si-ve inde c. 10. quum genti-

F 2

lita-

(a) Verba sunt Chrysostomi Comment. in Acta Apostolorum Homil. 3. in Cap. 1. n. 2 „ Quid ergo? an Petrum ipsum eligere non licebat? Licebat utique; Sed re videretur ad gratiam facere, abstinere. „ Paulo ante dixerat n. 1. „ Utpote fervens, cui Grex a Christo concreditus erat, atque „ ut primus in Choro, primus sermonem orditur. „ Et inferius num 3. „ Primus auctoritatem habet in negotio, ut cui omnes commissi fuissent. „ Huic enim Christus dixerat: *Es tu aliquando conversus confirma Fratres tuos.* Primus ergo Petrus non Ordinis tantum gradu, sed et Capituli praestanti dignitate, atque auctoritate, utpote cui et Grex a Christo, et omnes sine discrimine commissi fuissent.

Pastoralis hujusce muneris, ac sollicitudinis in omnes Ecclesias extendentem sese auctoritatem praeclare confirmat Chrysostomus ex hac ipsius Petri Peregrinatione, quae refertur act. cap. 9. v. 31., quem in locum haec habet Homil. 21. num. 2. „ Quasi Dux circuibat Ordines considerans, quae pars esset coadunata, quae ornata, quae sul praesentia egeret. . . . „ Ubi periculum est, hic adest, et ubi quaedam dispensanda sunt. „

litem totam ut in Ovile, sic in fidem suam recepit, quum nimirum jussus est Divinitus Cornelius Petrum arcessere, simulque ipsi, et in ipso gentilitati toti imperatum, ut a Petro acciperet, quid ipsum facere oporteret.

Constat itaque, in ipso Christianae Religionis exortu totam Ecclesiam sub universali, et immediato Petri Regimine collectam constitisse. Subinde divisi Episcopatus; suos cuique Gregi Pastor assignatus; et id quidem Ecclesiae instituto, ut fatetur Febronius. Quae sane peculiaris assignatio Ecclesiae instituto induta nil detraxit, aut detrahere potuit de primaevâ illâ generali assignatione, quâ Christus ipse universum Gregem ei commisit, cui suas universe Oves, suos universe Agnos pascendos commendavit.

Quin et alii Apostoli, dum in Ecclesiis, quas per diversa loca fundabant, Episcopos constituiebant, non propterea potestate se abdicabant obeundorum in eisdem pastoralium munerum. Colligitur id ex act. c. 15. „Post aliquot autem dies dixit ad Barnabam „Paulus: Revertentes visitemus Fratres per universas Civitates, „in quibus praedicavimus verbum Domini, quomodo se habeant; „Tum ex cap. 20. „A Mileto autem mittens Ephesum vocavit Ma- „jores natu Ecclesiae. „Sic etiam, quum idem Apostolus Titum reliquit Cretae, ut Pastores per Civitates constitueret, et quae deessent, corrigeret, non sibi, aut ipsimet Tito Pastorale Officium in eis Civitatibus interdicebat. Scite propterea in hanc rem *Thomassinus p. 1. l. 1. cap. 6. n. 20.* „Quum particulares ab „initio conderentur Ecclesiae, Apostoli, ut mea fert opinio, „qui earum Fundatores, et Parentes erant, non ita transcribe- „bant in Episcopos eam auctoritatem, quam sibi creatione hâc „spirituali pepererant, ut eâ se ipsi spoliarent. „*Additque* „Atqui sola Apostolica Sedes Petri universalem hanc haereditatem adivit Apostolorum. „

Itaque in eâ temporum vetustate amplissima se prodit primarium Sedium in inferiores auctoritas, & jurisdictio. Viguit veropotissimum haec potestas in Alexandrinâ Sede, et Antiochenâ, utpote quae a Petro institutae fuerant, et a quo praecellentem illam auctoritatem manasse, indubitatis monumentis ostendit idem Thomassinus, ut proinde minime mirum videri debeat summum illarum Sedium obsequium erga Romanam Sedem, e cujus Divi.

Divino Primatu Ecclesiasticum suum Primatum fluxisse agnoscere, ut invicte alio loco demonstravimus.

Quam late pateret Episcopi Alexandrini in subjectos Episcopos auctoritas, quum perspicuo Epiphaniî testimonio, tum Epistolae Synodi Nicenae ad Alexandrinam Ecclesiam confirmat doctus Abbas Baebinius, quibus recitatis concludit de Eccles. Hierar. Orig. pag. 363. horum tenore manifestè constare, omnia Alexandrini Episcopi nutu peracta in quibuslibet Ecclesiis, aut Provinciis. Eiusdem auctoritatis primarum Sedium in subjectos Episcopos argumentum suppeditat etiam Canon 33. inter Apostolicos, quibus primaevae disciplinae lineamenta in plerisque repraesentari Eruditi consentiunt. „ Episcopos uniuscujusque gentis nosse oportet „ eum, qui in eis est primus, et existimare ut Caput; et nihil facere, quod sit arduum, aut magni momenti praeter illius sententiam. „ Non ignorat Febronius, quam multa in rem eandem suppetant documenta, quibus abunde refellitur, quod ille semel, ac iterum insinuare aggressus est, Episcopos ab initio indefinitâ quâdam, ac plenariâ potestate suis in Dioecesibus regendis usos fuisse, quum aliunde constet, hanc potestatem multis in rebus restrictam fuisse non Canonum tantum statutis, sed et illâ pleniori auctoritate, quâ primarum Sedium Episcopi, qui subinde Patriarchae, Exarchiae, Metropolitae dicti sunt, in inferiores sibi subiectas Ecclesias utebantur.

Et quidem quum excellentior haec auctoritas, quâ potiebantur Antistites, qui praecipuis illis (peculiaribus tamen) Sedibus praeerant, non Divino, sed Ecclesiastico instituto niteretur, haud mirum, non eam semper eodem gradu constituisse, sed pro temporum, ac disciplinae varietate, prout Ecclesiae utilitas postularet, amplificari subinde, aut restringi Canonum statutis potuisse. At potestatem a Christo datam quae humana potestas coercere unquam potuit? Quis unquam Catholicus fas sibi esse putaverit, aliquam Christi Ovem ex ejus curâ subtrahere, cui omnes univere Oves suas pascendas Christus commisit? Quis Pastor Catholicus, dum recogitat, a Christo dictum Petro fuisse: *Pasce Oves meas*, Christi voci obstrepere audeat, ac dicere: Nolo hanc Ovem a Petro pasci, nisi dum eam Ego pascere neglexero; vel nisi mihi ejus pascendae facultas, aut voluntas defuerit?

Quae etsi perspicua sunt per sese, placet ea tamen praestantis

tis insuper viri (quem Febronius magni facere solet) auctoritate, ac testimonio comprobare. Is est *Thomassinus*, cujus haec sunt verba *p. 1. l. 1. c. 6. n. 9.* „ Convenit Theologis, et Canonistis, Apostolis a Christo infusam plenitudinem potestatis Spiritus ritualis, cui limites praefigere nefas sit ullos: Episcopos autem, etsi in Sedes Apostolorum evecti sint, non tamen in plenissima hujus, et universalis potestatis totam amplitudinem vocatos omnes esse: Unam Petri Sedem interminatam hanc, et universalem auctoritatem cumulatam esse, quam pollebant Apostoli, et Petrus maxime, cui ea obtigerat cum singularis abundantiae privilegio. „

Et *num. 11.* „ Quin ex historiarum omnium testificatione constat, quocumque demum se contulerint Pontifices, velut propria in Ecclesia versatos esse, atque ut Summos Pastores, quibus Ovile suum credidit totum Christus. „

Num. 17. Laudato Betrando Augustodunensi Episcopo subjicit „ Quae tunc sane esset Gallicanae Ecclesiae sententia, licet quidissime hinc, certissimeque exprimi potest. Hanc ergo primam doctrinam adstruit velut a Leone Papa, et a reliquis Patribus constitutam, Petro datas esse, Petrique Successoribus Claves, per quos aliis deinde Praesulibus consignentur. Origo hujus potestatis fuit a Deo immediate, videlicet a Christo tradente eam certae Personae, scilicet Petro pro se, et suis Successoribus, a quibus in alios derivatur. *Addit*, hanc potestatem comprehendendi universaliter omnes et Regionem, et Fideles, qui Pontifici Summo universi non minus morigeri esse debeant, quam privato quisque Pontifici suo. „

Num. 18. „ Non abs re erit id adnotare, quam tum doctrinam propugnabat Illustrissimus Ecclesiae Gallicanae Patronus, eandem postea amplexatos esse Gersonium, Alliacensem, Almainum, Majorem, et coeteros Scholae Theologicae, et Parisiensis Lumina, quorum minime suspecta fides est; quos denique, nisi valde Hospes, causari potest nemo, amplificandae Romanorum potestati Pontificum plus aequo studuisse. „

Superius Thomassinus notaverat *num. 14.* „ Gersonium pro errore habuisse, quod Papa non est immediatus Praelatus omnium Fidelium; nec Sponsus Ecclesiae Universalis, sed solus Romae; alioquin quolibet Ecclesia Cathedralis haberet duos Sponsos, *Papam*

pam, et Episcopum. Huic porro absurdo, quo error ille nitebatur, nimirum fore, ut quaelibet Ecclesia Cathedralis duos Sponsos habitura esset, occurrebat Gersonius comparatione ductâ ex Parochis, quorum proprias functiones dum explet Episcopus, non propterea duo in unâ Ecclesiâ Parochi censentur. Sane id absurdum sequeretur, ubi duo aequali auctoritate Antistites eidem Gregi praessent; non ubi duo praesunt, quorum unus minori auctoritate pollens majori alterius auctoritati subjicitur.

Equidem Gersonius Papae immediatam auctoritatem in singulis Ecclesiis coercere aliquâ ex parte videri poterat, quod statueret, eam *licite* non posse Pontificem sine justâ causâ exercere, hoc principio scilicet ductus, non omni culpâ vacare quidquid nullâ justâ causâ suscipitur. Sed hic, ut advertit Thomassinus, non jam de potestate ipsâ (quod attinet ad valorem actûs), sed de licito usu potestatis controversia instituitur; quae quaestio est alterius plane generis. Caeterum in dijudicandâ causae justitiâ, vel convenientiâ potiores esse partes Summi Pontificis, nemo jure in dubium vocaverit exemplum sequutus Majorum, qui (ut etiam notat Thomassinus n. 15.) subortâ perplexitate de utilitate Ecclesiae cesserunt ut plurimum Capituli auctoritati, et sapientiae; eique se commiserunt, etsi non satis intelligerent, quae rationis momenta Pontificem moverent: Idque in Epistolis Bernardi luculenter emicare subjungit.

Non ejus indolis sunt, quae habet *Febronius* p. 52. „ Observe-
 „ vant quoque Theologi, praesertim Germaniae, nihil aeque abs-
 „ terrere Protestantes a reunione, et regressu ad Sinum Matris
 „ Ecclesiae, quam frequentes illas non necessarias, nec admo-
 „ dum utiles invasiones in jura, et Dioeceses Episcoporum. Au-
 „ diendus hic Thomassinus p. 1. l. 1. c. 6. n. 1.: *Si qui* (Romani
 „ Pontifices) *evagati sunt ultra hos modestiae limites, id obli-*
 „ *gione, et silentio opprimi conducibilis est, ut ex quo nihil*
 „ *argumenti elici possit, nihil adjumenti ad posterorum mores*
 „ *regendos.* „

Haud decebat Febronium veterem illam, planeque ineptam criminationem refricare, quam praestantes Germaniae Theologos assensu inquam suo comprobavisse, adduci non possum, ut credam. Vigent adhuc, (quis nescit?) Protestantium veteres quere-
 lae adversus Romanam Sedem. At numquid modestiores fuere.

aut

aut sunt erga Œcumenicum Concilium , ejus tamdiu patientiam , lenitatem , mansuetudinem defatigarunt ? plena Charitatis monita , hortationesque contemserunt ; auctoritatem aspernati sunt ; Decreta , Definitionesque contumeliose irriserunt ? Sed horum pervicaciæ alia est causa non latens , aut obscura . Præpostera libido de rebus ad Religionem pertinentibus proprio arbitrato , seu *privato spiritu* decernendi ea est , quæ apud istos obstinatam peperit in auctoritatis contemptu pertinaciam , et in novis semper pariendis erroribus perpetuam levitatem , et inconstantiam .

Neque hic erat producendus Thomassinus . Non ille frequenter istas commentitias *invasiones* memorat , quibus Romanam Sedem in odium , et invidiam adducat . Nimirum absunt ab ejus hominis modestiâ voces istæ plenæ convicii , et acerbæ in Apostolicam Sedem malevolentiaæ indices . Id unum innuit , si quid in dissidiis , quæ nonnunquam Pontifices inter , et subjectos Præsules exarserunt , illos contigerit , aliquando extra modestiæ limites evagari , hoc ipsum silentio , et oblivione obruendum . At quod hæc sit potissima causa , quæ Protestantes a reditu in Sinum Matris Ecclesiæ deterreat , nec ille dixit aliquando , nec in religiosum ejus animum tam absona cogitatio cadere unquam potuit .

POSITIO VIII.

„ Primatus perpetuus est in Petri Successores Romanos Pontifices jure Divino transiens „ .

POSITIO IX.

„ A Romanâ Sede ad aliam transferri Primatus nequit „ .

ANIMADVERS.

Diversas recenset de hæc re sententias ; Et primum quidem , quam statuit *Benedictus XIV. de Syn. Dioec. lib. 2. c. 1. §. 1.* , cui meritò videtur , sustineri non posse illorum opinio , qui Primatus connexionem Sedi Romanæ ita esse de jure humano contendunt , ut possit ab Ecclesiâ dissolvi . „ Quare , inquit , jure „ ac

„ ac meritò ejusmodi paucorum opinionem refellunt Melchior
 „ Canus, Gregorius de Valentia, alique non pauci Theologi etc.

Deinde sententiam profert Febronius D. Rau tenstrauch, scilicet „ Quamdiu praeter merum Petri factum nihil profertur
 „ amplius, non satis nexus ille Primatus cum Sede Romana jure
 „ Divino necessarius intelligitur, ut neque adeo sit, cur Eccle-
 „ siae pro eà, quâ pollet in administrando Imperio Sacro pote-
 „ state, jus electionis libere attribui isti non debeat „.

Affert demum doctissimi Viri Petri Ballerini opinionem, qui, *hanc translationem ab Ecclesia fieri posse negant, eandem a Pontifice perfici posse non abnegat.*

His recitat opinionis libertatem tribuit legenti, quo non parum Positionis suae firmitatem labefactat: Aliquale tamen suum judicium interponit, nimirum „ Etsi forte in sensu absoluto Pri-
 „ matus aliò transferri valeat, id tamen in sensu morali fieri ne-
 „ quaquam debere; proinde nec, juridice loquendo, posse, „. Multas in hanc rem tot Saeculorum decursu, saepeque repetitas occasiones profert, quae de transferendâ Primatus Sede cogitationem aliquam injicere potuissent; Ethnicorum Imperatorum saevitiam in Romanum Sacerdotium; Gothorum invasiones, itemque Longobardorum; tumultuantis identidem Plebis Romanae in Pontifices violentiam, quae haud raro eosdem abesse coegit; longam per septuaginta annos Pontificum in Civitate Avenionensi per mansionem, quin Sedem Apostolicam ab Urbe separarint. Quum igitur tot, tantisque oblati occasionibus nunquam cogitatum fuerit de transferendâ Petri Cathedrâ, *haud obscure colligitur, Ecclesiam unâ cum Pontificibus judicasse, id Divinae Voluntati minus futurum conforme.* His addit justum metum a periculo Schismatis, ac demum auctoritatem *Nicolai I. Epist. 8., quae est ad Alibaëlem Imperatorem:* „ Privilegia illius Sedis, vel Ecclesiae perpetua sunt: Divinitus radicata, atque plantata sunt: Impi-
 „ gi possunt, transferri non possunt: Trahi possunt, evelli non
 „ possunt „.

Profecto nil erat causae, cur minus firme Febronius in gravissimâ, verâque omnino Benedicti XIV. sententiâ permaneret. Unum illud, quod contra facere videtur, nexum Primatus cum Romanâ Sede ex Petri facto pendere, nullius omnino momenti est. Multa quippe sunt, quae ut sint, et existant, factum

humanum praerequirunt : statim autem , atque facto humano prodierunt , Divino plane jure sanciantur . Facto humano incuntur foedera Nuptiarum ; quis propterea neget , a Deo plane conjungi , qui sponte , ac libere in hanc legitimam , et individuum societatem coeunt ? Quod Baptismus conferatur , factum est humanum ; quod per Baptismum rite susceptum Christianae quis Militiae indelebili caractere adscribatur , jus est , institutumque Divinum . Factum est humanum , quod singularis Homo in Petri Successorem eligatur ; quod in Petri Successorem transeat Primatus potestas , jure id , institutoque Divino fieri , nec ipse diffitetur *Febronius* p. 40. Non ergo confundendum factum cum jure , quod posito facto Divina institutione exoritur : Factum quidem interponitur , idque humanum ; sed eo posito praevis Christi institutione jus ipsum Divinum exserit sese , et explicat . In Primatus nexu cum Romana Sede factum humanum in eo situm est , quod eam Petrus propriam sibi , ultimamque Sedem delegerit ; quod ipsum etiam Divino instinctu , et monitu fecisse credi par est (a) . Quod vero Primatus ad eam Sedem pertineret , quam Petrus hoc pacto delegisset , id porro illi Divino instituto acceptum referendum est , quo Christo placuit Primatum Petro , ejusque in sua Sede Successoribus in aevum demandare .

Sed praeterea Febronii Positio iis argumentis nititur , quae omnem illi scrupulum eximere debuissent . 1. contraria opinio caret omni antiquitatis praesidio ; quin potius innumera pene veterum Patrum testimonia colligi possent , quibus eadem sententia continetur , quae in laudatâ superius Nicolai I. epistolâ exprimitur . Quae porro in opinionibus ad Religionis statum pertinentibus certior nota falsitatis , quam novitas ? Quid vero si haec ipsa novitas ex impuro fonte primum emeruisse comperiat ? Atqui primus , qui de Primatus translatione vocem extulit

(a) S. Leo serm. 1. de SS. Apostolis Petro , et Paulo „ Beatissimus Petrus Princeps Apostolici Ordinis ad Arcem Romani destinatur Imperii , „ ut lux veritatis , quae in omnium Gentium revelabatur salutem , efficacius se ab ipso capite per totum Mundi Corpus effunderet „ . Congruit sententia S. Thomae 3. p. q. 35. art. 7. ad 3. „ Et ideo , ut (Dominus) „ suam Potestatem magis ostenderet , in ipsâ Româ , quae Caput Mundi „ erat , etiam Caput Ecclesiae suae statuit in signum perfectae Victoriae „ „ ut exinde Fides derivaretur ad universum Mundum „ „

rit, non alius a Febronio perhibetur, *primo suo libro c.2.§.3.n.4.*, quam audax ille Photius, qui per summam imprudentiam, ut ipse ait, contendebat, translata Sede Imperii Primatum simul in Ecclesiam Constantinopolitanam commigrasse; quod antea nec tentatum, nec fieri posse auditum unquam erat.

2. Cl. Bossuetius, quem Febronius celebrat velut recens Sydus, a quo se nunquam recessurum profitetur, *p. 72.*, quemque *Defensionis* Auctorem agnoscit, in hâc ipsâ *Defensione p.1. l.1. c.15.* pro firmo, constitutoque habet, nusquam evenire posse, ut Primatus in Romanâ Sede desinat. Verba ipsa recitabimus: „ Quod autem Driedo nunquam futurum docet, ut in Urbe „ Româ, in Romano Solo Fides, et Primatus intercant, id quidem non video, ut in Nos intorqueri possit. Neque enim Clerus Gallicanus somniavit fore, ut Romana Ecclesia particularis, seu Romana Dioecesis cum Episcopo, et Plebe suâ penitus interficidat, Populusque Romanus totus cum suo Pontifice a Fide abruptatur, et Primatus Ecclesiae alio transferatur „

Paullo ante dixerat: „ Id quidem Driedo docuit, nunquam „ Romae eventurum, quod nos ultro amplectimur; atque insuper addimus, quantumcumque in Romam fremerent Inferorum Portae; ac Sacrae Urbis, quod absit, fundamenta concuterent, non propterea praevalituras contra Petri Cathedram; sed eam semel a Christo Ecclesiae Catholicae datam, integram permansuram; Sedique Sacrosanctae modo, quo sciverit, provisurum Deum . . . V. etiam *p.2.l.15. c.36.* „

Nec vero aliud innuunt verba ipsa *declarationis*: Enim vero in ipso exordio Praesules abhorreere se maxime testantur ab illis, „ qui Primatum Beati Petri, ejusque Successorum Romanorum Pontificum a Christo institutum, iisque debitam ab omnibus obedientiam, Sedisque Apostolicae, in qua Fides praedicatur, et unitas servatur Ecclesiae, reverendam omnibus Gentibus „ Majestatem imminuere non verentur „ Profecto, qui a Christo institutum et Petri, et Successorum ejus Romanorum Pontificum fatentur Primatum, longe absunt ab eâ mente, ut putent, successionis hujus reverendam omnibus Gentibus Majestatem Romanis Pontificibus eripi posse; aliamque Sedem, aliam Cathedram ubivis terrarum decerni, in quam Primatus transferatur.

3. Constantiense Concilium hanc inter caetera damnavit

Vicleſſi propoſitionem ., Non eſt de neceſſitate ſalutis credere, ., Romanam Eccleſiam eſſe Supremam inter alias Eccleſias ., . Jam verò quae credenda ſunt de neceſſitate ſalutis , temporibus non commutantur . Quod ergo de Romanâ Eccleſiâ Synodus credendum decrevit, id omni aetate a Catholicis et creditum fuit, et credendum eſt. Fieri ergo non poteſt, ut Romana Eccleſia deſinat eſſe Suprema inter alias Eccleſias: Deſineret autem, ſi Primatus ab eâ divelli, et in aliam Sedem transferri poſſet.

POSITIO X.

., Concilio Florentino Aecumenici nomen debetur ., .

POSITIO XI.

., Plena potestas pascendi, regendi, gubernandi universa-
., lem Eccleſiam Romano Pontifici a Christo tradita in Concilio
., Florentino declaratur ., .

ANIMADVERS.

EO ſpectat magnâ ex parte Febronii explanatio, ne quis exiſtimet, Concilii Florentini Decreto detractum quidquam fuiſſe opinioni eorum, qui in Concilio Aecumenico praeſtantiam quamdam auctoritatis prae Pontificiâ auctoritate agnoſcunt. Et quidem quum latina leſio habeat: *Quemadmodum etiam in geſtis Occumenicorum Conciliorum, et in Sacris Canonibus continetur, monet, alios legere: Quemadmodum et in actis Conciliorum, et in Sacris Canonibus continetur;* ut ſenſus ſit: *juxta eum modum, qui et in geſtis etc.*

Non hic repetam, quae ad veram lectionem vindicandam ſcripſere Viri doctiſſimi, et graecae ſcientiſſimi. Tres Graecarum vocum latinas interpretationes memorat *Tournelinus Tract. de loc. Theol. de Concil. Florent.* Nil opus habemus Grammaticas ambages perſequi. ., Satis ſit, *inquit idem Tournelinus*, impraec-
., ſentiarum cum *Illustr. Bossuet. in Defens. p. 2. l. 10. c. 10:*
., obſervare, certum eſſe; Graeca aeque, ac latina Concilii Flo-
., rentini acta ſacro approbante Concilio Eugenii nomine eſſe
., edi-

„ edita : Porro in actis latine exaratis sic legitur : *Quemadmodum*
 „ *etiam etc.* Id vero ita esse, constat ex Concilii Florentini Co-
 „ dicibus, qui in nobili Bibliothecâ Colbertinâ Eugenii, ac Mi-
 „ chaëlis Imperatoris signis muniti asservantur „. An porro du-
 „ bitandi locus, quia ea sit authentica latina lectio, quae sacro
 „ approbante Concilio edita fuerit ?

Quamquam et istud addendum, nihil vulgatam lectionem
 praeseferre, quod cum antiquioribus Oecumenicis Synodis, etiam
 in Oriente habitis, non plane consentiat. In octavâ Generali Sy-
 nodo eadem eluxit Patrum de Supremâ Pontificis auctoritate sen-
 tentia, quam ne quis suspicetur vel leviter a nobis inflecti, pla-
 cet verbis uti, quibus illam exposuit *Natalis Alexander Dissert.*
de Photiano Schismate §. 13. „ Post haec (act. I.) jubentibus Le-
 „ gatis Apostolicis lectus est libellus, cui subscribere deberent
 „ universi Episcopi, Sacerdotes, Clerici, & Monachi: quo ni-
 „ mirum cunctas primùm haereses execrati, et inter alias Ico-
 „ nomachiam, anathema Photio dicere debebant, donec Sedis
 „ Apostolicae Decretis paruiſſet; Actaque Conciliabuli contra
 „ Sedis Apostolicae reverentiam congregati eodem anathemate
 „ percellere: Se denique amplecti Synodos a Nicolao Pontifice
 „ Maximo, et Hadriano ejus Successore in Causâ Photii, et Igna-
 „ tii Romae celebratas, profiteri debebant. Magnificum sane
 „ Primatûs Romani Pontificis argumentum, quod libellum, seu
 „ formulam ad Synodum Oecumenicam miserit ab omniſibus Ordini-
 „ nis Ecclesiastici Viris subscribendam, qui Communionis Sedis
 „ Apostolicae participes esse vellent. Observatione digna sunt
 „ haec verba: *Quia non potest Domini Nostri Jesu Christi prae-*
 „ *termitti sententia dicens: Tu es Petrus, et super hanc Petro-*
 „ *tram aedificabo Ecclesiam meam; haec, quae dicta sunt, rerum*
 „ *probantur effectibus, quia in Sede Apostolicâ immaculata est*
 „ *semper Catholica servata Religio, et Sancta celebrata doctri-*
 „ *na.* Ab hujus ergo Fide, atque doctrinâ separari minime cu-
 „ pientes, et Patrum, & praecipue Sanctae Sedis Apostolicae
 „ Praesulum sequentes in omnibus constituta anathematizamus.
 „ omnes haereses simul cum Iconomachis; anathematizamus etiam
 „ Photium ec. Observare etiam operae pretium est illa verba:
 „ *Sequentes in omnibus Apostolicam Sedem, et observantes omnia*
 „ *ejus constituta speramus, ut in una communione, quam Sedes*
 „ Apo-

„ Apostolica praedicat, esse mereamur, in quâ est integra, et vera Christianae Religionis soliditas, promittentes etiam sequestratos a Communione Ecclesiae Catholicae, idest non consentientes Sedi Apostolicae, eorum nomina inter sacra non esse recitanda *Mysteria*. Vides idem esse sequestratum esse ab Ecclesiae Catholicae communionem, et non esse consentientem Sedi Apostolicae. Libello subscribere debebant Episcopi cum Testibus, ac subscriptionem suam Legatis Apostolicis tradere. Perlectum libellum Synodus approbavit universa . „

Quid porro in Florentinae Synodi definitione exprimitur, quod in hac octavâ Synodi actione non amplissime continetur? Ut semper magis pateat, Oecumenicas Synodos in Spiritu Sancto legitime congregatas eo Spiritu regi, et gubernari, apud quem non est transmutatio, nec vicissitudinis obumbratio. Ergo definitum in Florentinâ, quod actum, expressumque in octavâ cernimus; quod in sextâ, et aliis perinde servatum suo loco visitum sumus.

POSITIO XII.

„ Pontificia haec potestas non potest esse sine conveniente auctoritate, jurisdictione, ac coactione, ad quam etiam pertinet poena excommunicationis . „

ANIMADVERS.

Oportune Febronius hanc Positionem comprobatur auctoritate Caelestini I., tum usu, & disciplinâ antiquissimorum Saeculorum. Quam in rem profert excommunicationem a Victore intentatam in Episcopos Asiae ob praeposteram Paschae celebrationem, ubi se Irenaeus pacis sequestrem sic interposuit, ut simul fatente Febronio agnoverit eam in Summo Pontifice potestatem, et jus, quo Ecclesias particulares, ut ut multas, valeat ob contumaciam ab universae Christi Ecclesiae corpore amputare. Idem memorat evenisse in causâ Rebaptizantium, tum in Apollinaris Laodicensi, atque Timothei Berytensis depositione, et condemnatione, quam a Damaso Papâ bis Orientales petierant. Ad-
ditquo

ditque, nimis longum futurum, nec necessarium caetera ex anti-
quis percensere, quibus idipsum comprobatur.

Subinde vero p.78. depromit ex *Petro de Marcâ Concord.*
l.8. c.10. num.3. sequentem sententiam „ Si jam haeresis in Sy-
„ nodo damnata fuisset, quemadmodum Eutychiana in Concilio
„ Chalcedonensi, tum, si Patriarchae communionem Hæretico-
„ rum amplectebantur, deponi poterant a Romano Pontifice, et
„ Synodo Romanâ; neque necessaria erat Synodus Oecumenica..
„ Eo enim casu Papa se tantum praestat *Exequutorem Sententiae*
„ *latae* adversus Auctores haereseos, et eorum complices.

Si hanc Petri de Marca Sententiam Febronius hâc mente pro-
tulit, ut suaderet, in ejusmodi judiciis non alias esse Pontificis
partes, quam ut Exequutorem se praestet sententiae a Synodo-
late adversus Auctores haereseos, eorumve complices, apertis-
sime refellitur vel ipsâ, quam modo commemoravit, Apollinaris,
ac Timothei condemnatione, quam a Damaso Papâ non in vim
antecedentis consensum Sententiae, sed ex propriâ, Supremâque
Sedis Apostolicae auctoritate regantibus Orientalibus factam, per-
spicitur ex ejus Epistolâ Synodicâ apud Theodor. Hist. Eccles. l.5.
c.10. „ Scitote, *inquit*, quod profanum olim Timotheum, Apol-
„ linarii haereticî Discipulum, cum impio ejus Dogmate damna-
„ vimus: „ Et in libello Synodico, de quo *Constant* p. 491.
„ Petrus (Alexandriâ pulsus) Romam contendit, eoque recepto
„ Papa Damasus Romae Divinam, et Sanctam Synodum convoca-
„ vit, quae amentem illum Apollinarium. . . anathemate
„ damnavit: „ Nec praeremittit Constant Auctores quoque pro-
„ ferre Sozomenum, et Rufinum diserte testantes, Apollinariî
„ haeresim primûm a Damaso praeseute Petro Alexandrino dam-
„ natam esse.

Praeterea, ut alia multa omittam, impura Joviniani haere-
sis uno Romanae Sedis judicio penitus ab initio convicta est, ac re-
probata. Quod ex Epistolâ ipsâ Siricii ad Mediolanenses, quo-
rum e finibus Jovinianus excesserat, seu expulsus fuerat, constat
apertissime. Statim enim, atque ad Siricium delata fuerunt nefaria
Joviniani Dogmata, *facto*, inquit, *Presbyterio constitis, doctrinae*
nostrae, idest Christianae Legi esse contrariae: Statutum adeo,
ut Incentores novae haeresis Divinâ Sententiâ, et nostro judicio
in perpetuum damnati extra Ecclesiam remanerent. Mediolanen-

ses autem Patres, Ambrosius scilicet, Maximus, alique plures ex vicinis Provinciis ad Synodum vocati Antistites assensum suum Pontificis Sententiae sic adjunxerunt, ut ejus judicium non aliquo pacto retractandum, sed in eo prorsus conquiescendum existimarent. Nam ab ipso Synodalis Epistolae initio Pontifici Romano Ecclesiae januam commissam agnoscunt, ut Ovile Christi custodiat, ejusque sollicitudinis partes esse, ut et Oviculas Christi noscat, et Lupis velut providus Pastor occurrat, ne morsibus perfidiae suae, feralique ululatu Dominicum Ovile dispergant; tum inter argumenta, quibus pestiferos Joviniani errores resellunt: *Credatur*, inquit, *Symbolo Apostolorum, quod Ecclesia Romana intemeratam semper custodit, & servat*. Demum concludunt: *Itaque Jovinianum, Amentium &c. quos Sanctitas Tua damnavit, scias apud nos quoque secundum judicium tuum esse damnatos*. En itaque damnatam a Siricio novam haeresim, quin ullo antea generalis, aut provincialis Concilii decreto damnata esset; damnatos simul haeresis Auctores, ac Promulgatores; tantamque vim in suo Decreto Siricium agnovisse, ut dicere non dubitaverit Divinâ Sententiâ damnatos, qui Romano illo judicio damnati fuerant: Ambrosium porro, Maximum, aliosque Synodi Mediolanensis gravissimos Patres non aliter, quam secundum id judicium de causâ illâ statuendum censuisse. Non igitur hic merum se Siricii exequutorem praestitit Sententiae ante a Concilio Generali latae. Primus ille sententiam tulit, quâ et in novae haeresis Auctores animadvertit, et haeresim ipsam certo, fixoque, nec revocando judicio damnavit.

Ante Concilium Ephesinum, ut refert *Natalis Alexander Hist. Eccl. sec. v. c. 3. art. 12. an. 430.*, Caelestinus I. acceptis quum Nestorii, tum Cyrilli Epistolis Romae Synodum suam habuit, in quâ Excommunicationis, et depositionis lata sententia est in Nestorium, nisi intra decimum a denuntiatione diem errores suos aptâ, et scriptâ confessione damnet; restitui quoque in Ecclesiae communionem, qui propter Fidem a Nestorio ejecti fuerant. Deinceps eodem anno Cyrillus Pontificiâ auctoritate instructus ad sententiae in Nestorium latae, nisi resipisceret, executionem, Concilium suum Alexandriae coëgit. Persuasum itaque Cyrillo erat, totique Synodo, a Romano Pontifice ferri posset excommunicationis, et depositionis sententiam adversus contuma-

macem novae haeresis Auctorem, quin expectandum foret, ut latae ante a Concilio Generali Sententiae merum exequutorem se praeberet.

Etiā *Natalis Alexander Hist. Eccl. Sec. vi. c. 5. artic. 18.* Posteaquam retulit Synodi Aurelianensis V. an. 549. Canonem primum, quo Nestorii, et Eutychetis Sectae damnantur, *quas etiam Sectas Sedes Apostolica Sancta condemnat*, probe animadvertit, non ignorasse Gallicanae Ecclesiae Patres, haereses illas in Synodis Ephesinā, et Chalcedonensi damnatas; „ tamen Apostolicae „ tantum Sedis in suo Decreto meminisse ratos, satis esse, quum „ de Fidei Dogmatibus ageretur, si sanciretur Constitutio, quae „ Romanae Sedis niteretur auctoritate, cui refragari nullus „ deberet. „

Addit in Scholio, „ Constans haec, et perpetua sententia „ mea, qui et Jansenianam, & novissime Quietistarum haere- „ sim a solis Romanis Pontificibus, non ab aliquā Synodo legi- „ time damnatas agnosco, atque profiteor, et Innocentii X., Ale- „ xandri VII., Innocentii XI. contra illas haereses constitutioni- „ bus neminem refragari debere, vel posse secundum praecla- „ ram illam Ivonis Carnotensis Episcopi sententiam: *Sedis Apo- „ stolicae iudiciis, et Constitutionibus obviare plane est haere- „ ticae pravitatis notam incurrvre.* „

Pag. 79. Disserens Febronius *de sobrietate* in ferendis Cen- suris adhibendā scribit: „ Haec sobrietas ad duo potissimum „ respicit: 1. ut nulla in processu adversus contumacem commit- „ tatur substantialis nullitas sive in Fori competentia, (quae „ in primā instantiā penes Ordinarios est. Trid. Sess. 24. c. 20. de „ Reform.); sive in Citationē, Rei legitimā defensione, moni- „ tionibus ec. Aliās iudicium, etiamsi a Pontifice latum, unā cum Censurā invalidum est. „

Quod substantialis, ut vocant, nullitas nullum reddat quod- vis iudicium, prorsus liquet. Verum, si primam coram Ordina- rio instantiam sic ad iudicii substantiam pertinere contenderet Febronius, ut eā omissā iudicium Pontificis invalidum redderetur, in tali praeposterā opinandī ratione plane convinceretur a Tridentino eo ipso capite, ad quod ille se refert. Ibi Concilium, rationem praescribens tractandi causas ad Forum Ecclesiasticum pertinentes, decernit quidem illas, etiamsi Beneficiales sint, in

H

primā

primâ instantiâ coram Ordinario Locorum dumtaxat cognoscendas; At simul prospiciens, hoc suo Decreto propriam Supremæ Sedis auctoritatem coerceri non posse, mox subjungit „ Ab his „ excipiuntur causæ, quæ juxta Canonicas Sanctiones apud Sedem Apostolicam sunt tractandæ; Vel quas ex urgenti, rationabilique causâ judicaverit Summus Romanus Pontifex per speciale rescriptum Sanctitatis Suæ manu propriâ subscribendum „ committere, aut avocare . „

POSITIO XIII.

„ Romanus Pontifex est Supremus Judex controversiarum „ in rebus Fidei, et Morum . „

POSITIO XIV.

„ Fieri non potest, ut a verâ Fide aberret Corpus Episcoporum Capiti suo Romano Pontifici adhaerentium . „

ANIMADVERS.

EXpositione suâ inflectit Febronius positiones istas in enim sensum, qui magis favet opinioni, quæ Gallicanâ declaratione continetur. Quâ de re id solum hoc loco notabimus, minus eum, quam æqui aestimatoris munus postulabat, sollicitum se, & accuratum præbere in contrariis rationibus expromendis. Affert nihilominus *pag. 82. Thomassini locum Dissert. 4. in Syn. Gangren.* cujus hæc verba sunt . „ Constat abunde tot testimoniis, Ecclesiis, Episcopis omnibus sive Synodice, sive extra Synodos solâ execratione novitatis hæreses exorientes damnantibus vel præisse, vel accessisse, vel successisse Sedem Apostolicam, & summum Auctoritatis pondus, et vim ineluctabilem, atque universalem adjecisse Nunc quid cæteræ sequerentur, ipsa dictare occupabat certa de membrorum suorum consensu, et obsequio . . . Tum demum, quum Roma probasset, sive præciperet Romana Ecclesia fidem omnibus amplectendam scribere, plerumque temporis semper auctoritatis ordine Caput „ Mem-

„ Membris anteibat . „ Melius ex hoc testimonio , quam ex quibusdam aliis ab eo prolatis cognoscere Febronius potuit , vim , et sententiam antiquae Traditionis de Romani Pontificis auctoritate in damnandis haeresibus . Sed de hac totâ quaestione , ut dictum est , nullam in praesens disputationem suscipimus : Scilicet alia sunt Febronii propria toto sui operis decursu , quae dictae declarationis limites longe praetergrediuntur .

Pag. 89. In primi sui libri defensionem profert Febronius auctoritatem D. Eybel. agentis : „ Febronium haudquaquam negare „ infallibilitatem Ecclesiae dispersae ; sed tantummodo cautelas „ circa asserendum communem Ecclesiae consensum , & deducendas inde universalis Ecclesiae sententias proponi . „ Fortassis Eybelium fugerat Febronii locus c. 6. §. 8. quo statuit , „ parum „ firmam esse illorum sententiam , qui a plurimâ parte Episcoporum definitioni Romani Pontificis extra Concilium adhaerentium ultimum , et irrefragabile iudicium constitui existimant . „

Et quandoquidem opiniones , quas valde amavimus , sic interdum in penitioribus animi recessibus delitescent , ut identidem nobis nec advertentibus erumpant , supra locum notavimus , quo in hoc etiam Commentario non abhorrentem ab hoc errore sententiam passus est Febronius , imprudenti sibi excidere . Extat locus *Posit. 7. num. 3.* , quo motis de Fide , et Moribus controversiis , privatisque Ecclesiis iudicio Pontificis non acquiescentibus contingere posse innuit , ut non aliud malo levando remedium supersit , quam Generale Concilium , a quo ultimato , & inerrabili iudicio controversia decidatur , quasi aliquo tempore destituta esse queat Ecclesia totâ câ auctoritate , quae ad ultimum , et inerrabile iudicium requiritur .

Nec vero alienum a praesentis instituti ratione censemus paulum hic a Febronio deflectere , atque opportunitate uti , quam locus ipse offert , notandi gliscentis quorundam erroris , qui Romanae Cathedrae Principatum in id redigere velle videntur , ut in Causis Fidei sententiam exploret cæterarum , quae per Orbem dissitae sunt , Ecclesiarum ; ut scilicet collatis , quae undique ad se veniunt , relationibus , earum veluti summam colligat , quâ institutâ , qui sit de quovis capite controversiae universitatis sensus , ac fides , dispiciat , ac referat . Capitalis sane error , nimium-

que abhorrens a perpetuâ Patrum Traditione, quâ Catholica sentiendi ratio continetur. Quod quum abunde intelligi potest ex his, quae pro vindicando, ac generatim asserendo Romani Pontificis Primatu egregie scripta sunt a multis, satis nobis fuerit locum attigisse.

Perpetua equidem haec fuit Patrum Traditio, Ecclesiam universam ex singularibus Ecclesiis conflata nec deficere, nec errare in Fide unquam posse. Simul vero constans illorum sensus fuit, si qua de aliquo doctrinae capite contraversia suboriretur, minime propterea opus esse singularum Ecclesiarum sententias colligere, quod nec satis commode, nec ullo modo plerumque fieri posse, ipsi probe intelligerent; sed hanc dirimendae controversiae viam, rationemque patere tutam aequae, ac expeditae, ut ab Apostolicis Ecclesiis credendi regula peteretur, maxime vero a Romanâ Ecclesiâ, in quâ teste *Augustino Epist. 43. semper Apostolicae Cathedrae viguit Principatus*. Invicta hujusce Traditionis Supremam Apostolicae Romanae Cathedrae in tradendâ credendi regulâ auctoritatem testantis monumenta inferius profereantur.

Sed primum ab his, qui has tantum volunt esse partes Pontificis, ut de proposito capite doctrinae singularum Ecclesiarum sensum roget, ac referat, quaeri potest, num in hoc explorando, referendoque sensu existiment, Romanos Pontifices errare posse, nec ne? Si negas, errare posse; multo itaque minus errare poterunt in declarandâ Traditione, ac Doctrinâ, quam ab Apostolis, ut expresse ajunt Patres mox laudandi, in Ecclesiâ suâ perpetuâ successione per Majorum manus acceperunt, ac tot saeculis incorruptam servarunt. Sin ais, posse illos errare, jam nulla superest via, quâ Ecclesia dispersa in exortâ quâvis controversiâ statuere possit, quae sit Fidei regula. Nam quum id statui nequeat, nisi perspecto Universitatis sensu, aliunde vero nemo sit in Ecclesiâ, nec ipse Pontifex, qui certum de illo sensu testimonium edere valeat, liquet profecto, nullum Ecclesiae dispersae praesidium superesse, quo possit ad certam de institutâ controversiâ Fidei regulam tradendam pervenire. (a).

Hic

(a) Fateor, si quis renuat in Ecclesiâ dispersâ auctoritatem agnoscere de rebus Fidei, ac Morum certo, fixoque judicio statuendi, apud eum, qui sic

Hic porro, ne quis disparia componens retorquendi argumenti facultatem sibi oblarum blandiatur, valde animadvertendum, errorem, quem hoc loco notamus, longe differre ab eorum opinione, de qua nullam in praesens disputationem suscipimus, qui Apostolicae Sedis iudicium, etsi per sese gravissimum, tamen censent prorsus irrevocabile non fieri, nisi accedente morali Episcoporum unanimitate, quae ipsorum expresso, vel tacito assensu declaratur. Isti enim iudicii firmitatem repetunt ab auctoritate, quâ praediti sunt Pontifices, & Episcopi iudicandi de Causis Fidei, suumque iudicium, velut ratam, innotamque regulam Ecclesiis praescribendi. Porro moralis isthaec unanimitas Episcopalis ordinis Capii suo adhaerentis, utpote quae universitatem amplectitur, atque per Ecclesias undequaque funditur, ejus conditionis est, ut obscura manere nequeat, sed communi fandi, et acclamatione continuo innotescat, nec latere quemquam valeat, qui Pastorum vocem audiendam sibi, meminerit; ab eis

que

sic sentiat, minus roboris id argumenti habiturum. Verum nemo unus profecto talis extiterit, nisi qui a Catholica doctrinâ deflectere, totamque ultro antiquitatem aspernari palam non vereatur. Equis enim ecclesiasticarum antiquitatum rudis adeo, et imperitus, qui nesciat, quam multa haeresum monstra prioribus Saeculis, nullo Generali Concilio, vi auctoritatis in Ecclesia perpetuo vigentis perculsa sint, depulsa, penitusque profligita? Cujus rei utpote notissimae satis superque fuerit testem proferre unum, at sane locupletissimum Augustinum, qui lib. 4. contra duas Epistolae Pelagianorum ad Bonifacium Cap. 12. expresse testatur, plures olim haereses sine Congregatione Synodi damnatas esse. Proinde, quum an. 1664., ut refert Tournellius de Ecclesiâ quaest. 3. art. 3. liber prodiiisset, cujus haec erat Sententia „Solis Conciliis Oecumenicis declarari unanimem Ecclesiae consensum, „atque sola eorum decreta firma esse, et irreformabilia, Sacra Facultas „Parisiensis doctrinam hanc censurâ suâ notavit his verbis: *Itae propositiones, inquantum infallibilitatem Ecclesiae universali in nullo statu, quam „in Concilio Oecumenico congregatae tribuunt, & ipsam aliquo tempore legitimi usûs poenitentiae cognitione caruisse supponunt, temerariae sunt, ipsi „Ecclesiae injuriosae, et haereticae.* „Quin et Febronius ipse labis hujusce suspicionem removere a se studuit; proque eâ depellendâ suffragatorem adhibet Eybelium aientem, nusquam a Febronio negatam infallibilitatem Ecclesiae dispersae; quod quamquam dictum est officiose magis, quam vere, ut suo loco notabitur, ostendit plane, quam alienus a Catholica sentiendi ratione censeri debeat error hujuscemodi, cui nec Febronius affinis videri voluerit; nec placuerit Eybelio, affinem videri Febronium.

que velut Magistris, ac Judicibus non a Plebibus fidei regulam accipiendam. Contra illi fidei regulam in uno universitatis sensu repositam volunt; quumque in hoc sensu explorando si Pontifex ipse labi potest, multo facilius errare valeant quique per Orbem dissiti Episcopi, ac Fideles, praeclusa via est omnis, quâ de illo sensu certò constare possit; nec adeo quidquam Ecclesiae dispersae remanet, in quo fixum, immotumque iudicium de quâvis propositâ quaestione consistat.

Atque huius quidem incommodi gravitas, quod ex illo errore in Ecclesiam dispersam redundat, haud parum adhuc augebit alterius opinionis accessione, quae inter Adversarios satis familiariter vagatur, nonnulla nimirum doctrinae capita, caeteroquin ad fidem pertinentia, sic interdum, et quidem per multum tempus in Ecclesiâ obscurari, ut vix appareant, immo vehementer a plerisque oppugnentur; nec, nisi penes paucos, certa eorum, et explorata veritas remaneat. Quod si ita est, et aliunde certum de quâcumque doctrinâ Ecclesiae iudicium ex testatâ universitatis sententiâ pendet, obstructa est jam via omnis, quâ veritates ejusmodi ex illis latebris in apertam lucem emergere aliquando valeant. Exquiret Pontifex, explorare sataget, quid de tali doctrinae capite dissiti per Orbem Episcopi, et ipsi sentiant, et de suarum Ecclesiarum fide testentur. Plurimos a paucis dissentire comperiet: Pauci isti sese veritatis obscuratae propugnatores praedicabunt; illi plures non veritatem, sed errorem ab istis paucis defendi contendunt. In eo dissensu Pontifex sententiam suam vel paucis adjunget, vel pluribus. Si paucis, alii numero superiores opponent, solius Pontificis, ac paucorum iudicio de Universitatis sensu constare haud posse, nec id proinde ad constituendam fidei regulam valere. Contra si Pontifex pluribus sese adjunget, tum pauci alii, penes quos unus manere dicitur obscurata veritas, vel Pontificis, ac plurimorum sententiae adhaerebunt, vel repugnabunt. Si assentientur, jam fiet, ut quae apud ipsos unus manebat obscurata veritas, a suis Defensoribus deserta, oppressa tandem maneat, ac penitus extincta: Si repugnabunt, aliud incommodum recurrit, quippe dicere cogentur, nec Pontificis, nec plurimorum ei adhaerentium Antistitem iudicium satis virium habere ad quid certi de Fide statuendum; penitusque concidet vis auctoritatis, quam in morali unanimitate cum Capite ad certum de

de Fidei iudicium in Ecclesiâ dispersâ constanter tuerentur Gallicanæ, quam vocant, sententiæ Propugnatores. Quò semper magis patet, eos, qui novæ istî opinandi licentiæ indulgent, nulum Ecclesiæ dispersæ subsidium relinquere, quo certum de quovis controverso doctrinæ capite iudicium interponere valeat, quod tamen a Catholicâ sentiendi ratione abhorrecere ultro Catholici omnes consentiunt.

Nec istud prætereundum, quam longe a priscâ Traditione discedant, qui Episcopis in Causis Fidei non aliud munus relinquunt, quam ut de suarum Ecclesiarum fide, ac sensu testentur. Quò fieret, ut Episcopi suis ab Ecclesiis docendi potius esse viderentur, quam eisdem docendis, velut Magistri, ac Iudices præessee. At profecto Episcopi officium est Populum suum docere, in eoque sacrum Fidei depositum sibi cum legitimâ missione creditum sancte, ac diligenter custodire: Nec vero simplex docendi Ministerium Episcopis demandatum est, sed Ministerium cum auctoritate conjunctum. Docuit Christus, et quidem *ut Auctoritatem habens*; Auctoritatis huius participes fecit Apostolos, eorumque Successores, quum eos iussit docere omnes Gentes, pollicitus se cum ipsis futurum usque ad consummationem Saeculi, ut proinde Episcopi non tantum ut fidei suarum Ecclesiarum Spectatores, ac Testes semper habiti sint; sed ut Magistri, ac Iudices: Quam Episcopalis Ordinis dignitatem egregie vindicat Bellarminus l. 1. de Concil. c. 18., *Episcopos in Conciliis non Consiliarios, sed Iudices esse, docens*.

Quare in ipsis etiam Conciliis Oecumenicis, quum de aliquo doctrinæ capite consultationes haberentur, minus solliciti videntur Patres fuisse de rogandâ singularum Ecclesiarum Sententiâ, quarum etiam plurimarum Episcopi semper aberant: sed in eo præcipue sibi elaborandum duxisse, ut Patrum, ac Doctorum sensum recognoscerent, qui docti a Majoribus, vicissim ipsi Ecclesias docuissent, traditamque ab initio doctrinam ad omnem posteritatis memoriam scriptis mandavissent: Uno verbo id unum ad certum iudicium ab ipsis expetitum esse, ut comperta fieret propositæ doctrinæ consensio, vel repugnantia cum verbo Dei sive scripto, sive tradito: Scripti porro intelligentiam, ac traditi notitiam Apostolicæ successionis ope explorarent, ejus præsertim Cathedrae, in quâ Petrum vivere adhuc, et praesidere no-

rant;

rant; ejusque adeo vocem in Successorum suorum Rescriptis audiendam sibi, ac sequendam ducebant.

Nec propterea Judicium sibi Personam abrogabant, quod certum ipsis Apostolicae Sedis judicium praeluceret. In Apostolico Hierosolymitano Concilio Petrus sententiam primus dixit; at post eum nihilominus, ejusdemque Sententiam sequutus Jacobus vere adhuc judicavit. Jam vero notum est, quod Petro pro suo Principatu conveniebat, extraordinario privilegio caeteris quoque Apostolis tributum fuisse, ut quidquid ipsi de causâ Fidei decrevisset, omni erroris periculo vacaret. Non ergo ignorabat Jacobus immunem ab omni errore Perri Sententiam, qui non solum Apostolus, sed et Apostolorum Princeps esset; vere tamen judicavit, hoc ipso, quod suum judicium Petri judicio tametsi ratio, et certo adjunxerit. Non desunt exempla haeresum, quae primùm ab Ecclesiâ dispersâ irrevocabili judicio damnatae, dein propter Sectatorum pertinaciam novam rursus in Synodis Provincialibus, vel etiam Generalibus damnationem subiere: In hac novâ damnatione Patres Judicium Personam sustinebant, nec tamen ignorabant, revocari amplius non posse, quod Ecclesiae dispersæ irrevocabili judicio de illis erroribus præjudicatum jam fuisset, ac definitum. Minime proinde repugnat, ut, etiamsi præcesserit judicium certum, et irrevocabile, istud nihilominus sive ad compescendam Obtrectantium perviciam, sive ad prioris judicii aequitatem clarius manifestandam, sive aliâ de causâ post novam recognitionem novo judicio confirmetur. Quod tamen praestari non potest nisi ab eo, qui judicandi potestate praeditus sit, legitimi iudicis in eo munere Personam sustineat.

Sed jam promenda Traditionis monumenta, quae paullo ante polliciti sumus. 1. Celebris est *Irenaei* Auctoritas l. 3. c. 3., ubi, posteaquam docuit, profectam ab Apostolis Traditionem continuâ Episcoporum Successione in omni Ecclesiâ conspicuam se praebere, subdit, „ Sed quoniam valde longum est, in hoc tali volumine omnium Ecclesiarum enumerare successiones maximae, et antiquissimae, et omnibus cognitae, a Gloriosissimis duobus Apostolis Petro, et Paulo Romae fundatae, et constitutae Ecclesiae, eam, quam habet ab Apostolis Traditionem, et annuntiatam Hominibus Fidem per Successiones Episcoporum pervenientem usque ad nos, indicantes confundimus omnes eos,

„ qui

„ qui quoquo modo vel per sibi placentia, vel vanam gloriam,
 „ vel per caecitatem, & malam sententiam, praeterquam opor-
 „ tet, colligunt. Ad hanc enim Ecclesiam propter potiore prin-
 „ cipalitem necesse est, omnem convenire Ecclesiam, hoc est
 „ eos, qui sunt undique fideles, in quâ semper ab his, qui sunt
 „ undique, conservata est ea, quae est ab Apostolis, Traditio. „

Perspicue docet, pro asserendâ fide adversûs haereses mini-
 me opus esse singularium omnium Ecclesiarum successiones ad-
 re, quas vel nimis longum foret percensere numerando; Sed ad
 confundendos quoquo modo errantes satis esse indicasse Traditio-
 nem, et Fidem, quam Ecclesiarum omnium Maxima Romae
 constituta, et omnibus nota a Gloriosissimis Apostolis accepit;
 quae Traditio in eâ conservata per successiones Episcoporum ad
 nos usque pervenit; ad quam propterea Ecclesiam pro suâ potio-
 re principalitate caeteras Ecclesias, et eos, qui undique sunt Fi-
 delcs, necesse est convenire.

Hanc Irenaei auctoritatem adversûs nonnullorum Haereticor-
 rum reverâ ineptas cavillationes egregie vindicat *Renatus Mas-
 saet*, cujus docti Viri interpretationem *Dissert. 3. art. 4. num. 31.*
 in hunc locum haud abs re fuerit saltem ex parte in medium
 proferre: „ In iis verbis, *inquit*, plura notanda sunt. 1. Roma-
 „ nam Ecclesiam jam Irenaei Saeculo omnium maximam existi-
 „ matam fuisse longe minus Fidelium numero, de quo tunc tem-
 „ poris cum eâ contendere potuissent aliae quaedam Ecclesiae,
 „ quam auctoritatis amplitudine. 2. Omnium antiquissimam:
 „ Quod si ad Foundationis tempus referatur, falsissimum erit.
 „ Dudum enim antea Hierosolymitanam, Antiochenam, et alias
 „ fundaverant Apostoli. Ad dignitatem igitur necessariò referen-
 „ dum est, ut ideo omnium antiquissima dicatur Romana Eccle-
 „ sia, quia omnium Princeps, et praecipua. . . 3. Omnibus
 „ cognitam asserit Irenaeus, utpote quam caeteris sublimiorem,
 „ ac excellentiorem aliae omnes ut Caput, et primam suspi-
 „ cerent, ac venerarentur. . . 5. Ad hanc Ecclesiam necesse
 „ esse, omnem Ecclesiam, seu omnes omnino Fideles per totum
 „ Orbem dispersos convenire: non quod illuc proficisci teneren-
 „ tur ii, qui erant undique Fideles; id vel cogitare absurdissi-
 „ mum fuisset: Sed quod, ut fateri coactus est ipse Salmasius,
 „ necesse esset *convenire, et concordare in rebus Fidei cum Ec-*

„ *clesiâ Romanâ* . . . Sed alterutrum scripserit Auctor noster ,
 „ significare voluit , ideo omnes Ecclesias cum Romanâ con-
 „ sentire teneri , quia , licet caeterae in suis quaeque finibus
 „ Principatûs in sibi subditos Fideles jure gaudeant , longe tamen
 „ potior est is , quem obtinet Romana , utpote quae Principa-
 „ tûs , ac Primatûs jure omnibus dominetur , omnibus praesit ,
 „ omnesque sibi subditas habeat . 6. Denique in eâ Ecclesiâ sem-
 „ per ab his , qui sunt undique , conservatam esse eam , quae
 „ est ab Apostolis , Traditionem . „

Tertullianus lib. de Praescript. c. 21. ad revincendas quasque
 haereses veritatis ab Apostolis traditae testimonium non à singu-
 lis per Orbem dissitis , sed ab Apostolicis Ecclesiis petendum doc-
 cet : „ Si haec ita sint , constat proinde omnem doctrinam , quae
 „ cum illis Ecclesiis Matricibus , et Originalibus Fidei conspirat ,
 „ veritati deputandam , id sine dubio tenentem , quod Ecclesia
 „ ab Apostolis , Apostoli a Christo , Christus a Deo accepit . . . „
 et infra „ Communicamus cum Ecclesiis Apostolicis , quod nulla
 „ doctrina diversa . . . Catholicae veritatis testimonium Tertullia-
 „ nus agnoscit positum in communicatione cum Ecclesiis Apostoli-
 „ cis ; communicationem vero ex hoc pendere , *quod nulla doctri-
 na diversa* ; ut adeo quisquis hanc communicationem teneat , hoc
 ipso comprobetur id tenere , quod Ecclesia ab Apostolis , Aposto-
 li a Christo , Christus a Deo accepit . Porro inter Apostolicas
 Ecclesias Romanam potissimum Tertullianus extollit , ac celebrat
 c. 36. „ Si autem Italiae adjaces , habes Romam , unde nobis quo-
 „ que auctoritas praesto est . „ Scilicet censebat , promptum , ac
 paratum Africae adversus quasque haereses praesidium in ejus Ec-
 clesiae auctoritate , a quâ illa Fidem acceperat . Pergit vero . „ Ista
 „ quam felix Ecclesia ! Cui totam doctrinam Apostoli cum San-
 „ guine profuderunt . Ubi Petrus Passioni Dominicae adaequatur ;
 „ Ubi Paullus Joannis exitu coronatur ; Ubi Apostolus Joannes po-
 „ steaquam in Oleum igneum demersus nihil passus est , in Insu-
 „ lam relegatur . Videamus , quid didicerit , quid docuerit , quid cum
 „ Africanis quoque Ecclesiis contesserat . „ Collectam in Ro-
 manâ Ecclesiâ doctrinae plenitudinem commendat , ut proinde
 non aliud indagandum remaneat , quam quod ipsa didicerit , do-
 cuerit , quamque Fidei formulam , velut communionis tesseram
 tradiderit . Atque hanc quidem singularem Cathedrae Romanae
 aucto-

auctoritatem ex Primatu Petri prodire satis innuit c. 22. „ Latuit
 „ aliquid Petrum aedificandae Ecclesiae Petram dictum, Claves
 „ Regni Coelorum consequutum, et solvendi, et alligandi in
 „ Coelis, et in Terris Potestatem? „

Quantum vero excellenti Romanae Sedis praestantiae tribue-
 ret Augustinus, quum ex aliis locis multis intelligi potest, tum
 ex Epist. 186. alias 106. num. 28., ubi obstinaram Pelagianorum
 perversitatem in perversâ Sententiae Evangelicae interpretatione
 hoc potissimum ex capite revincit, quod eam tueri persisterent
*contra Apostolicae Sedis auctoritatem, ubi de hac ipsâ re quum
 ageretur, hoc testimonium adhibitum est Evangelicum, ne par-
 vuli non baptizati vitam posse habere credantur.* Appellat scilicet
 Innocentius I. Epistolam (182. inter Augustini Epistolas), quâ
 Concilii Milevitani Acta contra Pelagianos comprobantur, quâ
 in Epistolâ sic ejus Concilii Patres Innocentius alloquitur num. 2.
 „ Diligenter ergo, et congrue Apostolici consilii honoris arca-
 „ na (honoris, inquam, illius, quem praeter illa, quae sunt
 „ extrinsecus, sollicitudo manet omnium Ecclesiarum) super
 „ anxiiis rebus, quae sit tenenda sententia; antiquae scilicet re-
 „ gulae formam sequuti, quam toto semper ab Orbe mecum no-
 „ stis esse servatam. Verum haec missa facio, neque enim hoc
 „ vestram credo latere prudentiam; quâ id enim actione firma-
 „ stis, nisi scientes, quod per omnes Provincias de Apostolico
 „ Fonte petentibus responsa semper emanent? Praesertim quo-
 „ ties Fidei ratio ventilatur, arbitror, omnes Fratres, et Coepli-
 „ scopos nostros nonnisi ad Petrum, idest sui nominis, et ho-
 „ noris auctorem referre debere, velut nunc retulit vestra dile-
 „ ctio, quod per totum Mundum possit omnibus Ecclesiis in
 „ commune prodesse. „ Hoc ipsum non minus expresse tra-
 „ dit Innocentius Epist. superiore 181. ad Aurelium, caeterosque
 „ Carthaginensis Concilii Patres num. 1. „ In requirendo de his re-
 „ bus, quas omni cum sollicitudine decet a Sacerdotibus, maxi-
 „ meque a vero, justoque, et Catholico tractari Concilio, anti-
 „ quae Traditionis exempla servant, et Ecclesiasticae memores
 „ disciplinae, nostrae Religionis vigorem non minus nunc in con-
 „ sulendo, quam antea, quum pronuntiaretis, verâ ratione firma-
 „ stis, qui ad nostrum referendum approbastis esse iudicium
 „ scientes, quid Apostolicae Sedi, quum omnes hoc loco positi

„ ipsum sequi desideremus Apostolum , debeatur , a quo ipse Epi-
 „ scopatus , et tota auctoritas nominis hujus emerit . „ Atqui
 haec Patres Africani audiunt , legunt , suscipiunt : In his *anti-*
quae traditionis exempla , in his *antiquae regulae formam* agno-
 scunt , eademque suis actionibus firmant . Quo sane patet , quam
 praeclare illi de Apostolicae Sedis Auctoritate sentirent , ut mi-
 nime mirum sit , vehementer eâ de causâ Augustinum Pelagia-
 nos erroris coarguisse , quod post allatum Innocentii documen-
 tum cedere Romanae Sedi renuerent , quam unam per anto-
 nomasticam appellationem Apostolicae Sedis nomine designat .

Quaerit Juveninus Dissert. 4. de loc. Theolog. quaest. 2. c. 3.
 „ Quid facti opus sit , quum in aliquibus Ecclesiis alicujus Dog-
 „ matis Traditio non reperitur , quae tamen reperitur in aliis ? „
 Quod si omnis in causâ Fidei definitio ex singularum omnium
 Ecclesiarum unanimi consensu emergere , ac peti deberet , pro-
 fecto desperandum foret de asserendâ Divini cujuscumque Dogma-
 tis firmitate , cujus Traditio non in omnibus Ecclesiis reperiretur.
 At id quam absonum sit , quis non intelligat ? An vero , quia sin-
 gulares nonnullae per Orbem Ecclesiae aut ignorabunt , aut sile-
 bunt , propterea lucerna sub modio retinebitur , oive obstruetur
 Ecclesiae universae , quin credita sibi eloquia , quâ jussa est aucto-
 ritate promulgare , ac super Tecta praedicare valeat ? Probe ic-
 circo laudatus Scriptor respondet , jamdudum Irenaeum , et Ter-
 tullianum propositae quaestioni occurrisse ; qui „ nempe ajunt ,
 „ eo in casu judicandum esse , eam Traditionem esse Divinam ,
 „ quae reperitur in praecipuis , et Apostolicis Ecclesiis , in qui-
 „ bus interrupta non fuit Episcoporum successio „ . Horum illa
 testimonia recitat , quae sunt a nobis prolata , monetque inter has
 Ecclesias ex eorundem sententiâ Romanam Ecclesiam tenere
 principem locum , *cujus ordinatione , ac successionis* ea , quae est
 ab Apostolis in Ecclesiâ Traditio , & veritatis praeconizatio per-
 venit usque ad nos .

Eodem ex capite , sen immunitate ab omni errore Primatûs
 Dignitatem potissimum *Theodoretus* repetit *Epist. 116.* ad Renat-
 tum , dum ait , Romanam Ecclesiam *habere Ecclesiarum* ,
quae in toto Orbe sunt , Principatum multis nominibus ; at-
que hoc ante omnia , quod ab haeretica tabe manet immunis .
 Nec mirum , siquidem in eâ , ut ait *Cbrysologus Epist. ad Eu-*
tychem

tychem, quae refertur i. p. Concil. Calcedon. „ Beatus Petrus,
 „ ut in propriâ Sede et vivit, et praesidet, praestatque quae-
 „ rentibus Fidei veritatem. „ Quod quum aliis multis, tum Aga-
 „ thonis luculentissimâ auctoritate infèrius proferendâ confirmatur.

Ad Apostolicas etiam Ecclesias Thusciae Episcopos revocat
Pelagius I. apud Baron. ad an. 556. n. 31. „ B. Augustinus, *in-*
 „ „ quit, Dominiuae Sententiae memor, quae fundamentum Ec-
 „ clesiae in Apostolicis Sedibus collocavit, in Schismate esse di-
 „ xit quicumque se a Praesulis earumdem Sedium auctoritate, et
 „ „ communione suspenderit; nec aliam manifestat esse Ecclesiam,
 „ „ nisi quae in Pontificibus Apostolicarum Sedium est solidata ra-
 „ dicibus. „ Omnium porro istarum radicum, ut animadvertit
Christianus Lupus tom. 9. p. 88. Radix est Romana Ecclesia, ac
 ejus Episcopus, de quibus idem *Augustinus* scribit ad quosdam
Donatistas: in Romanâ Ecclesiâ semper Apostolicae Cathedrae
vignit Principatus.

Rursum de istis Apostolicis Ecclesiis *idem Scriptor pag. 89.*
 „ Omnes, *inquit*, sunt communionis radices, nempe sibi subditis
 „ Ecclesiis, ac Populis. Hinc et ipsae habeat altiore radice,
 „ Apostolicam Sedem, Romanam Ecclesiam, . . . quod ipsam
 „ Dominus super unum Sanctum Petrum fundaverit, atque ita
 „ in ipsâ Catholicae unitatis originem, et rationem posuerit;
 „ ejus Episcopatum omnibus Episcopatibus, atque Ecclesiis fe-
 „ cerit esse, ut solem radiis, ut Rivis Fontem, & Radicem Ra-
 „ mis supra nobis dixit Sanctus Cyprianus. „ Pergit idipsum con-
 firmare Sanctorum aliorum auctoritatibus, ac demum notat,
 hoc ipsum sic et Donatistis ipsis notum fuisse, „ ut paucis suis
 „ Romae ob negotia morantibus Afris crearent Episcopum, ipsum-
 „ que illic in, nescio quo, monte, aut rupe latitantem appella-
 „ rint Pontificem Romanum. Sciebant sine Romani Pontificis
 „ communione esse non posse veram Ecclesiam. At istud Pon-
 „ tificis spectrum Fideles Romani per jocum appellabant Episco-
 „ pum Montensem, aut Rupitanum. Hinc et omnes Donatistae
 „ ab eadem fideli Urbe appellati fuerunt Monteuses, ac Rupi-
 „ tani, „

Innumera alia proferri possent in eandem sententiam vete-
 rum testimonia; nec pauca ipsi, prout se dedit opportunitas,
 identidem in hujus lucubrationis decursu protulimus. Hoc loco
 unum

unum nobis propositum fuit, ut oculis aequi cujusque aestimatoris subjiceremus. I. Quantum a priscae Traditionis auctoritate recedat nova haec opinandi ratio, quae in Causis Fidei non alias propemodum Pontifici Romano partes concedit, quam ut Ecclesiarum sensum roget, ac ferat. II. Quam secum ipsi pugnent opinionis ejusdem Auctores, vel Suffragatores, qui ad Fidei judicium singularum omnium, vel fere omnium Ecclesiarum suffragia expetant, dum ex aliâ parte fidei veritates in plerisque interdum Ecclesiis sic turpiter deformari, obscurarique contendunt, ut ab illis ipsis Ecclesiis veritas non solum non teneatur, sed potius acriter oppugnetur. III. Quam parum congruenter agant, qui, dum se ostentant Episcopalis Dignitatis acerrimos Vindices, eam sic deprimunt, ut Episcopos haberi velint suarum quosque Plebium sensûs spectatores, ac testes; ut quos Christus Magistros posuit, eos ipsi faciant Ecclesiarum aliquo pacto Discipulos.

POSITIO XV.

„ Haeresis Lutheri jam ante Concilium Tridentinum prae-
 „ eunte Leone X. Pontifice Maximo ab Ecclesiâ irrevocabiliter
 „ damnata fuit . . .

ANIMADVERS.

CAvere imprimis videtur Febronius, ne irrevocabilis haec Lutheri damnatio uni Apostolicae Sedis judicio accepta referatur. Notat, Lutherum an. 1520. a Leone X. damnatum fuisse; Ei damnationi eodem anno Universitates Colonicensem, et Lovaniensem, sequenti verò etiam Parisiensem subscripsisse; Agnatum quidem sive ab hac Academiâ; sive a Parisiensi Synodo an. 1528. per Lutherum *extinctarum quondam haereseon cineres exsuscitari*; attamen additum ab utraq; „ negandum non esse, Lutherum ex prono suo, et fertili ad novitates ingenio etiam plura „ res novas ante inauditas haereses produxisse. „ Sed jam quod attinet ad Accademiarum Sententias, quamvis illae pro praestanti, quâ florent, doctrinae laude magnum auctoritatis pondus afferant, non ideo tamen judicium proprie dogmaticum constitutur, facile Febronius ipse consentiet, qui hoc proprium Episcopalis Ordinis tnetur.

Refert

Refert deinceps, Edicto Caroli V. an. 1521., quo Bullae Leonis Papae doctrinas Lutheri damnantis insistitur, eam Bullam per varios Germaniae locos, signanter Lovanii, Coloniae, Treviris, et Moguntiae publicatam esse.

Et continuò: „ Taceo, *inquit*, Dioecesanæ Synodos Trevirensis, et Augustanæ an. 1548., Argentinensem an. 1549., Coloniensem, et Cameracensem an. 1550., quibus errores Lutheri proscripti sunt; sed non praeteribo *Provinciales* an. no 1549. Moguntinam, Trevirensis, et Coloniensem, quippe quae Provinciae totam pene Germaniam Sacram complectuntur, quae omnes cum prioribus de eodem argumento sunt, scilicet de damnatione doctrinarum Lutheri . . .

Tum concludit: „ Sic Germania est Theatrum, in quo orta, et propagata est haeresis Lutheri: Eadem est Theatrum, quo illa proscripta fuit adhaesione Corporis suorum Episcoporum iudicio, et damnationi per Romanum Pontificem factae aliis Episcopis saltem tacite assentientibus, quae adhaesio unâ cum tacito reliquorum consensu constituit verum, et finale iudicium Ecclesiae dispersae . . .

Itaque adhaesionem Episcoporum Germaniae repetit praecipue Febronius ex tribus illis Provincialium Synodis, quae totam pene Germaniam Sacram complectuntur. Quod si ita est, sponte suâ consequitur, ante illas Synodos adhaesionem, quâ *finale* iudicium continetur, aut nondum habitam fuisse, aut saltem non satis idoneo, firmo argumento patefactam: quo posito et istud aliud consequitur, ante an. 1549., quo illae Synodi habitae sunt, ad Lutheri errores irrevocabiliter damnandos nullum adhuc *finale* iudicium prodiisse.

Atqui haec consecraria, tametsi expositioni Febronii plane consentanea, non potuere Febronio ipsi non absurda videri: Sic itaque pergit disserere: „ Manet proinde fixum, etiam novas Lutheri haereses (ut de recocitis, jam ante Lutherum proscriptis, non loquar) ante Concilium Tridentinum serius convocatum irrevocabiliter damnatas fuisse, quamvis praecisum, et fixum tempus aegre determinari valeat, quo moralis illa unanimitas Corporis Germanici adherentis Bullae Leonis X. perfecta fuerit: quandoquidem eam in annum 1549., idest Episcopam praedictarum Provincialium Synodorum differri nollem; neque

„ neque enim non potuere Catholicae Ecclesiae totam illam erro-
rum massam ocius non perhorrescere . „

Jam videat quisque paullo aequus rerum aestimator , quam bene ista conveniant . Corporis Germanici adhaesionem potissimum repetit Febronius ex illis Synodis Provincialibus , nec certius ejusdem , aut luculentius monumentum proferre valet . Hic verò adhaesionem ipsam in id usque tempus differri noller . Ergo eam extitisse oportebit , antequam ea existerent , per quae illam existere oportebat . Cujus rei argumento est , quod ab eà Epochâ discedens Febronius nullum amplius praecisum tempus reperire valet , quo moralis unanimitas perfecta fuerit . Quod si Vir bene doctus , qui nunc totam rerum tunc gestarum seriem pacato , quietoque animo revolvere , ac perpendere valet , non tamen in longo eo intervallo tempus ullum notare potest , quo moralis unanimitas aut perfecta sit , aut saltem certis notis , et indiciiis patescere potuerit , quid de illis existimandum , quos contigit turbulentissimis illis temporibus in medio disputationum aestu versari ? Ergo donec certo ipsis constare potuerit de morali unanimitate , quâ finale judicium continetur , incerti , ac fluctuantes haerere debuerunt ; nec habere certum quidquam , et fixum , in quo tamquam in constanti , et irrevocabili fidei regulâ conquiescerent . Donec enim non prorsus constaret , an irrevocabiliter damnatae essent doctrinae Lutheri , suspicio semper aliqua suboriri poterat , num forte finale judicium latis ante iudiciis omni ex parte responderet , quâ manente suspicione firmus consistere haud poterat assensus ille fidei , qui contrariis veritatibus debebatur . Quis porro Catholicus ferre possit , eum aliquando statum Ecclesiae fuisse , ut ancipites potuerint esse Fideles (quod vel scribere horret calamus) , num Pontificiis Decretis , an potius Lutheranis doctrinis audientes esse deberent ?

Sed frustra laborat Febronius in exquirendâ Epochâ , quâ de finali adversus Lutheri errores judicio plane constiterit . Nullus de hæc post Leonis X. Bullam dubitandi locus fuit . Pontificio Decreto Catholicae Ecclesiae nullâ susceptâ ulterioris unanimi-
tatis pervestigatione acquieverunt . De Corporis Germanici adhaesione minime solliciti fuere Patres Lugdunensis Provincialis Concilii an. 1527. , quum de Lutheranae haeresis impietate gravissime conquesti omni ope sibi enitendum ducerent , ut a pro-
pina

pinquis Regionibus in Gallias pervaderet; juberentque adeo, ne quis Lutheri, ejusque sequacium Dogmata, aut alias perverſas, reprobataſque doctrinas docere, aut defendere quoquo modo auderet. Concilium Provinciale Bituricenſe ann. 1528. Lutheri Dogma reprobatur, ſeu potius pro reprobo habere ſe teſtatur: Quo fundamento? Quod fuerat *a Sacroſanctâ Sede Apoſtolica jam pridem reprobatum*. Synodus Auguſtensis ann. 1548. præcipit, ac mandat univerſo Clero, ac Populo, „ Ut in Sanctâ „ Fide Catholicâ, quam Divinâ Clementiâ, et Sanctiſſimorum „ Hominum prædicatione ſecundum prædictæ Sanctæ Sedis „ (cujus Primatum paullo ante aſſeruerat) puram, et incorru- „ ptam Traditionem Majores noſtri acceperunt, conſtantes, „ firmique permaneant „. Non aliam ſibi quaerendam veritatis regulam putavit hæc Synodus, niſi puram, et incorruptam Sanctæ Sedis Traditionem. Conſentit Decretum num. 5. editum. „ Ut Catholica Doctrina, atque Diſciplina Eccleſiaſtica melius „ conſervetur, ſtatuiſmus, atque ordinamus, ut ordinandi ſu- „ per hæreſibus hoc tempore jactatis, quid de illis, et contra „ quid de Romanâ Catholicâ, et Apoſtolicâ Eccleſiâ ſentiant „ diligenti examinatione explorentur „. Eo ſcilicet ſpectabant Patres, ut eorum ſubditi „ Orthodoxam Fidem, Sedisque Apo- „ ſtolicae, a quâ (inquiunt num. 31.) Fidei Chriſtianæ incuna- „ bula traximus, auctoritatem, ut hactenus factum ab eis fuit, „ ad Gloriam Omnipotentis Dei tueantur „.

Quid plura? Edicto ipſo Caroli V. ann. 1521., quò, ut fa-
tetur Febronius, Bullæ Leonis X. inſiſtitur, Lutherus pro Hæ-
retico habetur. Quâ de re *Natalis Alexander Hiſt. Eccl. Sec. XV. et XVI. c. 2. artic. 11. §. 4. num. 4.* „ Caſar Edictum edidit de „ conſenſu Septemvirum, et omnium Sacri Imperii Principum, „ Ordinum, et Statuum, quo Martinum Lutherum ut mem- „ brum ab Eccleſiâ Dei abalienatum, ut obſtinatum Schiſmati- „ cum, et notorium Hæreticum habendum decernit „.

At nec ſilentio prætereundæ, quas præcipue commemoran-
das cenſuit Febronius, Provinciales Synodi ann. 1549., Moguntina,
Trevirenſis, Coloniensis. In his nullum dubitationis indicium,
quin velut damnatae jam, ac reprobatae habendæ eſſent, habe-
renturque Lutheranorum doctrinae. Speciatim verò inſigne pror-
sus, maximeque ad hanc rem, cauſamque pertinens Decretum

K

edidit

edidit Trevirensis, e quo non abs re fuerit pauca haec descripsisse. „ In confesso est, testantibus nimirum Sanctae Ecclesiae Patribus, ac re ipsâ clamante, Christi Apostolos Petrum, et Paulum Dei Sanctum Evangelium in sanguine quoque ipsorum, signatum Romanae Ecclesiae reliquisse; atque in illius fidem Ecclesias omnes, quae ubique sunt, Fideles in toto Orbe terrarum religiose conspirasse, atque societate Sacramenti confoederatas, et conjunctas esse. Itaque quum ad Nos per Episcoporum successionem perpetuo continuata ea Fides pervenerit, non dubitamus, hanc unam, eandemque esse, atque adeo veram fidem, quae ab Apostolis ipsis in veritate est tradita, & usque nunc religiose semper custodita, et in Catholicâ Ecclesiâ semper conservata. Nihil proinde aliud credendum, tenendum, aut docendum est, nisi quod Sancta Romana tenet, & docet Ecclesia omnium consentientium Ecclesiarum Mater, & Magistra. Eum vero, qui a Fide Catholicae, & Romanae Ecclesiae recedit, necesse est a veritate, & capite deficere. „

Atque id quidem antiquae suae, ac per multam Episcoporum successionem continuatae Traditionis praeclarissima Trevirensis Ecclesia velut hereditarium monumentum Posteris reliquit; istudque, si quem alium, praesertim decet, Episcopum Myriophitanum pro amplissimo Dignitatis gradu, quem in eâ Ecclesiâ obtinet, non solum non defugere, sed velut sacrum Depositum sibi a Majoribus commendatum sancte custodire, ac pro viribus sartum, tectumque tueri, ac defendere.

POSITIO XVI.

„ Ecclesia a Christo habet auctoritatem judicandi de sensu, seu doctrinâ Propositionum, Librorum, & Auctorum, nec non Fideles compellendi ad subscribendum suae Sententiae. „

ANIMADVER S.

Docet, hanc auctoritatem *in corpore Pastoralis residere, seu penes eos, quibus incumbit munus, & obligatio regendi, & docendi Fideles in iis, quae ad salutem pertinent, idest Pastores Eccle-*

Ecclesiae; Ususque hujus auctoritatis multis ex antiquitate petitis exemplis confirmat.

Perspicue adstruit, teneri Fideles jure Conscientiae judicio Ecclesiae acquiescere, nec religiosum, quod vocant, silentium sufficere: *Etenim verum, ac internum assensum Ecclesia postulat, non doloram, et mendacem subscriptionem*. Addit tamen, *non deesse Theologos plane Catholicos, qui Ecclesiae tributam esse infallibilitatem in factis Dogmaticis, negant*. Quod sane sine multâ reprehensione praetereundum non erat, nec omnino conciliari potest cum jure, quod Ecclesiae palam Febronius attribuit, veri, ac interui assensûs exigendi.

Demum celebris Muratorii de hâc re sententiam profert in hunc modum. „ Jansenii factum (verba sunt Febronii) *ad Fidei, dem non pertinere*, probat etiam sub nomine Lamindi Pritanii „ celebris Muratorius de ingenior. moderat. l. i. c. 20. Dicit tamen „ debere omnes, et singulos Fideles judicio Sedis Apostolicae acquiescere corde, et ore, quia hoc definire pertinet „ ad auctoritatem Ecclesiae *circa Disciplinam*.

Quod ait Lamindus Pritanius, debere Fideles omnes judicio Sedis Apostolicae corde, et ore acquiescere, rectissime ab eo dictum est. Quod merae disciplinae sit judicium, quod in factis Dogmaticis fertur ab Ecclesiâ, id vero perspicue refellit Febronius ipse hâc suâ sapienti observatione p. 97. „ Ex istâ rei serie „ apparet, decisionem controversiae Cyrilli cum Nestorio, *quae erat controversia Fidei*, factam ab Ephesinâ Generali Synodo „ totam esse fundatam in collatione Epistolarum Cyrilli, et Nestorii cum Nicaeno Symbolo, atque Synodum non aliter controversiam hanc decidisse, quam interpretando utramque Epistolam, et illam quidem Symbolo consonam, hanc dissonam „ pronuntiando. „ Videat jam Febronius, num satis Catholicum se Doctorem probet, quisquis ab Ecclesiâ conetur auctoritatem illam depellere de factis Dogmaticis certo, nec errori obnoxio judicio decernendi, quam adeo illustri facto, et exemplo Oecumenica Synodus Ephesina comprobavit.

POSITIO XVII.

„ Constitutioni *Unigenitus*, ut Dogmatico Sanctae Sedis,
 „ et Universalis Ecclesiae Decreto, omnimoda ab omnibus obe-
 „ dientia debetur „ .

ANIMADVERS.

Agnosceat, Ecclesiae jus esse adigendi Fideles, ut suae sententiae subscribant, „non solum quum singulae propositiones dam-
 „ nantur *ut haereticae*, sed etiam dum plures sub diversis, et
 „ indeterminatis qualificationibus configuntur, et prohibentur,
 „ ut ajunt, in globo Itaque per talem Ecclesiae definitio-
 „ nem firmum stat, eas propositiones quocumque titulo, seu ru-
 „ bricâ damnatas esse rejiciendas, quippe quod ex eisdam quae-
 „ dam sint *haereticae*, quaedam *erroneae*, quaedam *scandalo-*
 „ *sae etc.*, atque in id fertur assensus Auctoritati debitus. Quae-
 „ nam vero censurae nota singulis conveniat, Doctoribus inqui-
 „ rendum, et assignandum relinquitur, donec ab Ecclesiâ spe-
 „ cialius id fuerit determinatum. „ Recte huc usque. Verum sub-
 „ jungit: „ Posterior haec observatio omnino necessaria impedit,
 „ quominus laudata Constitutio pro *regulâ fidei* haberi hactenus
 „ valeat, sed *Morum* tantum „ .

Fatetur tamen Febronius, Constitutionem *Unigenitus*, prout est a Clero ipso Gallicano declaratum, esse *revera, et agnoscî pro Dogmatico universalis Ecclesiae Decreto*. In Decreto porro Dogmatico non sola vis inest Regulæ Morum; siquidem hujusmodi judicio propositiones sic proscribuntur, ut quamvis non plane constet, quae cuique censura conveniat, unusquisque tamen intelligere possit, ac debeat, nullam esse, quae non alicui ex infictis notis subjaceat, omnesque proinde aliquid continere, quod Catholicae, sanae doctrinae adversetur; Quumque id judicium non tantum ad componendos mores, sed etiam ad tuendam fidem spectet, atque ad ea rejicienda, ex quibus fidei, Catholicaeque doctrinae periculum, ac detrimentum imminet, non satis vim ejusmodi exprimit, qui non aliud in eo, quam simplicem regulam morum agnoscit.

Nec

Nec sequitur, Constitutionem *Unigenitus* nonnisi ut simplicem regulam morum ab illis haberi, quos laudat Febronius, qui eam *Judicium Ecclesiae Dogmaticum, et irreformabile* potius, quam *regulam fidei* appellare maluerunt. Haud quippe alienum est, illos existimasse, nomen hoc *regulae fidei*, quum strictissimo sensu accipitur, eis tantum definitionibus convenire, quibus aliqua propositio singillatim, ac expresse damnatur velut *haeretica* adeo, ut opposita enuntiatio Dogma contineat fide Divinâ determinate credendum; neque sic definita nullus ulteriori iudicio locus relinquatur. Porro ubi propositiones *in globo*, ut ajunt, damnantur, nondum habetur ultimum illud iudicium, quod Ecclesia ferre de illis queat, quo nimirum ipsa definiat insuper, ac declaret, quâ speciatim notâ unaquaeque propositio sit afficienda. Quo non tollitur, quin regulae fidei appellatio paullo latiore sensu jure, ac merito transfératur in ea iudicia, quae ad fidem tuendam pertinere, nec Febronius ipse diffitetur. Quocirca minus haerendum hoc loco censeo in iis persequendis, quibus cum recentis memoriae Scriptore evincere nititur, regulae fidei appellationem in Concilii Provincialis Romani acta irrepsisse, quod aliunde longiorem-disputationem flagitaret, quam praesentis instituti ratio patiatur (a).

Ad extremum testatur Febronius, quae de Constitutione *Unigenitus* scripsit, ea ut privatum hominem *in reverentiam Summae Sedis, et Constitutionum ejus scripsisse, quin damnare audeat ea Supremorum Magistratum mandata, quibus ad asserendam Regnorum tranquillitatem de his, et similibus controversiis in publico abstinendum jubetur*. Subjungitque, „ Verum „ haec ad ea pertinent, quae de jure placiti Secularibus Principi- „ pi-

(a) Quamquam apud aequos rerum Aestimatores ambigendi locus superesse nullus deinceps potuit, posteaquam S. M. Benedictus XIII., qui Acta hujusce sui Concilii summâ curâ, et diligentia recognovit, eâ ipsâ de re rogatus ab Archiepiscopo Ebreduensi expressis verbis rescripsit, Decreto, quale typis editum est, Fidem prorsus habendam, cui nimirum & ipse Pontifex, et caeteri Patres Concilii subscripissent. Quam Epistolam manu Pontificis ad se praescriptam, datamque die 8. Junii 1726. Archiepiscopus et ipso tempore cum aliis Praesulibus communicavit, ac deinde an. 1731. publicâ Pastoralî suâ institutione ad omnem futuri temporis memoriam commendavit.

„ pibus in Spiritualibus quoad certum modum, certosque fines
 „ competente a Jurisconsultis traduntur „. Quâ de re pauca se
 inferius dicturum pollicetur.

Unum igitur interea hic animadvertemus, Constitutionem
Unigenitus a Febronio propugnari tamquam Dogmaticum Sanctae
 Sedis, et universalis Ecclesiae Decretum. Quo fit, ut in ejus
 auctoritate asserendâ ratio ei habenda fuerit reverentiae non so-
 lum, quae Summae Sedi, sed et quae universali Ecclesiae ab omni-
 bus debetur. Quid porro debitum hujus reverentiae officium ab
 homine Catholico in Spiritualibus postulet, melius, ac tutius a
 Conciliis, et Patribus, quam a privatis Auctoribus Febronius in-
 telligere poterit. Verum de his et nos pauca subjungemus, ubi
 pauca illa ea recurrent, quae ille pollicetur.

POSITIO XVIII.

„ Quae ad Ecclesiae Statum pertinent, si quid dubitationis
 „ fuerit obortum, ad Romanum Pontificem referendum est „.

ANIMADVERS.

HUjusmodi relationum exempla profert ex remotissimâ anti-
 quitate, atque jus Pontificis esse, ut *ad Petri Apostoli Sedem de*
singulis quibusque Provinciis Domini referant Sacerdotes, evin-
 cit non auctoritate tantum Sardicensis Concilii, sed facto ipso
 Cypriani, *quem*, ait, *forte hic nonnulli opponunt*; tum Episto-
 lâ Coelestini ad Episcopos Illyrici, quin et ipsiusmet Justiniani
 ad Epiphanium Constantinopolitanum l. 7. C. *de Sum.Trinit.*

Deinceps incipit aliquantum tergiversari, eoque spectare,
 ut auctoritatis vim, quae in Pontificum responsis eminet, immi-
 nuat, seu potius infringat. Scilicet descriptis ex Innocentii I.
 Epistolâ ad Victricium Rothomagensem paucis hisce verbis, quibus
 „ Pontifex responsa dare se ait, *non quo nova praecepta aliqua*
 „ *imperentur, sed ea, quae per desidiam aliquorum neglecta*
 „ *sunt, ab omnibus observari cupiamus, quae tamen Apostoli-*
 „ *câ, et Patrum Traditione sunt constituta* „. Ex hoc peculiari
 descripto ad peculiaria Victricii quaesita minus attentis Dialecti-
 cae regulis in hanc generalem conclusionem descendit, seu verius
 prae-

praecipitat, „ responsa ea fuisse veluti instructiones ad directio-
 „ nem quaerentium, seu referentium ad normam Canonum, et
 „ antiquae Traditionis „. Atque id quidem ex auctoritate *Petri*
De Marca l. 7. c. 13. n. 4. Simul tamen non dissimulat, plus quid-
 dam a D. Rautenstrauch Pontificum responsis tributum fuisse, ni-
 mirum „ ea responsa non simpliciter tantum *Consilii* vicem subiis-
 „ se, sed veluti *Decisiones* ex Canonibus, et Traditione petitas
 „ accipiendas esse, ad quarum etiam observationem adstricti
 „ essent Episcopi „. Quâ de re pollicetur Febronius, dicturum
 se. Positione sequenti.

Nonnulla interim hîc animadvertenda. Quod Pontificum re-
 sponsa non *Consilii* tantum, aut merae institutionis, ut innuit
 Febronius, sed Praecepti, ac Decisionis vim habent, adeo
 perspicuum sit cuique rescripta inspicienti, ut D. Rautenstrauch
 minime dubitaverit idipsum palam, aperteque fateri. Quod vero
 Decisiones istae Pontificum sic ex Canonibus, et Traditione peti-
 tae innuantur, ut inde tota vis penderet, quâ Episcopi ad earum
 observationem adstricti tenerentur, id porro non sine aliquâ aut
 explicatione, aut etiam reprehensione praetereundum.

Equidem ex Epistolis Innocentii I. facile intelligimus, quan-
 tâ curâ, et diligentia in id incumberet Sedes Apostolica, ut Eccle-
 siastica instituta sancte, ac religiose ubique servarentur; simul
 vero docent, unde petenda esset origo, forma, norma Ecclesia-
 sticae Disciplinae. Perspicua sunt verba Innocentii, quae haud
 par fuisset a Febronio sileri, utpote quae proxime antecedunt,
 explicantque pauca illa, quae superius sunt ab eo recitata. „ Pro-
 „ pter eos igitur (inquit Innocentius Victorium alloquens), qui
 „ vel ignorantia, vel desidia non tenent Ecclesiasticam Discipli-
 „ nam, recte postulasti, ut in illis partibus istiusmodi, quam te-
 „ net Ecclesia Romana, forma servetur, non quo nova praece-
 „ pta aliqua imperentur etc. „. Latius vero idem Pontifex *Epist.*
ad Decentium: „ Quis enim, inquit, nesciat, aut non advertat
 „ id, quod a Principe Apostolorum Petro Romanae Ecclesiae tra-
 „ ditum est, ac nunc usque custoditur, ab omnibus debere ser-
 „ vari; nec superinduci, aut introduci aliquid, quod aut aucto-
 „ ritatem non habeat, aut aliunde accipere videatur exem-
 „ plum? Et post pauca: „ Oportet, eos hoc sequi, quod
 „ Ecclesia Romana custodit, a quâ eos principium accepisse non
 „ du-

„dubium est, ne, dum peregrinis assertionibus student, capre institutionum videantur amittere „.

Quibus ex Epistolis meritò sic *Severinus Binius* concludendum censuit: „Unde constat, pios, et doctrinâ spectatos Sanctissimos Episcopos, quantumvis ad informandam Plebem Ecclesiasticis institutis ipsi sibi sufficere videri possent, ex fonte tamen originario aquas haurire solitos esse, quod nimirum scirent, majoris roboris, et auctoritatis esse id, quod ab Apostolicâ Sedis de petito constaret, . . . eosdemque ad Sedis Apostolicæ doctrinam, tamquam ad Divinum semper in Petro loquens oraculum, convenire solitos esse; illud firmum, solidumque existimantes, quod tantæ Sedis auctoritate comprobatum intelligerent „.

Hinc si Febronius ex hoc jam loco innuere vellet, vim, quam habent Rescripta Pontificum, non tam ex auctoritate Pontificiâ pendere, quam ex Canonibus, quorum observatio Rescriptis illis commendatur, magnum incautis errandi periculum creare. Contrarium quippe constat Siricii auctoritate, quam ex P. Constant superius hanc in rem protulimus, cui adjungenda Hilari etiam auctoritas in Concilio Romano: „Nulli fas sit sine statûs sui periculo vel Divinas Constitutiones, vel Apostolicæ Sedis Decreta temerare „. Sed de his Febronius iterum dicturus est Posit. sequ.

„Alium adhuc finem habebant, inquit p. 110., Episcoporum, et Synodorum ad Romanum Pontificem relationes, ne scilicet Pontifex ipse, aut qui in ejus communione persistunt, ignoranter communicent iis, qui ab aliis Episcopis, aut Synodis excommunicati sunt „. Quod sic explicare pergit, ut innuere videatur, non alias eâ in re Pontificis partes fuisse, nisi quod ad evitandam subreptionem Synodi, et Episcopi, quos excommunicaverant, Sedi Romanæ denuntiabant, ut hoc merito ab omnibus devitarentur „. At æquum non erat dissimulare, quâ in ejusmodi Synodorum, Episcoporumve judiciis auctoritate uterentur, ac pollerent Romani Pontifices, quæ auctoritas a Concilio Sardicensi sic sancita est, ut non ab eo primùm instituta, sed agnita, et confirmata fuerit, prout latius a *Natali Alexandro* explicatur, et invicte comprobatur *Dissert. in Con. Sardic.* Verum, quia de his Febronius aliis adhuc locis dicturus est, nobis quoque ad ea loca necesse est nonnulla reservare. De-

Demum *p.* 113. vehementer cupere se ostendit; ut Concilia Provincialia singulis trienniis ex Tridentini praescripto celebranda restituerentur. Cur vero ad id optandum moveatur, non dissimulat: quod nimirum „ tum demum ad Sedem Apostolicam relationi locus esset, si illic (causae) finiri non possent, uti ad Episcopos Illyrici scripsit Sixtus III. apud Coustant Col. 1272. „ Quo posito magna spes ostenderetur fore, ut hoc relationum onere aliquando tandem Ecclesiae, et Episcopi levarentur: Etenim „ Quis credat, (utitur hic Febronius verbis Benedicti Oberhauser) „ unicuique Provinciae gratiam Sancti Spiritus defuturam, „ quâ aequitas a Christi Sacerdotibus et prudenter videatur, et „ constantissime teneatur, ut Romanis relationibus infinitus locus detur?

Mirum, viris aliquin nec incautis, nec indoctis talia quandoque excidere! Quid? Num forte Sancti Spiritus gratia priorum aetatum Synodis, Episcopisve defuisse censebitur, quâ et ipsi quid aequum esset, et prudenter viderent, et constanter tenerent? Attamen frequentissimum illis aetatibus Romanarum relationum usum agnoscit Febronius *p.* 115. Censet forte Oberhauser, et cum eo Febronius, Spiritus Sancti gratiâ caruisse Sanctissimos illos Sacerdotes, quos paullo ante laudavimus, Decentium, Victorium, Exuperium, Himerium, quos vel ipsa miraculorum gratia illustrabat, quibus tamen nihil antiquius erat, quam ut in omni dubitatione ad Apostolicae Sedis, idest ad Divinum Petri Oraculum confugerent? Isti scilicet interiori Sancti Spiritus unctione edocti non sciebant modo, verum et sentiebant, nihil hierarchico Ecclesiae Statui a Christo constituto congruentius esse, quam ut aetissimo semper vinculo Ecclesiae per Orbem diffusae cum centro Unitatis cohaerent, isque nexus perenni, nec unquam interruptâ communicatione firmus, indivulsusque teneretur. Id ipsum ex Irenaeo, Cypriano, Athanasio, Chrysostomo, Cyrillo didicerant, quorum sunt hâc de re luculenta non minus, quam notissima testimonia.

POSITIO XIX.

„ Decretales Romanorum Pontificum reverenter suscipien-
 „ dae, et sancte custodiendae sunt . „

ANIMADVERS.

V Idetur (saltem in speciem) Febronius agnoscere in Summo Pontifice potestatem ferendi leges Disciplinae universales . Et hoc quidem necessariò ei dicendum erat , nisi videri vellet Catholicam sentiendi rationem prorsus abjicere . Verum hanc potestatem ex hoc uno Capite depromit , quod , quum ad Canonum observantiam aut conservandam , aut instaurandam iteratis subinde legibus , ac decretis opus sit , nec semper cogi Concilia hoc nomine oporteat , ea potestas ad Primatem Ecclesiae jure Divino pertineat . Quae verba , si proprie accipiuntur , significant , non alià Legiferà potestate Pontificem pollere , quam quae in vindicandis Canonibus versetur ; ex quo illud consequens foret , antequam Concilia cogerentur , et Canones editi essent , nullà ferendarum legum potestate Pontifices praeditos fuisse .

Pontificii porro juris (quod tamen ad meram tuitionem Canonum paullo ante coërcuit) usum probat pluribus exemplis , nimirum Siricii , Zosimi , Coelestini . Tum concludit : „ Hae Decretales partim ex se ipsis , et proprià constituentium auctoritate vim legis habent , quales sunt illae , quas jam memoravimus , et aliae eis similes ; partim etiam ex usu , et receptione nactae sunt . „

Ait itaque , Decretales vim legis habere partim ex seipsis , et proprià constituentium auctoritate ; partim ex usu , et receptione . Illud primum ambigue dictum ; nec enim apparet , an Constituentium nomine Pontifices intelligat , an Concilia , e quibus Canones prodierunt , ad quorum tuitionem videtur superius totam adstrinxisse legisferam Potestatem Pontificum . Istud alterum mihi etiam congruenter dictum : Usus quidem , seu consuetudo vim quandoque habet legis inducendae , aut abrogandae ; at vim hanc non habet consuetudo ex sese , aut ex fluxu temporis , verum ex tacito , vel praesumpto consensu Legislatoris . Tan-

tum proinde abest, ut Legislatoris imperium vires trahat ex consuetudine, quin potius totam, quam habet vim consuetudo, eam ex Legislatoris nutu, seu consensu mutuetur. Neque satis vere, ac prudenter dicitur, legis a superiori potestate manantis vim ex subjectorum *receptione* pendere. Nam si Populi acceptatio in Republicâ necessaria fuit, ubi Populus erat Rex, id valere nequit, ubicumque Populus Regem habet, seu Principem, a quo Supremâ auctoritate regatur, ut proinde Regnorum tranquillitati, ac paci meritò infesta iudicetur a Sapientibus eorum opinio, quibus placet, multitudinis acceptionem accedere oportere, ut lata lex a Principe obligandi vim nanciscatur. At de his in præsentia satis.

Verum ut appareat, quam parum in hac totâ sermonis ambiguitate sibi consiet Febronius, quo loco legistram potestatem Pontificum contrahit ad eum modum, quem paullo ante vidimus, eo ipso præcipit generatim tenendum Gelasii Decretum, quo hæc potestatis contractio plane convellitur. Quippe sic decernit *Gelasius Can. 3. Dist. 15.*, Decretales Epistolas, quas, Beatissimi Papæ diversis temporibus ab Urbe Romanâ pro diversorum Patrum consultatione dederunt, venerabiliter suscipiendas esse. Nulla hic *receptionis*, aut *usûs* mentio. Consultationes generatim memorantur. Non ergo illæ tantum, quæ pro tuendis Canonibus ad Apostolicam Sedem referrentur, sed et quæ novas emergentes difficultates continerent, quibus novâ quâdam ratione, et consilio prospiciendum esset. Laudat etiam *Epistolam Innocentii I. ad Episcopos Carthaginensis Concilii apud Constant. Col. 888.*, quâ nil proferri potest luculentius ad asserendam Sedis Petri auctoritatem, a quo ipse *Episcopatus*, et *totâ auctoritas nominis hujus* emerit. De quâ Sede Patrum Instituta non humanâ, sed Divinâ decrevere Sententiâ, ut quidquid quavis de disjunctis, remotisque Provinciis ageretur, non prius duccret finendum, nisi ad hujus Sedis notitiam perveniret &c. Quod plane confirmant Afri Patres *Epist. ad Theodorum Papam*, cujus exordium ibidem a P. Coustant describitur. Urinam Febronius remotis ambagibus eam aliquando viam insistat, quam sic plane tritam Majores nostri reliquerunt!

Pag. 116. Legum proprietates recenset depromptas ex *Can. 2. Dist. 4.*, quæ quidem apud omnes sive Theologos, sive Ju-

isconsultos vulgatissimae sunt; nec minus civilibus, quam Ecclesiasticis Legibus conveniunt. Deinde sic statuit: „ Quis autem „ in tantâ hominum, et terrarum diversitate, et subinde con- „ trarietate de his omnibus, eorumque applicatione melius „ judicabit, quam Episcopi singuli pro suis respective Ecclesiis, „ seu Dioecesibus? *Quis discernet, an nova lex Pontificia sit se- „ cundum naturam, et Patriae consuetudinem utilis, loco, tem- „ porisque conveniens, nemini praedictans?* Certe Episcopus, „ cui Deus regendam suam particularem Ecclesiam commisit.

Deinceps Febronius, qui *duce Canone* in omnibus velle se progredi pollicetur, jam non dubitat hic palam profiteri, modum quemdam adhibendum esse Canonibus, qui de Pontificum Decretalibus reverenter suscipiendis loquuntur. Pergit enim vero: „ Et quamquam Canon ex Concilio Triburiensi (*Dist. 19. „ Can. 3.*) desumptus durior videatur Episcopali huic examini praescribere modum, haud tamen, si usibus Provinciarum „ obfutura sint Decreta Romana, ea repudiare simpliciter prohibetur, inquit *Rautenstrauch Sect. 2. c. 1. §. 146.* „, Num id est Canonem ducem sequi, an non potius Duce Rautenstrauch a Canone deflectere?

At primò quod veretur Febronius, ne Decretum aliquod Pontificum utilitatibus peculiaris cujusquam Ecclesiae minus congruat, id ipsum quoque de Concilii Generalis Decreto evenire posse, nemo diffitebitur; An propterea singulari cuique Episcopo hanc facultatem tribuet Febronius, ut Generalis Concilii Decreta examini suo subjiciat; et, si quidem minus ea sibi, suae Ecclesiae convenire judicaverit, jure suo repudiare illa simpliciter valeat? Quam Sententiam auctoritati Conciliorum Generalium adeo infestam, si animo imbibit Febronius, non eam ex antiquitate, non ex Canonibus, aut ex Ecclesiae Constitutione, sed ex novis tantum Magistris haurire potuit. Sane tota causa, ob quam legis Pontificiae repudiandae facultatem singularibus Episcopis attribuit, haec est, quod Episcopo Deus regendam suam particularem Ecclesiam commisit, ad eumque propterea spectet de applicandâ lege judicare. Atqui hoc in Conciliaria non minus, quam in Pontificia Decreta torqueri potest; semper enim urgere poterit Episcopus, Ecclesiam se regere sibi a Deo commissam, ex quo si consequens est, ut Pontificia Decreta, etiam conse-

que-

quetur; ut Conciliaria, quandocumque minus illa Ecclesiae suae consentanea judicaverit, repudiare simpliciter valeat. Sed perfectio haec ratio nec de Conciliaribus, nec de Pontificiis Decretis valet. Nam, ut hic omittamus inquirere, num *mediate*, an *immediate* suam a Deo jurisdictionem Episcopi accipiant, fateatur Febonius, non Divino, sed Ecclesiastico tantum jure suam cuique Episcopo Gregis portionem attributam fuisse, eamque regendam accipere cum potestate alteri superiori Potestati subjectâ, in quo Catholici omnes conveniunt.

Praeterea non distitetur Febonius, Episcopalis auctoritatis usum, exercitiumque Canonibus coarctari potuisse. Si ergo in Ecclesiâ potestas est aliqua, cui Episcopi subjici omnino debeant, repugnat certe, cuivis Episcopo liberum esse pro suo judicio, et arbitrio legem repudiare, quâ, qui Superiori eâ Potestate polleant, eos adstringere et volunt, et possunt. Insuper tali facultate constante, cui bono jam futura essent Provincialia Concilia, quae aliquando restitui vehementer Febonius exoptat? Et sane meritis; siquidem eâ mente, quâ Tridentini Patres haberi ea statim temporibus exoptarunt, videlicet non ad scindendam, sed ad confirmandam unitatem, et disciplinam. Etenim, posteaquam Conciliare Decretum latum fuerit, adhuc Episcopo cuilibet, utpote utilitatum suae Dioecesis Cognitori, et Arbitro integrum erit dispicere, utrum Decretum Ecclesiae suae conveniat, necne: Quo casu, quum nonnisi Episcopo probante admittendum sit, quid vetat, quo minus Episcopus proprio jure statuât, quidquid Conciliari Decreto statui posset?

Atque istic etiam meminisse oportebat, quod superius ex Barthelio Febonius descripsit, inter Episcopos, qui late per Orbem Ecclesiis praesunt, *civis reperiri contentiosos, pertinaces, scientiâ inflatos, aut aedificantis scientiae expertos*, a quibus et fidei, et disciplinae totius perturbatio metuenda sit, nisi unius Supremi Capituli efficaci auctoritate in Ordine, et Officio contineantur. Jam verò si *varietas* illa, et *contrarietas* terrarum, et hominum justam Auctore Febonio excusationem affert, ne superioris ejus auctoritatis Decreta recipiantur, jam patens, et expedita via paratur Episcopis istis, si qui sunt *contentiosi*, ac *pertinaces*, quâ jactare in omnem se partem valeant, et quae minus placeant, quantumvis aequa, et salutaria legitimae auctoritatis.

ritatis jussa, detrectare. Quin potius, etsi nulli sint, quod libenter, ac facile credam, quales depingit Barthelius, pertinaces Episcopi, tamen quis nescit, quam frequenter pro ingeniorum varietate contingat, ut in unâ, eâdemque Sede Successori displiceant, quae Praedecessori placuere; et quae ab uno tamquam utilia, et propemodum necessaria judicata siat, ab alio nihil imutata rerum conditione velut noxia tamen, aut inutia reprobentur? Ut proinde, si singulorum judicio superiorum Decretorum receptio, vel repudiatio permittatur, necesse sit, omnem formam, ac speciem communis, constantisve disciplinae interire. An forte persuasum est Febronio, nusquam Episcopo cullibet instinctum Spiritûs Sancti decesse, ubicumque de repudiandis Romanis Decretis agatur?

At forte inquiet, quis negaverit, evenire aliquando posse, ut Romanum aliquod Decretum utilitatibus peculiaris cujuspiam Ecclesiae minus conveniat. aut etiam officiat? Nullum igitur suppetet remedium ad avertendum tam grave incommodum? Atqui paratum extat remedium, idque promptum, et saluberrimum. „ Si cui verò (inquit Pius IV. ad Tridentini mentem, cujus haec verba recitantur a Febronio p. 112.) „ in iis aliquid obscurus dictum, aut statutum fuisse, eamque ob causam interpretatione, ne, aut decisione aliquâ egere visum fuerit, ascendat ad locum, quem Dominus elegit, ad Sedem videlicet Apostolicam, omnium Fidelium Magistrum, cujus auctoritatem etiam ipsa Sancta Synodus tam reverenter agnovit. Nos enim difficultates, et controversias, si quae ex iis Decretis ortae fuerint, nobis declarandas, et decidendas, quemadmodum ipsa quoque Sancta Synodus decrevit, reservamus parati, sicut ea de nobis merito confisa est, Provinciarum necessitatibus eâ ratione, quae commodior Nobis visa fuerit, consulere. „ (a)

Vere testari ego possum, quam diligenter, quam caute Sacra Congregatio Concilii occurrentibus Ecclesiarum necessitatibus pro-

(a) Hoc ipsum argumentum copiose pertractat Benedictus XIV. de Syn. Dioecesis. l. 9. c. 8. „ cujus inscriptio: „ Quomodo, Se gerere debeant „ Episcopi erga Apostolicam Sedem, si quam forte Pontificiam Constitutionem de aliquo disciplinae capite pro suis Dioecesisibus minus opportuna esse censeant. „

prospiciat in id semper intenta, ne quid de Episcoporum juribus decedat, et salutaribus Concilii Decretis constituta Disciplina sancte, fideliterque servetur.

Atque ex dictis intelligitur, parum prodesse quod ad extremum subjungit Febronius. „ His positis Pontificum Constitutio-
 „ nes, non tantum quae vetera renovant, sed etiam quae nova
 „ constituunt, nisi gravis obstet causa, ab Episcopis reverenter
 „ suscipiendae, publicandae, et sancte custodiendae sunt, „ quan-
 „ doquidem ea praemisit, quibus positis obedientia, quae commen-
 „ datur, quodcumque liberit, eludi, ac detractari valeat. Sed
 in hac tamen confessione hoc saltem inest boni, quod testimonio-
 minime suspecto magis, magisque confirmatur, a nemine, qui
 Catholicus audire velit, negari posse, quin *Decretales Romanorum Pontificum et reverenter suscipiendae sint, et sancte custo-
 diendae*.

Sed nec istud omnino praetereundum, legis proprietates, quas recenset Febronius non minus civilibus, quam Ecclesiasticis legibus convenire; hanc vero praesertim, quod lex sit sub-
 jectorum utilitatibus accommodata. Id quippe et naturalis aequitas suadet, et omnium quum publici, tum privati juris Interpretum summâ consensione traditur. Jam in amplâ Ditione, quae Principi longe, lateque dominanti pareat, *in multâ illâ terrarum, hominumque varietate, et subinde contrarietate*, quam Febronius supra memorabat, quis melius locorum, ac temporum opportunitates perspectas habere potest, quam Incolae praecipui, aut Magistratus, seu Praefecti, qui singulis Provinciis, aut etiam Civitatibus, Oppidis, et Pagis praesunt, atque in publicarum, privatarumque rerum administratione versantur? Si ergo, quia cujuslibet singularis Dioecesis utilitates nemini magis exploratae sunt, quam proprio Episcopo, jus habet Episcopus superioris legis repudiandae, siquidem eam suae Dioecesi minus convenientem censuerit, ex hoc eodem principio idem quoque jus in quolibet aut Provinciae, aut Pagi Praefecto enascetur, ut sui Principis universales leges accurate inspicere debeat, easdemque aut recipere, aut repudiare, prout eas publicae utilitati convenire, aut non convenire judicaverit. Quod quantum publicae tranquillitati consentaneum sit, Febronius ipse viderit.

P O S I T I O X X .

„ Summo Pontifici jure Divino competit jus indicendi, dī-
 „ rigendi, et confirmandi universalia Concilia . „

A N I M A D V E R S .

Vix opus admonere, hâc quoque explanatione Febronium ei
 parti favere, quæ Concilii auctoritatem præ Pontificiâ extollit,
 eaque libenter argumenta præterire, quibus Pontificiæ auctori-
 tatis præstantia nititur. Sed hæc in præsentia mittimus, quippe
 ille ad ulteriora progreditur.

Scilicet hæc habet p. 122. „ Porro duplex auctoritas ad hanc
 „ Conciliorum Congregationem concurrere potest, et solet: Ec-
 „ clesiastica velut Judex, et Arbitra Fidei, et Religionis; Civi-
 „ lis, ut Decreta Fidei, et Morum in forensi etiam judicio vim
 „ legis publicæ obtineant, et per omnes Imperii Provincias ex-
 „ quutioni dari valeant. „

Haud scio, an Febronius certum hoc Dogma in dubium vo-
 care velit, Decretis Fidei, ac Morum Fideles omnes, quam late
 patet Orbis Christianus, ipsosque Magistratus Civiles adstringi.
 adeoque in Ecclesiâ vigere, quemadmodum ab Apostolicis tem-
 poribus viguit, potestatem non solum edendi ejusmodi Decreta,
 sed ita etiam promulgandi, ut statim, atque in Fidelium notitiam
 venerint, nemo eisdem sine fidei detrimento repugnare, vel ob-
 sistere valeat. Num ergo, posteaquam Decretum prodiit, quo
 propositio aliqua velut hæretica damnatur, et opposita veritas
 tamquam revelata, et Fide Divinâ credenda proponitur, adhuc
 suspensus hærebit Vir Catholicus, aut ei expectanda erit venia
 Magistratûs, antequam Verbo Dei ab Ecclesiâ proposito assensum
 præstare audeat? Atqui nec ipse Magistratus vel punctum tem-
 poris hæsitare valet, quin se dubium in fide, atque adeo infide-
 lem profiteatur. Quæ Apostoli ediderunt Decreta Fidei, et Mo-
 rum, eo ipso nullo Civilis Potestatis interventu plenam vim le-
 gis apud Fideles omnes, atque in omni Christiano judicio habue-
 runt; Quam porro potestatem a Christo Apostoli habuere in re-
 bus

bus ad Fidem , Religionemque pertinentibus , hæc fatente Febronio in Successores omni ævo duratura pertransiit . Sic ergo a Christo Ecclesiae suae perennitati prospectum fuit , ut quod Apostolis satis fuit ad plenam executionem Decretorum Fidei , et Morum inter Fideles , id in omne posterum tempus satis esse deberet .

Atque hic porro longe abest a Febronii mente Mens , et Sententia Natalis Alexandri Dissert. 28. in 4. sæcul. prop. 3. , ubi objectionem expendens ductam ex Epistolâ Constantii ad Concilium Ariminense respondere non dubitat , „ Veterem Ecclesiae „ disciplinam ex illâ Epistolâ colligi nec posse , nec debere , in „ quâ Constantius Ecclesiae Decreta absque suâ approbatione „ edita prorsus irrita esse jubet . *Non enim* , inquit , *illa vires „ habere poterit Definitio , cui nostra statuta testantur , jam „ nunc robur , et copiam denegari* . Et certe longe a Constantii mente verba illa absunt , qui de Causis Episcoporum in Concilio Nicaeno ait : *Mihi vero non est fas , quum Homo sim , ejusmodi causarum cognitionem arrogare , praesertim quum , et qui acculant , et accusantur , Sacerdotes sint , ut refert „ Sozom. l. 1. c. 16* . Longe etiam dissimilia sunt verba illa Constantii verbis Valentiniani Imperatoris , qui contestatus est , *in „ causâ Fidei , vel Ecclesiastici alicujus Ordinis eum judicare debere , qui nec munere impar sit , nec jure dissimili* , hoc est „ Sacerdotes de Sacerdotibus judicare , Teste S. Ambrosio „ Epis. 32. .

De antiquarum Synodorum Convocatione hæc tradit p. 122. „ Quod antiquae Synodi Generales fuerint indictae ab Imperatoribus , quorum Ditioni olim suberant omnes fere totius Ecclesiae partes , id non praetendebant facere ex jure proprio *Clavium „ Ecclesiae* , quae illis non fuerunt a Christo traditae , sed vel ex „ intentione sopiendi motus publicos Reipublicae noxios , vel ex „ zelo Religionis , quo consulere volebant Ecclesiae , ac fidei adversus exortas haereses , conspire dissensiones , et auctoritate Conciliorum scandalis occurrere praestito etiam , ubi opus fuerit , sumtuum subsidio ; cui indictioni , atque consilio Summi Pontifices annuentes praebuerunt assensum jam antecedentem , jam concomitantem , jam subsequentem , et Legatos ad „ Synodos direxerunt „ . Sed hæc planius , copiosius , et accu-

ratius explicantur a V. Bellarmino lib. 2. de Concil. c. 13. et seq. quae loca omnino videntur.

Aliquā porro etiam explicatione indiget, quod subjungit Febronius pag. 143. „ Interim actus Convocationis se solo spectatus nihil naturā suā Spirituale involvere videtur; proinde nihil „ prohibet, quin etsi Pontifici jus convocandarum Synodorum „ ex jure Regiminis Ecclesiastici competat, nihilominus Ministerium „ et Auctoritas Potestatis Civilis ad illius executionem „ adhibeatur. „ Nimirum actus Convocationis non ita se solo spectari potest, quin ad aliquem finem referri intelligatur. Porro quemadmodum Convocatio Procerum Regni ad celebranda Comitia Actus est publicae potestatis, sic Convocatio Praesulum Ecclesiae ad ea tractanda, quae ad Religionis statum pertinent, Actus est Ecclesiasticae potestatis; atque adeo spectato fine, ad quem refertur, omnino est in Spiritualium actionum genere ponenda. Sed quum multis externis adjumentis plerumque opus habeat ejusmodi Convocatio, in his quidem suppeditandis, ac praesidio suo muniendis laudabiliter auctoritatem suam Civilis Potestas adhibebit.

Subinde agit Febronius de causis convocandi Concilii extraordinariis etiam absque interventu Pontificis, valdeque inhaeret sententiae, quam supra indicavimus. Quam disputationem, ut jam dictum est, eā de causā praeterimus, quod et longiorem sermonem postulare, et aliunde a doctissimis Viris tota haec causa copiose, ac diligenter est pertractata. Videndus Bellarminus loc. cit.

Sed quod propius causam nostram attingit, minime praeterenda, quae scribit Alliacensi consentiens Natalis Alexander Hist. Eccles. Tom. 8. Diss. 12., „ Sedem Apostolicam excludere „ ab examine, summoque iudicio quaestionum Fidei haereticum „ cum est. „ Quippe jam sic statuerat Alliacensis: Ad Sanctam „ Sedem Apostolicam pertinet auctoritate judiciali Suprema circa „ ea, quae sunt Fidei, judicialiter definire. „ Cujus assertionis haec affert probationem: „ Ad illius tamquam ad Supremi Iudicis auctoritatem pertinet in fide judicialiter definire, cujus fides „ nunquam deficit: Sed Sanctae Sedis Apostolicae fides nunquam „ deficit &c. Ad quae haec subjungit Natalis Alexander „ Paulo aliter S. Cyprianus habet lib. de Unitat.

Qui

„ Qui Cathedram Petri , super quam fundata est Ecclesia , de-
 „ serit , in Ecclesia se esse confidit ? . . . „

POSITIO XXI.

„ Generalia Concilia sortiuntur firmitatem independentem
 „ a quâcumque aliâ acceptatione . „

ANIMADVERS.

Propositâ quaestione , quânam certâ , et clarâ regulâ Concilia
 rite celebrata discerni ab aliis valeant , refert primum recentioris
 religiosi Theologi responsum hisce verbis . „ Si quaedam sint ,
 „ de quibus prudenter dubitari queat , rite , necne , ac legitime
 „ celebrata sint , *tunc Ecclesiae iudicium attendendum est* .

Recte porro monet Febronius , ad illud Ecclesiae iudicium ,
 quod in tali dubio desiderat laudatus Theologus , a Bossuetio su-
 peraddi „ *Cum Sedis Apostolicae confirmatione* , cui necessario
 Clarissimi Praesulis addito subscriptorem se praebet Febronius ;
 „ Bene utique , *inquie* ; si enim iuxta tradita praecedenti Positio-
 „ ne in constituendo Generali Concilio omnino desideratur Con-
 „ sensus Pontificis , ille non minus requiretur ad explicandum
 „ dubium , num illud revera Generale sit . „ Quamquam et exi-
 stimo , laudatum Theologum , dum ad Ecclesiae iudicium provo-
 cat , in eo Ecclesiae iudicio Apostolicae Sedis Confirmationem
 potissimum spectasse .

Monet ad extremum : „ Porro , dum dicimus , Concilia Ge-
 „ neralia suam sortiri firmitatem independentem a quâcumque aliâ
 „ acceptatione , id intelligimus *de Decretis fidei , et morum* . „
 Quid ergo sibi vult Febronius , quum loquens , ut supra vidimus ,
 de ipsismet Decretis Fidei , et Morum Potestatis Civilis assensum
 desiderat , ut in forensi iudicio vim legis obtineant , et execu-
 tioni dari valeant ?

POSITIO XXII.

„ Concilium Tridentinum etiam in rebus Disciplinae liberum fuit „.

ANIMADVERS.

AD caetera momenta, quibus hanc probat Concilii libertatem, addit Racinii testimonium, quem ait, Scriptorem esse in hac parte minime suspectum; quo in testimonio legitur iudicium, quod de Paulo Sarpio ferebat Interpretes ejus Courayerius vocans eum, (prout verbis Gallicis expressum refertur a Febronio) *Catholique en gros, Protestant en detail*. Itemque non omittitur a Febronio iudicium, quod ipse idem Racinius de Pauli famosâ Historiâ protulit, quam dicere non dubitat multis partibus vitiosissimam.

POSITIO XXIII.

„ Causae Criminales Episcoporum per Concilium Tridentinum Romano Pontifici merito reservatae sunt „.

ANIMADVERS.

AD stipulatorem se praebet hoc loco Febronius Petro De Marca opinanti, Sardicensibus Canonibus *ansam, et originem juris Romanae Sedis ad Canonica Episcoporum judicia debere*: Quos ille proinde sic interpretatur, ut velit, per eos „ Episcopis in „ Provinciali Synodo damnatis permitti recursum ad Romanum „ Pontificem, qui quidem de causâ non judicialiter cognoscat; sed „ indaget solum, an causâ talis sit, quae novum examen deponat; hoc si Pontifex deprehenderit, concedere illi sacram Synodum *in honorem, et memoriam Beati Petri*, ut praeter Episcopos Provinciae, in quâ causa iudicata est, ex finitimis Provincis Cognitores tribuat, qui unâ cum prioribus Judicibus „ causam denuo, non quidem Romae, sed in partibus excutiant etc. „ ita pag. 144.

At facile Febronius animadvertere poterat, longe ante Canones

nones Sardicenses hunc morem in Ecclesiâ viguisse, ut Episcopi Conciliorum judicio, ac sententiâ damnati ad Apostolicam Sedem confugerent, quod quum permultis alijs, tum celebri Athanasii facto comprobatur, quod ille ipse innuit hujusce explanationis initio (*). Quo exemplo eo magis Febronium commoveri decebat, quod, ut referi doctissimus *Christianus Lupus* (*de Gallicanae Ecclesiae Romanis appellationibus cap. 4.*) „Gloriosus Tre-
 „viresium Antistes Maximinus Papae Julio Auctor fuit non dum-
 „taxat, ut Sanctum Athanasium statim revestiret, sed etiam ut
 „ejus Damnatores citaret Romam; et hanc vetustam Romanae
 „appellationis disciplinam curavit innovari, atque sumari per
 „Sardicenses Canones. Cujus moris, ac disciplinae plura mox
 profert, eademque luculentissima documenta ibidem videnda.

Praeterea jus appellationum ad Romanam Sedem non esse a Sardicensi Concilio institutum, sed ex Primatu Divinitus ei Sedi collato sponte profluere invicte demonstrat *Natalis Alexander Dissert. 28. in IV. Sec.*, planeque diluit commentitiam interpretationem a Petro De Marca in hunc locum invecram, quâ revisionis dumtaxat decernendae, non judicandarum appellationum potestatem a Sardicensi Concilio agnitam, vel tributam contendit. Praeterquam quod et istud addi potest, praestantissimum munus, quo sese jurisdictio explicat, in dandis potissimum Judiciis eminere: quâ potestate qui pollet, ei judicariam potestatem denegare prorsus absonum est.

Nimis longum foret argumenta promere omnia, quae in hanc rem faciunt, quaeque jam diligenter collecta reperiuntur quum apud Christianum Lupum, tum in laudatâ Dissertatione Natalis Alexandri, atque in notis, et animadversionibus, quas doctus Praesul Johannes Dominicus Mansi eidem adjunxit.

Non tamen praereundum, si constare sibi voluisset Febronius, nullo cum in pretio novam illam Petri De Marca distinctiunculam habiturum fuisse. Quid enim auctoritatis in novitate potest esse apud eum, qui se antiquitatis retinentissimum proficitur?

Atquâ

(*) De Athanasii restitutione per Sedem Apostolicam factâ, velut de re notâ, et perspectâ loquitur S. Coelestinus I. (Epist. ad Clerum, et Populum Constantinopolitanum apud Labb. tom. 3. edit. Ven. Col. 922.) „Denique hinc ei (Athanasio) redintegratus est Status, et in hac Sede
 „requiem communionis invenit, a quâ semper Catholicis subvenitur „.

Atqui se hujus distinctionis primum Invenirem palam praedicat Petrus De Marca, nec parum de hoc novo invento laudare sibi videtur. „ Haec, *inquit*, interpretatio mea est, quam quum „ aliquot Viris doctis aperuissem, eam illi suffragio suo compro- „ barunt. „ In quae verba laudatus Praesul Mansi „ Ex hoc solum, „ *inquit*, quod interpretatio D. De Marca per tot saecula latuerit, „ omnesque usque ad illum in Canone Sardicensi legerint illud „ jus, quod et ipse Natalis Romano vindicat Pontifici, satis inno- „ tescit, De Marca veritatem non esse assequutum; quod et mi- „ rum est, non cognovisse, quum ad suam intrudendam explica- „ tionem coactus fuerit discedere a germanâ intelligentiâ illarum „ vocum *appellandi*, seu provocandi, quae in Canone conti- „ nentur „.

Fatetur tamen De Marca assentiente quoque Febronio, Causas fidei, et regulas generales Ecclesiae universae a Conciliis istis absque interventu auctoritatis Episcopi Romani tractari non potuisse. Quin addit „: Summi Pontifices non solum cognoscebant de „ Appellationibus Orientalium, quando agebatur *de Fide*, sed „ etiam primam causae cognitionem ad se trahebant, si de hae- „ resi ageretur; Etenim materia fidei est causa communis. Hoc „ jure usus est Coelestinus adversus Nestorium „.

Recte id quidem, sed plane discrepans, et alienum, quod hinc rursum Febronius inclinat in commentitiam illam Petri De Marca opinionem, quam superius jam exposuit *Posit.* 12., quâ non aliae partes Pontifici relinqui videntur, saltem in deponendis Patriarchis, quam ut exequentorem se praebet latae sententiae adversus haeresis Auctores, eorumque complices: quod vel solo Coelestini facto abunde refellitur. Quâ de re, si non satis pro dignitate, plusquam satis pro refutando errore supra etiam dictum est. Verum Petrus De Marca, cujus verba exscribit Febronius, praesidium sententiae suae comparare studuit ab auctoritate Gelasii, qui scilicet „ Commonitorio ad Faustum respondet, De- „ cessorum suum Felicem, qui Acacium damnaverat, *exequuto-* „ *rem fuisse veteris constituti, non novae constitutionis Aucto-* „ *rem* „.

At profecto De Marca, dum haec scriberet, aut Gelasii Commonitorium sub oculis non habuit, aut in eo referendo minus accuratum se praebuit. Objecerat Euphemius, *Acacium ab uno*
non

non potuisse damnari. Redarguit Gelasius hominis inscitiam, ac primo loco eum facti errore labi ostendit. *Itane*, inquit, *non perspicit secundum formam Synodi Chalcedonensis Acacium fuisse damnatum*? Ex quo merito infert Gelasius id, quod est a De Marca notatum, Felicem Decessorem suum in Acacio damnando *Exequutorem fuisse veteris constituti, non novae constitutionis Auctorem*. At forte putabimus, hoc uno *exequendi* munere Gelasium Pontificiae Potestatis in exercendis judiciis amplitudinem circumscripsisse? Immo quod a Romano Pontifice factum adversus Acacium querebatur Euphemius, illud ipsum a quovis alio Antistite fieri potuisse, Gelasius declarat his verbis, quae proxime sequuntur, „ Quod non solum Praesuli Apostolico facere licet, sed cui-
„ cumque Pontifici, ut quoslibet, et quemlibet locum secundum
„ regulam haereseos ante damnatae a Catholicâ Communionis di-
„ scernant „ . Et sane nemo est Catholicus Antistes, qui non debeat velut a Catholicâ Communionem alienum repellere, qui se se damnatae haeresis Sectatorem profiteatur.

Posteaquam vero ineptas Euphemii Criminationes Gelasius diluit, inscitiam hominis *ad hominem*, ut ajunt, convincendo, mox accedit ad Apostolicae Sedis jura explicanda, atque ad eorum temeritatem revincendam, qui Canones jactare non verebantur, ut Supremae Sedis auctoritatem, non canonico tantum, sed et Divino jure constitutam lacesserent. Pergit itaque, „ Nobis op-
„ ponunt Canones, dum nesciunt quid loquantur; contra quos
„ hoc ipso venire se produnt, quod primae Sedi sana, rectaque
„ suadenti parere fugiunt. Ipsi sunt Canones, qui appellationes
„ totius Ecclesiae ad hujus Sedis examen volvere deferri; ab ipsâ
„ vero nusquam prorsus appellari debere sanxerunt, ac per hoc
„ illam de totâ Ecclesiâ judicare, ipsam ad nullius commere ju-
„ dicialium, nec de ejus unquam praeceperunt judicio judicari,
„ sententiamque illius constituerunt non oportere dissolvi, cujus
„ potius Decreta sequenda mandarunt „.

Et post pauca: „ Nobis ausi sunt facere Canonum mentionem,
„ contra quos semper ambitionibus illicitis fecisse monstrantur „.

Ac deinceps: „ Ineptias itaque suas sibi servant, nisi respi-
„ scant potius cogitantes, Christi vocem non esse superfluum,
„ quae confessioni Beati Petri Apostoli inferni portas nunquam
„ praevalituras asseruit. Quâ propter non veremur, ne Apostoli-

„ ca Sententia resolvatur, quam et vox Christi, et Majorum
 „ Traditio, et Canonum fulcit auctoritas, ut totam potius Eccle-
 „ siam ipsa semper dijudicet „ .

Hoc vero laudandum, quod Febronius non praetermiserit innuere plura, et varia, quae De Marca collegit iudicia Episcoporum a D. Gregorio celebrata, et quidem Romae; nec solum in causis Episcoporum Italiae, sed etiam aliarum Provinciarum. Non tacet, in Concilio Francofurtano an. 794. conflato ex Episcopis Germaniae, Galliae, et Aquitaniae nonnullas causas ad Romanae Sedis decisionem ablegatas fuisse his verbis: „ De Ta-
 „ rentasiâ vero, et Ebreduno, sive Aquis Legatio facta est ad
 „ Sedem Apostolicam, et quidquid per Pontificem Romanae Ec-
 „ clesiae definitum fuerit, hoc teneatur „ . Sed nec praetereundum erat, caeteras causas idem Concilium ex Decretis Pontificum Innocentii, Zosimi etc. definivisse.

Notat porro, his velut initiis gradum factum esse ad novum ordinem iudiciorum, qui post Isidorianam collectionem latius invaluit. Non jam ergo ex Isidorianâ collectione novus ordo, sed potius ex ordine jam recepto Isidoriana collectio prodiit, ut inter caeteros doctus Ballerinius probe animadvertit.

Subinde post nonnullas disquisitiones de causis maioribus, et minoribus exceptiones quasdam memorat in *Tridentino Concilio* allegatas adversus dispositionem *Sess. 24. c. 5. de Reform.*, quas velut peculiaribus caussis innixas non improbat quidem, sed hâc tamen cautione, scilicet „ Subsistente de caetero universitate Legis Conciliaris fundatae in eminentiâ Ordinis Episcopalis, Summi Romani Pontificis, . . . et nexu, quo omnes Episcopi sub uno Capite colligantur &c. . . . „ Hanc demum Disciplinam, quam agnoscit nunc universalis Concilii Decreto firmatam, fatetur, *antiquiori etiam, et ante Isidoriano Aevo non incognitam fuisse*. Verum de Isidorianâ Collectione nonnulla deinceps dicenda occurrent.

POSITIO XXIV.

„ Pro Supremâ Potestate Pontifici in universâ Ecclesiâ colla-
 „ tâ ille sibi, suoque Judicio quaedam graviora peccata jure re-
 „ servat. „

ANIMADVERS.

NON potuit Febronius non agnoscere in Pontifice jus istud ab
 Oecumenicâ Tridentinâ Synodo tam aperte, tam expresse agni-
 tum, declaratum, ac sancitum. At postea serpere incepit more
 suo, quo id juris velut pedetentim immiinat, ac fere tandem in
 nihilum redigat.

Profert Decretum Synodi Lemovicensis ann. 1031., quo
 splendide jus istud demonstratur his verbis: „ *Judicium enim to-*
tius Ecclesiae maxime in Apostolicâ Romanâ Sede constat. Sed,
 ne Pontificio juri nimium favere videretur gravissima haec aucto-
 ritas, continuò subjungit: „ Huic regulae, ne nimium generalis,
 „ et indefinita videatur, Patres ejusdem Concilii deinde legiti-
 „ mam restrictionem, seu veriùs interpretationem addidere his
 „ verbis: Apostolici Romani Episcoporum omnium sententiam
 „ confirmare, non dissolvere debent, quia sicut Membra Caput
 „ suum sequi, ita Caput Membra sua necesse est non contrista-
 „ ri. „ Verum satis patet, hisce verbis Patres spectasse ad mo-
 derationem quamdam in usu potestatis insinuandam, non ad po-
 testatem coercendam ejus Sedis, in quâ totius Ecclesiae judicium
 maxime constare expresse agnoverant.

Similiter, quod ille profert ex Concilio Salegunstadiensi an-
 ni 1022.: „ Decrevit quoque Sancta Synodus, ut nullus (Poeni-
 „ tentiae caussâ) Romam eat, nisi cum licentiâ sui Episcopi,
 „ vel ejus Vicarii, „ ad praecavendas potius falsò Poenitentium
 fraudes, quam ad minuendam Pontificis potestatem spectare,
 agnoscit *Thomassinus p. 1. l. 1. c. 6. n. 9.* „ Poenitentium, *inquit,*
 „ aut Impoenitentium potius fraudibus obviam tum ibant Episco-
 „ pi, non Papae potestati eximiae. „ Quod luculenter ille probat
 consimili Decreto Lemovicensis Synodi per ea tempora, scilicet
 an. 1032., habitae, quae Synodus cassas, et inutiles pronuntia-
 bat nonnullas istiusmodi absolutiones, non quod tantae potestatis

N

cx.

expers esset is, a quo extortae fuerant, sed quod eas vere extor-
sissent ii, qui obrepserant Pontifici. „ Quum ergo, *inquunt Pa-*
„ *tres*, tales deceiverint Apostolicum, ut fraudulenter absolvan-
„ tur ab eo, irrita est illa absolutio. „ Irrita, inquam, ob vi-
tium obreptionis, non ob defectum potestatis.

Jam videndum, quid ex citatis a se Decretis concludi posse
Febronius censuerit. „ Ita est, *inquit* p. 157. „ Papa potest con-
„ dere leges, & constitutiones; potest facere reservationes,
„ sed non debet contristari Episcopos, hoc est impedire in exerci-
„ tio Officii sui Pastoralis. Episcopi per se sunt Ministri Sacramenti
„ Poenitentiae sine ullâ reservatione cujuscumque Tribunalis su-
„ perioris. „

Vel hic Febronius loquitur de potestate Ordinis, & haec ad
propositum non facit. Quippe et hâc pollent inferiores Sacer-
dotes, quos tamen fatetur Febronius, semper subjectos fuisse re-
servationibus Episcoporum adeo, „ ut absolutio Presbyteri esset
„ invalida, nisi esset conformis intentioni Episcoporum sibi ejus-
„ modi graviorum scelerum disciplinam per Canones Poeniten-
„ tiales reservantium. „ p. 153.

Vel loquitur de potestate jurisdictionis, tumque aut eam ne-
gat, quoad exercitium superiori auctoritate constringi posse,
atque hoc ipso necesse est, eum et secum ipso, et cum Cano-
nibus aperte pugnare; aut si fatetur, concedat etiam, oportet,
eisdem restrictionibus Pastorale Officium in Episcopis obnoxium
esse. Et quemadmodum Canones, quibus casibus Episcopalis ju-
risdictionis exercitium contraxerunt, non propterea censentur
Pastorali Officio impedimentum aliquod attulisse; sic Pontifex,
dum pro Supremâ potestate, quâ, ut loquuntur Tridentini Pa-
tres, pollet in universâ Ecclesiâ, nonnullorum scelerum judi-
cium sibi reservat, non magis censendus est Pastorale Officium
Episcoporum impedire, quum id Officium vi Ecclesiasticae Hie-
rarchiae a Christo institutae semper, ac necessario exigi debeat
ad praescriptum regularum, quae legitimâ Canonum, Pontificia-
rumve Constitutionum auctoritate firmanur.

Pergit Febronius: „ Episcopis ipsis subinde visum bonum,
„ et utile esse pro Foro poenitentiali, ut ad majorem terrorem
„ injiciendum graviora quaedam crimina Romanae Sedi pro ob-
„ tinendâ absolutione reservarentur. Fecit hoc suâ auctoritate
Pont

„ Pontifex ; nihil hic , quod Episcopos in exercitio sui Ministerii
 „ aut turbet , aut arctet , quin immo sic in eodem adjuvantur : „
 „ *Magnopere*, inquit Tridentini Patres, *ad Christiani Populi di-*
 „ *sciplinam pertinere Sanctissimis Patribus nostris visum est , ut*
 „ *atrociora quaedam crimina non a quibusvis , sed a Summis*
 „ *Sacerdotibus absoluerentur .* Ita Febr. p. 157. „

Quod utilitas , quae ad graviora crimina comprimenda ori-
 tur ex eo , quod ea *Romanae Sedi pro obtinenda absolute re-*
serventur , occasionem aliquando praeberit ejus explicandae
 potestatis , quā in reservationum causā pollet Romana Sedes , id
 vero ab aliis etiam dictum comperio : Quod autem ad hanc ex-
 plicandam potestatem praecedere debuerit Episcoporum suffra-
 gatio adeo , ut in reservandis delictis Pontifices delatā potius ,
 quam nativā auctoritate usi sint (prout ex paullo ambiguis Fe-
 bronii verbis suspicari forte quis posset) , id prorsus alienum fo-
 ret a Tridentinorum Patrum sanctione , qui hanc potestatem non
 alinnde repetunt , quam ex Supremā auctoritate , quā Pontifices
 pollent in Ecclesiā. Tridentinae Sententiae plane consentiunt *Col-*
lationes Andegavenses , quas laudat Febronius p. 155. , dum no-
 tant , tametsi minus antiquus foret harum reservationum usus ,
 non minus certum futurum de illis sancendis jus Romanorum
 Pontificum , quod nimirum illorum Primatus , et Auctoritas pa-
 ris sit cum Ecclesiā antiquitatis , et Divinā institutione nitatur .
 Nec ipse Febronius palam dissentire videri voluit , quippe in eā
 Oratiōis ambiguitate sic reservationes innuit ab Episcopis dela-
 tas ad Pontifices , ut tamen dicat , factum id esse auctoritate Pon-
 tificum .

Deinceps vero animum suum paullo apertius exprimit : „
 „ Sed non possumus non hic repetere , quod jam a nobis Pos. 7. ,
 „ et 19. dictum est : Si novae Constitutiones Apostolicae emanent ,
 „ quibus hactenus non usitatae , seu nec dum receptae reserva-
 „ tiones continentur , Episcoporum tamquam a Spiritu Sancto
 „ ad regendas suas Ecclesias positorum esse , ut videant , et in-
 „ dagent , si eae suis Ecclesiis convenient . „ De hac facultate ,
 quam Episcopis tribuit Febronius , nonnulla superius dicta sunt ;
 alia porro etiam infra subjiciuntur , quae nullo negotio in hunc lo-
 cum transferri poterunt .

POSITIO XXV.

„ Papa habet potestatem Dispensandi ex legitimâ causâ in
„ lege a Generali Concilio latâ . „

ANIMADVERS.

Auctore Bossuetio vindicat Febronius Sedis Apostolicae Dispensationes, *quas nemo Catholicus negaverit*; quae ab ipsâ Basileensi Synodo luculenter asseruntur, planeque confirmantur a Tridentinâ. In antiquissimis Pontificum Epistolis a *P. Constant* collectis non infrequentem jam ab illis temporibus juris istius usum inveniri animadvertit; et Auctore *Thomassino p. 2. l. 3. c. 4.*, „ quamdiu Ecclesia Orientalis Occidentali unita fuit, eam hanc „ in Sede Romanâ, ejusque Praesule, tamquam Capite univer- „ salis Ecclesiae, auctoritatem agnovisse.

Sed non facile patitur Febronius, aliquam in Capite dignitatem eminere, quam non aliquâ ratione aut detrahere, aut imminuere, aut saltem cum aliis communem facere contendat. Sic itaque agnoscit in Pontifice dispensandi potestatem, ut „ neque tamen eapropter existimandum sit, Episcopis aliquid pro „ re natâ favore suorum Dioecesanorum de rigore Canonis relaxandi facultatem ademptam esse. „ Et id quidem vi ejus auctoritatis, quâ pollere illos dicit *tamquam a Deo cum indefinitâ potestate ligandi, atque solvendi positos*. Atque hinc consequens esse putat, pro regulâ tenendum, Episcopos eâ facultate polle- re, nisi speciatim fuerit eis adempta.

Multa hic notanda. 1. Videndum, quemadmodum *indefinita* dici valeat potestas, quam alteri superiori potestati subjectionem esse, constet.

2. Fateatur Febronius, Episcopos eâ potestate carere, ubicumque speciatim adempta sit. Porro, si cum indefinitâ potestate a Deo positi sunt Episcopi, quis jam potestatem adimere queat, quam Deus contulerit? Quod si Deus eam sic contulit, ut superioris potestatis legibus teneretur, nihil ex potestate sic collatâ momenti suppetit ad indefinitam dispensandi facultatem singulis Episcopis asserendam.

3. Re-

3. Regulæ, quam tenendam proponit Febronius, contrariam regulam communi Canonici Juris Interpretum consensu probatam opponit *Thomassinus p. 1. l. 2. c. 13. num. 8.* „Eo, inquit, fundamento nititur illa Canonistarum distinctio, quando docent, eò discurrere dispensationes ab absolutionibus, quod dispensare non possint Episcopi, nisi ubi illa eis expresse in jure potestas conceditur; at absolvere a quibuscumque possiunt criminibus, nisi ubi expresse Pontifici Summo reservata fuerit. Quippe Ordo Episcopalis plenissimam complectitur potestatem remittendorum peccatorum, non relaxandarum legum. „

4. Superior illa regula refellitur vel ipsâ Synodi Basileensis sententiâ, quæ hîc refertur a Febronio. Profitetur Synodus, statutis suis nullo pacto derogari Pontificis potestati, quin pro tempore, loco, causisque, et personis utilitate, vel necessitate suadente moderari, dispensareque possit, atque uti Summi Principis Epikējâ, quæ ab eo auferri nequit. Non dicit Synodus, hanc se potestatem Pontifici tribuere, sed eam in Pontifice agnoscit velut insigne quoddam auctoritatis, quod ejus ita proprium sit, ut ab eo divelli nequeat. Quid porro foret in Pontifice præcipuum, si quilibet Episcopus ejusdem Epikęjæ utendæ jus, facultatemque haberet, possetque in suâ quisque Dioecesi *pro rata*, idest quum sibi utilitas, aut necessitas exposcere videretur, non secus, ac Pontifex Canonum rigorem relaxare?

5. Pugnat hæc eadem regula cum universali Ecclesiæ disciplina, nimirum cum Decretalibus, quibus commune Canonicum jus conflatur; quodque vim legis universalis habere nec ipse Van-Espen diffinitur: Ex multis unum proferre satis fuerit. *Cap. Dillectus 15. de temp. Ord.* Episcopus arguitur, qui uno, eodemque die plures Sacros Ordines contulerat, atque ad facti excusationem Archiepiscopi sui mandatum (licet falsò) afferbat. Declarat porro Pontifex, etiamsi de Archiepiscopi mandato constitisset, non debuisset Episcopum hîc in parte ipsi obtemperare: Quum illi (Archiepiscopo) *Dispensatio a Canone minime sit permissa (4).* Ex quo pa-

(4) Equidem quod attinet ad probationis vim, quæ ex hoc capite duci solet, dubitationem aliquam movere posset, quod animadvertit Benedictus XIV. de Syn. Dioecesi; l. 9. c. 1. n. 7. „In eâ Decretali, quæ refertur a Gonzalez post verbum *permissa*, hæc alia subdantur: *Quam ad solam*

„ Re-

patet, jus Canonicum, quo praesens Ecclesiae disciplina continetur, nullam in Episcopis facultatem agnoscere veniae hujus indulgentiae, nisi prout ea facultas jure ipso concessa sit, ut proinde non minus scite, quam vere dicere potuerit eximius Canonici juris Interpres *Emmanuel Gonzalez in Cap. Dilectus* post insignem Theologum Basilium Poncium, *Dispensationem non esse ex his, quae competunt, si non prohibeantur; sed ex his, quae non competunt, nisi concedantur*. Quod etiam paullo superius eisdem fere verbis expressum a Thomassino vidimus.

Frustra vero innuit *Febronius p. 163.*, „*Tridentinam Synodum illi suae regulae favere sess. 24. c. 6.*“, quin potius ex eo capite contraria elicitur. Ibi Tridentinum potestatem facit Episcopis in irregularitatibus dispensandi, quae ex occulto delicto proveniunt. Ex quo merito quisque inferat, Concilium eam potestatem concedendo pro casibus occultis non eam tribuere voluisse pro publicis; illaque ipsa concessione Patres ipsos manifeste ostendisse, nec pro casibus occultis ullam facultatem Episcopos jure suo habituros fuisse, nisi expresse illis tribueretur.

6. Nec tamen existimandum, praesentem disciplinam veteris disciplinae menti quidquam hanc in parte detraxisse, quod praedicare non desinunt, quibus mos est vetera jactare, ut nova moliantur non secus, atque facere solent Cives illi, de quibus *Cic. Acad. Quaest. 1. 2.*, qui, quum Rempublicam bene constitutam

„*Romanum Pontificem non est dubium pertinere*: Ex quibus posset quis conjicere, potestatem relaxandi legem, de qua agebatur, fuisse a jure Episcopis ademptam, unique Romano Pontifici reservatam. „ At simul probe idem notat, nulli cavillationi obnoxios esse textus alios, quos refert, primum in *Clement. Ne Romani 2. De Elect.* ; alterum in *Cap. Sancta Romana De Religiosis Domibus* inter Extravag. Joannis XXII., quae non secus atque Decretalis *Dilectus* plenam vim habent juris communis fatente ipsomet Van-Espen in prolegom. §. 5. „ Itaque quae ex Decretalibus Gregorii IX., aut sexto Decretalium Bonifacii VIII., vel Clementinis, vel Extravagantibus, in hoc opere referuntur, pro jure communi recipienda sunt, et pro jure servanda, quousque ostendatur, jure scripto, vel consuetudinario, seu generali, seu particulari ab hoc jure communi recessum. „ Quin insuper notat, juris hujusce communis auctoritatem ubique vel ipso praeterito Saeculo ita firmiter stabilitam extitisse, „ ut, licet plures Provinciae auctoritatem Romani Pontificis excusserint, nihilominus hoc jus Canonicum pro jure communi constanter retinuerint. „

tam perturbare volunt, aliquos ex antiquis claros Viros proferunt, quos dicant fuisse populares, ut eorum ipsi similes esse videantur. Nihil tam a veritate alienum, quam quod isti nostri Perturbatores jactare solent, Episcopos olim plenam, atque indefinitam quandam potestatem suis in regendis Dioecesibus exercuisse; quo fit, ut non pauci etiam boni homines, at non satis intelligentes, invidiâ quâdam moveantur adversus leges, quibus velut totidem adjectis vinculis praeter antiquum jus constrictam fuisse pristinam Episcoporum auctoritatem, arbitrantur. Atqui tamen eam certis, ac circumscriptis terminis definitam jam ab initio fuisse ex ipsismet vetustissimis Canonibus Apostolicis perspicitur, quibus, ut paullo ante animadvertimus, antiquae disciplinae lineamenta continentur, quae consequentibus aetatibus pro rerum, ac temporum opportunitate nova identidem incrementa cepit.

Atque ut ad dispensationes singulatim orationem revocemus, vel ipsis exemplis, quae hoc loco a Febronio proferuntur sumta plerumque ex *P. Constant*, novae, ac veteris disciplinae consensio elucet, illo imprimis, quo „ Anastasius Papa ab Episcopis „ Africae interpellatur, ut Clerici a partibus Donatarum ad „ Sinum Catholicae Ecclesiae reversuri iis in Ordinibus relin- „ quantur, quibus apud suos fruuntur eo, quod hâc ratione plu- „ res ad reunionem valeant allici. „ Ejus proinde capiendi consilii necessitatem, seu opportunitatem suadebat non unus tantum, sed perspecta, et evidens universalis Ecclesiae utilitas. Quia tamen transmarini Concilii Decretum adversari videbatur, *Afri Episcopi sine Apostolicae Sedis consensu sumere sibi ausi non sunt*, ait *Constant p. 734*, ut ejus Decreti vim, et auctoritatem temperarent. Atqui tamen, ut habet *Thomasinus p. 2. l. 3. c. 24*, „ erat Carthaginensis Archiepiscopi eminentissima quaedam ho- „ noris, et potestatis praerogativa supra Episcopos omnes Afri- „ canos, Primatesque, sive Metropolitanos. Quidquid Patriar- „ chis, et Conciliis eorum Dioecesanis, sive Universalibus juris „ inerat, et auctoritatis, inerat et Carthaginensi. Non alia suae „ libertatis, et antiquae auctoritatis amantior, et retinentior fuit „ Ecclesia, quam Africana. „ *At nihilominus* „ Universa haec „ Ecclesia ad Anastasium Papam, confugit, ut dispensationem „ eliceret „

Extant apud *Labb. tom. 5. Epistolae Tarraconensium Episcoporum*

porum ad Hilarum Papam, quibus de Ordinatione Episcopi per Silvanum Calaguritanum contra Patrum regulas, et Nicaenos Canones factâ conqueruntur; eumque consulunt, quid facto sit opus. Has porro Epistolas duo memoratu digna continere, rite observat *Severinus Binus*: „Unum, quod ad Romanam Sedem
 „ tantum pertineat dispensare in iis, quae contra Canones praec-
 „ sumta sunt: Alterum, quod nullius Concilii Provincialis tanta
 „ est auctoritas, ut inconsultâ Sede Apostolicâ id praestare po-
 „ tuerit. „

Aliud exemplum suppeditat *Leonis Magni Epistola* 54., quae est *ad Marianum*. Depositus fuerat in Latrocinio Ephesino Domnus Antiochenus, in ejusque locum suffectus. seu potius intrusus Maximus, quem juribus invidis Anatolius Constantinopolitanus ordinaverat. Sed quum Ecclesiae pax postulare videretur, ut suffectus Antiochenus, qui rectam fidem professus fuerat, in eâ Sede remaneret, non aliter id consequi potuit, quam veniâ, et indulgentiâ Romani Pontificis.

Consentit gravissima Symmachi Papae sententia in celebri sextâ Romanâ Synodo, frequentissimorum ex omni Regione Patrum suffragio, crebrisque acclamationibus comprobata. *Apud Labb. Edit. Ven. tom. 5. Col. 509.* „Nos enim (praefatus Pontifex) et Apostolicae Sedis moderamine compellimur, et Ecclesiasticarum rerum dispositione constringimur sic Canonum
 „ paternorum decreta librare, et retro Praesulium, Antecessorumque nostrorum decreta metiri, ut quae praesentium necessitas temporum restaurandis Ecclesiis relaxanda exposcit, adhibita diligenti consideratione, quantum fieri potest, auxiliante
 „ Domino temperemus. „

Claruit luculentissime haec eadem Pontificiae auctoritatis praestantia in dispensationibus, quas Oecumenicam Synodum octavam ab uno Pontifice petendas censuisse memorat *Natalis Alexander Dissert. de Photiano Schismate § 22.* „Scripserunt
 „ etiam ad eundem Pontificem (Hadrianum II.) Basilus Augustus, et Ignatius Patriarcha ejus Sanctitatem rogantes, ut de
 „ Lectoribus plurimis ordinatis a Photio sententiam diceret, de
 „ quibus non judicaret Synodus, an a Sacerdotii Ordinatione
 „ in perpetuum removendi essent, eisve gratiam faceret ob Ecclesiae necessitatem. Rogabant etiam, ut cum Theodoro Me-

„ tro-

„ tropoliâ Cariae dispensaret, eique restitueret Episcopatum,
 „ quia multa pro Ignatio passus fuerat; nec defecerat ad Pho-
 „ tium, nisi tormentis compulsus. Intercedebant denique pro
 „ Paulo Cartophylace, ut concessâ ipsi veniâ posset ad Episco-
 „ patum promoveri. Magnificum sane pro Romani Pontificis Pri-
 „ matu testimonium, quod Synodus Oecumenica dispensationes
 „ a Summo Pontifice roget; eique, non aliis Patriarchis pote-
 „ statem a Christo conceditam agnoscat temperandi severitatem
 „ Canonum, qui ab Ecclesiâ recepti sunt universâ. „

Demum, ut alia praeteream, ex responso Innocentii III. ad Archiepiscopum Bracarensem *c. Consilium 2. de observ. Jejun.* intelligitur, censuisse Archiepiscopum, haud sibi licere, ut cum singulis etiam suis Subditis in lege Quadragesimalis jejunii vel ipsâ premente inopiâ dispensaret. Quam in rem refert Gonzales auctore Balsamone, in Ecclesiâ Orientali Aegrotis ipsis non aliter esum Carnium concessum fuisse, nisi licentiâ Synodice petitâ. Non ergo censebantur singuli Episcopi in universali Ecclesiae lege posse propriâ auctoritate dispensare. Sive ergo praesentem disciplinam tenemus Canonico universali jure sancitam, torque Saeculorum usu firmatam; sive pristinae, et jam ab Apostolicis temporibus ductae disciplinae vestigia relegere volumus, nusquam reperiemus in singularum Ecclesiarum Episcopis agnitam facultatem jure suo adversus universales Ecclesiae leges, Canonum Statuta, et Pontificum Decreta dispensandi, nisi prout vel ipso jure, vel inductâ legitimâ consuetudine id ipsis concessum fuerit; aut extraordinaria quaedam necessitas ad grave, idemque praescus periculum avertendum impulerit: atque hoc ipsum juxta regulas superioribus decretis constitutas.

Quod si rectam ipsam rationem consulimus, quid tam perspicuum, quam nullum jus inferiori esse legis relaxandae, quae a Superiore lata sit, nisi prout Superior eam facultatem indulerit? Quod nempe, ut serunt etiam Institutiones Theologicae recens Lugduni editae tom. 6. p. 102., *Dispensatio sit actus jurisdictionis: nullam vero habeat inferior in leges a Superiore conditas*. Recte omnino; Nam ut sapienter *Augustinus de ver. Relig. c. 31.* „ Leges „ quum fuerint institutae, et firmatae, non licebit Judici de ipsis „ judicare, sed secundum ipsas. „ Sapienter etiam animadvertit fidelissimus Augustini Discipulus *Angelicus Praeceptor 1. 2. q. 97.*

Art. 4.

art. 4., contingere aliquando, ut praeceptum, quod est in commodum multitudinis ut plurimum, non sit conveniens huic personae, vel loco, quia vel aliquid melius impediretur, vel etiam malum aliquod importaretur: Periculosum autem foret, si hoc cujuslibet iudicio committatur, nisi forte propter subitum, et evidens periculum. „ Ideo, *inquit*, ille qui habet regere multitudinem, habet potestatem dispensandi in lege humanâ, „ quae suae auctoritati innititur. „ Et ibid. ad 3. „ In lege humana publicâ non potest dispensare nisi ille, a quo Lex auctoritatem habet; vel is, cui ipse commiserit. „

Ex his apparet, parum considerate dictum esse a *Zegero Van-Espen Dissert. de Dispens. c. 1. §. 7.*, quem hic sequitur *Febrius*, ex eo, quod Episcopi praecipuas in Ecclesiae Regimine partes sustineant, singulisque ex *Cypriano* sua portio Gregis adscita sit, consequens esse, quod sepositâ omni positivâ reservatione Episcopali auctoritati cohaereat plenaria Canonum relaxandorum potestas, quoties necessitas, aut utilitas Gregis sibi crediti relaxationem poposcerit. (a) Sane *Van-Espen* inficias non iverit, quin

(a) *Zegeri* dicto refragatur illustre documentum ex *Augustino* petitum. Nunc sibi non Successorem modo, verum et Collegam in Episcopatu dari vehementer exoptabat bonus *Valerius Hipponensis* Episcopus; idque ut fieret, *Primatis sui Aurelii Carthaginensis* Episcopi rescripto impetraverat. Haec nihilominus ordinatio, quantumvis pro eximâ *Augustini* pietate, ac doctrinâ plurimum profutura crederetur, quia tamen facta contra *Nicaenae Synodi* praescriptum, reprehensione non caruit. Fatetur *Augustinus*, immo testatur, tum temporis nondum nec sibi, nec *Valerio* notum fuisse *Nicaenum Decretum*: quo demum cognito et ipsum facti poenituit, et ne deinceps accideret, diligentissime providit. Verba haec sunt *Augustini* *Epist. 213. al. 110 n. 4.*, „ Adhuc in corpore posito beatae memoriae Patre, „ et Episcopo meo *Sene Valerio* Episcopus ordinatus sum, et sedi cum illo: „ Quod *Nicaeno* prohibitum fuisse nesciebam, nec ipse sciebat. Quod ergo, „ reprehensum est in me, nolo reprehendi in Filio meo. „ Profecto si aetas illa tulisset, cuivis Episcopo, ac praesertim *Provinciae Primati* fas esse contra *Generalis Concilii* praescriptum propter utilitatem Ecclesiae veniam indulgere, nullus reprehensioni locus fuisset in eâ Ordinatione, de qua dubitari non poterat, quin spectatâ Ecclesiae conditione, et ordinandi dignitate plurimum utilitatis esset allatura, quamque in propriâ Ecclesiâ *Valerius* fieri curaverat, suoque suffragio *Carthaginensis Primas* comprobaverat.

quo per Canones Episcopis, eorumque Gregibus leges imponi potuerint, ac saepius impositae fuerint, quibus et Antistites, et Subditi ex aequo tenerentur. Haec autem vis legis est, ut subjectos adstringat etiam nolentes; ipsosque adeo facultate omni privet, ac libertate quidquam contra moliendi. Legi proprie dictae, quam Superior sauxerit, respondet in subjectis obligatio proprie dicta parendi. Repugnat autem, ut quis et obligatus sit, et solvere se obligatione valeat. Proinde Lex omnis a legitimo Superiore condita, sicut omnem in inferioribus transgrediendi, aut exsolvendi sese libertatem excludit, sic omnem naturam suam dispensandi facultatem adimit, quam proinde inferior proprio jure arrogare sibi nequit, nec eam pollere, nisi a Superiore concedatur.

Quam in re mirum est, Zegerum ad suum dictum confirmandum ea exempla, seu argumenta proferre, quae ad id evertendum valere potius videntur. „ Quis, *inquit*, vel parum in Historiam, Actisque Patrum versatus ignorat, Episcopos in Bigamiam, defectu natalium et aliisque irregularitatibus dispensasse? „ Quin et translationes, et cessiones Episcoporum (quae omnia aetate inter gravissima Ecclesiasticae disciplinae puncta reposita fuerunt) plurimis Saeculis Synodali auctoritate factas non „ tantum exempla, sed et Canones loquuntur. Episcopus, ait „ magna *Synodus Carthaginensis Can. 37. can. 7., q. 1.*, de loco „ iugubili ad nobilem per ambitionem non transeat. . . . Sane „ si utilitas Ecclesiae poposcerit, Decreto pro eo Clericorum „ et Populi Episcopis porrecto in praesentia Synodi „ transferatur. „

Primum quis non intelligat, ea, quae Synodali auctoritate fiant, non fieri auctoritate, quae Episcopis ut singulis competat? Decretum Carthaginense memoratum a Zegero nullam prae se fert expressam reservationem: num propterea, si duobus Episcopis e re visum esset de Sedium suarum commutatione inter se pacisci, id eis facere proprio jure licuisset? Num cuivis Episcopo Clericum sibi non subditum promovere, tametsi Ecclesiae suae utilem illum fore judicaret? Num alia ejus generis permulta, quae nulla expressa reservatione interdiciuntur?

Concedatur etiam, nonnullas olim dispensationes ab Episcopis factas esse, a quibus nunc eis est praesentia disciplina interdictum,

etum. At quo pacto evincet Zegerus, illâ eos facultate proprio jure usos esse potius, quam auctoritate a Conciliis, vel Pontificibus in ipsos collatâ?

Deinde, quod valde notandum est, ipsamet, quae in Synodis vigeat auctoritas, ex ipsâ Pontificis auctoritate vim suam mutabatur. Audiat *Natalis Alexander Dissert. 4. in Sec. I. §. 2. n. XI.* „Idem probatur ex eo, quod Concilia Orientis irrita, haberentur, nisi Romani Episcopi auctoritate firmarentur, „quod Concilii Antiocheni ab Arianis habiti occasione Socrates, „et Sozomenus notarunt „. Socrates porro, et Sozomenus de Conciliorum Decretis, et actis generatim pronuntiant, ea irrita esse, quae praeter sententiam Romani Pontificis statuuntur, aut geruntur. Luculenta sunt eorum testimonia, *Socrates quidem l. 2. c. 8. et 17.*, ubi eandem in rem profert Julii Pontificis auctoritatem longe graviores: *Sozomeni l. 3. c. 10. (a).*

Addit *Natalis n. 12.* „Idem probatur ex iis, quae gessit „Julius Romanus Pontifex in causâ S. Athanasii . . . Hic tantum „advertere sufficiat, subjectionem illam Orientalium Ecclesiarum Romanae, et in judiciis ferendis dependentiam S. Athanasii tempore longo jam usu fuisse firmatam, ut colligitur ex „*Epist. Julii*, quam refert *Sacerus Athanasius Apol. 2.* „. Ex his, aliisque, quae et ibidem ab Alexandro, et a nobis etiam alio loco collecta sunt, conficitur, quâcumque potestate usi fuerint Episcopi in Disciplinâ aut sanciendâ, aut relaxandâ, in condendis statutis, in judiciis ferendis, aut retractandis, eam semper illius auctoritati obnoxiam fuisse, cui *Dominicâ voce totius Ecclesiae cura commissa est*, ut ait *Gregorius Magnus l. 4. Epist. 32.* et qui, ut habet *S. Coelestinus Epist. 4.*, in *Speculis est a Deo constiti-*

(a) Consulendae in ea loca docti Editoris Henrici Valesii notae. Quamquam vero dictum Socratis, et Sozomeni de regulis intelligi placeat, quae ad universalem Ecclesiam spectant, constat adhuc eadem vis sententiae, in idque recidit, quod sapienter docet Benedictus XIV., Episcopis, et Episcopalibus Synodis fas quidem esse leges condere praeter jus commune, quas utiles, et opportunas censuerint; Verum contra jus commune nil posse; nil, inquam, quo laedatur disciplina universalis Ecclesiae legibus, Pontificiâque auctoritate constituta, quae profecto labefactatur, si Episcopo cuique, vel Synodo liceret hujusmodi leges propria auctoritate relaxare.

stitutus, ut quae coercenda sunt, rescet; quae observanda sunt, sanciat.

Repetere itaque juverit, quod superius innuit Febronius. Episcopos primitus indefinitae cujusdam potestatis ubivis exercendae facultatem habuisse, a veritate perinde, atque ab Hierarchiae Ecclesiasticae Constitutione plurimum abhorrire. Neque illis, qui perperam ita sentiunt, faveat, quod dictum est, Episcopos a Spiritu Sancto positos esse regere Ecclesiam Dei. Pro-num quippe est animadvertere, non idem eo loco singulis Episcopis tribui, quod generatim Episcopali Ordini tribuitur. Equidem positi sunt Episcopi regere Ecclesiam Dei, non ut singuli toti Ecclesiae regendae incumberent; omniaque munia, quae ad Ecclesiae Regimen pertinent, singuli obirent, quod sine perturbatissimâ confusione fieri non posset; sed ut singuli eam portionem regerent, quae sibi cuique obtigisset; idque non privato. ejusque judicio, et arbitrio, quod nunquam licuit, sed ex legibus, quibus Ecclesiastica disciplina continetur, atque ex ejus. Supremi Capitis auctoritate, quam ad continendos in ordine, et officio Episcopos, atque ad unitatis vinculum constringendum, prorsus necessariam Barthelius agnovit. Aliud profecto est, quod Episcopi in suscipiendâ Ordinatione capaces fiant cujusvis functionis infra Primatum in Ecclesiâ obeundae; aliud quod omnis muneris ubivis, et quomodolibet gerendi facultas ipsis tradatur. Non ex solâ Ordinatione legitimam Episcopalis auctoritatis exercendae facultatem nanciscuntur Episcopi; secus vel ipsi Schismatici legitime illâ uterentur; sed ex missione, quam a legitimis. Pastoribus per continuatam ab Apostolis successionem accipere debent, quâ missione suis cuique Gregi Pastor addicitur, cujus curam, non utcumque libuerit, sed ex praescriptis legibus gere-re debeat.

Deum p. 163. „*Ad noscendam*, inquit Febronius, *modera-*
 „*nam hujus juris disciplinam addimus sequentia ex Zegeri Van-*
 „*Espen Jur. Eccl. univ. p. 2. sect. 1. Tit. 14. §. 13.* Quibus vero
 „dispensandi auctoritas super impedimentis Matrimonii compe-
 „tat, nec in Canonibus, immo nec in Decretalibus Grego-
 „rii IX. determinatur; neque legitur aliquo Decreto generali
 „auctoritas haec Episcopis adempta, et Pontifici reservata; at
 „*consuetudine tandem invaluit, et moderna habet disciplina* „

„ ut, si agatur de impedimentis dirimentibus, et de Matrimonio
 „ cum tali impedimento contrahendo, soli Pontifici dispensatio
 „ competat, nisi Episcopi ostendant, speciali consuetudine, aut
 „ privilegio dispensandi auctoritatem sibi competere „.

Sed primum quisquis Zegerum cum Zegero contulerit facile intelliget, minus considerate dicta esse, quae hoc loco ex eo deprompta sunt a Febronio. Ait, nullum extare vetus Decretum, Canonem nullum, quo dispensandi facultas, etiam ubi agitur de Matrimonio cum impedimento dirimente contrahendo, Episcopis adempta reperiatur. Haud sane mirum. Qui enim adimi poterat facultas, quae nullibi adhuc sese ostentaverat? Equidem vulgaris est error, qui jam velut proverbio increbuit, hæc olim facultate passim Episcopos pleno jure potitos esse. At vulgarem hunc errorem depellit *Zegerus ipse hæc p. 2. tit. 14. c. 1. n. 5.*, ubi Christiano Lupo duce observat, praevias ad Matrimonium dispensationes nullas totâ antiquitate reperiri, primumque illarum exemplum non altius repetit, quam ab Innocentio III., qui Othoni IV. Imperatori veniam fecit, ut cum Philippi Filia quarto Consanguinitatis gradu sibi conjunctâ justas Nuptias contraheret. Falsum proinde, quod vulgo quidem, sed imperite jactatur, Episcopos prisco more, ac jure in hujusmodi impedimentis ultro dispensasse.

Quid? Si nec id sibi fas esse, suspicari ullo modo poterant? Atqui hoc ipsum concedat Zegerus, oportet, siquidem vult secum ipse constare. In causâ nimirum inquit *num. 4.*, cur dispensationes istae antea inauditae sequiori demum aetate a Summis Pontificibus coepit sint primum quidem parcius, dein largius effundi. Hanc porro assert, nempe „ postquam saeculis „ posterioribus invaluit quorundam Jurisperitorum opinio, Romanum Pontificem Canonibus, aut Decretis Ecclesiasticis „ etiam Conciliorum Generalium non ligari, nec constringi posse; „ se; hæcque tandem opinione a Romanis Pontificibus probatâ, „ et receptâ, mirum quantâ facilitate caeptum sit a praescripto „ Canonum recedi, et contra eos dispensationes a Romanis Pontificibus impetrari! „ Ergo si Zegerum audimus, Pontificiis istis dispensationibus initium, causamque praebuit increbrescens illa Jurisperitorum quorundam opinio, Romanum Pontificem Canonum Decretis constringi non posse. Jam vero nusquam invaluit

luit opinio, quae talem a Canonum Decretis immunitatem Episcopis indulgeret. Nullo igitur tempore potuit in Episcopis facultas agnosci, quae hâc immunitate, seu immunitatis opinione niteretur. Caeterum quod Romanus Pontifex in Conciliorum etiam Generalium statutis jure suo dispensare valeat, quum a nemine Catholico, satente Bossuetio, in dubium vocatur, tum ipsâ evincitur Zegero minime suspectâ auctoritate Synodi Basileensis, quae hujus Episkepae facultatem Primatui Divinitus constituto sic haerere agnovit, ut a Romano Pontifice auferri nequeat, ut paullo superius animadvertimus.

Minime vero hîc praetereundum longe antiquius, ac plano iusigne Pontificiae auctoritatis quoad Matrimoniales dispensationes monumentum. Extat id in registro Epistolarum *D. Gregorii Magni l. 11. Epist. 64. ad Augustinum Anglorum Episcopum, et lib. 14. Epist. 17. ad Felicem Messanensem Episcopum*, in quâ haec scribit Sanctus Pontifex: „ Incestuosos vero nullo Conjugii „ nomine deputandos a Sanctis Patribus dudum statutum esse, „ legimus. Ideo nolimus Nos in hâc re a Vobis, sive a caeteris „ Fidelibus reprehendi, quia quod in his Anglorum Genti indul- „ simus, non formam dando, sed considerando, ne Christiani- „ tatis bonum, quod coeperant, imperfectum dimitterent, egi- „ mus „. Scilicet indulserat Pontifex, ut Angli recens ad Fidem conversi, qui Matrimonium cum impedimento ex Consanguinitatis gradu paullo jam remotiore contraxerant, in conjugio permanerent.

Hoc porro testimonio perspicue intelligitur, 1. Consanguinitatis impedimentum, ut dirimens Ecclesiasticâ fuisse lege constitutum: *a sanctis Patribus dudum statutum esse legimus*; 2. adeo parum Episcopos de dispensationibus hujusmodi tribuendis cogitasse, ut potius admirationi fuerit, quod eam Anglis Pontifex concessisset: *Nolumus Nos in hâc re a Vobis, sive a caeteris Fidelibus reprehendi*. 3. Hanc veniam vel ex remotissimâ Gente ab uuo Pontifice implorandam fuisse. 4. Sic a Pontifice indultam, ut de caetero vallet, antiqui statuti formam integram, inviolatamque retineri.

Eâdem indulgentiâ etiam quoad contrahenda Matrimonia usus est deinceps Gregorius II. erga Germanos. Rogatus ille fuerat a S. Bonifacio, quousque porrigeretur impedimentum ex Con-

sanguinitate proveniens. Respondet Pontifex (*Epist. 13. ad Bonifacium Episcopum apud Labb.*), oportuisse quidem eos, quamdiu se agnoscunt affinitate propinquos, ad Conjugii non accedere societatem: Verum spectatâ temporum conditione placere sibi temperantiâ magis uti; adeoque concedere, ut post quartam Generationem jungantur. Hâc porro suâ rogatione satis ostendebat Bonifacius, nec sibi, nec aliis Episcopis licuisse hujusmodi veniam indulgere.

Quum ergo tot Saeculis ne levis quidem suspicio adhuc suborta esset, Episcopalis juris esse praevias Matrimonio incundo dispensationes impertiri, aut generatim impedimenta generali Ecclesiae lege constituta (nisi prout ipsis concessum esset) relaxare, haud mirum, de hâc constringendâ potestate nunquam etiam Saeculis illis cogitatum fuisse, ut hoc ipso, quod non ablata legatur, splendidius argumentum eluceat, nusquam id juris ab Ecclesiâ in Episcopis agnitiim esse, nec unquam adeo in illis extitisse.

Ad extremum fatetur saltem Zegetus, consuetudine invaluisse, ac modernam disciplinam habere, ut in impedimentis dirimentibus dispensatio soli Pontifici competat, nisi qui Episcopi hanc vel consuetudine, vel privilegio sibi competere ostendant. Porro recens disciplina universali Ecclesiae usu recepta non minorem vim habet in praesentiâ, quam olim vetus habuerit, dum vigeret. Nam, quae potestas condendae disciplinae de principio in Ecclesiâ fuit, ea desinere nunquam potuit. Quum ergo per hodiernam disciplinam longo jam usu in Ecclesiâ firmatam dispensatio super impedimentis dirimentibus soli Pontifici competat, inutiliter agerent Episcopi, si qui nullâ speciali facultate instructi dispensare attentarent; ex quo consequens est, irritum prorsus fore Matrimonium cum impedimento dirimente attentatum, nisi venia Pontificis accesserit. Quâ de re videnda, quae habet *Benedictus XIV. de Syn. Dioc.*

Et quamquam probaretur, hâc aliquando facultate Episcopos praeditos fuisse, quod secus esse, paullo ante vidimus, non inde sequeretur, eam denuo ab ipsis vindicari posse. Nam quod superiori auctoritate ademptum est, nonnisi superiori auctoritate restitui potest. Sane, ut tradunt etiam Institutiones Theologicae Lugduneditae, dispensatio est actus jurisdictionis, quam nullam
habet

habet inferior in legem Superioris. Notum est, in Regnis, quae uni Supremo Imperanti parent, nonnulla olim Optimatibus ex vigente tum temporis Constitutione licuisse, quae commutatis temporibus aliâ subeunte Constitutione licere desierunt. Quis porro istis Optimatibus concesserit, ut suâ auctoritate ad pristinam Constitutionem posteriore abjectâ, vel contemptâ referre se valeant? An probandum in Christianâ, quod seditiosum foret in Civili Republicâ?

P O S I T I O XXVI.

„ Primis jam tum Ecclesiae temporibus ii censebantur Spu-
 „ rui, Adulterinique Episcopi, quorum Ordinationem Romanus
 „ Pontifex respuebat, veluti modo Ultrajectinorum „.

A N I M A D V E R S.

Agit initio de litteris pacificis, seu communicatoriis, deque iis praesertim, quas electi Romani Pontifices mittere solebant eo fine „, ut Oves Pastoris sui vocem audirent, et sequerentur: ut „ Ecclesiae unitas, cujus vinculum est Fides, ac Membrorum „ Capitisque consensio, integra servaretur; nam litteris et Pastor „ Oves, quum darentur; et Oves Pastorem, quum reciperen- „ tur, agnoscebant. „

Addit, communicatorias litteras, ipsamque communionis unitatem aliquando fuisse negatam intactâ fide ob laesum aliquod Caput merae disciplinae: Hunc porro casum esse, has circumstantias Episcoporum Provinciae Ultrajectinae in foederato Belgio.

Sed quum mox confirmet, Constitutionem *Unigenitus* Dogmaticum esse Sanctae Sedis, et universalis Ecclesiae Decretum, cui omnimoda ab omnibus debetur obedientia; quumque obedientia, quae Decreto Dogmatico debetur, non religiosum tantum silentium, sed et mentis, ac iudicii obsequium cum vero, et interno assensu postulet (ipso fatente p. 98.) non patet, quemadmodum in contemptu Dogmatici Decreti merae disciplinae caput violatum existimari queat.

POSITIO XXVII.

„ Confirmatio, Translatio, et Depositio Episcoporum non
 „ potest Provincialibus Synodis restitui, nisi de libero Summi
 „ Pontificis consensu. „

ANIMADVERS.

DE varietatibus, quibus Disciplina obnoxia fuit, assentiri videtur *Petro De Marca*, cujus verba describit *ex l. 3. c. 6. num. 4.* depromta „ Agnoscit porro Petrus De Marca, „ Summum Caput, „ in quo jus novum ab antiquo differt, in eo jam constitui, quod „ Suprema Potestas, quam in plerisque causis judicandis Synodi „ Provinciales obtinebant, penitus extincta sit, et ad solum „ Summum Pontificem revocata. „

Quod plures causae olim Synodorum Provincialium auctoritate fiirentur, minime id quidem inficiandum; nec tamen inde inferri potest, Supremam fuisse auctoritatem illam, quam aliunde constat superiori Primatûs auctoritate subjici debuisse. 1. Descriptio Provinciarum, jura Metropoleon, Ordo in Synodorum judiciis servandus, omnia haec Decretalibus nitebantur Siricii, Innocentii, Zosimi etc. Testatur *Petrus De Marca l. 1. c. 8. n. 5.* „ Innocentium Decretis suis Occidentis Ecclesias ornasse, immo et ipsam Antiochenam Ecclesiam, quae Caput est Orientalis Dioeceseos constitutis suis disposuisse: Eundem Alexandro Antiocheno jus Ordinationum restituisse: A Juvenali Hierosolymorum Episcopo dictum in Concilio Ephesino, morem invaluisse, ut Sedes Antiochena ex Apostolicâ consuetudine a Romano Episcopo disponderetur, et judicium acciperet. 2. Quae Synodi praescriberent, ea se ad normam Apostolicorum Decretorum praescribere testatae sunt. Sic Aurelianensis III., Turonensis II., Tricasina &c. 3. Saepe Pontifices ab initio per se ipsi jure suo praestiterunt, quae alioquin assentiente Pontifice in Synodis tractabantur, et quae deinceps ipsi Pontifices judicio suo reservanda duxerunt. Patet id luculenter *ex Epist. S. Cypriani ad S. Stephanum Papam*, quâ eum rogat, ut abstento Marciano alium jubeat, in ejus lo-

locum substitui. Notat hic etiam De Marca (*l. 7. c. 1.*) nullâ industriâ Novatores hoc Cypriani testimonium elevare posse. „Futilis est enim, *inquit*, et Cypriani verbis adversa responsio „ illa, non deponi a Stephano Marcianum, sed ad Plebein Arelate consistentem scribi, æquum sibi videri, ut deponatur. „ 4. Hincmarus ipse Rhemensis prædicare sæpe non dubitat, Metropolitica jura ab Apostolicæ Sedis auctoritate derivare, privilegiumque Metropolitanæ Sedis Rhemorum in summo privilegio Sanctæ Sedis Romanæ manere. Quæ quidem breviter hic attingimus, quod alio scripto copiosius sunt a nobis pertractata.

Fatetur tamen De Marca, in novo jure (prout jam est constitutum) prorsus esse insistendum, ut si quis de antiqui juris restitutione contendat, „ perinde agat, ac si Imperiorum inveteratorum administrationem ad eam formam revocare velit, quæ „ in ipsis Regnorum initiis obtinebat. „

Præterea videtur assentiri Febronius sententiæ Giruti agentis, posito etiam, plura esse hodiernæ disciplinæ capita, quæ originem suam debeant suppositis Isidori Mercatoris Decretalibus, non propterea movenda esse, quæ in exercitio Ecclesiasticæ jurisdictionis secundum eas Decretales constituta fuerunt, et quæ a multis jam sæculis servantur adeo, ut in ipsis legitimæ præscriptionis conditiones deprehendantur.

Verum, quod attinet ad Isidorianam Collectionem, minime prætermittenda sunt, quæ de illâ docte more suo disserit *Petrus Ballerinius Vindictar. c. 5.* Ostendit, toto Cœlo errasse, qui putarunt, Pseudo-Isidorum amplificandæ Romanorum Pontificum auctoritatis studio ad falsas Decretales procudendas excitatum fuisse; quin potius in id spectasse, ut accusationibus, quæ adversus Episcopos intentabantur, modus adhiberetur: Deinde illorum iuscitiam coarguit, qui de Pseudo-Isidoro conqueruntur perinde, ac si ejus imposturis disciplina vetus abolita, et nova introducta sit, quum potius hæc duo animadvertenda fuerint; 1. pleraque Pseudo-epistolarum Isidori excerpta esse ex sententiis Sanctorum Patrum, ex sinceris Constitutionibus Romanorum Pontificum post Siricium, ex Canonibus Conciliorum, ac ex Romanis legibus. 2. Caetera eam disciplinam plerumque exhibere, quæ jam diu inoleverat, vel jam ante aliquanto induci caepe-

rat : (1) Imposituram demum in eo sitam esse, quod Pseudo-Isidorus eas sententias iis auctoribus imposuerit, quorum non sunt, et posterioris aevi disciplinam antiquioribus Pontificibus affixerit, quasi prioribus Ecclesiae Saeculis haec viguisset. Hactenus Ballerinius, cujus opus omnino videndum.

Adhuc etiam ad novi juris firmitatem constabiliendam haec affert *Febronius* p. 174. „ Sed nec illud praetermittendum, quod „ legibus etiam Regnorum Corpus juris Canonici Romani, quo „ noviora haec jura asseruntur, Civitate donatum, et in jus „ commune receptum sit. „ Id certis monumentis probat de Germaniâ, et etiam de Galliâ. Tum concludit : „ Porro quod „ tanto consensu in Ecclesiâ universim receptum, tot Saeculorum non interrupto usu, subinde etiam *Concordatis* firmatum „ est, atque adeo in jus commune transit, et hodieum lex „ est, non poterit mutari, nisi de consensu eorum, penes quos „ legum in, et pro *universâ* Ecclesiâ ferendarum jus est, inter „ quos post Concilium Oecumenicum est Romanus Pontifex. „

Hujus proinde immutandae disciplinae nulla, Auctore Febronio, penes Laicum Magistratum auctoritas residere potest. Quippe nulla est Laica potestas, cui jus sit legum in, et pro *universâ* Ecclesiâ ferendarum. Hanc potestatem non in alio sitam expresse hoc loco agnoscit, praeterquam in Concilio Oecumenico, et post ipsum in Romano Pontifice. Verum quum et in Concilio Oecumenico nemo Catholicus dissentiat, primas, ac praecipuas partes esse Romani Pontificis, semper illud constat, sine ipsius assensu nullam mutationem induci posse in id *jus commune*, seu generalem disciplinam, quae illius potissimum auctoritate constituta fuit.

Opportunius proinde Febronius doctrinâ uti poterat, quam in responsione ad *Notas* praemissâ operi suo *de disciplinâ Thomassinus* exponit, nimirum quum dicitur, Concilia Provincialia potestatem aliquam exercuisse, quam deinceps solus Romanus Pontifex exercere coepit, non propterea significari, eam potestatem a Conciliis Provincialibus in Romanum Pontificem translatam esse, eique velut jus novum accevisse, quo antea careret

(1) Id sane quoad aliqua saltem disciplinae capita ipsemet Febronius agnoscit, ut superius notatum est.

reret , sed , quam semper alicubi exercuerat , eam supersedeu-
 ,, tibus Conciliis Provincialibus coepit ubique terrarum solus
 ,, exercere . „

Quod ergo speciatim memorat Febronius de Confirmatione ;
 Translatione , Depositione Episcoporum , eas veluti jure quodam
 devolutionis in Pontificem translatas esse , non ita est intelligen-
 dum , quasi novum jus Pontifici obvenerit , idque ab Episcopis
non invitis acceperit ; Nam praeter illa , quae superius jam di-
 cta sunt , rectius *Thomassinus* de hoc Devolutionis jure ibidem
 disserit : „ Ubi jus ab inferiori ad superiorem devolvitur ,
 „ non accipit ab inferiori , non usurpat in inferiorem Superior.
 „ Non repetere potest a Superiori inferior - So-
 „ lemne enim est , jura omnia ad Superiores ab inferioribus devol-
 „ vi , et omniū prorsus potestatum Spiritualium jura ad Summum
 „ Pontificem devolvi posse , quia Summus omnium Vertex est
 „ Si autem haec jura a Conciliis Provincialibus ad Summum Pon-
 „ tificem devolvuntur , quia Summus omnium Vertex est , per-
 „ peram ergo inde inferitur , quod ea ex sese non habeat , quod
 „ ea usurpet ; quod contrario usu possit amittere . „ Antea dixe-
 „ rat , „ Nihil Devolutioni contrarium ; devolutione semel par-
 „ tum jus perpetuum est .

POSITIO XXVIII.

„ Canonizationes Beatorum etiam olim fiebant de consensu
 „ saltem tacito Romanorum Pontificum . „

ANIMADVERS.

A Gnoscit *Febronius* p. 178 : maximam circumspectionem ef-
 ficacitate *Negotii hujus pondus , quod proximum est Fidei* ; me-
 ritoque proinde Alexandrum III. prohibuisse , quempiam *pro San-
 cto venerari , etiam per eum miracula fierent , sine auctoritate Ec-
 clesiae Romanae c. 1. de Reliq. et Ven. Sanct.*

Aliunde p. 179. huic negotio , quod proximum esse Fidei te-
 status est , non dubitat multae suspicionis nebulam offundere .
 Nam expositis omnibus , quae ad Sanctitatem Viri comprobendam
 pertinent , ait : „ At haec ipsa omnia Testibus , Instrumentis ,
 „ aliis-

„ aliisque humanis argumentis , quae fallere possunt , nituntur ;
 „ itaque Processu quantumvis accurate instituto errandi periculum
 „ penitus abesse , dici nequit .

Pergit : „ His consideratis non possum non probare , quod
 „ scripsit *Muratorius de Ingen. Moderat. in Relig. negot. c. 17.* ,
 „ scilicet : „ Non omnem veritatem a Divino Spiritu Nobis revelan-
 „ dam , ex omnium interpretatione perspectum est ; sed omnem
 „ tantummodo veritatem , quae ad salutem hominum , et ad ve-
 „ rae Fidei , atque Catholicae Ecclesiae integritatem , conserva-
 „ tionemque necessaria sit , Quomodo vero dicemus , necessa-
 „ rium hominibus , Fidei , et Ecclesiae esse cultum novi alicujus
 „ Sancti , fidemque de illius Beatitudine caelesti ? Utile est , non
 „ necessarium ista habere , ista scire . „

At saltem praeterire non debuisset , quod subiungit *Murato-*
rius , referturque a *Benedicto XIV. de Canoniz. l. 1. c. 45. n. 28.*
 „ Quare a suspitione haeresis ille non absit , atque intolerandam ,
 „ et poenis dignam temeritatem , ac impudentiam praeseferat ,
 „ qui rite Coelitus Catalogo adscriptos explodat , ac in iis , ut
 „ ajunt , canonizandis Ecclesiam reipsâ , et Romanum Pontifi-
 „ cem errasse dicat , suspicionem haeresis memoravi , non au-
 „ tem haeresim formalem . „ Sane queri non poterit Febronius ,
 „ suspicionem haeresis memorari in *negotio* , quod ille *proximum*
fidei dixerit .

Equidem an de fide sit , Ecclesiam in suo de Sanctitate homi-
 nis judicio errare non posse , quaestionem esse nondum ab Eccle-
 siâ definitam , non diffitetur *Benedictus XIV. l. 1. c. 45. n. 27.* : Ne-
 mo tamen Catholicus , nemo pius dubitat de illo peculiari afflatu
 Spiritûs Sancti sic Ecclesiam regentis , ut in decernendis , quae
 ad pietatem quomodocumque pertinent , eam errare non sinat .
 Scite *Melchior Canus de Loc. Theol. l. 5. c. 5.* „ Item multum re-
 „ fert ad communes Ecclesiae mores scire , quos debeas religione
 „ colere : Quare , si in illis erraret Ecclesia , in moribus quoque
 „ graviter falleretur Ne igitur tantus error in Ecclesiâ
 „ sit , Deus peculiariter providere credendus est , ne Ecclesia ,
 „ quamlibet hominum testimonia sequatur , in Sanctorum Cano-
 „ nizatione erret . „ Atque , ut probe idem animadvertit , si Ec-
 clesiae judicium de hominis Sanctitate foret errori obnoxium ,
 „ non esset valde absurdum Divorum omnium cultum ab Ecclesiâ
 „ explodere , qui post Clementem consecrati sunt . „ Et

Et quandoquidem hîc agitur cum hominibus, qui antiquitatis amantes imprimis videri volunt, non parum momenti apud ipsos habere debet, quod ex omni Saeculorum memoriâ nusquam auditum fuit, inter Christianos ullam dubitationem subortam esse de Servorum Dei Sanctitate, qui sunt in Canonem relati, aut aliis sive Martyribus, sive Confessoribus, quos Ecclesia publico cultu veneraretur. Extant Homiliae Patrum singularum consequentium aetatum de Sanctis, quos superiores aetates extulerant, quique tunc temporis velut *novi Sancti* haberi poterant; nec tamen hâc novitate Sanctissimi Patres illi deterrebantur, quin eos novos Sanctos pio, religiosoque cultu sine ullâ dubitatione prosequendos censerent. Adeo certum, fixumque habebant Ecclesiae de illorum Sanctitate iudicium.

Et merito quidem. Si enim Sanctitatis Spiritus nunquam est in Ecclesiâ desiturus, profecto non est dubitandum, quin, ut semper fuere, sic semper futuri sint, qui donis Spiritûs Sancti abundantius cumulati Divinae Promissionis immutabilem constantiam, illamque nunquam in Ecclesiâ interituram Sanctitatis notam singulari admirabilitate vitae testentur, ac velut aspectabilem faciant. *Sanctitas Religionis omnium maxime ex Sanctitate Pastorum colligitur*, ut docet Scriptor *Hist. Treviren. in Prodrogno p. 126.* Quis ergo neget, ad Religionis, Ecclesiaeque bonum pertinere, ac omnino *Fidei proximum* esse, ut certâ notâ discerni valeant, quos ad patefaciendam Sanctitatis conservationem in Ecclesiâ, et ob alias causas, quae copiose a Benedicto XIV. expli- cantur, ad insignem Sanctitatis laudem Deus provexit?

POSITIO XXIX.

„ Legitimo usu in quibusvis causis Ecclesiasticis invaluerunt
„ Appellationes ad Apostolicam Sedem. „

ANIMADVERS.

Fatetur Febronius, *Natalem Alexandrum* inter Gallos *Dis- sert. 28. in Saec. IV.*, *Gregorium Zallwein* inter Germanos *Princip. Jur. Eccl. tom. 2. p. 201.*, aliosque utriusque Nationis eruditos Viros sustinere, jus recipiendarum appellationum Prima-
tui

tui connatum esse; at alios non minus celebres refragari existimantes, hoc Romanae Sedis privilegium adjectitum esse. Qui sint celebres isti Refragantes, non eloquitur, quippe neminem nominatim appellat. Sed quicumque tandem fuerint, aut sint, magno eos in errore versatos esse, aut versari convincit (ut alios praeteream non minoris momenti eamdem in rem editos libros) laudata Natalis Alexandri Dissertatio, quâ tantâ omnis generis argumentorum copiâ, et perspicuitate jus illud Primatui cohaerens demonstratur; sicque Basnagii Cavillationes revincuntur, ut veritas liquido appareat, nec jam apud aequos aestimatores ambigendi locus superesse ullus valeat.

Quod autem ambo illi viri graves jus illud Primatui connatum velint, cavet Febronius, ne quis paret, ex eorum sententiâ id ita esse intelligendum, „ Quasi jus illud appellandi nullam admittat restrictionem, seu limitationem, quin per Canones, „ concordata, contrariam consuetudinem ex legitimâ causâ in „ bonum Ecclesiarum alterari, ac intra certos limites coarctari „ possit. „

Rationem porro ipse suppeditat. „ Quidquid enim, *inquit*, „ juris Christus Pontifici concessit, id omne in aedificationem, „ non in destructionem, in bonum Ecclesiae concessum esse existimandum est. „

Egregie sane. Omnis quaecumque potestas in aedificationem concessa est, non in destructionem; idque non in Ecclesiastico tantum, sed et in Civili Regimine. Num ex eo fit consequens, ut superior potestas per inferiorem coerceri valeat? In Ditione, quae unus Supremi Principis Dominationi subsit, suprema Imperantis Potestas tota quoque spectat, referturque vi suâ in Bonum Rei publicae: *Minister est enim Dei in bonum*, ut ait Apostolus. Num propterea liberum erit inferioribus superiorem eam potestatem, quibus sibi placuerit, aut aequum existimaverint, limitibus, ac terminis circumscribere? Quod si Febronius acre nunc ferret, his velut arietibus imperi Principatum Civilem, tamen olim dixisse feratur, eum ab arbitrio Populorum pendere, multisque adeo modis mutari, luxari, adstringi posse, multo minus idipsum locum habere poterit in Ecclesiasticâ Hierarchiâ, de quâ, si audiet *Natalem Alexandrum* hanc ipsâ *Dissert. Seb. 1.*, intelliget, ipsum semper professum esse, ac propugnasse Pri-

ma-

matum, et quae ex Primatu consequuntur privilegia (inter quae praecipue hoc loco agit de jure appellationum) .. Christi ore in „ Beato Petro firmata, in Ecclesiâ ipsâ disposita, antiquitus ob- „ servata, a Sanctis, et universalibus Synodis celebrata, atque „ a cunctâ Ecclesiâ jugiter venerata nullatenus posse minui, „ nullatenus infringi, nullatenus commutari, quoniam funda- „ mentum, quod Deus posuit, humanus non valet amovere co- „ natus, ut scribit *Nicolaus I. Epist. 8.* ..

At, inquiet, nonne tamen extant Canones, quibus certus appellationum modus praescribitur? Extant illi quidem, sed nil inde adversus Pontificis auctoritatem. Primò enim Canones isti, ut vel de ipsis Orientalibus Conciliis notavit supra *Natalis Alexander*, nisi assentiente Pontifice nullam vim habituri fuissent. Deinde omnis haec Canonum praescriptio spectat non ad coercendam Pontificis potestatem, sed ad constituendam judiciorum formam, quae comprimendae improborum audaciae aptissima videretur. Quod quidem maxime patet editis hæc. de re in *Tridentinâ Synodo Decretis*, velut c. 20. de *Ref. rest. 24.*, ubi praescripto consueto judiciorum ordine nominatim excipiuntur causae, quas Summus Romanus Pontifex avocare ad se judicaverit; tum solemnî câ testatione, quâ quaecumque in eo Sacro Concilio statuta sunt, *declarat, ita decreta fuisse, ut in his salva semper auctoritas Sedis Apostolicae et sit, et esse intelligatur.* Et quidem quom mens Ecclesiasticae disciplinae semper una, eademque constituerit, quae mens fuit Tridentinae Synodi in *ipsis Decretis* sancendis, eadem sane fuit, nec alia Ecclesiae esse potuit in probatis Decretis antea conditis, siquidem unus, idemque Divinus Spiritus omnibus ex aequo praefuit.

Parum etiam omnino roboris habet, quod p. 182. *Febronius* proponit his verbis: „ Primis Ecclesiae temporibus, quemad- „ modum universim appellationes aequae, ac caeterae ambages „ fere ignorabantur in Ecclesiae Tribunalibus; ita legalis qui- „ dem ad Supremam Primatis Sedem appellationis nullum tribus „ primis Ecclesiae Saeculis extare monumentum observant Eru- „ diti. „

Sed quaeri potest ex *Febronio*, quid legalis appellationis nomine Eruditi illi Viri significare veliat. Si hanc solam legalem appellationem dicunt, quae omnes formas consequentibus tempo-

ribus jure positivo adjectas complectatur, ludere in verbo velle illi videntur. Notum est, succedentibus aetatibus novas identidem formas, et cautiones Principum Constitutionibus praescriptas esse, quibus praetermissis legitima, seu legalis censi prohiberetur sive venditio, sive Donatio, sive Testamentum, aut alia quaevis inter homines contrahendi, agendive ratio. Num propterea minus legales, aut legitimi censendi actus omnes ejusmodi, qui formulis illis postmodum in vectis caruerint? Si autem legitimus, ac legalis censi merito debet actus, cui nil desit eorum, quae ad substantiam pertinent, quae et naturale jus, et positae illo tempore leges requirunt, nemo negaverit, legitimas, et legales fuisse appellationes, quae primis Ecclesiae Saeculis interpositae fuerunt; quae, etsi carerent formis, quas ad praeavendas fraudes posterior disciplina invexit, omnia tamen complectebantur, quae ad acquitatis normam pro eorum temporum disciplinâ, et conditione requirebantur. Multas autem ejusmodi factas ad Sanctam Sedem primis illis temporibus appellationes evincunt exempla, quae et *Christianus Lupus*, et *Natalis Alexander*, et doctus Praesul *Johannes Dominicus Mansi* collegerunt. Dubitationem vero tollit omnem luculentum de moris illius vetustate *Leonis Magni* testimonium *Epist. 89. ad Episcopos Galliae*, quod nemo sanae mentis recusaverit. Quis enim audeat falsi arguere Sanctissimi Pontificis eâ in re testimonium, cujus testimonii falsitas tum temporis in omnium oculos incurrisset? falsitatis autem convictio et auctoritatis pondus detraxisset, et infamiae labem inussisset.

„Quin immo, subjungit Febronius, ex S. Cypriano satis intelligitur, Saeculo III. multum improbatos fuisse excursus ad Romanam Sedem pro obtinendâ ibidem justitiâ...“

Primùm non fuisse generatim improbatas a S. Cypriano appellationes ad Sanctam Sedem probat, immo ex Epistolis ipsis Sancti Antistitis colligit laudatâ Dissertatione *Natalis Alexander*, et ante ipsum *Vin. Bellarminus de Rom. Pontif. l. 2. c. 23.* ostendens, „Cyprianum aegre tulisse appellationes eorum, qui de manifestissimis criminibus convicti, & judicati fuerant; non autem omnino appellationes sustulisse. „Egregia vero sequens ejusdem Bellarmi Animadversio: Adde, *inquit*, quod si hoc decreto (scilicet Africano, quod objiciebatur a Cypriano) prohi-

„ prohiberentur appellationes , non solum prohiberentur ad Ro-
 „ manum Pontificem , sed etiam ad quemlibet alium Judicem ,
 „ ut *Magdeburgenses* faterentur *Centur. 3. c. 7.* , et verba ipsa in-
 „ dicant , quae generalia sunt : At absurdissima , et ridicula lex
 „ esset , quae omnem appellationem prohiberet . „ Quo magis
 confirmatur , verba Cypriani ad causam , de qua tum agebatur ,
 aliasve similes manifestissimorum criminum causas referenda
 esse .

Reverà , si eo tempore celebrata fuisset Synodus Generalis ,
 existimabit ne Febronius , Sanctum Cyprianum concessurum non
 fuisse , ut ad eam ex Provinciali quavis Synodo provocari pos-
 set ? Quod tamen dicendum foret , nisi verba Cypriani aequà in-
 terpretatione mollienda essent . Quid ? Si ex ipso celebri facto
 Basilidis Asturicensis , et Martialis Emeritensis conficitur , San-
 ctum Cyprianum in Romano Pontifice jus recipiendarum appel-
 lationum palam agnovisse ? Hi nimirum a suis Synodis ob gra-
 vissima crimina e gradu dejecti , quum ad Stephanum accessis-
 sent , causâque subdole expositâ restitui se , ab eo impetrassent ,
 hanc quidem Cyprianus restitutionem improbavit ; verum hâc
 unâ de causâ , quod *Basilides post crimina sua detecta Romam*
pergens Stephanum longe positum , et gestae rei , ac veritatis
ignarum fefellerisset . Quâ in re , pergit Cyprianus , *non tam*
culpandus ille , cui negligenter obreptum est , quam hic execran-
dus , qui fraudulenter obrepsit . Idemque de Martiali statuit ,
 qui eâdem fraude usus fuerat . Profecto , nisi Cyprianus hanc in
 Stephano auctoritatem agnovisset , quâ Episcopos de Synodali
 iudicio ad se appellantes recipere , eosque , si opus foret , adver-
 sâs Synodalem sententiam restituere valeret , non excusandum
 Stephanum censuisset , quod sibi obrepi passus esset , sed ob id
 maxime culpandum , quod indebitam sibi potestatem arrogasset .
 neque impetratae ab ipso restitutioni vitium dumtaxat obreptionis
 objecisset ; sed hoc ipso nullam , et irritam ostendisset ,
 quod nullâ legitimâ potestate contra legitimam Synodorum
 auctoritatem praeter jus , fasque fuisset indulta . Sane qui sen-
 tentiam non alio , quam obreptionis nomine improbat , hoc ipso
 fatetur , eam ipsam , nisi id vitii irrepsisset , raram se habi-
 turum , atque adeo a legitimâ potestate profectam . Nec
 etiam Hispanienses illi Episcopi Synodali sententiâ perculsi Ponti-

ficis adeundi consilium cepissent, nisi haec insita fuisset Provinciarum illarum persuasio, jus, fasque esse a Synodali iudicio ad Romanum Pontificem provocare; Ut minime mirum videri debeat, Hosium illum Cordubensem eâ persuasione imbutum Auctorem fuisse, ut honor iste Apostolicae Sedi debitus Sardicenis etiam Concilii Decreto muniretur.

Pag. 183. fatetur *Febronius*, post Synodum Sardicensem an. 347. celebratam minime infrequentes fuisse appellationes, multasque recenset ex Natali Alexandro depromptas; tum addit: „Solidis his fundamentis innixae appellationes Romanae usu magis, magisque firmatae sunt Sacerdotio, et Imperio minime reluctantibus. Ad hoc probandum alio fere argumento opus non est, quam allegatione vix non continuorum utriusque potestatis laborum, ac studii in removendis earumdem abusibus salvâ, semper substantiâ. „

De hisce, ut loquitur, abusibus, tentatisque remediis satis longum trahit ille sermonem, quem per partes persequi non vacat in praesens. Addit, renovatas eâ de re in *Synodo Tridentinâ* querimonias; Synodum porro hisce abusibus, quoad potuit, admissam esse mederi quum variis Decretis, tum signanter *Sess. 24. c. 20. de Ref.* Demum concludit: „Ex his manifestum fit, Romanarum appellationum constantem in Ecclesiâ usum non viguisse solum, sed a Conciliis, Patribus, Episcopis, Regibus, Principibus, et Nationibus per Canones, Leges, et concordata probatum esse; Attamen et pium hunc usum ab eisdem pro re natâ ab abusibus haud raro purgatum fuisse, et adhuc purgari posse. „

Nil opus Oedipo, ut pateat, quo spectent postrema verba Febronii. Caeterum haud scio, quid labis *purgandae* supersit in Decretis Tridentinae Synodi de appellationibus. Si quam adhuc labem sibi quisquam videatur deprehendere, videat, ne potius inspicientis oculi vitio, quam inspecto decreto tribui, et affingi ea debeat. An forte sibi adeo blanditur Febronius, ut putet, boni quidquam a se cogitari posse, quod prudentiam effugerit sapientissimorum Patrum, quorum consilia in condendis Decretis Divino etiam Spiritu regebantur? Atque hi quidem in id sunt inducti, ut, si quid pro rerum, ac temporum variatione uberius explanandum, aut providendum foret, id totum decernerent ad Apostolicam

licam Sedem referendum. Quod autem id, quod est universali Ecclesiae disciplinâ Sedis Apostolicae auctoritate firmatâ constitutum, sine Sedis Apostolicae auctoritate mutari queat, satis ex superius dictis refellitur, omninoque a Catholicis auribus abhorret.

POSITIO XXX.

„ Summi Pontifices omni jure damnarunt appellationes a Papâ ad futurum Concilium. „

ANIMADVERS.

IN hujus Positionis explanatione non sine aliquâ tergiversatione progreditur Febronius. Primùm exponit Petri De Marca doctrinam agentis, nunquam quidem in Ecclesiâ admissam fuisse provocationem a Papâ ad Concilium, licet aliquando remedio quodam extraordinario Sedis Apostolicae judicium in majori Synodo instauratum fuerit: Etenim, *inquit* „ vel privatae erant causae, vel „ publicae: Privatae in Synodorum Patriarchalium judicio finiebantur, ut nullus appellandi superesset locus, *l. 29. C. de Episcop. Audien.*, Item *Novella 123. c. 22.* Aliud dicendum „ de Causis Ecclesiae communibus „ seu publicis. Illo sensu intelligendus est *Gelasius apud Gratianum Caus. 9. q. 3. c. 16. scribens ann. 493. ad Faustum Legatum: ipsi sunt Canones „ qui appellationes totius Ecclesiae ad hujus Sanctae Sedis exa- „ men deferri voluerunt, ab ipsâ vero nunquam appellari debent, re, dixerunt.*

Volunt itaque isti, ubi Gelasius Canones memorat agentes, ab Apostolicâ Sede nunquam appellari debere, id de causis tantum privatis intelligendum esse. Verum commentitia plane est haec interpretatio. I. In hac Epistolâ, seu commonitorio ad Faustum generalis est Gelasii sententia, nec ullum in eâ ejus distinctionis inter privatas, et publicas causas vestigium apparet. II. In eâ Epistolâ Gelasius Sedis suae praestantiam in omnibus judiciis Ecclesiasticis supra omnes alias Sedes omni Divino „ Ecclesiasticoque jure firmatam demonstrat, atque pro hac singulari praestantiâ uni Romanae Sedi competere, ut ad eam undique appelletur,

tur, ab ipsâ nusquam. Porro si hoc de causis tantum privatis intellexisset Gelasius, in quibus, ut isti dicunt, neque ab aliis Patriarchis appellari poterat, profecto acquo hâc in parte jure suisset Romanus Pontifex cum cæteris Patriarchis; neque tamquam insigne aliquid, ac proprium Romanæ Sedis decus asserri potuisset, quod ab eâ non appellaretur eis in causis, in quibus neque ab aliis appellabatur. III. Sententia Gelasii hæc duo complectitur, et undique ad Sanctam Sedem appellari, et ab eâ nunquam. De iisdem igitur causis in utrâque parte sententiæ agitur. Si ergo secunda pars, quæ vetat a Sanctâ Sede appellari, de causis privatis intelligenda est, etiam de privatis intelligenda erit prima pars, quæ ex omni parte appellationes ad Romanam Sedem astruuntur. Fatendum ergo erit, etiam in causis privatis ad Sanctam Sedem appellari potuisse, quod tamen isti negare non verentur; adeo hâc suâ commentitiâ interpretatione non solum cum communi sensu, sed et secum ipsi configere coguntur. IV. Argumentum ex Novellâ Justiniani ductum refutatur a *Natali Alexandro Dissert. 28. in IV. Sacc.*, ubi ostendit, I. Justiniani Novellâ prohiberi appellationem a judicio Patriarcharum in Causis Episcoporum profanis, non Ecclesiasticis. II. Ipsummet Justinianum in Romano Pontifice agnovisse auctoritatem judicandi causas Orientalium Episcoporum, et ipsorum Patriarcharum, ut constat ex iis, quæ ipso præsentate, et probante gesta sunt ab Agapito Papâ contra Anthimum, qui Sedem Constantinopolitanam invaserat. Deum, Ex Justiniani Constitutionibus colligi non posse, quæ, nam fuerit Ecclesiæ disciplina, quia nulla fuit earum in Eccle., siâ auctoritas, nisi quatenus cum Sacris Canonibus consentiebant, ut constat ex *Epist. S. Agapiti* Pontificis ad eundem. Quod attinet ad causas communes, primum ait Febronius, Aliquando ad procurandam Ecclesiæ tranquillitatem Imperatorum rescripto Apostolicæ Sedis Judicia in majore Synodo instaurari contigisse, in quâ per Legatos Romanus Episcopus intererat. Etenim juxta mores antiquos res Ecclesiæ communes sine Sententiâ Summi Pontificis constitui non poterant. Quæ ratio, ait De Marca, differt ab appellatione, in quâ Judex prioris instantiæ ab omni cognitione excluditur.

Instaurationis hujusmodi exempla petit Febronius ex Concilio Ephesino, in quo, si cum audimus, Coelestini Epistola ad Ne-

storium rursum expensa est : Ex Chalcedonensi , quod iterum discussit quaestionem de duabus in Christo naturis , quam Leo jam deciderat : Ex Concilio Generali VI. , quod examinavit , et resolvit quaestionem de duabus in Christo voluntatibus ab Agathone antea definitam .

Si , quae facta est in illis Conciliis laudatarum Epistolarum discussio , eam Febronius non alio consilio institutam diceret , quam ad compescendam , si fieri posset , concordii Patrum consensu dissidentium pervicaciam , nil proferret a veritate , nec adeo a Supremae Sedis dignitate alienum . Fallitur vero , si putat , quaestiones de Christi Personâ contra Nestorium ; de duabus naturis contra Eutychen ; de duabus voluntatibus contra Monothelitas non fuisse per sententias Coelestini , Leonis , Agathonis firmo , et fixo iudicio definitas . Haud fert praesentis instituti ratio argumenta describere omnia , quae in hanc rem doctissimi Viri protulerunt . Satis fuerit pauca delibasse , quae praesertim ex actis ad memorata Concilia pertinentibus petuntur .

Ante Concilium Ephesinum S. Cyrillus Episcopus Alexandrinus , ut notat doctus vir *Petrus Ballerinius de Primatu c. 13. §. 11.* , etsi Nestorii errorem , ac pertinaciam exploratam haberet , noluit tamen se ab ejus communione separare , antequam Coelestini Romani Pontificis sententiam audiret , quam non solum sibi , sed et aliis Episcopis significari ab eodem postulat , ut omnes *uno animo in una sententiâ persistent* : Ita *S. Cyrillus Epist. 3. apud Constant.* Hoc porro iudicium Cyrillus expetebat , ut in eo sibi , aliisque omnino conquiescendum existimaret . Quam enim Epistolas a Coelestino acceptas ad Johannem Antiochenum dirigeret , hortatur eum , ut sententiae Pontificis in Occidentali Synodo prolatae acquiescat : *Nos enim* , inquit *apud Labb. Concil. Ephes. c. 21. , sequimur , quae ab eo sunt iudicata , formidantes , ne tantorum communione labesceamus . (a)* Ex quibus , inquit *Ballerinius* , mirifice confirmatur , quod

(a) Notanda verba Epistolae apud Labb. tom. 3. Edit. Ven. Col. 927. „ Porro autem lectis in Concilio (Romano) expositionibus illius (Nestorii) , „ Epistolisque lectis , et iis praecipue , in quibus quod apertam ipsius subscriptionem prae se ferrent , nullus tergiversandi locus reliquus erat , „ Sancta Romana Synodus disertam statim in illum sententiam tulit . Horum „ proinde Decreto molis omnibus parendum est illis , qui a totius Occiden-

quod *cap. 12. §. 2.* fuse probavimus, communionis Romanae necessitatem ab Adversariis non posse adstrui, quin necessaria simul statuatur unitas Fidei Romanae, sine qua communio cum Romanâ Sede haberi non potest, ut S. Cyrillus hoc loco palam insinuat.

In Concilio vero Ephesino maxime notanda Vir doctus praecipit verba ipsiusmet Synodi in sententiâ depositionis Nestorii, quam se Patres ferre profitentur coacti per Sacros Canones, et Epistolam Coelestini. Porro si, ut probe idem animadvertit, Coelestini Litterae Synodum cogebant ad depositionem Nestorii, cogebant etiam ad damnandum ejus errorem in fide, cujus causâ ipsius depositio praescripta fuerat.

„ Quod si (*pergit ille*) post Coelestini litteras a Cyrillo executioni mandatas ad Generalem Synodum causa delata est, idque ipso assentiente Pontifice, qui suos Legatos ad eam Synodum direxit, nihil tamen liberum quoad Apostolica Decretâ idem Pontifex esse voluit; unde hos se direxisse ait, *ut iis quae aguntur, intersint; et quae a Nobis ante statuta sunt, exequantur*; jussitque eos, si res ab aliquibus in disceptationem vocaretur, *de eorum sententiis judicare, non subire certamen.* „

Ex hoc porro Inculcentissimo quum Coelestini, tum Cyrilli testimonio liquidò apparet, hanc eâ aetate Traditionem, sensumque fuisse quum Romanae, tum Alexandrinae Ecclesiae, sententiam a Romano Pontifice latam habendam esse velut fixum, ratumque judicium, quod sequi omnes Ecclesiae deberent: de quo nullum superesset certamen subeundum; quo uno Catholici ab Haereticis tutò discernerentur; quod repellere nefas esset, nisi qui vellet a Catholickâ Communionem excidere.

Quod

„ tis communionem excidere noluerint Nos enim sequemur, quae illi judicaverunt. „ Et Epist. Sacrae Synodi ad Religiosissimos Imperatores de Nestorii depositione, „ Laudavimus Coelestinum Sanctissimum, Deoque Dilectissimum Magnae Romae Episcopum, qui ante nostram sententiam haeretica Nestorii Dogmata condemnarat, nosque in ferendam contra ipsum sententiâ antevererat prospiciens securitati Ecclesiarum, et pie, salutarique fidei a Sanctis Apostolis, Evangelistis, Sanctisque Patribus nobis traditae. „

Quod si tamen adhuc causa Nestorii delata est ad Synodum, eo consilio id factum dicemus cum laudato Scriptore, „ ut de-
 „ cepti ab haereticis, aut praepiudiciis, atque difficultatum ne-
 „ bulis impediti, tot Patrum doctrinis, & sermonibus-instructi,
 „ atque convicti ad catholicum sensum, et unitatem adduceren-
 „ tur, ut ne tamen liberum, ac licitum crederetur Apostolicae
 „ definitioni, quam semper Oecumenicae Synodi ratam habuerunt,
 „ nunquam repudiarunt, contradicere, ac repugnare. „

Neque omittendum, quod (eodem referente Scriptore) „
 „ Auctor Capitulorum de Gratia Dei, quae subiiciuntur Episto-
 „ lae Coelestini ad Venerium, caeterosque Gallicanos Episcopos,
 „ quicumque ille sit, sive idem Coelestinus, sive Sanctus Leo,
 „ sive, ut Scriptor probabilius putat, Sanctus Prosper ita sen-
 „ tentias, seu auctoritates Romanae Sedis credendas proponit,
 „ ut prorsus, inquit, non opinemur Catholicum, quod appa-
 „ rit, praefixis sententiis esse contrarium. „

Quod posteaquam adhuc illustravit Xysti III. praeclaro te-
 stimonio *Epist. ad Johan. Antioch.* ad ipsammet Causam Nesto-
 rii pertinente, subjicit egregium in eam Constantii Commenta-
 rium: „ Ubi, inquit, notanda vis argumenti, quo Xystus ab
 „ Sedis Apostolicae doctrinâ discedendum non esse probat: Quia
 „ nimirum haec ipsissima est Doctrina, quam non ex incertâ
 „ hominum relatione, aut ex libris obscuris, et ambigue scri-
 „ ptis, sed ex primario veritatis fonte, hoc est ex ipso Christi
 „ ore accepit Petrus, et exinde Ecclesiae suae servandam imper-
 „ tit. Unde sequitur, absolutam, simplicem, et controversiae
 „ expertem esse Apostolicae Sedis fidem. „ Ita Vir egregius,
 „ nec de nimio in Romanam Sedem studio suspectus.

Nunc ut ab Ephesinâ Synodo ad Chalcedonensem progredia-
 mur, ex actis hujusce Concilii clariùs adhuc elucet, judicia Se-
 dis Apostolicae immutabili per se se firmitate polleere. 1.
 Hanc firmitatem agnovit Flavianus Episcopus Constantinopolita-
 nus, qui scribens ad Leonem palam testatur, ad convincendam
 Eutychis haeresim non Concilio esse opus, sed eam totam Cau-
 sam Leonis auctoritate finire posse. Perspicua sunt verba Fla-
 viani (*apud Labb. tom. 4. Edit. Ven. col. 778. B.*) „ Causa enim,
 „ inquit, eget solummodo vestro solatio, atque defensione,
 „ quâ debeatis consensu proprio ad tranquillitatem, & pacem

R

cuq-

„ cuncta perducere . Sic enim haeresis , quae surrexit ; & Tur-
 „ bae , quae propter eam factae sunt , facillime destruentur Deo
 „ cooperante per. vestras sacratissimas litteras . Removebitur
 „ autem et Concilium , quod fieri divulgatur , quatenus nequa-
 „ quam ubique sanctissimae turbentur Ecclesiae . „ Sic Teste Fla-
 „ viano Sacratissimae Leonis litterae id omne praestare poterant ,
 „ quod fuisset a Synodo Generali expectandum .

2. Hanc firmitatem agnovit S. Leo , dum scribens ad Theo-
 dosium significat , ex unâ parte a Synodo. abstinueri potuisse ; ex
 aliâ parte Marcianum aliis litteris monet (*Epist. 82. recens. Bal-
 ler.*) , ne cujusquam procaci , impudentique versutiâ quasi de
 incerto quid sentiendum sit , sineret inquiri : nec , ejusmodi sit
 fides tenenda , esse tractandum , sed quorum precibus , & qua-
 liter annuendum : Scilicet vetabat , ut definita suis litteris fidei
 regula in dubium revocaretur , aut de illâ quomodocumque retra-
 ctandâ ageretur .

3. Agnovit S. Petrus Chrysologus , qui ad Eutychem rescri-
 bens hortatur eum , sententiae Pontificis acquiescere : *Quoniam*
Beatus Petrus , qui in propria Sede et vivit , et praesidet , prae-
stat quaerentibus fidei veritatem .

Jam in ipsâ Synodo absolutis primâ actione , quae pertine-
 bant ad acta Latrocinii Ephesini , actione secundâ Judices a Patri-
 bus postularunt , ut quid de fide tenendum esset , exponerent .
 Tum Cecroprius Sebastopolitanus Episcopus dixit : „ Emerserunt ,
 „ quae ad Eutychem pertinebant , et super his forma data est a
 „ Sanctissimo Archiepiscopo Romanae Urbis , et sequimur eam ,
 „ et Epistolae Omnes subscripsimus : Ita omnes dicimus : Suffi-
 „ ciunt , quae exposita sunt : Aliam expositionem non licet fie-
 „ ri : Reverendissimi Episcopi clamaverunt : ista omnes dici-
 „ mus . „ Itaque Patres omnes aperte , et palam professi sunt ,
 „ expositionem sufficere , quae tamquam *forma* data erat a
 Leone .

Quum autem a Judicibus injecta esset mentio de instituendâ
 collatione , ut , si qui constitutae regulae adversarentur , eorum
 voluntates manifestae fierent , Florentius Episcopus Sardium
 aperte quoque professus est , qui recte sentirent , ampliori dis-
 cussione non indigere . „ Quamvis , *inquit* , in nostrâ Personâ ,
 „ qui Epistolae Sanctissimi Leonis subscripsimus , non indigea-
 mus .

„ mus correctione. „ Quibus liquidò constat, nullam ab illis Episcopis discussionem postulatam, ut sententiae Leonis tamquam certissimae fidei regulae subscriberent: Subinde quum lecta esset celebris illa, nec unquam satis laudata Leonis ad Flavianum Epistola, tum illa erupit vox acclamantium Patrum, quam ex ore omnium uno velut impetu Catholicus sensus expressit: *Petrus per Leonem loquutus est*.

Hactenus nulla discussio. Sed quum Illyriciani, et Palaestini Episcopi, graece minus docti, de sensu trium locorum ejusdem Epistolae dubitationem aliquam movissent, ipsis induciae datae sunt, ut interea docerentur. At, „ Omnes Reverendissimi Episcopi clamaverunt: Omnes ita credimus; sicut Leo, ita credimus. „ Nos jam subscripsimus. Nos jam subscripsimus. „ Quae qui aequo animo perpenderit, intelliget sic susceptam a Patribus Chalcedonensibus Leonis Epistolam, ut ei tamquam oraculo Petri per Leonem loquentis sine aliâ discussione subscribendum censerent: Discussionem autem postmodum non alio consilio susceptam, quam ut adversus eos, qui veritati resistunt, consonantia ejus Epistolae cum testimoniis Patrum clarius appareret, ut etiam intelligi potest ex alloquutione Patrum ad Marcianum in fine Concilii.

Nec minus luculenter ex gestis in sextâ Oecumenicâ Synodo prodit sese immota firmitas Apostolici judicii de rebus ad Fidem, Religionemque pertinentibus. Jam damnata fuerat Monothelitarum haeresis a Martino I., et Agathone, quum ad frangendam, si fieri posset, errantium contumaciam consilium susceptum est Oecumenicae Synodi ope, ac praesidio Constantini Pogonati convocandae. Lecta fuit *act. 4.* Agathonis Epistola Dogmatica, quam Patres velut Sanctorum Traditioni consentaneam unanimi suffragio, ac plausu comprobarunt. Hinc porro inferri posse censuit Scriptor *Defensionis*, quae *Bossuetio* vulgo tribuitur, *p. 2. l. 12. c. 24.* Concilii Patres hâc mente Agathonis Epistolam suo judicio subjecisse, quod minime necesse putarent, singula Romanorum Pontificum Decreta etiam de Fide indiscussa suscipi. Longe tamen aliam mentem eorum fuisse, acta ipsa Synodi evincunt. Jam ex Agathonis litteris *actione 4.* perlectis liquet, Agathonem, et Occidentalibus persuasum fuisse, causam illam totam tam certo jam, ac irrevocabili judicio definitam ha-

bendam esse, ut Synodi Praesulibus non amplius fas esset de latiss in Occidente Decretis Apostolicâ sententiâ firmatis contendere, aut ab eis ullo pacto recedere. Scilicet Agatho expressis verbis declarabat, hâc mente Legatos misisse, qui suo nomine Synodo praessent, *ut nihil de eis, quae regulariter definita sunt, minuat; nihil mutetur, vel augeatur; sed eadem et verbis, et sensibus illibata custodiantur*. Testabatur, non aliam se licentiam, auctoritatemve Legatis dedisse, nisi *simpliciter satisfaciendi, in quantum, ait, eis dumtaxat injunctum est, ut nihil profecto praesumant augere, minuire, vel mutare; sed Traditionem hujus Apostolicae Sedis, ut a Praedecessoribus Apostolicis Pontificibus instituta est, sinceriter enarrare*. Haud igitur censebat Agatho, cui Occidentales consentiebant, Apostolicae Sedis definitiones cum libertate dissensus a Synodo discutiendas fore, quin potius praescriptis verbis edicebat, nil in eis immutari posse, et quae jam definita erant, verbis, ac sensibus illibata custodiri debere. Hoc jus nimirum, has partes esse Apostolici muneris fidem dictare, quam caeterae Ecclesiae sequerentur, „ quod, *inquit*, annitente B. Petri praesidio, qui spirituales Ecclesiae oves ab ipso Redemptore omnium ternâ commendatione, ne pascendas suscepit, haec Apostolica ejus Ecclesia nunquam „ a viâ veritatis in quâlibet erroris parte deflexa est; cujus auctoritatem, utpote Apostolorum omnium Principis, semper „ omnis Catholica Christi Ecclesia, et universales Synodi fideliter amplectentes in cunctis sequutae sunt; . . . quoniam (ut „ deinceps subjungit) Dominus, et Salvator omnium, cujus „ fides est; qui fidem Petri non defuturam promisit, confirmavit eum Fratres suos admonuit, quod Apostolicos Pontifices „ meae exiguitatis Praedecessores confidenter fecisse semper, „ cunctis est cognitum. „

Profecto nemo est, qui non perspiciat, hujus totius orationis contextum cõ spectare, ac ducere, ut in Dogmaticis Apostolicae Sedis judiciis firmam constituat, ac proponat fidei regulam nulli amplius retractationi obnoxiam; hanc esse verborum, quae recitata sunt, planam, obviamque intelligentiam, quam quisquis aliter sentit, necesse habeat plane deserere, et in alienos sensus, quos ipsa littera respuit, contorta interpretatione deflectere. Atqui tamen, fatente laudato *Defensionis* Scriptore

ptore „ *Haec Concilii Patres audiunt, atque suscipiunt.* „ Quid hîc dicturi sumus, siquidem verum amamus? An adeo hebetes fuisse Patres, ut, quum verba audirent, quid verbis significaretur, minus intelligerent? Quod si intellexerunt, et susceperunt; omnino et verba, et subjectam verbis sententiam suscepisse censendi sunt. Reverâ qui nunc hâc parte a nobis dissentiunt, dum talia audiunt, non simpliciter suscipiunt, sed ea student conquisitis interpretationibus emollire. Quidni sextae Synodi Patres perinde fecissent, si cum Adversariis potius, quam cum nobis sensissent?

Quin et ipse Auctor Defensionis non potuit non agnoscere; verbis illis Agathonis in sextâ Synodo auditis, et susceptis grave admodum de immutabili iudiciorum Sedis Apostolicae constantia testimonium contineri. *Itaque profitetur, hanc revera constantiam esse omnino agnoscendam; non ita tamen, ut prorsus necesse sit, illam in singulis singillatim Decretis agnoscere: sed ita, ut universam summa, summa ipsa in totâ, et integrâ Petri successione valeant, ut, inquit, saepe diximus, et suo loco dicimus uberius.* Proinde in summâ saltem Decretorum, quae ab Apostolicâ Sede in totâ Petri successione prodeunt, certam, immotamque fidei regulam non invitus ille agnoscit. At 1. quum summa Decretorum ex singulis Decretis confletur, quo pacto constabit summae totius immutabilis firmitas, si singula nutaverint, quae ad illam conflandam colliguntur? Qui porro convenit, aut quae ratio est, ut haec perpetua Petri successio sic dispescatur, ut in singulis partibus instabilitas, in totâ serie immutabilis firmitas prodere sese debeat? 2. Immo quo tandem fundamento nititur, aut unde illa depromitur successionis totius constantia, nisi ex Christi promissis, ac verbis, quibus ille Primatum, et cum Primatu pascendarum ovium, et confirmandorum Fratrum curam, potestatemque commendavit? Jam vero quâ ratione, quâve auctoritate probatur, eam constantiam, quae toti successioni pro summâ Decretorum tributa conceditur, non fuisse perinde singulis Decretis attributam? Quodnam ejus distinctionis vestigium Christi verbis, et promissis apparet? An ubi agebatur de confirmandis Fratribus Christi Providentia successionem in summâ firmam esse voluit, in partibus imbecillam reliquit? Quis ex Patribus ejus distinctionis meminit? Ipsa ergo sequâ novitate refellit.

Sed.

Sed ut ad Patres Constantinopolitanos redeamus, quid argumentis opus ad eorum mentem eruendam, quam ipsi produunt apertissime, dum et Decreti ab ipsis condendi Agathonem Auctorem agnoscunt, et ejusdem conditi confirmationem ab eo postulant? Atqui utrumque praestant Synodicis litteris, quibus de rebus gestis ad eum referunt. Primum quidem in gravissimis malis, quibus conflictabatur Ecclesia, Pontificem ipsum Divinâ Sapientiâ Opitulatorem sibi datum gratulantur: Tum sic eum pergunt alloqui: „ Itaque Tibi ut Protothrono universalis Ecclesiae τὸ „ *παρ' ἡμῶν* relinquimus stanti super firmam fidei Petram, perlectis „ verae Confessionis litteris a Vestrâ Paternâ Beatitudine ad piissimum Imperatorem missis, quas ut a summo Apostolorum „ vertice Divine perscriptas agnoscimus, per quas exortam nuper „ multiplicis erroris haereticam Sectam depulimus. „

Ac deinceps: „ Sic nos Sancto Spiritu illustrati, vestraq; „ instituti doctrinâ infesta Dogmata impietatis depulimus. „

Tum: „ Orthodoxae Fidei splendidam lucem vobiscum clare „ praedicavimus: quam ut iterum per honorabilia vestra Rescripta „ pta confirmetis, Vestram oramus Paternam Sanctitatem. „

Consonant voces intimi sensûs indices, quae in Prosphonetico, seu sermone acclamatorio eruperunt: *Confessionem a Deo scriptam illa Romana antiqua Civitas obtulit, et per Agathonem Petrus loquebatur*: Expressiûs etiam, si fieri potest, in litteris ad Leonem II. Agathonis Successorem, quibus testantur Patres, se in Agathone ipsum Principem Apostolici Chori, primaeque Cathedrae Antistitem Petrum contuitos esse, sacerasque illius litteras, velut ipsum Petrum, ulnis animi suscepisse.

Nihil igitur est caussae, cur existimemus, Patres sextae Synodi aut minus intellexisse, quae de immortâ iudicii Apostolici firmitate perspicuis verbis praescriptum ab Agathone audiebant; aut non intimo sensu comprobasse, quae suscipere se, et *ulnis animi* complecti profitebantur. In hac itaque Synodo mirum in modum eluxit eâ de re Orientalium, Occidentaliumque Consensio: Quod enim Occidentales id ratum, fixumque censerent, quod esset ab Apostolicâ Sede iudicatum, satis patet ex ipsismet Agathonis litteris.

Hujus consensionis luculentum argumentum supeditat Concilium Aurelianense V. an. 549. magnâ Galliae, ac Germaniae Prae-

Praesulum frequentia, et celebritate conspicuum, cui Sanctitate insignes Episcopi plures interfuere, inter quos Sanctus Nicetius Trevirensis, de quo praeclara multa ex Trevirensis Ecclesiae monumentis ab Episcopo Myriophitano diligenter collecta proferruntur. Primo scilicet ejus Synodi Canone, ut refert etiam *Natalis Alexander Hist. Eccl. Saec. VI. c. 5. art. 18.*, „ Nestorii, „ et Eutychetis Sectae cum earum Auctoribus, et Sectarioribus „ anathematizantur secundum Sedis Apostolicae judicium, *quas etiam Sectas*, injungunt Patres, *Sedis Apostolica, et Sancta „ condemnat*. Haereses illas (prout jam superius ex Natali descriptimus) in Synodis Ephesina, et Chalcedonensi damnatas „ non ignorabant Ecclesiae Gallicanae Patres : Tamen Apostoli- „ cae tantum Sedis in suo Decreto meminerunt rati, satis esse, „ quum de Fidei Dogmatibus agebatur, si sanciretur constitutio, „ quae Romanae Sedis niteretur auctoritate, „ cui refragari nullus „ deberet . „

Revera, quod praetermissa omni Ephesinae, et Chalcedonensis Concilii mentione Gallicani Patres in una Sedis Apostolicae sententia conquiescant, magno argumento est, eos fixum, et irrevocabile judicium de Fidei Dogmatibus ad eam sedem retulisse, quae Decretis illarum Synodorum praeluxerat, quidve definiendum esset, diserte praescripserat. Nec dubitandum, quin eo plane sensu inter caeteros Aurelianensi Concilio subscripserit Sanctus Nicetius, quum Teste Myriophitano in Ecclesia Trevirensi constans vigeret sententia, quae in Apostolicae Sedis judicio immotam, et irrevocabilem fidei normam constituit. Cujus Traditionis ad sua usque tempora productae praeclarum cum aliis multis testimonium exhibet Gallicanus Praesul Sanctitatis, ac doctrinae laudè spectatissimus *Ivo Carnotensis* his verbis, quae superius etiam ex Natali Alexandro retulimus, „ Sedis Apostolicae judicii, „ et constitutionibus obviare plane est haereticae pravitatis notam „ incurrere . „

Sed proferenda in medium de Trevirensis Ecclesiae Traditione laudati Myriophitani auctoritas in *Historiae suae Prodomo pag. 322.* quo loco de doctrina, et disciplina ejus Ecclesiae sermonem instituit : „ Quod vero, *inquit*, ad punctum doctrinae „ attinet, videtur jam sub Francis apud nos recepta fuisse sententia de infallibilitate Romani Pontificis : Intelligimus id ex Regionis.

„ nonis nostri Chronico ad an. 865., ubi Guntharim; et Theut-
 „ gaudum Archiepiscopus *stultitiae elogio denotandis* asserit, qui
 „ *illam Petri Sedem aliquo pravo Dogmate fallere posse arbitrati*
 „ *sunt, quae nec sese fecerit, nec ab aliquâ haeresi unquam ful-*
 „ *li potuit.* „ Quamquam hanc thesim Regino ibidem ad iudicium
 „ causae particularis sinistre applicat, vere tamen inde conclu-
 „ ditur, hanc opinionem etiam in Gallicanâ Ecclesiâ antiquio-
 „ rem esse, atque nonnullis videri voluit. „

Hinc petenda explicatio, vel emendatio eorum, quae scri-
 bit *Febronius* p. 193. de gestis in causa Lutheri, quae sic ille di-
 stinguunt: Sparsit Lutherus haereses. Leo Papa X. eum propterea
 „ in ius vocat. Lutherus ab hac citatione provocat ad Concilium
 „ Generale. Pontifex hanc provocationem justissime perstringit
 „ Bullâ suâ an. 1520. editâ. „ Hactenus, *pergit ille*, erat ea
 „ privata Lutheri causa nullâ convocatione Concilii digna. Sed post-
 „ quam tantos in Germaniâ motus excitasset, ut recessibus Imperii
 „ ab an. 1524. ad an. 1557. declarata sit Concilii Generalis necessi-
 „ tas, et Carolus V. non destiterit illam convocationem urgere,
 „ sicque *communis, et publica* ea causa facta esset, „ tum ea non so-
 „ lum celebrationi Concilii ansam dedit, sed et errores a Pontifi-
 „ ce damnati rursus ab integro in eâdem Synodo discussi sunt, uti
 „ manifestum fit ex collatione Actorum Tridentini cum Bullâ Leo-
 „ nis: Idque non attento, quod(uti sonant ejusdem Bullae verba)
 „ eadem concepta fuerit post deliberationem, tractatum, et di-
 „ scussionem tanto negotio parem, exceptâque praeviâ senten-
 „ tiâ Cardinalium, et complurium aliorum virorum insignium. „

De causâ convocandi Concilii aptius disserit *Natalis Ale-*
xander Dissert. 12. in Sae. XVI. art. 1. „ Grassante in Germa-
 „ niâ Lutheranâ haeresi Clemens VII. Pontifex Maximus conside-
 „ rans, Conventus a Carolo V. Imperatore Celebratos, ac prae-
 „ sertim Augustanum ad haereticos ab erroribus dimovendos ni-
 „ hil contulisse, de Concilii Generalis celebratione cum eodem
 „ Imperatore, aliisque Principibus Christianis consilia agitare
 „ coepit: Quod post errorum Lutheri damnationem a Leone X.
 „ factam unicum illud remedium ad eorum vincendam, seu do-
 „ mandam perfidiam superasset, ut scribit idem Pontifex in litte-
 „ ris ad Franciscum I. Regem Christianissimum datis 2. Januar.
 „ ann. 1533. „

Quod

Quod ergo memorat Febronius, Lutheri errores rursus ab integro in Concilio Tridentino discussos fuisse, vel eam discussionem eò refert, ut uberiore quâdam explicatione, ac tot conspirantium Patrum consensu haereticorum tandem contumacia molliretur; eoque nil detrahitur firmitati iudicii, quo antea Lutheri errores a Leone X. damnati fuerant: Vel existimat, sic ab integro fuisse discussos, quasi nondum fixo, et immutabili iudicio damnati essent, tumque Febronio suscipienda pugna erit et adversus Febronium ipsum, qui antea statuerit, jam ante Tridentinum Lutheri errores irrevocabiliter fuisse damnatos, et adversus Carolum V., qui post Bullam Leonis X. Lutherum ut haereticum habuit, et adversus tot Synodos superius laudatas, quae de iisdem erroribus tanquam de damnatis haeresibus sine ulâ haesitatione decreverunt.

Quod ergo in Causâ Nestorii, et Eutychis Ballerinis probe animadvertit de his, quae definita sunt, libertatem examinis ad revocandos errantes sine libertate dissensus quoad Catholicos consistere posse, id in causam Lutheri, et in disquisitiones de illis erroribus habitas in Tridentinâ Synodo non incommode transferri potest. Et sane, quum fateatur Febronius, statuatque, Lutheri errores ab Ecclesiâ jam ante Tridentinum irrevocabiliter damnatos fuisse, si aliqua fuisset adhuc in Patribus sine aperto fidei detrimento dissentienti libertas, sequeretur, a Synodo Generali retractari posse velut adhuc revocabile, quod jam fuisset ab Ecclesiâ irrevocabiliter definitum, quo fieret, ut Ecclesia secum ipsa pugnaret, aut saltem de se ipsâ diffideret.

Ex doctrinâ sub hac Positione traditâ duo consectaria erunt Febronius: 1. ut non in privatis quibusque negotiis, aut frivolis, sed tantum in communibus; seu summis Recursus, seu improprie dicta Appellatio a Papâ ad Concilium locum habeat: Quasi vero quisquam adhuc repertus esset, qui pro privatis, frivolisve negotiis ejusmodi, quantumvis improprie dictam, appellationem concederet. Caeterum ad hoc stabiliendum jus appellationis pro causis maximi momenti pertinere censuit, quod an. 1460. dixit Johannes Dauvet, quando, ut ait, *cum reverentiâ* contradixit Bullae *Execrabilis* Pii II., quâ Pontifex generatim omnes ad futurum Concilium appellationes sub poenâ Excommunicationis interdictit. Ait autem Dauvet, censendum non esse, Pontificem

prohibere voluisse recursum ad Concilium, ubi ageretur de causis maximi momenti, velut etiam de gravaminibus, quae per aliquem Summorum Pontificum inferri contingeret Principibus, aut Regionibus. Videat porro Febronius, quanti facienda sit ad elevandam censuram generali interdicto latam hujus hominis interpretatio ab Antistite, qui non privatas, sed Canonicas auctoritates sequi se velle, profiteatur. Aliunde, quod Appellationes istae super gravaminibus, quae sequiori tantum aevo audiri caeperunt, minime probent, Concilium aliquid potestatis in Pontificem habere, diserte explicat *Petrus Ballerinius de Potest. Eccles., Sum. Pont., et Con. Generalis c. 5., §. 2. num. 19.*, concluditque: „ Ex hac itaque gestorum serie, quam ex antiquitate deduximus, apparet manifeste, nihil, vel fere nihil hactenus inter „ Catholicos potuisse obtinere, quod Pontificiam Auctoritatem „ cuiusdam Ecclesiasticae jurisdictioni subiceret, sed semper „ apud ipsos valuisse principium illud, quod Antiqui variis occasionibus ingesserunt constanter, Judicium de Summis Pontificibus nemini competere jure Primatus, quo, quum ipsi superiores sint omnibus, non possunt ab inferioribus judicari. „

Reverà ipsemet De Marca fieri coactus est, appellationes a Papâ ad Concilium a vetere disciplinâ alienas esse: Et quamvis notet *Febronius p. 192.*, eum propterea vapulasse a *Bossuetio l. 13. c. 23.*, tamen sive Bossuetius, sive alius quisque Scriptor ejus operis nullam in totâ antiquitate expressam hujusmodi appellationum factam mentionem profert, eoque redigitur, ut dicat, si novum fortasse sit vocabulum, rem tamen esse antiquissimam. Parum sane firma defensio. Non novum, non inusitatum erat illis temporibus in judiciis Ecclesiasticis appellationis vocabulum: Mos jam frequens invaluerat, ut ab Episcopis ad Synodos, a Synodis, vel Episcopis, aliisque inferioribus ad Pontificem appellaretur; illaeque provocaciones nomine suo notabantur, quippe usitatae rei usitatum quoque oportebat esse vocabulum. Quod ergo de appellatione a Papâ ad Concilium nulla ejusmodi mentio fiat, argumentum est, non aliâ de causâ vocabulum defuisse, nisi quia nec dum cogitatum erat de re subjectâ vocabulo.

Alterum consectorium, quod ex praemissis doctrinis eruit Febronius, istud est, „ ut etiam, ubi appellatio rite interposita est, Jurisdictio tamen Pontificis in illo negotio non prorsus
sus-

„ suspendatur : praeterquam quod enim , *inquit* , interpositâ
 „ etiam appellatione sententiae Pontificis tamquam provisoriae
 „ modeste assurgendum sit , uti alibi diximus , jus praesidendi
 „ in Conciliis Oecumenicis ad Pontificem vi Primatus pertinet , a
 „ cujus juris exercitio nusquam exclusus est ab Ecclesiâ : quum ex
 „ Ecclesiae usu , et praxi id solum obtineat , ut prioribus Judicibus
 „ jungantur alii , et plurimi Episcopi universae etiam Ecclesiae , qui
 „ junctim in Concilio plenissime rem discutiant . Accedit , quod
 „ nec sine Pontifice Concilia celebrentur Oecumenica , nisi sum-
 „ mâ necessitate , ac ipso renuente . Hactenus , *inquit* , Rîsius
 „ Rautenstrauch , , ,

Pergit porro : „ Ex dictis apparet , appellationes a Papâ ad
 „ Concilium (quatenus eae jure , et praxi Ecclesiae probantur)
 „ illis esse dissimiles , quae quotidie in Foro occurrunt , et quâ-
 „ vis ex causâ , et quolibet in negotio Civili , aut Ecclesiastico
 „ interponi possunt . , ,

Multa hîc notanda . 1. Qui appellationes a Papâ ad Con-
 cilium sequiori aeo induxerunt , non eas voluere similes illarum ,
 quae quotidie in Foro , et quâvis de causâ interponuntur . Nihilo-
 minus istas generatim appellationes damnarunt Pontifices , et quas
 damnarunt , omni jure ab ipsis damnatas esse , hâc suâ positione
 adstruit Febronius . Vehementer igitur secum ipse pugnat , dum
 in Commentario allatam dissimilitudinem valere censet , ut ap-
 pellationes rite interponi queant velut jure probatae .

2. Quod sententiae Pontificis non aliam vim Febronius tri-
 buat , quam *provisorii judicii* , satis jam ex superius dictis refellit-
 tur : Quamquam etiam notanda vocabuli novitas , quae opinionis
 novitatem , atque adeo et vanitatem prodit , et arguit .

3. Quod ait , Pontificem nusquam exclusum esse ab Eccle-
 siâ exercitio juris praesidendi Conciliis Generalibus , suspensionem
 quamdam injicit , num forte putet , excludi eum potuisse juris
 ejus exercitio , quod jus , fatente ipso , Primatui cohaeret , quod-
 que Pontifex non ab Ecclesiâ , sed a Christo habet .

4. In eo , quod subjungit ex Rautenstrauch , sine Pontifice
 non celebrari Concilia Oecumenica , *nisi summâ necessitate , et
 ipso renuente* , verendum ei profecto est , ne nimiam seditiosis
 hominibus turbandi licentiam tribuat . Nusquam enim necessitatis
 praetextus illis defuit , qui turbas sive in Ecclesiâ , sive in Repu-

blicâ excitare voluerunt. At si firmum stat, quod in suâ Retractione Febronius ex Patrum sententiâ vere dixit, „ *Ubi Petrum, ibi Ecclesia*, „ sane quotiescunque adest legitimus Pontifex, Ecclesia nec esse in ullo coetu, nec ab ullo coetu repraesentari potest, qui eo capite careat, quod ei Christus praeposuit, principique auctoritate in Ecclesiae administratione insignivit. Quâ de re videndus *Bellarminus de Concil. l. 1. c. 14.*, ubi de casibus extraordinariis docte, sapienterque more suo disserit.

§. Quod pro ultimâ causarum definitione postulat, ut pluri mi Episcopi ex universâ etiam Ecclesiâ junctim in Concilio plenissime rem discutiant, et irretractabiliter definiant, nullo pacto constat, sive ad causas disciplinae, sive ad causas fidei referatur, quae tamen potissimae sunt causae communes, ob quas Isti appellationes, ut supra explicatae sunt, a Papâ ad Concilium concedunt. Nam, si agitur de disciplinâ, nil vetat, quominus in ea, quae fuerint ab antecedente Concilio statuta, mutatio aliqua postmodum legitimâ auctoritate inducatur. Quo pertinet illud Augustini dictum, priora Concilia interdum a posterioribus emendari. Si vero ad causas fidei, falsum est, opus esse, Episcopos in Concilium convenire, ut irretractabile iudicium prodeat: Quippe nemo Catholicus dubitat, hanc semper in Ecclesiâ auctoritatem vigere, ut suborientes haereses irretractabiliter damnentur, prout notum est, plures a primis Saeculis absque Concilio irretractabiliter damnatas esse.

POSITIO XXXI.

Beneficiorum reservationes sanae rationi, et aequitati contrae sunt.

ANIMADVERS.

T Radit velut statutam a *Cardinali de Luca* Regulam, tom. 1. in *Sum. Benefic. §. 2. num. 6.*, *Juris communis dispositione, et primario Ecclesiae non attentis omnia beneficia quodocunque, et quomodocunque vacantia ad Episcopos, seu Ordinarii Loci Collectionem pertinere.*

Ia autem juris duplici potissimum ex capite repetit Febronius.

Pii.

Primum, quod hoc Episcoporum jus portio sit plenariae potestatis, quâ illi pollent ad regendas suas Ecclesias. Id, quod, *inquit*, etiam confirmat observantia primorum decem Saeculorum. Deinde quod, quum Beneficia a Sacrà Ordinatione sejuncta, non essent, ipsaque Ordinum Collatio vice Collationis Beneficiorum esset, per se fluit, Collationem ad Episcopum pertinuisse.

Verum in hanc plenariam potestatem transferri possunt, quae dicta sunt *de indefinitâ* illâ potestate, quam superius Febronius Episcopis tribuit. Sane jure Divino constat, quam potestatem Christus in Episcopos collatam voluit, ita collatam esse, ut Primatis Ecclesiae potestati subjecta esset. Constat, Ecclesiastico jure jam ab initio inferiores Episcopos primarum Sedium Episcopis subjectos etiam fuisse; atque potestatis, quâ pollebant, usum Canonum statutis nunquam non fuisse certis limitibus circumscriptum. Certe non obstitit illa Episcoporum potestas, quin primarum Sedium Episcopi multa sibi etiam quoad munera Ecclesiasticorum in subjectis Ecclesiis distributionem reservarent. Cujus rei praeclarum documentum praeferet ea, quae invaluerat in „ Ecclesiis Africanis consuetudo, ut ab Archiepiscopo Carthaginiensi peterent Episcopos; et quae fuit ejus in illos potestas, ut „ quem vellet, cui vellet Ecclesiae, vel Episcopo auferret Clericum, ac petenti ordinaret Ecclesiae. „ *Thomassin. p. I. l. I. c. 20. num. 8.*; Scilicet Patres Africani in Concilio Carthaginensi III. sic Primatem suum Aurelium alloquuntur. „ Necesse habes „ tu omnes Ecclesias suffulcire. Unde Tibi non potestatem damus, sed Tuam assignamus, ut liceat Voluntati Tuae semper „ et tenere, quem voles, ut Praepositos Ecclesiis, vel Plebibus „ constituas, qui postulati fuerint, et unde voles. „ Testantur Episcopi, non hanc potestatem se Primati dare, sed, quae ipsi competeret, agnoscere. Ideo vero eam potestatem illi competere, agnoscunt, quod ei necesse sit omnes Ecclesias suffulcire. Porro quod Carthaginensis Episcopus necesse haberet Africanas Ecclesias suffulcire, id ei non Divino, sed Ecclesiastico tantum jure tributum fuerat: Quod vero Pontifex Romanus omnium prorsus Ecclesiarum sollicitudinem gerere, omnesque suffulcire debeat, id ei non Ecclesiastico, sed Divino instituto commendatum est, ac praeceptum. Quis ergo putet, minus juris ex Divino instituto in Romanum Pontificem quoad universam Ecclesiam, quam in Car-

Carthaginensem quoad Africanas ex instituto Ecclesiastico manare debuisse? Quod igitur Cardinalis de Luca statuatur, Episcopos ex dispositione juris antiqui Ordinarios esse in suis Ecclesiis Collatores Beneficiorum, esto, si placet; nec enim praesentis est instituti ejus rei disquisitio: Quod vero id juris repetat Febronius ex commentitiâ illâ plenariâ, et indefinitâ potestate, quâ olim praeditos Episcopos fuisse in suis regendis Ecclesiis, contendit, fundamentum id videtur nec satis firmum, nec satis considerate positum.

In eo vero, quod subjungit, Collationem Beneficiorum ex hoc etiam capite ad Episcopos pertinuisse, quod olim Ordinatio esset vice Collationis Beneficii, in eo latet aliqua ambiguitas. Nam si hoc ita dicitur, quasi Ordinatio esset vi suâ Collatio Beneficii adeo, ut ex Ordinatione in sese spectatâ jus oriretur ad Beneficium, in eo sane falli videtur: Jus illud oriebatur ex vocatione, seu missione in Beneficium, quam vocationem ut plurimum Ordinatio proxime consequebatur. Designabatur scilicet, eligebatur, qui vacanti Titulo praeficiendus esset; nec ordinari solebat, nisi qui sic electus, aut designatus esset ad Beneficium. Itaque Collatio Beneficii plerumque quidem conjuncta erat cum Ordinatione; nec ideo tamen unum, eundemque actum constituebat, sed duo actus erant naturâ diversi, tempore conjuncti. Hinc si Ordinatio fieret praeter statuta Canonum, Clericis Ordinationem quidem recipiebat, nec tamen jus ad Beneficium consequebatur, quod nimirum legitima missio deesset, sine quâ nemo cuiquam Ministerio Ecclesiastico rite praeficitur.

Atque hujus quidem missionis penes Romanum Pontificem summa semper fuit auctoritas. Quod quum aliis multis ex totâ antiquitate depromtis monumentis constat, quae partim alibi protulimus contra Slevogtium, tum manifestum sit antiquo illo more, cujus tot insignia exempla edidit S. Gregorius Magnus, quo nimirum Ecclesiae aut Pastore viduatae, aut ineptum Pastorem natae alienis Episcopis commendabantur, qui a Romano Pontifice plenam administrationis potestatem accipiebant. Quâ de re videatur *Thomassinus p. 2. l. 3. c. 10. et seq.* An non tum Pontifex sibi reservabat, ac veluti per sese potestatem exercebat, quam suis Visitatoribus committebat? Quod ergo Romani Pontifices ocys serius reservandi jure usi sint, nil id attinet ad potestatem, quam

quam non aliunde quaesitam, sed Primatui cohaerentem habent. Nec sane ratio afferri ulla potest, cur non de Beneficiis perinde valere debeat, quod de criminum absolutione Tridentinum declaravit, potuisse Pontificem graviora crimina suo iudicio reservare, idque potuisse pro Supremâ, quâ Summi Pontifices pollent in Ecclesiâ universâ, potestate.

Non ergo legitimo jure carere primi reservationum Auctores, ut innuere videtur *Febronius* p. 200., sed primi dicendi sunt jus illud explicuisse, quod ipsis pro injuncto Divinitus munere sollicitudinis omnium Ecclesiarum competeat, quemadmodum in sollicitudine, quam Ecclesiastico instituto gerebat Ecclesiarum Africae Carthaginensis Episcopus, nitebatur jus illud amplissimum, quod in eo Carthaginense Concilio agnovit. Fatetur Febronius hâc Positione, jus reservationum acquitati, et rationi consonum esse. Quid est ergo, quod cuiquam mirum videri debeat, id juris fuisse a Christo Primatui collatum, quod sit rationi, et acquitati aptissimum?

Caeterum non diffitetur Febronius, Reservationes multis ab hinc Saeculis invaluisse. Ex hac porro diuturnâ possessione alio etiam quovis titulo deficiente (multo magis vero ubi possessio superiori auctoritati adjungitur) certum jus existere, quod nullâ ratione convelli queat, planum fit vel ipsâ auctoritate, quam ille profert p. 200. *Antonii Hotmanni*, quem „Petrus Puteanus sub initium Commentarii Petri Pithaci de libertatibus Gallicanis earundem libertatum scientissimum nominat. Quando (inquit Hotmannus) superior quicquam sibi more vindicavit, id ei loco tituli est. Atque id habet Superior commodi, quod ea, quae sibi consuetudine asseruit, juribus superioritatis tribuantur. Et hinc subsidia, quae Pontifices ab Ecclesiis inferioribus percipiunt, juribus illis adscribuntur. In praescriptione immemoriali non opus est ostendere titulum, sed illum allegare sufficit. . . . Hanc possessionem oportet esse immemoriam. Quod non tamen sic intelligendum est, quasi oporteat, haec jura ita esse vetusta, ut credantur a primâ Ecclesiae origine fuisse imposita; sufficit enim impositionis ejus, seu perceptionis jurium initia esse extra hominum memoriam. . . . Et quidem Pontifices multis potiuntur juribus, quae ab antiquo immemoriali tempore solita fuerunt percipere, quae absurdum

CS-

„ esset nunc in quaestionem vocare . . . etc. „ An non pacis perturbator merito existimetur , qui jurisprudentiam hanc aequitate constitutam commovere nunc nitatur ?

POSITIO XXXII.

„ Concordata . utpote vim pacti habentia , religiose utrim-
„ que servanda sunt . „

ANIMADVERS.

Multa , quae pertinent ad Concordata Germanica brevi narratione complectitur ; nec omittit vias indicare , quibus obsisti possit , si quando *Papae Officiales* in ea peccarent . Nec tamen Canonem profert , quo in eas vias ingressus pateat . Sed plane Febronius trepidat timore , ubi non est timor . Summa Pontificum fides in servandis concordatis suo assensu firmatis non aliud postulat , quam ut aequa illis fides rependatur .

Pergit porro : „ Sed quid , si in interpretatione verborum , aut sensus Concordati a Rotâ Romanâ dissentiat Consilium Imperiale Aulicum , ad quod ab illius interpretativâ decisione sumtus fuerit recursus ? Faciam , *inquit* , hinc mea , quae Carolus Josephus Embdem Kirnensis in Diatribâ inaugurali de Concordatis Germaniae an. 1780. proposuit . „

Summa haec est : „ Non recognoscunt Germani *Papae soli* interpretationem authenticam . Attribuunt autem *sibi soli* ; non tantum *Magistralem* , sed etiam *Judicialem* mandatis adeo coercitivis vindicandam adversus eos , qui alibi petunt interpretationem istam . „ Non quaero , quo Canone nitatur doctrina , quae Concordatorum , in quibus de rebus Ecclesiasticis plerumque agitur , interpretationem et *Magistralem* , et *Judicialem* totam illius partis , quam Secularem verba innuunt , potestati subijcit ; quae doctrina digna non videtur , quam Episcopus faciat suam . Hoc unum vix praeteriri potest , nimium adhuc pristini moris retinentem videri Febronium : Quidquid ubicumque est , quod minus favere videatur auctoritati Pontificis , in eo colligendo non sin- nit , diligentiam desiderari suam .

POSITIO XXXIII.

„ Annatae retinendae, usque dum Romanae Curiae necessitatibus aliunde provisum fuerit . „

ANIMADVERS.

D Eest in Positione Clausula de Apostolici *Judicii* interventu, quae in Retractatione habetur; quin et ipsa subjuncta explanatio ad removendam ejus *judicii*, et consensûs necessitatem spectare, aliquâ ex parte videri potest.

Paucis memorat, quae in Basileensi Concilio de Annatis tractata sunt, quas tamen subsequutum Concordatum Germanicum retinuit.

Repetit memoriam quaestionis, quae a nonnullis olim excitata est, an non istae Annatae vitio aliquo Simoniacae laboraverint. Frustra omnino, quippe et ipse Febronius agnoscit, quod apud omnes exploratissimum est, nullam haerere in hoc subsidii titulo suspicionis ejusmodi labem.

Hoc ipsum insuper confirmat auctoritate Petri de Alliaco, quae extat *apud Thomassinum p. 3. l. 2. c. 58. num. 9.*, depromtâ ex tractatu de auctoritate Ecclesiae, ubi Alliacensis expresse docet, temerarium fore, ac non ferendum notare generaliter de Simoniacâ pravitate Statum illum, quo Summus Pontifex recipit, et quaerit subventiones consuetas in oblationibus, Decimis, Annatis, et similibus.

Quod si hoc loco Thomassinum sub oculis habuit Febronius, minime parerat praeterire, quod paullo superius ex eodem Alliacensi refertur ad earum subventionum aequitatem probandam; minus vero quod paullo inferius adstruitur de necessitate Pontificis consensûs ad quancumque in eas mutationem inducendam. Hanc enim decernit Alliacensis, fieri non posse nisi ex *ordinatione Papae, et Concilii Generalis*. Quo satis ostendit, nec in Concilii Generalis potestate id positum esse, nisi Papae accesserit auctoritas; additque idem, „ facientes contra praemissa non con-
„ formant se, sed manifeste obviant Institutionibus Regis Fran-
„ ciae, Ecclesiae Gallicanae, et Universitatis Parisiensis, sicut
„ patet eas intuentibus . „

T

Et

Et meritò quidem Ordinatio Papae requiritur ; Nam, ut ante *Posit.* 30. Statutum ab Hotmanno vidimus, quem laudat Febronius, quum superioris auctoritatis praestantiae possessio adjungitur, Titulus exurgit ejusmodi, quem jura omnia vetant, ullo pacto violari.

Sed insuper ad confirmandum jus Pontificium jam ab Alliacensi vindicatum valere quoque possunt, quae in rem eandem observat Thomassinus de antiquo more, quo ab Episcopis, et Abbatibus longo ante tempore, quam a Romanis Pontificibus Annatae exigebantur ; quamque vetustae essent Annatae, quas Ecclesiae Gallicanae aliae aliis pendebant : Unde sic. disserit c. 58. n. 7. „ Ecquì cacterae Ecclesiae jam olim potuerant ad Fabricas „ Templorum, vel ad alios usus seponere Annatas Beneficiorum ? „ Ecquì potuerat hic usus statutis, consuetudine, privilegiis, et „ praescriptione confirmari ; denique iis Decretalibus, quae ve- „ luti micantissimae sunt, juris Canonici hodierni faces : nec po- „ tuerit Ecclesia Romana pari jure uti, et consimilem facere „ fructuum reservationem ad explicandas gravissimas temporum „ angustias, et difficultates ? An Fabricae, et reparationis Tem- „ plorum particularium majora sunt inomenta, quam defensio- „ nis Romanae Ecclesiae, in quâ Principatus residet Apostolicae „ Cathedrae ?

Et n. 8. „ Nemini non exploratum est, quam abhorreret „ Gersonius ab adulatione, ubi Romanae Curiae res ageretur. „ Et fatetur ille tamen in hoc opusculo (de Simonia), ut Levitae „ veteris Testamenti quum Decimas ipsi a Laicis acciperent „ ipsos vicissim Decimarum harum Decimas exsolvisse Aaronico „ Summo Pontifici, ita simillimo quodam munere a Praelatis „ inferioribus colendum esse Romanum Pontificem, idque con- „ venienter per Annatas perfici. „

Adjungatur auctoritas Sorbonici *Tournelii de Soc. Theol. de Concil. Babiloen.*, cujus haec verba sunt. „ Respondeo cum Illmo „ De Marcâ, Natali Alexandro, Fagnano Juris Pontificii peritis- „ simo, Fevret, et aliis, Annatas solvere pium esse ; exigere „ nec Simoniacum, nec injustum. Responsio haec est contra „ Molinaeum, Launojum ec. „ Quod responsum, posteaquam Conciliorum Viennensis, et Constantiensis auctoritate, ac nonnullis Apostolicis Constitutionibus communivit, hoc insuper ar-
gu-

gumento confirmat : „ Omnibus curam Animarum habentibus
 „ pie solvuntur Decimae . Porro Romanus Pontifex jure Divino
 „ constitutus est Pastor omnium Fidelium , et omnium Ecclēsia-
 „ rum curam gerere debet . Ergo Annatas absque ullo vitio reci-
 „ pere potest , easque pie , ac rationabiliter conferunt Praesules
 „ designati . „

Non omittit etiam Febronius memoriam renovare querela-
 rum , quas Annatae , vel Annatarum Taxae nonnunquam excita-
 runt . Speciatim Positione antecedenti p. 204. appellationem com-
 memorat a Diethero Archiepiscopo Moguntino Ann. 1451. eā de
 causā interpositam .

At judicium omittit latum a Thomassino c. 59. n. 10. de Ar-
 chiepiscopo illo , quem ait , poenituisse tandem , sed serō , *incon-*
sideratissimae suae pertinaciae .

Omittit , quae ab eodem Thomassino n. 8. , et 9. referuntur
 responsa Aeneae Sylvii ad querelas Jurisconsulti Martini Meyri .
 „ Ex quibus , *inquit Thomassinus* , aptissime ab Aeneā conclu-
 „ ditur , non Curiae Romanae exactionibus , sed suis ipsorum ani-
 „ bitiosissimis expensis Germaniae Praesules exhaustiri . „ Quod
 quidem Ego dictum velim , et intellectum de eorum temporum
 Praesulibus ad Successores minime referendum .

Omittit , quod n. 12. idem Scriptor avertit de querelis nonnul-
 lorum Procerum eorundem temporum , qui *militari magis fidu-*
ciā , quam accuratā rerum peritiā perorabant : Ubi etiam digitum
 intendit in fontem , unde illae potissimum querelae manabant :
 „ Suum , *inquit* , tunc virus quāquā versum spargebat Novella
 „ haeresis , hominumque facile mentes a Pontificis studio aliena-
 „ bat , et in has agebat intemperias . „ Sed de Annatis alio scri-
 pto paullo latius egimus .

POSITIO XXXIV.

„ Exemptio Regularium a Seculari Potestate , aut ab unā
 „ particulari Synodo non valet abrogari . „

ANIMADVERS.

Quod initio explanationis Febronius commemorat de multis
 olim excitationis adversus exemptionum abusus querimoniis .

magnâ ex parte depromptum videtur ex *Natali Alexandro Dissert. 12. in Saecul. XVI. de Syn. Trid. art. 16. n. 41.*, adeo verba verbis respondent. At silet, quae ipso eodem loco verbis proxime antecedentibus affert *Natalis* ad asserendam Pontifici potestatem Regulares eximendi. Censet ille quidem, Episcopos jurisdictionem in Dioeceses suas, et Subditos a Christo immediate accipere: Attamen *Dioecesium*, inquit, *Divisio, Subditorumque Designatio a Romano Pontifice pendet, qui et iustis de causis immunitates, ac privilegia Ecclesiis, vel Monasteriis concedere potest, quibus ab Ordinarii jurisdictione solvantur, et eximantur.*

Silet etiam, quod refert idem *Natalis art. 95. n. 2.* his verbis: „Lotharingus Cardinalis Regulares in Synodo laudibus exultit
 „testatus, tria Regularium millia in Galliâ paucorum mensium
 „spatio crudele Martyrium passos fuisse, quod obedientiam Romano Pontifici debitam abjurare noluisse. . . . Quâpropter
 „uti caeterorum Clericorum immunitatem ab Episcopis plurimum improbatur, ita Regularium privilegia illaesa perstarent,
 „Patres hortabatur. „Nec vero ista Regularium Institutorum ab amplissimo Cardinali suscepta laudatio mira cuiquam videri debet, qui recogitaverit, quam multa in eorum commendationem scripsere Athanasius, Basillus, Chrisostomus, alii Patres, praeclarissimique Praesules, qui omni aetate Sanctitatis, ac Doctrinae laude maxime floruerunt.

Nec mirum proinde, vel a primis Saeculis Sanctissimos Antistites Monasteriorum conservationi, et incremento per immunitatum privilegia consultum voluisse, eaque adversus obtruncantium calumnias severis identidem Decretis vindicasse, quod paullo latius explicandum est, quoad fert praesentis instituti ratio: quippe notum est, hâc maxime de causâ Regularium immunitates apud permultos invidiâ laborare, quod eas existiment velut novum quoddam inventum a Pontificibus auctoritatis suae amplificandae studio in Ecclesiam invecutum, veteribus incognitum, a primaevae disciplinae formâ prorsus alienum.

Insigne immunitatis documentum inter alia suppeditat *Synodus Carthaginensis sub Bonifacio an. 525. apud Labb.*, de qua pauca referam ex *Natali Alexandro Hist. Eccles. Sec. VI. c. 5. art. 10.* „Petrus Abbas cum Scutoribus Monasterii sui libellum
 sup-

„ supplicem porrexit Bonifacio Carthaginensi, et Synodo pro
 „ Monasterii sui libertate. Scilicet Liberatus Episcopus primae
 „ Sedis Provinciae Byzacenae Monasterium illud Sedi suae subji-
 „ cere volebat, utpote in suâ Provinciâ constitutum, et Mona-
 „ chos sibi parere renuentes excommunicaverat. Contestati sunt
 „ illi, se subditos esse Carthaginensi Episcopo totius Africae
 „ Primati; liberum sibi fuisse, cui vellent Episcopo Coe-
 „ nobium subicere suum, quod suis, Parentumque suorum sum-
 „ tibus fundatum erat, et in quod ex diversis locis Africae, vel
 „ Transmarinis congregati fuerant; . . . plurima esse Monasteria
 „ in Africâ, quae illi non suberant Episcopo, in cujus Dioecesi
 „ constructa erant Protulerunt iidem Monachi vetera quae-
 „ dam ad probandam Monasteriorum libertatem monumenta,
 „ scilicet fragmentum ex libris S. Augustini de moribus Cleri-
 „ corum Secundò Decretum Synodi Arelatensis
 „ Tertiò Vetus privilegium a Bonifacio Provinciae Byzacenae Se-
 „ niore concessum Ad litteras proinde Liberati respondit
 „ Bonifacius, privilegia tot Episcoporum auctoritate firmata re-
 „ scindi non debere veterum Canonum servandorum specie. *Ne-*
 „ *que enim,* inquit, *poterimus statuta mutare, quae per tot Sa-*
 „ *cerdotes instinctu Divino servata noscuntur* Istud tandem
 „ a Synodo editum est Decretum: *Erunt igitur omnia omnino*
 „ *Monasteria, sicut semper fuerunt, a conditione Clericorum*
 „ *modis omnibus libera, sibi tantum, et Deo placentia.* „ Alia
 cap. 6. art. de Monachis n. 6. congerit Natalis immunitatum docu-
 menta ex antiquitate petita.

Pariter de Monasteriis per varias Africae Dioeceses sparsis,
 quae Carthaginensi Antistiti suberant, disserit Thomassinus p. 1.
 l. 3. c. 31. n. 15., qui etiam negat, inficiari se posse, „ quin Sae-
 „ culo jam septimo essent in Patriarchatu Constantinopolitano
 „ bene multa Coenobia ab Episcoporum Dioecesanorum spiritali
 „ jurisdictione prorsus absoluta, et nini immediate subjecta Pa-
 „ triarchae Constantinopolitano, et Exarcho Patriarchali,
 „ quem ille ad omnium Monasteriorum administrationem dele-
 „ gabat. „

Nec diffidetur Thomassinus, ex antiquissimis Ecclesiasticae
 Historiae monumentis constare, Alexandrinorum, Antiocheno-
 rum, et Hierosolymitanorum Patriarcharum curam, et admini-
 stra-

strationem in omnia eorum Patriarchatûs Monasteria propagatam fuisse.

Non ergo a vetere more, et instituto abhorrebat, quod Monasteria jurisdictioni subtraherentur Episcopi ejus Dioecesis, in quâ sita erant, et superiori vel Primatis, vel Patriarchae auctoritati subderentur. Quod si tali jure Patriarchae, ac Primates potiti sunt, ut jurisdictionem sibi assumerent, ac reservarent in Monachos, quâcumque in Dioecesi sibi subjectâ degerent, nemo Catholice sentiens dubitaverit, quin multo potiori ratione id juris Romano Pontifici competerere debeat, a quo pro eminenti potestate in Patriarchas omnes, et Primates a Christo sibi traditâ pendet (ut verbis utar Natalis Alexandri) *et Dioecesium Divisio, et Subditorum Assignatio*.

Minus vero de hoc jure Catholicus quisque dubitaverit, posteaquam Tridentini Decretis *firmata est generalis Ecclesiae disciplina circa exemptionem Regularium in casibus non exceptis*, ut ait *Febronius p. 218*.

Hâc porro regulâ primo loco utitur Febronius, et recte quidem, velut aptissimo argumento, quo probet, quod ab ipso statuitur in hujusce suae Positionis secundâ parte, non posse ab ullâ particulari Synodo exemptiones Regularium aboleri: Quod scilicet *Ecclesiae disciplinam universaliter receptam Episcopus in suâ Dioecesi evertere haud valet; idemque est de particularibus Synodis*. Quam in rem obtinere insuper ait, „ quod prudenter monuit Auctor libri: *Justification des Discours, et de l'Histoire Ecclesiastique de M. Fleury tom. 1. part. 3. §. 1.*, Scilicet: „ Postquam pedetentim caput aliquod disciplinae mutatum est, „ si accedat Decretum Concilii Generalis, vel Romani Pontificis „ cum consensu Coetûs Pastorum ad approbationem novae disciplinae, tutò pronuntiandum est, novum hoc caput, etsi veteri mori contrarium, non esse contra Fidem, aut contra bonos mores; adeoque illud non esse inter abusos numerandum, „ quoniam nunquam id Ecclesia confirmat, quod sit aut Fidei, „ aut bonis moribus adversum. „ Quidquid sit de peculiaribus Scriptoris hujus opinionibus, quas hoc loco discutiendas non sumimus, saltem id ex ejus sententiâ, adeoque ex eorum ore, qui minime Regularibus favent, plane constat, multo minus inter abusos recenseri posse Regularium exemptionem, quae quomodo omni

omni auctoritate Ecclesiae munita est, tum nec veteri mori contraria, immo priscis institutis omnino consentanea comprobatur.

Progreditur deinde Febronius, seu redit ad primam suae Positionis partem de Seculari Potestate, a qua pariter negat, abrogari posse Regularium exemptiones. Sed in hujus partis explanatione forte quis desideraverit, ut ea prudentiae species, quam prae se fert, non abesset a simplicitate Columbae. „ Sed et Reges, inquit, ac Principes, dum agunt, quā Tutores, ac De-
„ *sensores Canonum, atque Ecclesiasticae disciplinae Vindices,*
„ (hoc enim ad eorum auctoritatem, jus, et officium pertinet.
„ *Vid. Natal. Alex. Dissert. 21. in Saecul. IV.*), huic discipli-
„ nae, quam Tridentinum agnovit, quaeque per omnes Eccle-
„ sias recepta est, adversari haud poterunt, sed eam potius se-
„ qui; et, nisi legitima causa obster, eamdem sustinere debe-
„ bunt. Hoc sensu *Illūus De Marca in Prolegomenis lib. de*
„ *Concord. p. 57.* Tuitio, inquit, Ecclesiae Regibus commissa
„ est, ut Edictis suis Decretorum, et Canonum promulgatorum
„ executionem urgeant, non autem ut arbitrato suo leges con-
„ dant in iis, quae Fidem, aut Ecclesiasticam Disciplinam re-
„ spiciunt „.

Satis aperta, nec interpretationis indigens videtur Petri De Marca sententia, si quis eam, ut jacet, simplici oculo inspexerit; nimirum ex hac id unum elicitur. Regibus convenire in his, quae Fidem, et Ecclesiasticam Disciplinam respiciunt, ut Edictis suis Decretorum, et Canonum promulgatorum executionem urgeant; idque pro eā tuitione, quae pietati eorum commendata est, quos ut *Catholicos Deus Sanctae Fidei, Ecclesiaeque Protectores esse voluit.* Neque alia mens fuit *Natalis Alexandri laudatā Dissertatione,* ut ex Scholio praesertim manifeste patet.

At reconditius aliquid fuit a Febronio excogitatum. Pergit quippe in hunc modum. „ Dixi, a Principibus, quā Defensoribus:
„ Canonum, et Vindicibus Disciplinae, Regularium exemptio-
„ nes abrogari haud posse . . . Alia est quaestio, quid valeant
„ jure Majestatico, et quā *Domini Territoriales* in Monasteria,
„ et Monachos? „

Ad hanc explicandam potestatem nonnulla circa Monachos cum aliquā distinctione praemittit. Primò de Monachis disserit,
„ dum turbant pacem publicam, seditiones excitant, subdito-

„ rum.

„rum animos ad partium studia, odia, et inimicitias inflam-
 „mant; dissidia adversus proprios Ordinarios movent; Institu-
 „tum, propter quod in Rempublicam, seu Statum admissi sunt,
 „relaxant; Mandatis Principum se refractarios exhibent; do-
 „mesticis odiis, atque rixis se proscindunt, atque ita publico
 „scandalo sunt etc. „ . . . Tum ait Febronius, „non esse du-
 „bium, quin Principes in Monachos, tamquam in perversos
 „subditos saevire, aut aliâ ratione felicitati Statûs adversos, ac
 „noxios e suo Territorio ejicere valeant „.

At fere evenire non solet, Monachos eâ furere insanîâ, ut
 Pestem Patriae moliantur, ac veluti publici, nefariiue Hostes,
 ac Perduelles haberi debeant. Hinc descendit Febronius in aliud
 distinctionis caput, nimirum: „Quod si in casibus non adeo
 „gravibus, aut certis de causis Principi visum fuerit mitiora
 „capere consilia; proinde Monasteria hujus, vel illius loci, Di-
 „strictûs, seu Ordinis, non quidem penitus extinguere; attâ-
 „men ille de solidâ Monachorum correctione post serias moni-
 „tiones, atque mandata per Superiores Regulares obtinendâ
 „experientiâ doctus desperet, non video, *inquit*, cur, *quâ*
 „*Tutor Regni* non possit ejusmodi Superioribus Regimen Mona-
 „steriorum sui Regni, retento eorum Instituto, ad tempus in-
 „terdicere, aut etiam illos pro re natâ in perpetuum excludere,
 „praesertim Exteros, quorum secreti influxus, . . . necnon
 „arcti noxus . . . sub uno saepe Extraneo Supremo Capite . . .
 „non semper indifferentes sunt. Quo facto, nisi de Principis
 „consensu aliter dispositum fuerit, Regimen illud ad Ordina-
 „rium Dioecesanorum in Ecclesiasticis Superiorem redibit, Epi-
 „scopum videlicet, qui singulos Monachorum Coetus . . . pro
 „bono statûs, et Ecclesiae noverit continere „.

Nonnulla hîc notanda. 1. recolendum, Regularium exem-
 tionem haberi, proponique a Febronio tamquam caput discipli-
 nae a Tridentino firmatae, atque universali Ecclesiae usu rece-
 ptae, quae proinde inter abusus numerari nequeat fatente ipso-
 met Fleurii vindice.

2. Quam reverâ Princeps, seu Magistratus Laicus duplicem
 Personam sustineat, *quâ Tutor Ecclesiae, et quâ Tutor Regni*,
 visum est Febronio utriusque tutelae jura peculiari quâdam ratio-
 ne dispescere.

3. Fa-

3. Fatetur, immo asserit, Petrique De Marca auctoritate confirmat, Principi, quâ Tutor est, et Defensor Canonum, fas non esse, disciplinæ, quam Tridentinum agnoverit, quæque per omnes Ecclesias recepta sit, qualis ab eo agnoscitur immunitatis Regularium, adversari.

4. Aliam esse quaestionem, quid in hisce rebus Princeps valeat jure Majestatis; aitque, se non videre, cur, quâ Regni Tutor, non valeat aliter statuere de hoc ipso capite disciplinæ, quam tamen agnoscit a Tridentino firmatam, et universali Ecclesiae usu receptam? Quo videtur Febronius non solum utriusque tutelae jura distinguere, sed et aliquo pacto unum alteri opponere, quasi quod Principi non liceat, quâ Tutor Ecclesiae est a Deo constitutus, idipsum, quâ Tutor Regni, licitum sibi facere jure Majestatis valeat.

Atque hoc quidem loco nobis constitutum est non aliud Febronii obtutibus monumentum subjicere, quam quod ipsum sane non pigebit intueri; Id nimirum, quod a Viro non minus eruditione, quam dignitate praestanti litteris mandatum est in *Pro-dromo Hist. Treviren.* p. 138., ubi doctrinam, et disciplinam illustris ejus Ecclesiae sub Romanis exponendam aggreditur.

„ Postquam, inquit *Myriophitanus Episcopus*, Trevirensensem Ecclesiam, ut cum S. Athanasio loquar, vidimus *Apostolicorum Virorum* ingeniis fundatam, item *Sanctam*, atque cum „ Catholicâ Ecclesiâ *unam*, et consentaneam, *miraculis illustrem*, cum Romanâ Apostolicâ Sede *conjunctam*, in Galliâ „ *primam*, in Belgicâ *Matrem, et Magistram*, nunc porro discipiendum, quae ejusdem in particularibus doctrinae, et disciplinæ articulis fuerit *credendi, et agendi* ratio. Ubi in primis quidem illud firmum tenuit, de rebus fidei iudicium, et „ Imperium non esse penes Principes Saeculares, sed penes Episcopos, et Concilia, seu Ecclesiam ipsam „.

Posteaquam id late persequutus est, de causis Ecclesiasticis generatim hanc D. Martini sententiam proponit: „ Idem Thema „ Treviris coram Maximo egregie Sanctus Martinius sustinuit Teste *Sulpitio Severo Hist. Sacr. l. 11. c. 63.*, ubi: Sanctus Martinius, inquit, non desinebat increpare Ithacium, . . . novum „ esse, et inauditum, ut causam Ecclesiae iudex Saeculi iudicium caret etc. Nec aliter *S. Nicetius in Epist. ad Justinianum* „.

Tum subiungit Episcopus Myriophitanus: „ sicut de articulis Fidei iudicium penes Ecclesiae Patres esse dignoscitur „ ita et in materiâ disciplinae jus statuendi, et Canones condendi „ Dilucide id expressit Mappinius Rhemensis Episcopus in „ Epistolâ ad mox memoratum Nicetium nostrum. „

Eandem subinde perstitisse Trevirensis Ecclesiae mentem, ac sententiam, satis innuit *Myriophitanus* agens de Disciplinâ, et Doctrinâ ejusdem Ecclesiae sub Francis, ubi inter alia multa haec habet p. 329. „ Congregati in Synodis Episcopi condebant „ Canones auctoritate, et jure suo; Manutentionem, et executionem „ quendi facilitatem obtinebant ab accedente auctoritate Regis „ servatis utriusque Potestatis limitibus, quos an. 870. in Trevirensi causâ egregie notarunt Episcopi Galliae apud Flodoardum „ *Hist. Rhemen. l. 3. c. 20.* „

Appellat hic *Myriophitanus* notatos ab Episcopis Galliae limites apud Flodoardum, quo loco non potuit ille non animadvertere, quam longe absit Episcopalis gravitas Praesulum Galliae ab aulicâ levitate Febronii. Aegre tolerat Ludovicus Germanicus, Bertnlfum ab iis Praesulibus praeter sui voluntatem Sedis Trevirensis Metropolitanum Pontificem ordinatum fuisse. Ordinationem ex praescripto Canonum factam esse, nec quicquam in eâ peccatum contra fidelitatem Regi debitam, probare ingreditur Hincmarus Rhemensis unâ cum Remigio Lugdunensi, Arduico Vesontionensi, Erardo Turonensi, Adone Viennensi, Egilone Senonensi „ ostendens, *ut scribit Flodoardus*, quia licet Regalis „ Potestas praesideat humano Generi dignitate rerum, Praesulibus tamen Divinarum devote colla submittit, atque ab eis „ causas suae salutis expetit; inque sumendis coelestibus Sacramentis, eisque, ut competit, disponendis, subdi se debere „ cognoscit Religionis ordine potius, quam praeesse. Itaque inter haec illorum se pendere iudicio, non illos ad suam velle „ redigi voluntatem „. Proinde, inquit, „ *sicut non leve discrimen incumbit Pontificibus siluisse pro Divinitatis Cultu, quod congruit: ita Regiae Potestati, quod absit, non mediocri periculum est, si, quum debeat parere, refugit, quod ei ex Domino: nâ voce a Sacerdotibus nuntiatur, Domino dicente in Evangelio: Qui ex Deo est, Verba Dei audit* „. Perlegenda tota Epistola, quam si probe perpendet Febronius, intelliget, quantum

tum ex Episcopali robore ipsimet Regiae Potestati firmitatis accedere valeat.

In his porro causis quantum tribuerent Praesules illi gravissimi Sedis Apostolicae auctoritati, et judicio, demonstrat *idem Flodoardus* relatis l. 3. c. 13. Epistolis Hincmari ad Pontificem in causâ Rothadi Suessonicî Episcopi, et ad Laudunensem Nepotem suum, quem sic alloquitur: „ Et quod te dicis audire „ obloqui de judicio Domni Papae Nicolai, si de me dicis, men- „ dacium dicis. Nam, quod ille de Rothado, sive de Vulfado „ judicavit, non contradixi; sed, sicut ipse praecepit, obe- „ dire curavi. „

Expressiſs etiam, ubi agitur de jurisprudentiâ Trevirorum sub Germanis, declarat Myriophitanus, quae, et quanta esset apud Treviros de Supremâ auctoritate Romani Pontificis existimatio, his verbis p. 520.: „ Ipse Egilbertus noster, utut persequere- „ retur Papam Gregorium VII., tamen memor Canonum scrip- „ sit Coepiscopis an. 1082., Ferre sententiam contra Apostoli- „ cum non est tutum, immo insanum, et omnino nefarium „ aliquid audere in illum, qui vice Sancti Petri fungitur legatio- „ ne ipsius Christi. „

Sic igitur Trevirensis Ecclesiae Traditionem nobis exhibet Myriophitanus, ut primâ illâ vetustâ aetate, quâ et Sanctitatis, et Miraculorum gloria maxime claruit, constanter teneret, in materiâ disciplinae non secus, atque in materiâ fidei statuendi, ac decernendi potestatem omnem penes Ecclesiam esse. Nunc recogitet Febronius, num Sanctissimi Praesules illi ludere sic voluerint, ut quod sine ullâ distinctione Saeculari Potestati constanter negarent, id quidem fieri non posse, dicerent, si Magistratus induat Personam Tutoris Canonum; at fieri posse, modo tuitionem Regni explicare se velle, profiteatur?

5. Innuere videtur Febronius, justam Saeculari Potestati pro re natâ subesse causam, cur pati nolit, exteros Praepositos quidquam juris in subiecta Monasteria exercere, quod nimirum Monachorum arcti nexus cum aliis ejusdem Instituti coetibus sub uno extraneo Capite Regno, ejusque Statui non semper indifferentes sunt. Quo loco quaeri ex eo potest, an non putet, idem dici posse de Dioecesanis unius Ditionis, qui subsunt Episcopo in aliâ Ditione degenti? An non idem dici potuerit ab ipso

Christianae Religionis initio de Fidelibus per totum Orbem dissitis, quos tamen ad Apostolos, eorumque Successores, maxime vero ad eam Sedem, quae, Teste Irenaeo, potiori gaudet principalitate, convenire oportebat, semperque oportuit? Num propterea existimet, licere Saeculari Potestati Episcopo jurisdictionem suam interdici in Oppida suae Dioecesis alteri Ditioni subiecta, suoque jure efficere, ut haec jurisdictione in alios sive Antistites, sive Sacerdotes commigrare valeat? Sed an Ecclesiastica munia, et jura Saeculari Potestati subjiciantur hac unâ de causâ, quod haberi possint velut non plane Reipublicae indifferencia, paucis eâ de re discutienda rursum occurret Febronii mens, et sententia.

6. Non potest Vir Canonicae disciplinae peritus perspectam non habere Solemnis Voti Sanctitatem, quâ obstricti tenentur quicumque Regulare Institutum professi fuerint; neque adeo ignorat Febronius, quod nemine prorsus dissentiente tradit *Natalis Alexander Theol. Dogm., et Mor. l. 4. art. 12. Reg. 14. Votum Solemne Religionis positum esse in Professione Regulæ a Sede Apostolicâ approbatæ*, quâ in Professione vovetur Obediaentia juxta praescriptum Regulæ praestanda. Praescripto porro Regulæ Praepositis obediaentia debetur, eique in primis, qui praestitit universo Instituto, cui se Regularis addixit, cuique interpositâ Voti Religione obediaentiam spondit. Propterea constans hactenus viguit haec inter Doctores sententia, non posse Regularem sine veniâ canonice impetratâ obediaentiam debitam illi Praeposito detrectare, seu renunciare, quin violati Voti reus evadat: et quum agatur de Institutis a Sanctâ Sede approbatis, constans ex aequo sententia est universali disciplinae consentanea, Canonicam hanc veniam nonnisi a Summo Pontifice haberi posse.

7. Factâ, ut superius inquit, Regularium a suo Capite discessione, quasi haec sine Pontificiae auctoritatis interventu legitima esse posset, censet Febronius separati cujusque Coetus Regimen ad Episcopum redire. Quâ in re haud satis videtur sive cum propriis effatis, sive cum Canonicis Institutis convenire. Fatetur ille, potestatem jurisdictionis in Episcopis quoad usum per Canones arctari posse; nec diffiteri potest, quin disciplina per Concilium Generale firmata, et universali Ecclesiae usu recepta

cepta inter Canonica Instituta merito sit referenda. Agnoscit insuper, ad id genus Institutorum Regularium exemptionem pertinere. Si ergo ex unâ parte Canonicis universalis Ecclesiae Institutis obstringuntur etiam Episcopi; Si per Canonicum hujusmodi Institutum arctata est eorum jurisdictio in exemptos, sequitur, ut, quae Canonicâ auctoritate ligata est, aut adeinta Potestas, nonnisi Canonicâ auctoritate restitui, aut solvi queat.

Praeterea, tametsi Febronio magis placeat Episcoporum jurisdictionis potestatem a Deo immediate repetere, adhuc fatetur, quod ipsum per se perspicuum est, portionem Gregis, quam quisque regat, non Divino, sed Ecclesiastico Jure cuique obtigisse, ut proinde meritò dixerit supra laudatus Natalis Alexander, qui etiam immediate Deo acceptam refert Episcopalem Auctoritatem, a Supremo Ecclesiae Capite pendere et *Dioecesum divisionem, et Subditorum assignationem*. Hinc et olim obtinuit, et nunc obtinere videmus, ut novae Sedes Episcopales erigantur in Oppidis, quae ad aliam ante Dioecesim pertinebant. Ergo Pontifex potest uni Episcopo Subditos detrahare, et alteri assignare; secus dicendum foret, plurimos, qui nunc sunt in Ecclesiâ, Episcopos legitimâ auctoritate carere. Peractâ hoc pacto divisione nemo dixerit, hanc priori Episcopo facultatem manere, ut Jurisdictionem, quam in portionem Pontificiâ auctoritate avulsam antea exercebat, eam iterum sine Pontificiâ auctoritate sumere sibi valeat. Ergo etiam multo minus in exemptos, qui, quâ parte sunt exempti, nunquàm fuere subditi. Quippe notum est, Regulares Coetus, dum in varias, ac dissitas Dioeceses commigrarunt, ab eisdemque recepti, et ut plurimùm vocati, suam secum, quâ legitime donati erant, exemptionem intulisse, atque ut exemptos receptos, hâbitosque fuisse, prout jam olim in Africanâ, et Orientali Ecclesiâ usuvenisse superiùs a Thomassino accepimus.

Demum quod hoc pacto futurum auguratur, ut melius in ordine, et officio Regulares contineantur, haud scio, an satis cohaereat cum his, quae ante ex Barthelio ipsemet protulit; quae si aliquo modo constant, potius metuenda foret regularis disciplinae non levis perturbatio, si singulis in Dioecesibus interior ejusvis Monastici Coetus moderatio Episcopi cujusque judicio, et arbitrio permitteretur.

PO.

POSITIO XXXV.

„ Exemptionum abusus per Concilium Tridentinum occursum, et provisum est. „

ANIMADVERS.

SI Johanni Launojo credimus, inquit Febronius, *Episcopis per Concilium Tridentinum tantum non omnia eorum in Regulares jura restituta sunt*. Nec abstinere a describenda satis longâ pagellâ, quâ Scriptor ille, non parum suspectae doctrinae, inferens suum in Regulares animum ultrò patefacit. Sic porro ille *Op. tom. 3. p. 2. pag. 436.* : „ Dixi, Tridentinam Synodum ad „ Decretorum Zosimi, et Bonifacii, et praeceptorum Stephani, „ Nicolai, et Gelasii normam statuuisse, ut *Episcopi, etiam tamquam Sedis Apostolicae Delegati*, Monasteria quaelibet exempta visitarent, et corrigerent; idest utramque auctoritatem, et suam, et Romani Pontificis ad tam pium, et necessarium opus assumerent. Itaque, dum Tridentina Synodus formulâ illâ utitur, idem est, ac si unicuique Episcopo diceret: Monasteria visita, Monasteriorum mores corruptos emenda; si quid in iis auctoritati tuae deesse putas, Romanus Pontifex supplere intelligitur; obsiste vitiis Monasteriorum, obsiste Monachorum superbiae, et arrogantiae Quum Tridentina Synodus ita loquitur, nec de veteri Episcoporum jure quidquam detrahit, nec Romano Pontifici quidquam addit, etiamsi Verborum complexio apud antiquos minus usitata videatur. „

Si, dum haec scriberet Launojus, Synodum Tridentinam prae oculis habuit, difficile est non suspicari, quin de industriâ fucum facere voluerit. Afirmat, universe, et indistincte a Tridentinâ Synodo statutum fuisse, ut Episcopi *etiam* tamquam Sedis Apostolicae Delegati Monasteria quaelibet exempta visitarent, et corrigerent, ex quo sibi viam parare visus est ad inferendum, posse id igitur Episcopos *etiam* auctoritate propriâ, adeoque habendam esse Delegationem Apostolicam, velut merum additum, nec ad aliud opportunum, quam ad sedandas meticulosorum Antistitum anxietates, qui minus id sibi licere, putarent. At

At primò, ut pateat Launoji sive error, sive dolus, notandum, particulam hanc *etiam*, quâ tota ejus argumentatio nititur, reperiri quidem in formulâ, quâ *Tridentinum* utitur *Sess. 21. c. 8.*, sed ibi non loquitur universe, et indistincte de *Monasteriis quibusvis exemptis*, ut falso innuit *Launojus*, verum de Monasteriis commendatis, in quibus non viget Regularis Observantia, nec non de Beneficiis commendatis tam Curatis, quam non Curatis, Secularibus, et Regularibus, ac de his, in quibus, etsi vigeret Regularis Observantia, tamen Superiores debite admoniti intra sex Menses Subditos visitare, vel corrigere negligenter. Aliis porro locis Delegata Potestas, quae conceditur, expresse distinguitur ab Ordinariâ, quae jure proprio Episcopis competit. Sic *Sess. 25. c. 5. de Regular.* Bonifacii VIII. Constitutionem, quae incipit: *Periculoso*: renovans Sancta Synodus universis Episcopis sub obtestatione Divini Judicii, et interminatione maledictionis aeternae praecipit, ut in omnibus Monasteriis *sibi subjectis Ordinariâ*; in aliis vero Sedis Apostolicae auctoritate Clausuram Sanctimonialium, ubi violata fuerit, diligenter restitui, et, ubi inviolata est, conservari maxime procurent. Non potuit Tridentinum accuratius distinguere jurisdictionem ordinariam a Delegatâ. Primam expresse agnoscit in Episcopis quoad Monasteria eis subjecta; alteram concedit quoad Monasteria non subjecta. Quo loco, nisi dicere velimus, errasse Tridentinum, dum distinxit inter Monasteria subjecta, et non subjecta, evidens fit, in non subjecta nullam esse ordinariam Episcopi jurisdictionem, quâ parte sunt exempta, seu non subjecta, siquidem ordinaria jurisdictio nonnisi in subjectos explicare se potest.

Sic etiam eâdem *Sess. 25. c. 14.* Tridentinum decernit, a quo sit puniendus *Regularis non Subditus Episcopo*, qui degens intra Claustra extra ea notorie delinquit. Quomodo Regularis quisquam non Subditus Episcopo dici posset, si quoad interiorem disciplinam ordinariae illius jurisdictioni subjaceret? Pariter *c. 10.* decernitur de Superioribus Ordinum, qui non sunt Episcopis subjecti, et quibus est in alia inferiora Monasteria, Prioratusve legitima jurisdictio, ut haec suo loco, et ordine ex officio visitent, etiamsi commendata: Et quod probe notandum, subjungit: *Quae quum Ordinum suorum Capitibus subsint, declarat Sancta Synodus, in iis, quae alias* (idest *Sess. 21. c. 8.*, ubi adjecta

repe-

reperitur particula etiam) de *Visitatione Monasteriorum commendatarum definita sunt, non esse comprehensa.*

Demum hâc sanctione caput concluditur. „ In caeteris omnibus praefatorum Ordinum privilegia, et facultates, quae „ ipsorum Personas, loca, et Jura concernunt, firma sint, et „ illaesa. „ Quid certius, quid expressius desiderari potest si-
ve ad asserendas Regularium immunitates, sive ad explodenda
Launojana Commenta?

Quin et eo ipso loco, quem more suo exponit Launojus, tamen dissimulare sibi non potuit, litteram Concilii Commentitiae suae interpretationi minùs convenire, cujus rei culpam homo minime timidus in Synodum ipsam conferre non dubitat, quae complexione verborum usa sit apud antiquos minus usitatâ, minùsque adeo aptâ germanum illum sensum referre, quem illi Antistites mente quidem conceptum tenebant, sed quod essent aut antiquitatis, aut verborum proprietatis minùs periti, quam Launojus, haud satis dilucide, accurateve extulerunt. Scilicet!

Sed quod minùs adhuc ferendum est, ubi se Launojus interpretem facit mentis Tridentini erga Monachos; Patresque suis verbis loquentes inducit, non veretur voces illis assignere plenas acerbitalis, et odii, furentis animi indices, Sanctissimorum Antistitum sapientiâ, gravitate, Religione plane indignas. Longe aliam eis mentem de toto Regularium Statu Divinus Spiritus infudit, cujus numine suis in condendis Decretis regebantur: dum eâdem *Sess. 25. c. 1.*, testatum reliquerunt, *quantum ex Monasteriis pie institutis, et recte administratis in Ecclesiâ Dei splendoris, atque utilitatis oriatur.* Quin etiam ad refutanda Launoji convicia egregius nobis Adjutor accedit *Episcopus Myriophitanus in laudato Prologo p. 344.*, ubi *statum Monasticum strenue vindicat a praejudiciis, quibus laborant Protestantes, et libertini Catholici.*

Dignum propterea Febronio fuisset amplissimi Praesulis vestigiis insistere, et in refellendâ, quam protulit, Launoji oratione, aliquid operae insumere. Solummodo subjungit, *civilius esse, quod de hoc argumento reliquit Barthelius:* „ Tridentinum, etsi attentâ temporum conditione non omnes exemptiones penitus tollendas, ac revocandas judicaverit, illas tamen per varia Decreta, potissimum *Sess. 25. de Regular.*
civul.

„ evulgata, ad eos reduxisse limites, qui si exacte observaren-
 „ tur, plerisque exemptionum incommodis occurrendi spes
 „ foret. „

Sed licet moderatius, non tamen omnino accurate Tridentini consilium exponit Barthelius. Id sibi proposuerant Patres Tridentini, ut ea de Regularibus Decreta ederent, quibus Monasteriorum pia Institutio, rectaque administratio sarta, tectaque servaretur, vi cuius, prout fuit a Concilio statuta, plurimum in Ecclesiâ splendoris, et utilitatis oriretur. Nec ignorabant, jam olim Sanctissimos Africae, et Galliarum Episcopos censuisse, ad rectam huiusmodi administrationem valde pertinere, ut Monasteria congruâ quâdam immunitate potirentur: Tantum abest, ut censuerint melioribus aliquando temporibus reservandam immunitatem abrogationem absolutam. Quocirca eo capite Tridentinum nullo facto temporum discrimine indefinite, et univérse praecipit, ut in omnibus, de quibus aliter statutum non fuisset, firma, et illaesa manerent jura, et privilegia Regularium.

Incante admodum propterea haec adducuntur a Febronio.
 „ *Gibert. Corp. Jur. Can. Tom. 1. p. 160.* pluribus deducit, quomo-
 „ do nunc juribus Episcoporum in luce collocatis, quod a Conci-
 „ lio Tridentino incohatum est, perfici, et omnis exemptio le-
 „ gitimis modis abrogari valeat. „ Itane? Nunc tandem in lu-
 „ cem prodierunt jura Episcoporum; idque operâ, et studio Gi-
 „ bertii, Febronii, aliorum hujus generis novitiorum in Ecclesiâ
 „ hominum? Latuerunt illa jura et Patres Tridentinos, et anti-
 „ quiorum aetatum Sanctissimos Praesules Africae, et Galliarum?
 „ Quam parum commenta haec distare videntur a *praedictiis*,
 „ quibus graviter monet Episcopus Myriophitanus, *laborare Prote-*
 „ *stantes, libertinosque Catholicos!* Quod si quis perlegerit, quae
 „ docte de immunitatum Disciplinâ disserit *Benedictus XIV. de Syn.*
 „ *Disces. l. 9. c. 15.* probe intelliget, hanc Pontificum, Concilio-
 „ rumque sapientiâ sic temperatam, et constitutam esse, ut pet-
 „ eam Regulares Episcopis prodesse saepe, nocere nunquam va-
 „ leant. Nec tamen negaverim, ex Regularibus existere aliquando
 „ posse pervicacis ingenii homines, qui suae Professionis obli-
 „ ti; ejusque reverentiae, quam Episcopis praestare omni tempore de-
 „ bent, justas ipsi querelarum, et offensionum causas praebeant:

X

At

At simul cautum est, quâ ratione istorum contumacia comprimî, frangique valeat. Aliunde est haec depravatae naturae conditio, ut, quae sunt ad salutem comparata, eis perversi homines abutantur ad perniciem; nec minùs propterea retinenda sunt salutaria instituta. Accidit quoque interdum, ut et Capitula, et Parochi, et Sodalitates juribus suis, et privilegiis abutantur ad vexandos Episcopos: nec desunt in Historiâ Ecclesiasticâ monumenta, quae probent, aliquando etiam contigisse, ut ipsimet Episcopi sanctissimâ suâ auctoritate abuterentur. Num propterea et Parochorum, et Capitulorum, et Episcoporum delenda jura erunt, penitusque abolenda? Unum optandum, ut et Episcoporum, et Regularium mentibus alte infixum maneat sapientissimum Leonis X. monitum in suâ Constitutione: *Dum intra*: promulgatâ in Concilio Lateranensi V. (*apud Natalem Alexandram*). „ Novimus, „ Episcopos ipsos in partem sollicitudinis Nostrae assumptos fu- „ isse, quorum honor, et sublimitas Teste Ambrosio nullis po- „ test comparationibus adaequari; Religiosos etiam in Agro „ Dominico pro Christianae Religionis defensione, et amplia- „ tione complura fecisse, ac uberes fructus protulisse, et in „ dies singulos proferre ita, ut eorundem Episcoporum, ac „ Religiosorum bonis operibus Orthodoxam Fidem incrementa „ sumsisse, et per Orbem Terrarum undique dilatatam, Fide- „ lium nullus ignoret. . . . Ita quoque par est, eos inter „ se nostris provisionibus pacis vinculo, ac fraternâ charitate, „ et unitate conjugî, ut eorum concordî doctrinâ, et mutuis „ operibus uberiores in Ecclesiâ Dei fructus proveniant. „

Hactenus de primâ explanationis parte, quâ Febronius sumtâ veluti alterâ personâ Launorum, Barthelium, Gibertum. audiri, voluit. Altera pars eo spectat, ut memoratis Tridentini Decretis non tam nova Episcopis potestas concessa, quam vetus, et avita auctoritas restituta intelligatur. Ex quo inferri vult, *delegatam illam a Tridentinâ Synodo, aliisque Pontificum Constitutionibus jurisdictionem aequivalere jurisdictioni ordinariae*.

Verum 1. Tridentinum utramque potestatem sic expresse distinguit, ut nisi aperta vis Launoji more Decretis ejusdem inferatur, una confundi cum alterâ nequeat: constetque, adeo multa, quae ab Episcopo fieri possunt auctoritate delegatâ, minime subesse jurisdictioni ejus ordinariae. Quod nisi ita esset, dicendum foret

foret, Tridentinos Patres in utrâque potestate distinguendâ, et explicandâ improprie admodum loquutos esse; quod nemo facile dixerit, nisi si quis pudore omni abjecto sese Lauroji audaciae volet adungere.

2. Neque ad contrarium suadendum valet, quod a Febronio dicitur, Decretis Tridentini non tam novam concessam jurisdictionem fuisse, quam veterem restitutam. Saepe accidit, ut Oppida, et Oppidorum Incolae ab unâ Dioecesi Pontificiâ auctoritate sejungantur, et alteri Dioecesi adjiciantur. Tum vero si peractâ hujusmodi sejunctione priori Episcopo delegaretur potestas aliqua in Oppida sejuncta, et alteri Ordinario adjuncta, num propterea dicendum foret, delegatam illam potestatem aequivalere Ordinariae, et in ordinariam recidere hâc de causâ, quod pristina potestas fuisset delegato Episcopo restituta? Porro si cut Pontificiâ auctoritate Oppida unus Dioecesis possunt ab eâ distrahi, prout saepe fit, et alteri assignari; sic eâdem auctoritate Monasteria sita in unâ Dioecesi non minûs, quam Oppida eximi possunt ab illius Episcopi jurisdictione, et alteri Ordinario subijci. Quod posteaquam rite perfectum est, ad normam universalis Disciplinae, si Episcopo illi accesserit delegata quaedam potestas in exempta Monasteria, non magis haec cum ordinariâ confundi poterit, aut in speciem ordinariae recidere, quam delegata potestas in Oppida sejuncta.

3. Nec univcrse locum habet, quod ille instar fundamenti assumit, Tridentini Decretis non tam novam concedi, quam veterem potestatem restitui. Nam, quum hîc agatur de jurisdictione in certa loca, Personasve, ut hoc Febronii assertum consisteret, oporteret, Monasteria, quae consequentibus temporibus per varias Dioeceses condita sunt, fuisse ab ipsâ fundatione Episcopis subiecta. Quippe non repugnat, aliqua loca, tametsi intra fines unius Dioecesis conclusa, minime tamen illius Episcopi auctoritati subesse.

Notum est, quod jam depromsimus ex *Thomassino p. 1. l. 3. c. 31.*, multas olim fuisse per varias Africae Dioeceses sparsa Monasteria, quae non Dioecesium Ordinariis, sed uni Carthaginensi Primati suberant. Quâ de re notanda, quae habet *num. 9.* „ Caeteroquin privilegia, quae hîc Monasteriis per Africam omnibus communicantur, et jam privilegia non sunt, sed liber-

„ tates communi in Africâ jure confirmatae, brevissimo gyro
 „ concludunt spiritalem omnem Episcopi in Monachos jurisdictionem.
 „ Sola enim eis servari videtur Ordinatio Clericorum, aut
 „ Altarium Consecratio. Ne duo illa quidem capita satis firma
 „ erant, si Monasteria se Episcopo Carthaginensi subjici mal-
 „ lent; aut si Fundatorum voluntate ei, vel alii cuique Episcopo
 „ subjecta fuissent.

Itaque in Monachorum, vel Fundatorum voluntate, et nutu positum erat, ut, quae Monasteria fundabant, ea Episcopo Carthaginensi, vel alii etiam, quem mallent, potius, quam Episcopo loci subicerent. Quo sensu *Thomasius* recte animadvertit *num. 10.*, Episcoporum auctoritatem in Monasteria non penitus excisam fuisse, sed ab uno in alium, a Dioecetano in Carthaginensem translata, sive adhuc, quod ut plurimum, et prout etiam nunc obtinet, Episcopo loci pro Consecrationibus, et Ordinationibus subderentur, nec ab ejus correctione penitus essent immunes.

Hinc si Carthaginensis Antistes jurisdictionem suam in aliud ejusmodi Monasterium, quod, licet in alienâ Dioecesi situm, suae tamen ordinariae jurisdictioni a fundatione subditum esset; si, inquam, jurisdictionem suam in tale Monasterium Episcopo loci delegavisset, rectissime diceretur novam reverâ huic Episcopo jurisdictionem datam esse, non veterem, quam nunquam in id habuisset, resitutam. Pari ergo, immo potiori jure, rectissime idem quisque dixerit de Regularium coetibus, sive quia non minis, quam ut sit de Oppidis, et Pagis, a Localis Episcopi jurisdictione subtrahi potuere; sive quia, ut exempti vocati, receptique sunt, adeoque expressâ, vel tacitâ lege, ut quâ exemptione legitimâ auctoritate donati erant, eâ ipsis uti, fruique liceret.

Ad extremum honori Sedis Apostolicae consulere velle videtur Febronius, dum profitetur, eos, qui *qualitatem Delegati Sedis Apostolicae, quam Concilium Tridentinum Episcopis toties attribuit, his injuriosam esse auerunt, merito refutari a Petro Gibert Corp. Jur. Can. Proleg. &c.* Merito sane. Nam, si cui aliquando vox ista excidit, non decere Episcopum munus obire Apostolici Delegati, nae ille specimen praebuit egregium superbiae ignorantiae! Cujus enim arrogantiae est, meliorem se

facere Judicem Dignitatis Episcoporum, quam fuerint Patres Tridentini? quam fuerit Oecumenica Synodus in Spiritu Sancto legitime congregata? Aliunde quis Hospes adeo in Historiâ Ecclesiasticâ, quem lateat, quanta esset apud veteres muneris Vicarii Apostolici Dignitas, et Amplitudo; quove honoris, et auctoritatis gradu prae caeteris eminent, quos Romanus Pontifex praestantissimus hujus, atque honorificentissimi muneris appellatione auget? Cujus autem rationis est, ut Vicarii nomen deceat, Delegati non deceat?

POSITIO XXXVI.

„ Episcoporum Potestas jurisdictionis potuit quoad usum per
„ Canones arctari . „

ANIMADVERSO.

Non aliud poscebat Positionis hujusce declaratio, quam ut Canones proferrentur, qui permulti suppetunt, quibus vel a primis Saeculis Episcoporum potestas jurisdictionis multis modis restricta reperitur. Sed placuit Febronio argumenta conquirere minime quidem ad eam comprobandam necessaria, sed quae ad subjiciendam pari conditioni Pontificiam auctoritatem opportuna viderentur.

1. Itaque sic argumentatur: Si ex Gersonio, cujus ille testimonium profert, Papalis auctoritas sub certis regulis per Ecclesiam limitari potest, nullus dubitabit, quin Episcopalis nativa auctoritas eodem quoque pacto limitari valeat.

Recte quidem conclusum, non tamen vi antecedentis in argumento assumti. Sane patietur Febronius, ut pluris nobis facere liceat auctoritatem Tridentini, quam Gersonis. Porro Tridentinum *Sess. 7.* Decreta de Reformatione condenda solemniter hac testificatione auspiciatur, ut semper, et in omnibus salva esset Apostolicae Sedis auctoritas. Rursum *Sess. ultimâ c. 21.*, conditis Decretis non aliter sanctionem adjicit, quam eandem repetitâ testatione, *ut in his salva semper auctoritas Sedis Apostolicae et sit, et intelligatur.* Quam declarationem, qui a germanâ, et obviâ, quam prae se fert, intelligentiâ in alienum sensum detor-

torquent, in id absurdum delabuntur; ut dicendum sit, Concilium hæc suâ declaratione nihil reverâ declaravisse.

Quod si Oecumenicae Synodi in Spiritu Sancto legitime congregatae eodem Divino Spiritu reguntur, non alia esse potuit antecedentium Conciliorum de praeservatâ Romani Pontificis auctoritate in suis condendis Decretis mens, et sententia, quam quae fuit a Tridentinis Patribus expresse declarata. Quod etiam vel facta ipsa comprobant, quibus constat, nullos Conciliorum Canones vim unquam, et efficaciam in universâ Ecclesiâ obtinuisse, nisi qui Pontificiae auctoritatis accessione firmati essent, quâ Oecumenicitas potissimum continetur, et perficitur.

2. Alterum argumentum sumit ex Graecâ Florentini Textûs lectione, de quâ superius dictum est. Infirum plane argumentum. Quippe latina lectio non minûs fuit, quam Graeca, Concilio cognita. Praeterquamquod qui Graece norunt, facile perspicunt, latinam lectionem Graecae congrue respondere.

3. Provocat ad Gallicanam Declarationem an. 1682., quâ in Apostolicâ Sede, ac Petri Successore *sic* rerum Spiritualem plena potestas agnoscitur, ut *simul* valeant, atque immota consistent Sanctae Oecumenicae, Synodi Constantiensis a Sede Apostolica, stolicâ approbata, ipsorumque Romanorum Pontificum, ac totius Ecclesiae usu confirmata, atque ab Ecclesiâ Gallicanâ, perpetuâ religione custodita Decreta de auctoritate Conciliorum Generalium.

At hic nonnulla reticet Febronius, quae in eo Declarationis loco subduntur, ex quorum reticentiâ nonnihil suboriri potest ambiguitatis. Si tantum spectentur verba, quae retulit Febronius, facile quis in animum inducere posset, Gallicanam, quam vocant, de superiori prae Pontificâ Conciliorum auctoritate sententiam a Praesulibus Declarationis Auctoribus propositam fuisse velut Oecumenicae Synodi Decretis plane definitam: cui proinde nemo refragari possit sine fidei discrimine. Verum secus res habet se. Nam verbis proxime sequentibus hoc solum testantur, eos scilicet non probari ab Ecclesiâ Gallicanâ, qui Constantiensium Decretorum, quasi dubiae sint auctoritatis, ac minus approbata, robur infringant, aut ad solum Schismatis tempus Concilii dicta detorqueant. Caeterum longe absunt ab ullâ notâ iis inurendâ, qui sic sentiunt; immo vel ipsemet *Auctor Defensionis* id sibi

con-

concedi postulat, ejusmodi controversiam ad fidem minime pertinere; Quod profecto dicere non licuisset, si constaret, aut constare illi censisent, controversiam ab Oecumenicâ Synodo fuisse plane definitam. (1) Hâc proinde confessione hoc saltem certum eruitur, minime certum esse. Synodum Constantiensem eum sensum intendisse, quem illi defendunt. Quo posito parum admodum praesidii fatendum est, illis Decretis fuisse ad firmandam opinionem, quae Concilii auctoritatem prae Pontificiâ extollit: quâ de re minime nobis opus plura hoc loco dicere, quibus pro instituti nostri ratione propositum est opinionum in primis commenta persequi, quae propria sunt Febronii.

Adhuc et hoc notandum, hâc ipsâ declaratione rerum spiritualium *plenam* potestatem in Romano Pontifice adstrui. Nec enim docti illi Praesules ab eâ voce abstinendum censuerunt, quam Universalis Ecclesiae Traditio consecravit. Quae porro sit vocis ejus germana vis, et significatio, ex communi, receptâque intelligentiâ satis perspicitur, simulque ex Patrum dictis, e quibus olim Febronius non aliter expedire sese posse sensit, quam exaggerationis immeritâ prorsus exceptione.

4. Sic disserit: „ Primitûs indivisus erat Episcopatus; poterat quilibet Episcopus ubivis terrarum suam libere exercere Potestatem: Divisis deinde Dioecesibus omnes teuebantur intra suos se continere fines. Initio nulli erant Patriarchae, Exarchi, Primates, et Metropolitani; nullus ex quatuor his gradibus a Divinâ proficiscitur institutione. Sed nec Apostoli his alios subjecere Episcopos. Quo plûs autem honoris, Dignitatis,

(1) Idem confirmat Natalis Alexander Dissert. IV. de auctoritate, et sensu Decretorum Sess. IV. et V. Synodi Constantiensis his verbis: „ quâ quidem Declaratione hanc, et alias finire quaestiones Ecclesia Gallicana non intendit, sed sententiam dumtaxat suam declarare, ac solis ejusdem Ecclesiae membris, non aliarum Ecclesiarum Praelatis, aut Doctoribus, seu Professoribus legem statuere Atque hanc ipsam opinionem ab antiquo in Galliis receptam, ut Dogma Fidei suis non proponit Ecclesiae Gallicanae, sed ut probabiliorem &c. „ Caeterum quod de istius opinionis vetustate in Galliis memorat Natalis Alexander, non satis congruit cum antiquioris aevi monumentis, quibus longe aliam olim mentem in Galliis deprehendi animadvertit Episcopus Myriophitanus in *historiâ Trevirensi*, ut supra notavimus.

„ tatis, Potestatisque his tributum fuit (quod moribus primū
 „ factum esse dicimus ex *Synodi Nicaenae Can. 6.*, ubi: Antiqui
 „ mores servantur:), eo magis reliquorum Episcoporum auctoritas
 „ arctata noscitur. „

De his jam superius dictum est, et aliā scriptione uberius.
 Pauca hoc loco repetere satis fuerit, Episcopatum sic olim indivi-
 sum fuisse, ut cuilibet Episcopo licuerit ubivis terrarum suam
 libere exercere potestatem (si solos Apostolos excipias pro
 extraordinariā potestate, quā praediti fuere ut Apostoli, nec adeo
 in successores prorogandā), nullo monumento evincitur, quin potius
 certissima antiquitatis documenta refragantur. Quippe ex
 actis ipsis Apostolorum, ex eorum Epistolis, et Johannis Apoca-
 lypsi eruitur, jam ab illā aetate pluribus Ecclesiis suos peculiare
 Episcopos addictos fuisse.

2. Creabantur quidem interdum Episcopi nulli peculiari
 Sedi addicti, qui ad Infideles Nationes mittebantur Christum
 praedicaturi, quique ideo Episcopi Gentium dicebantur: sed ii
 nullam potestatem exercere valebant illis in locis, in quibus Ec-
 clesiae jam fundatae erant, et Episcopi constituti. Non ergo
ubivis terrarum; immo non extra Regionum fines, ad quas mis-
 sionem acceperant, ut etiam nunc usu obtinet.

3. Solus Petrus ordinariam, supremam, immediatam in
 omni Ecclesiā a principio potestatem exercuit, in Coenaculo pri-
 mū, dein extra Coenaculum per totam Judaeam, Galilaeam,
 Samariam, atque per Cornelii cooptationem in omni, quantum
 unquam patere posset, Gentilitate. Quam exercuit, Jure Divi-
 no exercuit, ex praescripto Christi: *Pasce Oves, pasce Agnos*:
 Quod si Jure Divino, nulla subsequuta Dioecesium divisio potuit
 eam potestatem minuire, quae Divinitus erat constituta.

4. Nullos, ait Febronius, ab initio fuisse Patriarchas, Pri-
 mates, Metropolitanos; nullum ex his gradibus a Divinā Institu-
 tione proficisci; nec vero Apostolos his alios subjecisse Episco-
 pos. Quod illi gradus a Divinā Institutione, profecti non sint, mi-
 nime quidem repugnandum: Quod ab initio constituti non fuerint,
 non sine aliquā moderatione praetereundum. Recentius quidem
 illa sunt invecta nomina; sed longe antiquior res subjecta nomi-
 ni. Apostoli dum Ecclesias fundabant, „ non ita, inquit *Thomasius*
 „ p. 1. l. 1. c. 6. n. 20., transcribebant in Episcopos eam aucto-
 „ rita-

ritatem, quam sibi creatione hac spiritali pepererant, ut eam se ipsi spoliarent. Quam in rem intuens *Divus Thomas* in tota Ecclesiasticae disciplinae constitutione longe exercitator, quam tot novi Doctores, qui hanc sibi laudem assumunt, sapientissime interpretatur verba haec Apostoli: *in omni loco ipsorum, et nostro: Comm. in 1. ad Cor. c. 1. lect. 1.* „ In omni ipsorum, id est eorum jurisdictioni subjecto. Et *Nostro*, quia per hoc, quod subijciebantur Episcopo Civitatis, non eximebantur a potestate Apostoli. Quin immo magis erant ipsi Apostolo subiecti, quam his, quibus ipse eos subjecerat. Ad hanc normam Titus relictus est Cretae ab Apostolo, ut per Civitates Presbyteros constitueret, id est Episcopos, ut animadvertit *Thomassinus c. 3. n. 3.*, qui tamen correptioni, curae, auctoritati Titii subijciebantur. Ad eam normam a primis temporibus memoratur Episcopus, qui *primas* tenet in quavis regione, quem subjecti omnes Episcopi agnoscere, nec arduum quidquam citra ejus auctoritatem aggredi deberent. Quare *Thomassinus c. 7.*, posteaquam Romani Pontificis Primatum in tota Ecclesia ad Jus Divinum, Patriarcharum vero, et Metropolitanorum ad Institutum Ecclesiasticum retulit, animadvertit, ejusmodi institutionem et Ecclesiae ipsi pene coaevam esse, et Juri Divino aliquo modo finitimam: „ Quippe quum ab Apostolis profecta sit, velut aemulatrix quaedam Apostolici Collegii, et ejus auctoritatis eximiae, quā Christus Petrum supra Apostolos ipsos evexerat. „

Tantum itaque abest, potuisse ab initio Episcopos libere suam ubivis terrarum potestatem exercere, ut potius nec in propriis suis Dioecesibus haec ipsis libertas concessa fuerit; nec ullum fuerit tempus, quo Episcopi superiori cuidam auctoritati subesse non debuerint.

Istud quoque notatu dignum est, non alias ab initio Sedes ampliori eam auctoritate, quae Patriarchali postmodum nomine insignita est, antecelluisse praeter Alexandrinam, et Antiochenam, quae ab ipso Petro fundatae erant; quumque ab aliis Apostolis aliae permultae fundatae essent, nullam tamen pari dignitatis gradu ab origine constituisse. Quā de re audiendus *Thomassinus p. 1. l. 1. c. 7. n. 7.* „ Sed, *inquit*, si seponatur contemplatio nominum, et ipsa spectetur auctoritas, certissimum est, singularem prorsus ab ipsis usque Ecclesiae primordiis, et praecipue „ cel-

„ cellentissimam fuisse Romanae, Alexandrinae, et Antioch-
 „ nae Ecclesiae potestatem, ut quae in eas profecta sit a Petri
 „ Principatu, qui eas instituerat. „ Et num. 28. „ In praecelsum
 „ istum apicem dignitatis sublimatae sunt tres illae Civitates
 „ maximae, non quod Regiae fuissent, sive Romani in Orbe to-
 „ to, sive Graeci Imperii in Aegypto, et Syria Capita; sed quod
 „ ad eas accesserit, easque sibi quodammodo censuerit Is, quem
 „ sempiterni Principatus Ecclesiastici fundamentum Christus po-
 „ suerat. „

Huc referri potest, ac saltem velut per transennam indica-
 ri, quod in Chronico Alexandrino ab Eutychio Patriarchâ prodi-
 tum est, ad Demetrium usque, qui undecimo loco Alexandrinam
 Sedem tenuit, nullum aliam totâ Aegypto fuisse Episcopum; a
 Demetrio tres fuisse constitutos; ab Heraclâ ejus Successore vi-
 ginti. Cui chronico fidem minus habendam Critici non pauci exi-
 stimarunt hâc de causâ, quod fidem omnem superet, Alexan-
 drinam Dioecesim tot constantem Provinciis ab uno Episcopo
 administrari potuisse. At huic loco nonnihil lucis asferre posse
 videtur vetustissima, quae ad haec ultima tempora viguit apud
 Maronitas, consuetudo, ut Patriarcha per totam eam latissimam
 Regionem Episcopos distribuere suo nutu, quandocumque libuis-
 set, amovendos, qui pro eo tempore singuli portionem Gregis
 curarent, quam sibi Patriarcha curandam tribuisset. Potuit con-
 similis mos in Aegypto viguisse ab initio, non ut unus tantum in
 totâ Aegypto existeret, qui esset Episcopali Ordine insignitus,
 sed quod una tantum esset Sedes proprie Episcopalis, Alexandri-
 na nimirum, cujus immediatae jurisdictioni tota Regio subesset,
 ab eaque in varias partes Episcopi mitterentur, qui Episcopalia
 munera obirent: postea tres Episcopales Sedes proprie dictas a
 Demetrio, ac viginti deinceps ab ejus Successore Heraclâ consti-
 tutas fuisse. Sed haec praeter institutum.

Ad aliam quaestionem vocat nos *Febronius* pag. 228. „ An
 „ sicut Ecclesia, et Concilia universalia, ita et Summus Ponti-
 „ fex potestatem jurisdictionis Episcoporum in suo usu, et exer-
 „ citio restringere possit? „ Mox responsum affert D. Rauten-
 „ strach: „ Non potest restringi, aut adimi Episcoporum jurisdi-
 „ ctio a Pontifice; et, quod eodem recidit, neque exemptiones
 „ a jurisdictione Episcoporum concedi, nisi ex causis Canoni-
 „ cis,

„ cīs , seu quum id necessitas , aut utilitas Ecclesiae postulat . „
 Cui responso suffragatur Febronius hisce verbis : „ Si Pontificis
 „ Decretum Episcopi potestatem ultra morem hactenus rece-
 „ ptum *novo Canone* arcans polleat dotibus recensitis , et potis-
 „ simum *Can. 2. Dist. 4.* , vim habebit Decretum , et obtinebit
 „ Pontificia restrictio Dixit cl. Rautenstrauch , restrictio-
 „ nem a Papā fieri posse , *si id necessitas , aut utilitas Ecclesiae*
 „ *postulat* : Et haec est conditio sine quā non Sed quis
 „ eo casu cognoscet , an revera adsit necessitas , aut utilitas
 „ Ecclesiae ? Respondeo : Episcopus , qui a Spiritu Sancto posi-
 „ tus est ad regendam Ecclesiam suam . „

Hoc itaque loco Febronius agnoscit , ab Ecclesiā , et a Generali Concilio jurisdictionem Episcoporum in suo usu absolute restringi posse ; a Pontifice vero cum addito , nempe si necessitas , aut utilitas Ecclesiae id postulat , eamque conditionem esse *sine quā non* : Demum ejus necessitatis , utilitatisve Judicem , et Cognitorem Episcopum esse . Illustre argumentum potestatis , quā pollet Summus Pontifex coercendae Jurisdictionis Episcoporum , sumi ex eo potest , quod Osiores ipsi Pontificiae auctoritatis , qui tamen Catholici audire volunt , minime audent eam diserte , et expresse negare , sed eam in speciem agnoscentes , ne videantur sensui Catholico nimium refragari , undique subsidia sibi comparare student , quibus ei omni tempore possit obsisti , ac impediri , ne vim exerat suam .

Caeterum , quae in hanc rem cum D. Rautenstranch Febronius disserit , plerumque ille repetit ex hoc principio , quod plena potestas , quam verbis fatetur collatam Pontifici , data sit in aedificationem , non in destructionem . Egregie . At etiam potestas , quae data est Generali Concilio , data est quoque in aedificationem , et non in destructionem . Proinde conditio illa *sine quā non* , quam urget Febronius , aequè de Decreto Concilii Generalis valere debebit , ac de Decreto Pontificis ; nullaue adeo ex hoc capite distinctio erat facienda .

Sed et ambiguitas ex eo nascitur , quod non satis apte positus sit status quaestionis , quam versandam suscepit Febronius . Aliud est inquirere , quae cuique potestas competat ; aliud , quae sit recta ratio potestatis utendae ; Aliud , uno verbo , *quid valeat* ; aliud , *quid liceat* ; seu aliud , quid ratum sit ; aliud , quid ex omni

parte rectum. Sexcenta exempla proferri possunt. Sane potest Episcopus graviora quaedam crimina iudicio suo reservare; fieri quoque interdum potest, ut aliquis Episcopus eâ potestate minus prudenter utatur, eumque sibi casum reservet, cujus reservatio non sit expediens, et profutura: tamen, si talem casum non antea reservatum Episcopus postmodum sibi reservandum duxerit, eâ profecto reservatione restringetur potestas etiam illa ordinaria, quâ ante pollebant in Foro interno ipsimet Parochi quoad ejus casûs absolutionem. Ratum id, inquam, erit, non ex omni parte rectum.

In eo porro, quod Febronius Episcopum Judicem, & Cognito-rem constituit ejus conditionis, sine quâ valere non debeat Pontificum Decretum, ut caetera omitam, quae superiûs dicta sunt, plurimûm ille discedit a mente, et sententiâ Tridentini. Quod ut pateat, satis fuerit proferre quod ab eâ Synodo statutum est initio *Cap. 13. Sess. 24. de Refor.* „ Quoniam, *inquit*, pleraeque „ Cathedrales Ecclesiae tam tenuis redditûs sunt, et angustae, ut „ Episcopali dignitati nullo modo respondeant, neque Ecclesiarum „ necessitati sufficiant, examinet Concilium Provinciale vocatis „ iis, quorum interest, et diligenter expendat, quas propter an- „ gustias, tenuitatemque vicinis unire, vel novis proventibus auge- „ re expediat; consecutaque de praemissis instrumenta ad Sum- „ mum Pontificem Romanum mittat, quibus instructus Summus „ Pontifex ex prudentiâ suâ, prout expedire judicaverit, aut „ tenues invicem uniat, aut aliquâ accessione ex fructibus „ augeat. „

Tantum ergo abest, quod Tridentinum Summi Pontificis prudentiam singularis cujusvis Episcopi prudentiae subjecerit, quod sapientissimorum Patrum pro suâ Religione aures ferre non potuissent, quin potius, quod a Concilio Provinciali de rebus ad Provinciam pertinentibus diligentissime fuerit examinatum, jubet examini subijci Summi Pontificis, qui ex suâ prudentiâ decernat, quid facto sit opus. Sed hoc fatale est, quod nemo Pontificiam auctoritatem impetere valeat, quia eodem incursu in Conciliaria Decreta impingat.

Quid? Quod ex eodem Febronii principio sponte suâ fluât, ut, quam ille Episcopis licentiam tribuit adversûs Romana Decreta, eâdem de causâ valere illa debeat adversûs Decreta Generalis cujus-

cujusvis Concilii, quotiescumque alicui Episcopo videatur Conciliare aliquod Decretum minus Ecclesiae suae convenire? Quod si forte dixerit, fieri non posse, ut minus conveniat, quod a Generali Concilio sancitum fuerit; stet igitur, oportet, quidquid Tridentinâ Synodo firmatum est de appellationibus, de Exemptionibus, aliisque Apostolicas Sedis juribus, quae tot librorum Scriptores hâc aetate aut aperte petunt, aut clanculum oppugnare, aut per ambages eludere moliantur.

Sensit Febronius, quas recensuit legis proprietates depromtas *ex Dist. 4. c. 2.*, non minus in Civiles, quam in Pontificias leges convenire. Cautè proinde ad invidiam eâ de causâ declinandam *pag. 118.* monuit, se non loqui de Principibus Saecularibus. Cautius forte, si tacuisset; nam cavendo admonuit, rem ipsam eloqui, quod ipse loqui noluit: nimirum si valent ea, quae ex hujusmodi proprietatibus eruere, licet perperam, ille nititur ad eludendas leges Pontificias, eadem ad Civiles leges eludendas afferri posse, jam superius innuimus. Itane praeclari isti Principatûs Defensores Principum auctoritati, Regnorumque tranquillitati consulere didicerunt?

Demum concludit Febronius *p. 230.* „ Porro sicut nativa potestas Episcopalis per ea, quae diximus, in exercitio minui „ valet, ita et mutatis circumstantiis potest ampliari. „ Duo quaeri possunt ex Febronio. 1. An ea Episcopalis potestas, quae per Canones restricta est, aliter, quam per Canonicam auctoritatem ampliari valeat? 2. An extet Canonis exemplum, qui refragante Pontifice vim, et efficaciam in universâ Ecclesiâ unquam obtinuerit?

POSITIO XXXVII.

„ De iis, quae ad Fidem, Sacramenta, et Ecclesiasticam „ Disciplinam pertinent, sola Potestas Ecclesiastica decernit. „

ANIMADVERSI.

IN hujusce Positionis confirmationem multa initio disserit Febronius, quae libenter describimus, sive quia pleraque sunt egregie dicta; sive ut, quam parum ille sibi deinceps constet, perspi-

spiciatur : „ Quomodo, *inquit*, Christus solis Apostolis,
 „ eorumque Successoribus Spirituale Regimen dedit, ita Tempo-
 „ rale Principibus reliquit, et confirmavit. Haec utriusque Re-
 „ giminis differentia se potissimum manifestavit primis Ecclesiae
 „ Saeculis, quibus Spirituale Regimen per trecentos propemodum
 „ annos administratum fuit inter tot, tantasque difficultates, et
 „ obstacula felicissima faciens incrementa. Eo sane tempore
 „ penes Imperatores, Principes, et Magistratus Ecclesiastica
 „ Potestas esse non potuit: si quidem, qui tunc res publicas ges-
 „ sere, Pagani essent, et juratissimi Christianorum Hostes.
 „ Tunc Regimen Ecclesiae *externum* totum erat Pastorum, non
 „ Regum. Plura non localia solum Concilia, sed et Nationalia
 „ in causâ Baptismi, Paschatis, Montani ec. coëgere Praesules,
 „ non Reges: Excommunicati sunt Haeretici a Praesulibus, non
 „ a Principibus Saeculi: Dispensationes Homicidis, et Moechis
 „ concessere Pontifices, non Reges; uno verbo in, et externum
 „ Regimen Ecclesiasticum totum erat Sacerdotum, non Regum.
 „ seu Imperatorum. Neque postquam animum ad Christianam
 „ Religionem adjecerunt Principes, Christique legem complexi
 „ sunt, pristinum Episcoporum jus abrogatum est. Sub Constan-
 „ tino, et Christianis Imperatoribus Episcopi, aequae ac illi, qui
 „ sub Paganis sederunt, successere in vicem, et jura Apostolo-
 „ rum; Sacra dirigeabant eâ dignitate, et potestate, quae a Chri-
 „ sto, et Apostolis in ipsos et ut Christi Vicarios, et Aposto-
 „ lorum Successores propagata erat. Sic, qui primi Christiani
 „ Imperatoris temporibus vixit, magnus Osius Episcopus Cor-
 „ dubensis, Symboli Nicaeni Dictator Filium Constantini Con-
 „ stantium ab Arianis seductum, et eorum persuasionem negotiis
 „ Ecclesiasticis se immiscentem in Epist. Athanasii ad Monachos
 „ *Op. Tom. 1. p. 371. Edit. Bened.* graviter monet: „ *Ne te re-*
 „ *bis misceas Ecclesiasticis: nec nobis his de rebus praecepta*
 „ *mandes, sed a Nobis potius haec ediscas. Tibi Deus Imperium*
 „ *tradidit, Nobis Ecclesiastica concedidit. Ac quemadmodum*
 „ *qui Tibi Imperium subripit, Deo ordinanti repugnat; ita me-*
 „ *tue, ne si ad te Ecclesiastica pertrahas, magni criminis reus*
 „ *fias: Date, scriptum est, Caesari, quae sunt Caesaris; et*
 „ *quae sunt Dei, Deo.* Nec minus cordate scripsit ad Impera-
 „ torem Valentinianum, qui ab Arianis depravatus de rebus Fi-
 dei

„ dei judicare attentabat, *Sanctus Ambrosius Op.tom.2.pag.861.*
 „ *Edit. Bened.* Adde ejusdem *Epistolam ad Sororem pag.857.*
 „ Haec ulterius proseguere non vacat, quia omnibus Catholicis tam
 „ sunt evidentiâ, quam nota. Quâ autem ratione eisdem ab Aca-
 „ tholicis fides historica (ne quid amplius nunc dicam) negari va-
 „ leat, haud dispicio. „

Quisquis haec legerit, in animum facile inducet suum, Fe-
 bronium tandem cum Osio, et Ambrosio sentire, cum Athana-
 sio, aliisque ejusdem aevi gravissimis Viris, quos paullo superius
 memoratos a Myriophitano audivimus, qui Trevirensensem Eccle-
 siam spectatissimam Sanctitate, Doctrinâ, Miraculis illustrarunt.
 Verum habet Febronius clausulas sibi reservatas, quae prae-
 ciae illius aetatis simplicitatem fugerunt. Sic itaque pergit conclu-
 dendo. „ Jura *mere Spiritualia* sibi Princeps arrogare non potest;
 „ nequit etiam Ecclesiam in ejusmodi juribus, quae ad Ecclesia-
 „ sticam potestatis essentiam pertinent, turbare vel minimum;
 „ proinde aut juri Leges Ecclesiasticas ferendi, aut illi judicio.
 „ quod Ecclesiae in foro Conscientiae competit, aut Spiritualium
 „ poenarum executioni civiliter indifferenti ullum ponere impe-
 „ dimentum. „

Quid sub illis non satis definitis verbis *Essentiae potestatis*,
juris mere Spiritualis, executionis *civiliter indifferenti* compre-
 hendere Febronius voluerit, non adhuc distincte explicat: Viam
 tamen sibi munit ad retrahenda, quae concessisse; ad conceden-
 da, quae subtrahisse videri poterat. Interea brevi res tota con-
 fici potest. Quidquid Apostoli, et Apostolorum Successores in
 Sacro Ministerio peregerunt, sive Personas spectes, sive pote-
 statem, sive modum exercendi regiminis (ut habetur Posit.1.)
 id totum praestiterunt jure Divinitus collato a Saeculari Potestate
 prorsus immuni. Hoc effatum proponit Febronius velut Catho-
 licis omnibus notum, ac evidens. Aliunde ipso etiam fatente
 Apostoli, eorumque Successores eo jure usi sunt in ordinandis,
 ac deputandis Sacrorum Ministris, in Synodis convocandis, et
 habendis, in excommunicandis Haereticis, aliisque flagitiosis,
 et contumacibus reis, in Dispensationibus concedendis, in fe-
 rendis legibus, velut de Connubiis, de Accusationibus adversus
 Presbyteros recipiendis, deque aliis ad externam disciplinam per-
 tinentibus. Ergo haec omnia pertinent ad eam potestatem, quam
 Chri-

Christus Ecclesiae reliquit. Neque aliquid horum excludi poterit, quasi aut non *mere* spirituale, aut non ad *essentiam* pertinens potestatis Ecclesiasticae, aut non *civiliter* indifferens, nisi velit Febronius per istas verborum subtilitates perverti jus posse, quod ille Divinitus constitutum fateatur. Hoc loco Febronius non aliud immune judicium Ecclesiasticae potestati concedere videtur, quam quod in foro Conscientiae competit: An censet, ad forum tantum conscientiae pertinuisse judicia, quae Osius, et Ambrosius Ecclesiae vindicabant; immo judicium ipsum, quo Paulus incestuosum Corinthium excommunicatione perculit, atque a Fidei communionem interdixit?

Pergit rursum *pag. 233.* „ Interim pro bono concordiae inter Sacerdotium, et Imperium (de quo Posit. sequ.) convenit observari, esse in materia 1. *Fidei*, 2. *Sacramentorum*, 3. *Disciplinae* quaedam Capita, quae jura Civium tam prope attingunt, ut Principis attentionem, atque inspectionem minime excludant. „

Et continuò agens de inspectione Principis in materia Fidei, subjungit: „ Etenim quantum ad Constitutiones circa res Fidei, habet Princeps jus eas, antequam publicentur, inspiciendi, an non quid nocivum Reipublicae contineant. „

Res hinc agitur gravissimi momenti. Dogmata *Fidei* ab Apostolis, eorumque Successoribus per tercentos annos, ut ait Febronius, rite sunt promulgata, quin ad eam promulgationem legitime faciendam necessarius unquam existimatus sit assensus Principis. Doctrinae porro fidei sic promulgatae parere Fideles, intimumque animi assensum praebere tenebantur. Scilicet tota ratio promulgationis, quae ad hanc inducendam obligationem requiritur, ac sufficit, intime cohaeret juri, ac muneri praedicandi Evangelium omni Creaturae, docendique omnes Gentes, quod jus, munusque Apostolis, eorumque Successoribus ab omni humana potestate immune Christus ipse tradidit, atque commendavit. Vix proinde intelligi potest, quam animo informaverit publicandi formam, ac speciem, dum Seculari Potestati jus tribuit Decreta Fidei inspiciendi, antequam publicentur.

Decretum Fidei, quo Dogma quodvis Catholicum definitur, veritatem continet a Deo revelatam; quam non statim, atque ab Ecclesiâ proposita est, toto animo, debitâque fide, ac religio-

gio.

gione complecti impium sit, ac nefarium. Nunc vero, quum Magistratui Laico jus tribuat Febronius Decreta ejusmodi inspiciendi, antequam publicentur, si contingeret, Laicum Magistratum in hoc utendo jure longiores moras trahere, ac nectere; interea vero propositio veritatis definitae per Decretum Ecclesiae, seu Decreti ejus cognitio ad ejus Regionis Fideles perveniat; quibus modis sub Ethnicis Imperatoribus primis Saeculis propagabatur, soletque etiamnum ad eos propagari, qui degunt in Terris Infidelium; Quæri potest ex Febronio, num toto illo intervallo suspensa remaneat in illis Fidelibus obligatio suscipiendi Decreti; an statim debeant, quemadmodum olim, Fideles Dogma propositum recipere non ut verbum hominum, sed ut verbum Dei, quod revera est? Si primum dixerit, agnoscat, oportet in Magistratu Laico potestatem efficiendi, ne, saltem per aliquod tempus, et quoad sibi placuerit, teneantur Fideles credere Deo loquenti. An forte dicet, non haberi legitimam promulgationem, antequam eam Laicus Magistratus indolserit? At legitima semper habita est promulgatio, quæ sine veniâ Magistratus fiebat olim ab Apostolis, et nunc fit in Terris Infidelium, ex quâ tamen oriebatur, et etiamnum oritur obligatio præstandi assensum fidei. Qui autem consistere potest, ut quod valet in Terris Infidelium ad eliciendum fidei assensum, valere non debeat in Terris Fidelium? Omnino Fides ex auditu; Auditus autem Ministerio eorum, qui ad munus prædicandi, docendi, annuntiandi ab Ecclesiae Pastoribus deliguntur, et canonice mittuntur. Authenticæ hujus promulgationis faciendæ auctoritate præditi fuere Apostoli, eorumque proximi Successores, vi cujus in omnem Terram exivit sonus eorum. Haec ipsa auctoritas data est in ævum omne proroganda. Igitur eadem nunc etiam auctoritate nullo requisito Magistratus assensu pollet Ecclesia. Neutri ex præmissis propositionibus refragari potest Febronius, quin et cum sensu Catholico, et secum ipse pugnet apertissime.

Quod attinet ad alterum Caput inspectionis, de duobus potissimum Sacramentis disserit Febronius, nimirum de Matrimonio, et Ordine.

De Matrimonio ait, illud esse „ non solum Christianum Sacramentum, sed etiam civilem contractum. Primo respectu „ habere Ecclesiam jus, et potestatem statuendi impedimenta

..Z

Ma-

„ Matrimonium impediencia, et dirimentia: habere et Principem
 „ in illud quâ contractum civilem sua jura Porro,
 „ *inquit*, quoties impedimentum respicit materiam *Sacramenti*,
 „ ejus cognitio ad Judicem Ecclesiasticum pertinet: si ad mate-
 „ riam Contractûs ad Judicem Civilem . . .

Si, quoties agitur de civilibus tantûm effectis contractûs Matrimonii, dixisset Febronius, controversiae cognitionem ad Civilem Judicem pertinere, nil dixisset alienum a communi sensu Doctorum. Sed quod ait, impedimentum, si *materiam contractûs* respicit, ad Judicem Civilem pertinere, in eo non parum fallitur. Impedimenta sive quae naturali, ac Divino Jure nituntur, sive quae ab Ecclesiâ statuta sunt, plerumque materiam ipsam contractûs attingunt, et afficiunt, sive quatenus Personas ipsas inhabiles reddunt ad contrahendum, velut in impedimento Voti, Ordinis, Cognationis &c.; sive quum ex modo contrahendi, velut in Matrimonio Clandestino, et Personae inhabiles, et contractus ipse nullus, et irritus declaratur &c. Quin et impedimentum erroris, ac violentiae, quod ex jure naturali emergit, intimam ipsam allicit contractûs vim, ac naturam. Porro quoties controversia exoritur, num propter tale aliquod impedimentum Matrimonium irritum sit, nec ne, certe causa Matrimonialis existit, licet impedimentum materiam contractûs respiciat: Causas autem Matrimoniales ad Judices Ecclesiasticos spectare *Tridentinum* sub anathematis interdictione definivit *Sess. 24. c. 12.* Ratio aperta est. Quod enim dicitur, Matrimonium inter Baptizatos rite initum esse Sacramentum, non sic accipiendum est, quasi Sacramentum contractui accedat velut extrinsecum, et adjectitium ornamentum; sed quod Christus ipsummet contractum rite initum ad Sacramenti dignitatem evexerit. Nec desunt alia momenta, quae invicte demonstrent, nullum veri nominis maritalem contractum inter eos consistere, qui cum impedimento dirimente contractum illum attentare praesumant: Quae momenta breviter hoc loco indicasse satis fuerit. I. Per impedimentum dirimens Personae inhabiles sunt ad contractum Matrimonii incundum: Liquet autem nullum esse contractum ab illis attentatum, qui sint inhabiles ad contrahendum. II. Ad essentiam maritalis legitimi contractûs pertinet, ut ex eo mutuum jus in Corpora contrahentes acquirant: Atqui ex Matrimonio cum impedimento dirimente attentato nullum

nullum tale jus legitimum contrahentes acquirunt. Igitur deest, quod ad essentiam ejus contractûs pertinet, nec adeo veri nominis contractus maritalis censeri potest. III. Hinc plurimi Canones veteres decernunt, Matrimonia cum impedimento dirimente contracta non esse honesto *Conjugii* nomine deputanda; sed velut incestos, ac nefarios Concubitus habenda.

De Ordine unum hic animadvertisse satis fuerit, placuisse Febronio, quae disserit, ex Theodosii, Justinianive legibus magis, quam ex Canonum fontibus haurire. Sed hic etiam repetendum, quod notatum a *Natali Alexandro Dissert. 28. in IV. Saec.* superius animadvertimus: „ Ex Justiniani Constitutionibus colligi „ non posse, quatenus fuerit Ecclesiae disciplina, quia nulla „ fuit earum in Ecclesiâ auctoritas, nisi quatenus cum Sacris Ca- „ nonibus consentiebant, ut constat ex *Epistolâ Sancti Agapiti* „ ad eum datâ. „

Quoad reliquas partes disciplinae (quod tertio loco positum est); „ Quum Ecclesia, *inquit Febronius*, gaudeat potestate „ seu facultate actiones Fidelium Reipublicae innoxias pro suo arbitrio ad aeternam salutem determinandi, sic Rectorum Civitatis officium est, ut ea, quae ad bonum disciplinae a potestate Ecclesiasticâ ordinantur, et civiliter *indifferentia* sunt, non tantum non impedire, sed secundum proportionem mediorum, quibus efficacissimis sunt instructi, promoveant etiam, atque tueantur. „

Sic ergo Rectorum Civitatis officium erit auctore Febronio, quae ad bonum disciplinae a potestate Ecclesiasticâ ordinantur, non impedire, modo ne sint *civiliter indifferentia*. Haec scilicet alia est conditio sine qua non, vi cujus merito gloriari potest Febronius, sibi uni contigisse, quod nulli Sancto Episcopo unquam contigit, aut contingere potuit, ut unâ suâ voculâ totam, quantâ est, Ecclesiae disciplinam Seculari Potestati subiceret. Etenim, quum hoc ipso capite civilis hujus indifferentiae judicem faciat Secularem Potestatem, quid est in totâ externâ disciplinâ, quod Rector Civitatis hâc Febronianâ facultate instructus non valeat inter ea recensere, quae non sint *civiliter indifferentia*, idque proinde pro suo jure, et arbitrio impedire? Quid, si judicaret, non esse civiliter indifferentem Ciborum defectum, et abstinentiam in jejuniis, cessationem a servilibus operibus, aut ab aliis

muniis vacationem diebus Festis, temporis partem illis diebus religioso cultui impendendam; uno verbo tantum non omnia externae disciplinae vestigia una *sine qua non* a Febronio inducta conditio delebit, abolebit, aeternum valere jubebit? Sic didicit Episcopus de disciplinâ Ecclesiae mereri?

Sed et alia innuit, quae non solum Rector Civitatis impedire possit, sed quae omnino eliminare debeat, nimirum, ea omnia, quae hominum arbitrio tamquam *accidental*ia Religioni adveniant, quam primum Reipublicae nociva esse incipiunt. Etenim: neque Deus vult, neque velle potest, ut quid arbitrio hominum Religioni accedat, quod fini Civitatis, quem ipse immutabili naturali lege praestroxit, sit adversum. . .

Equidem haud facile fuisset divinare, quae sint accidental^{ia} ista, quae hominum arbitrio Religioni adveniunt, et ut noxia Reipublicae elimiari debent. Sed mox mentem suam aperit: „Hoc, *inquit*, multo magis intelligendum de iis, quae a beneficio, seu indulgentiâ Principum originem ducant, etiamsi potestea *Canone firmata* fuerint, quo multi Doctorum referunt exemptionem Cleri a judicio civili, forum Ecclesiasticum exterius, Jns Asyli &c. . .

Non hîc disputandum aggredior de Cleri immunitate, de exteriori Ecclesiae foro, (sine quo tamen *externum* regimen intelligi non potest, cujus potestatem a Christo Ecclesiae collatam superius agnovit Febronius), de jure Asyli &c., quae fuere a doctissimis viris diligentissime pertractata. Sed hoc plane mirum, quod posteaquam Tridentina Synodus immunitatem Ecclesiasticam Divinâ ordinatione constitutam declaravit, eamque tam enixe Catholicorum Principum pietati commendavit, tam graviter eos de suo in illâ tuendâ officio admonuit, contra Febronius tam patienter sustineat, a multis illis Doctoribus inter ea recenseri, quae ipso Judice Rector Civitatis non impedire tantum possit, sed et eliminare debeat hâc imprimis ratione, quod ea Deus nec vult, nec velle potest! ligregium Divinae Voluntatis Interpretem! Quasi Deus nec velit, nec velle possit, quod ipse Divinâ suâ ordinatione constituit. Sed nulla manet ratio agendi cum Febronio, qui palam *Canonem ducem* deserat, quo *dux* ostendebat, omnia se velles transigere.

POSITIO XXXVIII.

„ Curandum , ut pax , et concordia inter Sacerdotium , et
 „ Imperium servetur , et offensionum viteatur occasiones „

ANIMADVERS.

EXpedita hujus pacis , et concordiae conciliandae via , et ratio suppetit ex celebri Epistolâ Sancti Gelasii ad Anastasium Augustum , cujus haec verba refert *Febronius* initio Commentarii : „ Duo sunt , Imperator Anguste , quibus principaliter Mundus „ hic regitur , Sacerdotalis Auctoritas , et Regalis Potestas . „ Utraque principalis ; Suprema utraque , neque in officio suo „ alteri obnoxia est . „ Cui sententiae consentanea sunt , quae scribit et Osius ad Constantium , et Nicolaus I. ad Michaëlem .

Nimirum jura secernuntur , quae utrique Potestati conveniunt ; Ecclesiastica Sacerdotio , Secularia Imperio tribuntur : quae distinctio , si ad communem sensum , et intelligentiam referatur , nil ambigui prae se fert , quo tranquillitas Ordinis , quâ Pax efficitur Auctore Augustino , turbari aliquando possit .

Sed communi huic intelligentiae non plane sese accommodat Febronii meus , et sententia . Habet ille suas clausulas , quarum semper ea est vis , ut quae jura Canonum Sanctiones Ecclesiae tribuunt , ea quandocumque libeat , Ecclesiae impune subtrahantur , ac Saeculari Potestati subijciantur .

Itaque interpretationem sic orditur , ut Ecclesiasticae Potestati tanquam *mere Spirituali* non alia quoque , nisi *Spiritualia media* concedat ad suum finem obtinendum . Sed ex Febronio quaeri meritò potest , quibus ille finibus hanc meram *Spiritualitatem* concludat ? An rei mere Spiritualis nomine intelligat , quod sic in intimis animi recessibus delitescat , ut nullâ parte sese prodât exteriùs , nil prae se ferat Corporeum , Visibile , Apparens , quod sensu percipiatur , ac in externâ vitae actione versetur ?

At , si hoc pacto mere Spirituale accipiendum est , nulla jam externa actio Ecclesiae judicio relinquitur ; nulla remanet forma , et species externi muneris , ac regiminis . Notum porro est , nec dissentit Febronius , Christum visibilem Ecclesiam
 fun-

fundasse visibili auctoritate regendam, visibilibus officiis administrandam; Cujus proinde potestatis Ministerium Spirituale dicitur, non quod externam actionem excludat, sed quod ad Spiritualem finem referatur. Ad essentiam Religionis, et Ecclesiasticæ Potestatis pertinet externi Cultûs Professio; pertinet prædicandi, ac docendi munus quum ipsiusmet Christi mandato: *Euntes docete etc.*, tum Apostolorum exemplo, qui *publice docebant*: pertinet Sacramentorum Administratio, quæ tamen in Corporeâ materiâ, et actione versantur; pertinet Rituum, et Caeremoniarum instituendarum Potestas; Sacerdotum, et Fideiium Conventus ad Mystéria celebranda; Ministrorum ad Sacras Functiones, aliæque religiosa munia Ordinatio, et Designatio. Atque hæc, et his similia ex ipsismet sacris litteris eruuntur apertissime.

Quin etiâ, nec dissentiente *Febonio* p. 22., ad Ecclesiam jure Divino spectat vera regiminis auctoritas, quæ legiferam, judicariam, coercitivam potestatem complectitur. Atque ad id jus non dubitat referre poenas Canonicas, quibus Rei subiciebantur; quæque nihilominus non bonorum dumtaxat Spiritualium privationem, sed et corporcas afflictationes plerumque inferebant. Quæ omnia si et Christi mandato, et Apostolorum, Canonumque institutis Ecclesiæ convenire omnino convincuntur, fatendum, hanc esse vim, naturamque Potestatis Ecclesiasticæ, ut, licet pro fine, in quem spectat, Spiritalis dicatur, et sit; prorsus tamen visibili, externoque ministerio exerceri valeat, ac debeat.

Quid ergo Catholico Viro sentiendum de homine, qui hoc externum, ac visibile ministerium, quod in constituendâ disciplinâ versatur, non aliter Ecclesiæ liberum, atque a Secularis Potestatis inspectione, et jure immune relinquat, nisi sub hac conditione, quod sit *civiliter indifferens*: Soli autem Seculari Potestati Civilis hujus indifferentiæ cognitionem, ac judicium attribuat? Videndum ergo *Febonio*, quid de se judicari velit: an quod ille mere *Spirituale* dicit, sic intelligi jubeat, ut quidquid est externum, excludat; eoque nomine a nativo Ecclesiæ jure submoveat? Et si quid externum in disciplinâ nativo Ecclesiæ juri concedit, id ipsum non aliâ lege concedat, nisi quatenus non sit civiliter indifferens? Quo posito quum nil fere sit exter-

ternum, quod hoc nomine Secularis Potestas, quandocumque libuerit, ad se trahere non valeat, jam vix ullum relinquetur externi muneris, aut disciplinae officium, quod Seculari Potestati non subjiçiat. Non ignorat Febronius, multa disciplinae capita fuisse jam ab Apostolis, eorumque proximis Successoribus constituta, quae tum Secularis Potestas non velut civiliter indifferentia habuit, immo severissime interdixit. Statuat ergo Febronius, num jure suo, ac legitime id facere potuerit. Quidquid dixerit, sane lubrico in loco versabitur.

Superest, ut pauca dicamus de quinque monitis, quibus ille Commentario suo finem imponit.

Primum: „ Quae plurimum Saeculorum usu, atque ita tacito „ saltem Ecclesiae consensu Apostolicae Sedi obvenerunt reser- „ vata *accidental*ia, ea illi citra contrarium universalis Eccle- „ siae consensum, sive in Concilio, sive extra illud retrahi non „ possunt. Sic docuit *Claudius Fleury Discursus 12. in Hist. „ Eccles.* „ His auditis verbis facile quisquam existimaret, huic Fleurii sententiae Febronium adscriptorem sese adjungere; et quoddam reservata, quae vocat, accidental^{ia} (quam vocem nescio quo ex Canone arripuerit), nolle Sedem Apostolicam ab eo possessionis statu dimovere, in quo eam vel Fleurius ipse relinquere non dubitaverit. Verum hanc veniam Sedes Apostolica haud facile a Febronio impetrabit. Forte Canonem aliquem primus ipse reperit, qui Claudii Fleurii diligentiam subterfugerit. Utique. En Febronianum Canonem... Insinuavit tamen mihi nuper Vir dignitate Ecclesiastica, et muneribus publicis conspicuus, sed a sublimiore juris Canonici scientia, atque prudentia Orbi notior: Non dispicere se, quare insignior quaedam Ecclesia. V.G. Germanica, Gallica etc. non valeat pro propria sua, suaeque Gentis, et ea quidem evidente utilitate Spirituali in accidentalibus his disciplinae articulis etiam non consentiente Romano Pontifice aliquid immutare, et ad pristinum morem reducere. Verum illud ego aliis discutiendum relinquo. „ Ergo quod Vir quispiam, sive doctus, sive aliter dixerit, se non dispicere, in ea nuper insinuatâ Viri istius non perspicentia satis causae Febronius putabit, ut saltem in discrimen, et dubitationem adducat, quod sit universalis Ecclesiae usu receptum?

Alterum monitum: „ Dum quaestio oritur, an hoc, illudve

Epi-

„ Episcopale, vel Papale Decretum, sive Constitutum in suâ
 „ executione Reipublicae noceat, penes solum Principem est
 „ iudicium; quippe qui rerum publicarum utilitates, vel damna
 „ ponderare, et de iis definire habet. „ Quod hic enuntiat Fe-
 „ bronius generatim, et universe de Papalibus, aut Episcopalibus
 „ Decretis, et Constitutis quoad executionem, idem eâdem de
 „ causâ, eodem jure transferri potuisset ad Apostolica, et alia
 „ Ecclesiastica Decreta, quae olim per trecentos annos in Eccle-
 „ siâ obtinuerunt. Id porro, quemadmodum *Duce Canone* probari
 „ possit, Febronio dispiciendum relinquimus.

Tertium: „ Quum ambae Potestates, Ecclesiastica, et Ci-
 „ vilis Supremae, et a se invicem independentes sint, sic extra
 „ jam memoratum casum orto inter utramque gravi dubio,
 „ controversiâ, seu iurium collisione ea, uti fit in statu natu-
 „ rali, amicâ compositione tollenda erunt. „ At per memora-
 „ tum casum Ecclesiastica Potestas Civili Potestati, quodcum-
 „ que huic libuerit, in summis, ac fere omnibus disciplinae capi-
 „ tibus subijci poterit, atque adeo propositae huic amicae com-
 „ positioni vix locus relinquitur.

In quarto agit de jure Principis ad protegendos *contra vio-*
lentiam Subditos suos oppressos, si contingat, Iudices Ecclesia-
sticos suâ potestate abutentes Subditos Regis violenter opprimere.
 Eo casu Febronius ait: „ Nequaquam ab officio Regis alienum
 „ fore, etiam illis contra has violentias Regiam protectionem
 „ annuere, et manum auxiliatricem extendere. „ Equidem haud
 „ alienum est ab officio Regis Subditos suos tueri adversus injustam
 „ violentiam ab iuquo etiam Ecclesiastico Iudice illatam. Verum
 „ Religioso Principi facultas non deerit, ipsaque Religio viam, ra-
 „ tionemque praescribet, quâ et efficaciter, et nullo Religionis,
 „ Ecclesiae detrimento Patrocinium suum ad Canonicam inju-
 „ riae reparationem interponere, atque adhibere valeat. Consu-
 „ lendae porro animadversiones in *Cap. 2. Synopsi Hist. Eccles.*
IV. Saeculi Natalis Alexandri §. 3., ubi latius eâ de re disseritur.

Quintum: „ In iis causis temporalibus, in quibus exemptio
 „ Clericis ab Imperatore concessa, et facultas iudicandi Consi-
 „ storialis Ecclesiasticis tributa est, Consistoria nomine Imperan-
 „ tis, non Ecclesiae iudicant. „ Cujus generis sint Causae
 „ istae temporales Febronius non explicat; Suspicionem aliquam

non

non bene affecti animi movere possunt, quae quum multis locis, tum in superioris Positionis explicatione commemoravit de Cleri exemptione a iudicio Civili, de Foro Ecclesiastico exteriore, de jure Asyli; breviter illa quidem, et ex multorum, ut ait, Doctorum sententiâ, sic tamen, ut viam aliquam muniant ad ea tollenda, quae firmissime retinenda Canones omni tempore sanxerunt. Quam dispar sit de hisce rebus, deque universâ pene Ecclesiasticâ jurisdictione Febronii, ac Tridentini praesertim Concilii mens, et sententia, plus forte, quam opus foret, quum ex aliis locis, tum ex hoc ipso Commentario conjici, seu potius perspicui potest. Quod si par est credere, Sacram Eucumenicam Tridentinam Synodum suis in condendis Decretis Divini ejus Spiritûs afflatu gubernatam esse, in quo illa fuit legitime congregata; si ex aliâ parte alius fuit in hoc scribendo Commentario Febronii sensus; quo ille Spiritu inductus sit ad scribendum, Ecclesiastico, an alieno, aliorum sit potius, quam meum iudicium. Unum velim, pro sincerâ dilectione, qua Eum velut Fratrem complector, velim, inquam, Febronium non pigeat ad Trevirenses Historiam Myriophitani Episcopi sese referre. Ponat sibi ante oculos Praesules illos Sanctissimos, quos, ut supra vidimus, meritis ille laudibus extollit, qui spectatissimam Trevirenses Ecclesiam Sanctitate, Doctrinâ, Miraculis (cur etenim res tam praeclaras, neque unquam obliterandas memoriâ non saepius repetamus, ac celebremus?) illustrarunt; Cogitet, quid illi senserint de Ecclesiasticâ libertate, potestate, in omnibus causis Ecclesiasticis immunitate; quae ab illâ priscâ origine de Romani Pontificis Primatu, et Auctoritate Traditio, et Sententia fuerit amplissimae Trevirensis Ecclesiae. Demum statuatur, utrum dignius Episcopo sit ex sacris illis fontibus, an ex turbidis Launoji, Dupinii, quorum hominum nulla unquam fuit in Ecclesiâ auctoritas, turbidis plane rivulis, de summis illis Doctrinae, ac Disciplinae Capitibus, quae ille tractanda instituit, veram, et sanam sentiendi rationem haurire.

F I N I S

A. a

AD:

ADDITAMENTA

r. ADDIT. AD PAG. 5.

Verb. *Civiliter Indifferentia* lin. 22:

Absit, ut universe Suspiciosum habeatur quidquid non quidem vi suâ, sed pro ratione sui generis dici aliquo pacto valeat *civiliter non indifferens*. Evolvenda proinde ambiguitas, quae in hac suboscurâ et indefinitâ Febronii Sententiâ latere videtur, ne quisquam minus acriter intelligens inani quâdam specie veri deceptus in fraudem inducatur. Itaque si genus ipsum spectes, non immeritò dixeris, earum rerum, quae ad humanae vitae cultum pertinent, procuracionem pro communi utilitate illorum potestati subijci, qui praesunt Reipublicae; proptereaque, si genus ipsum spectes, recte dici hoc valeat *civiliter non indifferens*.

Verum multa sub eo genere sunt, quae quum nullum offensionis periculum afferant, sic in liberâ omnium facultate esse censentur, ut illis jure suo quisque utatur, prout libitum sibi fuerit. Nec sane quidquam interest Reipublicae, quibus quisque frugibus, quae palam veneunt; carne, an oleribus vesci malit; propriis, an conductis aedibus habitet; nitidior, an obsoletiore veste indutus incedat; fictis, an suis capillis utatur; ut infinita alia praeteream, quae nullo se offerunt in humano convictu, quaeque singulorum arbitrio Populorum omnium legibus, ac moribus permittuntur.

Sed, ut grandiora exempla promamus, quae propius institutum nostrum attingunt; Certe Christus Dominus, ac legislator noster Sacram Encharistiam, quâ nihil in Religione Sanctius, in pane triticeo, ac vino de vite et confecit ipse, et in omne futurum tempus conficiendam praecepit: De oleo cum oratione ad salutem infirmorum subsidium a Presbyteris Ecclesiae adhibendo extat Divinum a Jacobo promulgatum institutum: Aflatu Spiritûs Sancti lex ab Apostolis condita est abstinentiae a suffocato, et sanguine: Conveniendi ad Sacram Mensam ordinem, ac modum praescripsit Apostolus: Sanctissimi Christi Martyres palam saepe

A a 2.

peo-

professi sunt, sibi nefas esse non ad *Collectam*, seu *Dominicum*, quod vocabant, convenire; seque mori potius paratos esse, ostendebant, quam id officii desererent, a quo ex Religione contemptu abstinere jubebantur; quâ de re praeclarum extat Augustini testimonium (Brevic. Collat. cum Donatistis sub die 3. c. 17.). Qui tamen conventus ita peragebantur, ut post diligentem investigationem Plinius ipse junior testatum reliquerit, nihil se in illis comperisse, quod vel minimam suspicionem afferre posset; quin potius Christianos ad cultum Christo, velut Deo, tribuendum convenire statâ die consuevisse, ut inde ad severiorem quamdam innocentiae, modestiae, probitatis, continentiae legem sese adstringerent.

Hinc jam quaero ex Febronio, num propterea quia panis, vinum, oleum, suffocatum, et Sanguis, alia hujusmodi, quae commemorata sunt, sub eo genere contineatur, quod genus per sese dicitur, et est *civiliter non indifferens*, num, inquam, existimandum sit, non potuisse Christum sine Reip. injuriâ Eucharistiam in pane, et vino conficere, conficiendamque praecipere? Fasque adeo esse publicae Potestati praescriptam a Christo materiam immutare; aut abstinenciae legem, sive quam Divino afflante Spiritu Apostoli tulerunt, sive quam ei postmodum Ecclesia substituit, abrogare; an potius ipsismet Imperantibus, qui se Filios Ecclesiae profitentur, religioni esse debeat, Sacras istas, piasque institutiones non amplecti modo, verum et totis viribus tueri, ac defendere, quae quum per se ad pietatis studium, morumque honestatem promovendam pertinent, valentque plurimum; tum et id efficiunt, ut communi religionis vinculo adstricti Populi, communibusque salutaris disciplinae legibus parere assueti, hoc ipso ad reliqua omnia vitae civilis munia obeunda paratiores, atque erga legitimae cujusvis potestatis jussa, et imperia obsequentiores evadant? Quâ de re si unquam alias, hoc certe tempore dubitare nefas, quum ex perruptis Sacrorum juri-
bus celerem adeo videamus progressum factum esse ad jura omnia invadenda, et pervertenda, quibus omnis bene constituta Reip. gubernatio continetur.

AD-

2. ADDIT. AD EXTREMAM PAGINAM 22.

Contigit haud raro, ut quae loquendi formulae apud veteres omni suspitione vacabant, tum demum in suspicionem meritò venerint, posteaquam novandi cupidi homines in pravam eas sensum inflectere coeperunt. Profecto quam ex veterum Theologorum Sententiâ V. Bellarminus Monarchici regiminis formam in Ecclesiasticâ Hierarchiâ descripsit, aliquâ tamen Aristocratiae specie temperatam, nihil sane per eam detractum voluit de Supremâ eâ Romani Pontificis in universâ regendâ Ecclesia auctoritate, quam ille tam docte, tam copiose, invicteque asseruit, quae nimirum numeros omnes habeat verae, perfectaeque Monarchiae; quod satis liquere arbitror ex his, quae ad hujusce loci explanationem superius dicta sunt. Nunc vero quum tot iniqui Pontificiae Auctoritatis obrectatores illam Aristocratiae admistionem sic per summam calumniam interpretentur, ut non alias Pontifici partes in Ecclesiae regimine relinquant; quam quae propriae sunt Principis Senatûs, seu publici Consilii in Republicâ mere Aristocraticâ, jure, ac meritò censent praestantes Theologi, quo errori aditus omnis praecludatur, ab usurpatâ dudum sine discrimine loquendi formulâ, nunc in gravem suspensionem adductâ, penitus abstinendum, simplicisque Monarchiae vocabulo Supremam, quae in Primatu inest, regiminis auctoritatem designandam.

3. ADDIT. AD INIT. Animad. in Pos. 2. pag. 27.

„ Quas Claves Christus Petro dedit principaliter, eas caeteris quoque Apostolis, et eodem quidem actu a Christo datas esse, „ Sententia est Febronii, quam ille paucis, quas profert Patrum auctoritatibus, satis comprobata putat. Quae tamen auctoritates aperte quidem confirmant, Claves *principaliter* Petro datas esse; non item uno, eodemque actu ceteris quoque datas.

Certe ab hac Sententiâ penitus dissentit Cl. Bossuetius; quodque notandum est, celebri eo Serm. *de Unitate*, quem habuit in Comitibus Cleri Gallicani an. 1682. Nimirum animadvertit, Christum

stum, qui Petro dixit: *Quodcumque ligaveris etc.*: hoc idem et ceteris Apostolis dixisse; et insuper: *quorum remiseritis etc.* An vero uno, eodemque actu? Immo ex contextu ipso manifestum; ait, apparere consilium Christi (quo Mysterium unitatis completurus non jam plures, sed unum, et solum Petrum singulariter alloquitur), consilium, inquam, fuisse Christi, „ ut uni „ primitus largiretur, quod pluribus erat postmodum largiturus; „ sic tamen, ut posterior concessio nil de priorē detraheret, nec „ ille, qui primū appellatus fuerat, „ locum suum amitteret: „ Primum, (pergit Bossuet) illud verbum: *quodcumque ligaveris*: uni dictum hoc ipso sub ejus potestatem redegit ceteros, quibus postea dicturus erat: *quorum remiseritis etc.* „ Quippe promissa Christi non secus, ac ejus dona, sunt sine poenitentia; quodque semel indefinite, et universe datum est, irrevocabile est: praeterquam quod in potestate, quae in plures dividitur, partitio suam secum ipsa restrictionem affert: Contra vero potestas, quae et uni datur, et super omnes, et sine ullā exceptione datur, infert plenitudinem; et sicut omnis est expertus partitionis, non alios habet limites, quam quos regula praescribit. „ Atque hoc ipsum confirmat Bossuetius luculentis Patrum auctoritatibus, quibus edocemur, Ecclesiasticam auctoritatem primitus in Petro uno, et solo constitutam non aliter in alios fuisse subinde dispersitam, quam sub eā conditione, ut ad suae unitatis principium perpetuo revocaretur, atque omnes, a quibus exercenda foret omni consequenti tempore, ipsi eidem Cathedrae indissolubili vinculo devincti manerent.

Praeclarae hujusce doctrinae, quam ex Evangelio ductam, Patrum auctoritate roboratam Cl. Antistes latius exposuit, summa refertur ad haec duo capita. 1. Ecclesiasticae potestatis plenitudinem super omnes, et sine ullā exceptione uni, et soli Petro primitus a Christo datam; idque antea, quam in alios Apostolos diffunderetur: quo uno refellitur Sententia Febronii agentis, uno, eodemque actu potestatem Clavium Petro, et ceteris Apostolis datam esse.

2. Per illam partitionem, quā potestas Clavium in ceteros Apostolos deinceps diffusa est, nil detractum fuisse de potestatis plenitudine, quae primitus in uno, soloque Petro vixit sine ullā
exce-

exceptione super ipsosmet Apostolos, quos Christus primâ illâ singulari alloquutione Petro subjecerat.

Quid ex duobus hisce capitibus consequens sit, patet jam per se se. 1. Si primitûs in uno Petro tota vigit plenitudo Ecclesiasticae potestatis, tum profecto unus Petrus utpote solus Dux, et Pastor universi Gregis ordinariam certe, et immediatam in universâ Ecclesiâ jurisdictionis potestatem obtinuit. 2. Si partitio, quae subinde facta est in ceteros Apostolos, nil detraxit de pristinâ illâ plenitudine in solo Petro primitûs collocatâ, certe Petrus, posteaquam ceteri etiam Apostoli potestatem Clavium accepere, totam quoque retinuit pristinam illam super universum Gregem ordinariae, et immediatae jurisdictionis amplitudinem, quam cum plenitudine potestatis super omnes, et sine ullâ exceptione primitûs acceperat.

Tota vis argumentationis ex hoc uno capite pendet, quod praeclare est a Bossuetio constitutum, Petrum ante omnes ceteros Apostolos potestate Clavium a Christo donatum fuisse. Quo loco mirum profecto, Adversariis nostris, dum Primatum Petri obscurare moliuntur, talia excidisse, quae plane convincunt contra ipsos, totam vim Ecclesiasticae potestatis in uno Petro primitûs reapse constitisse! Auctor libelli, cui mendacissimâ inscriptione titulus additus est: *Vox veritatis*, extremâ p. 66. scribit, notatum ab Augustino fuisse, „ festo die illo, quo celebratur Cathedra S. Petri, honorari Cathedram Episcopalem, quam Petrus ipse primus conscendit, in eademque honorari Sacerdotale Ministerium, quasi hoc vellet intelligi, omnes Episcopos, Pastores omnes in eâ ipsâ Cathedrâ sedere, in quâ Petrus est primus collocatus. „ Luculentius etiam alterius libelli Auctor, cui titulus: *Riflessioni sopra il Breve &c.*, cujus haec verba sunt §. 58, „ Quemadmodum Epist. 71. et 73., et lib. de *Unitate Ecclesiae* docet S. Martyr Cyprianus, ante ceteros omnes Apostolos ab Jesu Christo S. Petrus accepit Sacerdotium, et solus inter omnes, ac pro omnibus Clavium potestatem accepit, ut hoc pacto significaretur Sacerdotalis unitas. „ Profecto si S. Petrus Cathedram Episcopalem primus conscendit; si primus in eâ collocatus fuit; ergo antequam alii conscenderent, primus, et solus Cathedram Episcopalem Petrus tenere debuit; atque adeo in se potestatem colligere, quae in totâ vigit Cathedrâ Epi-

Episcopali. Rursum si Petrus Auctore SSmo Martyre Cyprianò primus, et ante ceteros omnes Apostolos Sacerdotium accepit a Jesu Christo, tempus ergo fuit aliquod, quo tempore, quum solus totà potiretur in toto Grege Sacerdotii plenitudine, totam quoque habuit in totà Ecclesià ordinariam, et immediatam jurisdictionem, cujus nemo adhuc alius particeps effectus fuerat.

Ac ne quis in hujusce Sacerdotii, de quo hic agitur, intelligentià haereat forte, aut aberret; notandum, duplicem esse in Sacerdotio vim, et potestatem; unam in Corpus Christi verum, quae communis est totius Ordinis Sacerdotum etiam inferiorum, quam Apostolos omnes accepisse in Coenà, Sacerdotesque a Christo constitutos esse constat ex Tridentino Sess. 22. Can. 2. Alteram in Corpus Christi Mysticum, quae quum ad regimen pertineat, potestas dicitur jurisdictionis, eaque nimirum in Episcopatu, tamquam in Sacerdotii plenitudine potissimum eminet. De hac intelligendus Tertullianus, quum ante Cyprianum scripsit (Scorp. c. 10.): „Claves Dominum Petro, et per eum Ecclesiae reliquisse: „Cyprianus in Tertulliani scriptis multum versatus: Optatus Milevitanus de Schism. Donatist. l. 7. c. 3. docens, „Petrum praeferrì Apostolis omnibus meruisse, et Claves Regni Coelorum communicandas caeteris Solum accepisse. „Quo et referri possunt celebres illae Sententiae Siricii (Epist. 5. ap. Coustant): „quum in unum plurimi Fratres convenissemus ad „Sancti Apostoli Petri reliquias, per quem et Apostolatus, et „Episcopatus in Christo coepit exordium; „Innocentii I. (Ep. 2. num. 2. ap. Coustant): „Incipiamus igitur adjuvante Sancto Apostolo Petro, per quem et Apostolatus, et Episcopatus in Christo coepit exordium; „Caesarii Arelatensis Symmacho Papae scribentis Epist. 14. num. 2.: „Sicut a personà beati Petri Apostoli Episcopatus sumit exordium &c. „

Nunc, ut ad Bossuetium redeamus, unde tota haec disserendi ratio profecta est, summa doctrinae Cl. Antistitis hac brevi conclusione comprehenditur: Uni, et soli Petro primitus data est a Christo potestatis plenitudo super omnes, et sine ullà exceptione: Primitus ergo Petrus habuit ordinariam, et immediatam jurisdictionem super universum Gregem, ac nominatim in ipsosmet etiam Apostolos, quos alloquutione illà primà Christus sub Petri potestatem redegerat. Atqui nil postea detractum est de totà illà potestate.

testatis plenitudine, quam semel, et sine poenitentia Christus in Petrum contulit. Ergo si primitus Petrus cum potestatis plenitudine ordinariam super omnes, et immediatam jurisdictionem accepit, eam postmodum in Successores prorogandam retinuit.

Quæ quidem datâ occasione præmunienda censuimus, in ea deinceps loca transferenda, quibus de potestate jurisdictionis sermo recurrit.

4. ADDIT. AD PAG. 31. §. Quod attinet &c.

Fatetur Febronius, quod per sese perspicuum est, poenas Canonicas ab Ecclesiâ jure suo statutas fuisse: quippe quæ a primis jam Ecclesiæ Saeculis decretæ fuerint, quo tempore quum Ecclesia modis omnibus a Saeculi Principibus vexaretur, nihil sane juris, aut potestatis veniâ eorum, vel concessione nancisci potuit. Porro poenae istae Canonicae Canonum auctoritate publice in Ecclesiâ sancitæ non in solâ interiori poenitentis animæ castigatione sistebant, sed et reos ipsos in exteriori judicio convictos, vel confessos publicis corporalibus afflictationibus perfrendis addicebant; Quas justas, debitasque poenas persolvere illi tenebantur, quibus erant impositæ, ut eas per contumaciam evadere non possent, quin se novo scelere obstringerent. Quo patet, quam alienum sit, quod ab Ecclesiasticae auctoritatis obrectatoribus asserri solet, primis illis temporibus liberum fuisse, prout cuique libuisset, poenis indictis subicere sese, aut subtrahere; Nec enim, si de justâ libertate agitur, libera dici valet justî præcepti violatio; Nec impositâ lege solutus, ac liber est existimandus, qui, etsi possit impune non parere, non ideo solvere se potest obligatione parendi. Nulla quippe justâ libertas contra præcepti obligationem. Propterea, si quibus erat imposita poena Canonica, latae in eos Sententiæ parere tenebantur, debita hæc in subjectis parendi obligatio vigentem in Praepositis demonstrat ferendæ Sententiæ auctoritatem legitimam. Quo magis, magisque constat, a Deo in Ecclesiam manasse potestatem, quâ semper usa est, disciplinae non modo constituendæ, sed et consentaneis poenis sauciendæ, quam absonum foret Principum indulgentiæ in illis primordiis acceptam referre.

Nonnihil etiam ambiguitatis habet, quod subjungit Febronius, *privationem. juris. Christianae Societatis*, quâ excommunicatio continetur, *ea dumtaxat bona spectare, quae a Societate istâ quâ tali promanant*. Nam si hoc ita vult intelligi, quasi excommunicatio non aliam privationem inducat, quam ut excommunicatus a Sacramentorum perceptione, et a communione in Divinis cum Fidelibus arceatur, profecto repugnat Apostolicae Sanctioni, quâ excommunicati a civili etiam fidelium consociatione arcantur; cujus exterioris poenae infligendae auctoritatem Ecclesiae non denegabit, quisquis meminerit Apostolici praecepti: *cum ejusmodi nec cibum sumere*; atque ut est apud Johan.: *Nec ave ei dixeritis*. Quâ in re perimulis Ecclesiae legibus, et a doctissimis Viris diligenter, et accurate pertractatâ non est hujus loci diutius immorari..

6. ADDIT. AD INIT. Animad. pag. 32..

Nil antea rotandum censueram in eo, quod non et Febronius, Romanum Pontificem, dum Caput Ecclesiae dicitur, non caput *Essentiale*, ac principale, quod Christus est, intelligi oportere, sed *Ministeriale*: Quippe ex antecedentibus recte id intellectum a Febronio videri poterat. At mirum, quanto studio proximis hisce temporibus distinctionem illam urgere coeperint Pontificii Primatus Oppugnatores rati, se terrificum quid in illo *Ministerialis* Capitis vocabulo reperisse, quo ea, quae inest in Capitulis appellatione, dignitatis amplitudo non imminuatur modo, sed et penitus dejiciatur! Inepti, qui se tam insolenter jactant in unius captiosae vocis ambiguitate, quae nullo negotio depellitur. Etenim ministerialis isthaec appellatio una est ex illis vocibus, quae ad aliud referuntur, ut proinde, quae sit cujusve ministerialis officii ratio, intelligi nequeat, nisi perspectum sit, quo principali auctore, cujusve muneris fungendi causâ sit illud ministerium demandatum. Quare ad rectam hujusce appellationis intelligentiam, quum Romano Pontifici tribuitur, quaerendum ante omnia est, cui principali auctori. et quâ
de

de caussâ sit Romani Pontificis ministerium referendum. Quæstio nec obscura, nec difficilis. Quippe idem est, ac quaerere, utrum ne Petrus a Christo, an ab Ecclesiâ Caput sit Ecclesiæ constitutus? Jam quis Catholicus dubitet, quin Petrus non a Grege, non a coetu Fidelium, non ab Apostolis, aut Discipulis, quos omnes prima Christi alloquutio illi subjecerit, sed ab ipsomet Christo fuerit Vicariâ potestate in terris relictus, qui Gregis pascendi, Fratres confirmandi, Ecclesiæ totius regendæ curam, ministeriumque susciperet? Quod si verum est dicere de Petro, verum quoque necesse est esse de Petri Successoribus Romanis Pontificibus, in quos transit eadem ministerii potestas, quam a Christo Petrus accepit. Ita scilicet a Concilio Florentino definitum est: „ Sanctam Apostolicam Sedem, et Romanum Pontificem in universum Orbem tenere Primatum, et ipsum Pontificem Romanum Successorem esse B. Petri Principis Apostolorum, et verum Christi Vicarium, totiusque Ecclesiæ Caput, et omnium Christianorum Patrem, ac Doctorem existere; et ipsi in beato Petro pascendi, regendi, ac gubernandi Universalem Ecclesiam a Domino Nostro Jesu Christo plenam potestatem traditam esse. „ Capituli ergo ministerialis tota vis, et ratio in Petro, Petrique Successoribus hoc unum prae se fert; Petrum prae ceteris electum ceu Christi verum Vicarium, et Ministrum, qui Christi vice, nomine, ac potestate ab uno principali Auctore Christo accepta toti Ecclesiæ regendæ, et gubernandæ præficeretur.

Atque hoc ipsum de Petri Successoribus Romanis Pontificibus ex aequo valere, si forte minùs auctoritate Florentini Decreti adversariis nostris persuadere possumus, auctoritatem certe non detrectabunt Auctoris ejus *Defensionis*, quem tamquam Syrus *Ecclesiæ recentius nunquam se deserturum* Febronius ipse profiteatur Posit. 11. p. 72., Eum igitur, velim, audiant sic scribentem Part. 3. lib. 10. c. 5.: Romanam Ecclesiam ex auctoritate, atque Apostolicâ Traditione eo jure, eâ dignitate esse, ut quemcumque sibi, eundem etiam Ecclesiæ universae Duxem, Pastoremque eligat. Quod si ex Apostolicâ Traditione id juris habet Romana Sedes, ut qui ei præficitur, hoc ipso Dux, et Pastor Ecclesiæ universae constitutus intelligatur, profecto et hoc intelligitur, humano quidem facto evenire, ut unus prae alio Pontifex Romanus eligatur, non tamen humano, ac mutabili, sed plane Divino, et immutabili

ure statim esse, ut qui est in Petri Sede locatus, ut Christi Vicarius, ac Minister, non secus ac Petrus, totâque Petri a Christo acceptâ auctoritate toti praesit Ecclesiae.

Hâc significatione, quae una se offert Catholicis auribus, Catholici Doctores, qui hanc vocem Capitis *ministerialis* interdum usurparunt, non aliud conceptum animo gerebant, quam hoc unum, quod dictum est, Petrum hoc ipso, quod Vicarii, atque adeo Ministri Christi personam gereret, vicariâ quoque, atque adeo *ministeriali* a Christo tamquam principali auctore acceptâ potestate in Ecclesiâ regendâ praeditum fuisse. Qui vero nativam hanc significationem in alienam per insignem fraudem detorquent, quasi Petri Successores non, ut Petrus, immediate a Christo, sed ab Ecclesiâ ministerii potestatem accipiant, quo in Ecclesiae gubernatione funguntur, ii turpiter, et impie desciscere convincuntur a Verbi Divini quum scripti, tum traditi auctoritate, quam permultis prolatis, iisdemque aptissimis testimoniis Febronius ipsemet Posit. 1. luculenter asseruit.

Quamquam nec a Pontificiae dignitatis amplitudine alienum est, ut hâc significatione Pontifex dicatur Ecclesiae Minister, quatenus non pro se, sed pro Ecclesiâ ministerii potestas est a Christo instituta. Quod et Apostoli testimonio declarari potest (Colos. 1. v. 7.): *Sicut didicistis ab Epaphrâ charissimo conseruo nostro, qui est fidelis pro vobis Minister Christi Jesu*: quo a Christo profecta ostenditur ministerii potestas, quam per Pauli missionem Epaphras acceperat. Additur: *et pro vobis*, quo declaratur pro salute quidem Fidelium, non tamen a Coetu Fidelium ministerii munus illis esse demandatum, qui regendis Ecclesiis ex Christi instituto ab Apostolis praeficiebantur.

7. ADDIT. AD PAG. 45. §. Quae et si perspicua etc. *lin. ult.*

Ad testimonia, quae ex Thomassino, et Natali Alexandro protulimus, alia liceat adjungere petita quum ex certis Bossueti operibus, tum ex ipsâmet *Defensione*, quae vulgo, nec sine aliquâ cl. Antistitis injuriâ, ei tribuitur.

Duo ille in primis docet digna, quae suis momentis accuratissime ponderentur. Ac primûm quidem, unitatis Catholicae vinculum communionem cum Sede Apostolicâ maxime contineri; quod et universa Ecclesia Patrum edocta traditione constantissime profitetur.

AL.

Alterum est, quod eximio libello *Refutationis Catechismi Pauli Ferry* Sect. 1. Cap. 1., cui titulus *Prima Veritas*, jactat velut fundamentum totius disputationis, vim hanc, et rationem esse Communione Ecclesiasticae, cujus necessitatem heterodoxus ille fatebatur, ut consensionem *in credendo* prorsus requirat: *Qui communionem dicit*, (verba sunt Bossuetii) *societatem dicit fidei: quippe firmissimum vinculum, quo Ecclesiastica communio adstringitur, professio est unius, ejusdemque fidei.*

Hoc ipsum luculenter confirmant, quae scripta leguntur in *Defens. Part. 3. l. 10. c. 6.*, quo loco de Petri Cathedrâ Romae constitutâ speciatim disserens ait: „ Quae proinde Cathedra, „ si concidere posset; fieretque jam Cathedra non veritatis, sed „ erroris, et pestilentiae, Ecclesia ipsa Catholica non haberet „ Societatis vinculum; jamque Schismatica, ac dissipata esset, „ quod non est possibile „.

His positis unâ, vel alterâ brevi conclusiunculâ tota res conficitur: Ex Bossuetio Communio cum Apostolicâ Romanâ Sede vinculum est unitatis Catholicae, cui proinde quisque inviolate adhaerere debeat; Sed hujusmodi communio secum ipsa infert consociationem in credendo, seu consensionem in fide. Ergo et haec in fide consensio cum Apostolicâ Romanâ Sede vinculum est potissimum Unitatis Catholicae, a quâ consensione proinde recedere nemo valeat, quin simul ab unitate discedat. Ad majorem explicationem alio modo, et quidem plane invicto; Si, quod Bossuetius velut Catholicum Dogma rite defendit, sancte adeo praescripta est cum Romanâ Sede communio, ut abrumpi haec nequeat, quin solvatur vinculum Societatis, unitatisve Catholicae; Si Auctore ipso eodem Bossuetio communio haec unius, ejusdemque fidei professione maxime continetur, istud profecto consequens est, ut, quemadmodum a communione cum Romanâ Sede, ita nec ab ipsius Romanae Sedis Fidei professione, nullo tempore, nullo casu liceat unquam desciscere. Liceret autem, si Romana Sedes aliquando in fide errare posset. Fieri ergo nunquam potest, ut erret aliquando in fide Romana Sedes.

Alterâ conclusio: Ex allatâ *Defensoris* doctrinâ si Cathedra Romae constituta desineret Cathedra esse veritatis, fieretque Cathedra erroris, Ecclesia ipsa Catholica jam non haberet Societatis vinculum, jamque schismatica, ac dissipata esset: Atqui nul-

lo unquam vel minimo temporis intervallo Ecclesia Catholica potest non habere Societatis vinculum ; Schismatica esse, ac dissipata . Ergo nullo unquam vel minimo temporis intervallo evenire potest, ut Romana Cathedra desinat esse Cathedra veritatis, fiatque Cathedra erroris, et pestilentiae . Quod profecto de nullâ aliâ singulari Cathedrâ dici potest .

Jam vero, si vel ipsum *Defensorem* audimus, Romanae Cathedrae fides neutiquam secerni potest a fide, quam in eâ Cathedrâ praedicant, ac docent Romani Pontifices ; quippe ait cap. 5. : „ Neque vero distinguimus a Romanorum Pontificum fide Romanae Ecclesiae fidem, quam scilicet non aliter, quam a Petro primô, atque a Petri Successoribus Romani didicerint „ . Ergo, nisi a se ipse dissentire velit, fatendum ei omnino est, quae de inviolatâ Ecclesiae Romanae fide superius conclusa sunt, perinde valere de fide, quam a Petro acceptam in ipsâ eâdem Sede, et Cathedrâ docent, ac praedicant Petri Successores, Romani Pontifices .

Nimirum illud est, quod ab Apostolicis usque temporibus gravissime docet, ac testatur summae Vir auctoritatis Lugdunensis Antistes Irenaeus l. 3. c. 3., Romanorum Pontificum ordinatione, et successione (quos ille a Petro ad Eleutherium singulatim recenset) eam, quae *ab Apostolis est traditio, et veritatis praeconatio* ad sua usque tempora pervenisse, quâ non exortae modo, sed exoriturae quandocumque haereses profligarentur . Quod si huic successioni Divinâ Ordinatione praeconium veritatis commendatum est ad ultima usque tempora propagandum, atque adversus omnes haereses valiturum, necesse est, ut, quemadmodum nullâ unquam erroris labe infici potest veritatis praeconatio, ita et ab omni semper suspicione erroris abesse successionem illam, .cujus praedicatione praeconium veritatis, ut a Petro ad Eleutherium, sic et ab Eleuthero ad extremum ad quasque perimendas haereses divinitus est comparatum .

Hoc nimirum est, quod et apertissime confirmat Petrus Chrysologus scribens ad Eutychem, *Petrum, qui in propriâ Sede vivit, et praesidet, praestare quaerentibus fidei veritatem* . Praestat autem, quum per Successores loquitur, qui, ut et ait *Defensor c. 5.*, accipiendi sunt tamquam una persona Petri .

Reverâ Petrum per Leonem loquentem Patres Chalcedonenses,

ser, Petrum loquentem per Agathonem Patres Constantinopolitani (CP. III. Oecum. 6. Act. 18. in Prosphon.) summâ, quâ par erat, veneratione audire se professi sunt: Nempe illi *formam*, quam sequerentur, a Petro per Leonem datam testantur: Isti vero, „ Summus, *inquirunt*, nobiscum concertabat Apostolorum Princeps: illius enim imitatore, et Sedis Successorem habuimus „ fautorem, et Divini Sacramenti mysterium illustrantem per „ litteras. Confessionem tibi a Deo scriptam illa Rômana anti- „ qua Civitas obtulit, et dogmatum diem a vespertinis partibus „ extulit; charta, et atramentum videbatur, et per Agathonem „ Petrus loquebatur „. An vero, qui per Superiores ad Leonem usque, et Agathonem loqui non desiit, in Successoribus aliis putabimus loqui desiisse, aut aliquando desitum esse, quandocumque in eadem Sede, ex eâdem Cathedrâ, atque ex ejusdem Cathedrae magisterio, in quâ vivit ille, et praesidet, munere sibi imposito funguntur fidei praedicandae, confirmandorum fratrum, Ecclesiae universae publice, et cum potestate docendae? Absit haec tam insana de illo cogitare, qui Pastor universi Gregis a Christo in aeternum constitutus suscepta Ecclesiae gubernacula nunquam dereliquit. (S. Leo Serm. 2. in Anniv.)

Nunc ut ad ea revertamur, quae superius ex opere *Defensionis* excerpta retulimus, quisquis paullo attentius advertere voluerit, haud aegre intelliget, quam parum sibi constet, immo quam inconsiderate secum ipse pugnet *Defensor* ille; qui, posteaquam promissioni Christi acceptum retulit, fidem in Romanâ Sede nunquam defecturam, non vereatur promissionis hujusce vim ita deinceps coercere, ut eam non ad singulos successores, sed ad totam seriem, ac velut successionis summam dumtaxat dicat, esse referendam: nihil scilicet fidei Romanae obesse, si aliquot Pontifices a verâ fide, eique conjunctâ professione aberrant, modo intelligatur, si *Praesidens aberraverit; errorem cum statim repellendum, neque coaliturum Stat quippe, pergit ille, Romana fides ab antecessoribus stabilita a successoribus statim vindicanda, atque ut in aliquibus vacillet, ant concidat, non tamen deficit in totum, quae statim revictura sit.*

Perperam omnino. Primùm animadvertere ille debuerat, promissum Christi, si quam vim habet, in eo, et in iis potissimum illam habere, cui, quibusve directò factum est promissum.

Atqui

Atqui promissum Christi : *Rogavi pro te, ut non deficiat fides tua* (Luc. 22.) : non ad Romanam plebem, seu gregem factum est, sed ad Petrum, quem singulariter alloquebatur, et in Petro ad Successores, qui fatente *Defensore* unam cum Petro personam constituunt. Igitur promissum illud Christi primariò, et per se in Petro, et in Petri Successoribus id praestat, quod Petro directe promissum est, fidem ejus nunquam defecturam : Secundariò vero in Ecclesiâ Romanâ, quatenus docendâ erat a Petro, ejusque Successoribus, eamque proinde fidem esset habitura, *quam a Petro primò, atque a Petri Successoribus Romani didicissent*. Quo manifeste patet, perpetuitatem fidei, quam in Romanâ Ecclesiâ nunquam defecturam *Defensor* agnoscit, a perpetuitate fidei pendere, quae Petro, Petrique, ac ipsius Successorum in eâ Ecclesiâ praesidentium magisterio directe, ac primariò promissa est.

2 Quod ait *Defensor*, promissum Christi ad totam successionis seriem, non ad singulos in successionem adscitos pertinere, commentum id est inane plane, ac futile. Quo enim jure sibi sumit, ut promissum, quod sine limitatione factum est a Christo, quâ ei placuerit, limitatione coëerceat? Quasi vis Christi, Summam totam successionis complectens, non eam sicut in toto, sic in singulis partibus ex aequo sustentare valeret. Quid? Quod ita ille concedit, unum, alterumve Pontificem errare posse, tamen ut id retineatur, *errorem eum statim repellendum* adeo, ut dici nequeat, *fidem illam penitus deficere, quae statim revictura sit*? Serio ne, an per jocum? Quid igitur? Sic nobis existimandum erit, Christum, qui pro sui promissi constantiâ continuo adsit, ut error *statim* repellatur, et labefactata fides *statim* reviviscat, non potiùs lapsuro subventurum, ne labatur? Quod si promissio Christi, fidem in successione Petri nunquam defecturam prorsus id postulat, ut collapsa quandocumque fides continuo reparetur, non id postulabit, ne ullo unquam tempore corruat? Commenta haec sunt optantium, non cogitata sapientium.

3 Recolat, quaeso *Defensor*, quam praeclare, quam constanter, ac prorsus invicte Cl. Bossuetius (Pastoralis suâ instructione de promissis Ecclesiae) perpetuitatem Ecclesiae, atque in Ecclesiâ veritatis perpetuitatem nunquam defecturam adversus heterodoxorum calumnias defendat, ac vindicet. Proferet illa in medium verba Christi Discipulos alloquentis (Matth. 20.) : *et Ec-*

ce ego

te ego vobiscum sum omnibus diebus usque ad consummationem Saeculi. Impium foret dubitare, quin Christus, qui et Omnipotens est, et fidelis, constanter id praestet, quod praestitutum se promisit. At, inquiet non nemo, nil obstat, quin Christi promissio intermissione aliquam patiatur. Immo vero, regerit Bossuetius, obstat ipsamet promittentis inviolata fides, et omnipotentia. Verba Christi clara sunt, perspicua sunt. Fieri nequit, ut vel puncto temporis praesentiam suam ab Ecclesiâ retrahat, cui se perpetuo praesentem futurum promisit.

At profecto non minus clara, non minus perspicua sunt verba Christi Petro promittentis, fidem ejus nunquam defecturam; quod promissum ad totam Successorum Seriem pertinere *Defensor* ipse non fatetur modo, sed et contendit. Proinde, si locus aliquis esse posset commentitiae illi suae interpretationi, quid respondendum haberet heterodoxo sic obloquente: Extat utique promissum Christi de fide non defecturâ in Ecclesiâ; sed etiam extare fateris promissum Christi de fide in successione Petri non defecturâ? Atqui, si te audio, hujusce promissi firmitati, et constantiae nil obest, quominus in successionem Petri errores identidem irreparent, modo ne series ex toto, et in perpetuum deficiat. Quidni igitur pari jure dici possit, nil obesse firmitati promissionis Christi de fide non defecturâ in Ecclesiâ, quin vera fides, veraeque fidei praedicatio per intervalla sic interdum obscuretur, ut nusquam appareat, modo simul dicatur Christus providisse, ut praestituto tempore post obscuracionem idonei Reformatores existant, quorum operâ, et studio depulsis errorum sordibus depressa veritas emergat?

Nunc vero si heterodoxos in hanc sententiam impie disscrentes Cl. Bossuetius acerrime refutavit; si ad firmitatem promissionum Christi retinendam hoc in primis pertinere, constantissime asseruit, ut firmum, ac perpetuum sine ullâ intermissione consistat, quod Christus in perpetuum promiserit, profecto liquet, quam ab hac mente, hisque Bossuetii sententiis alienum sit, quod persuadere nititur *Defensor*, firmitati promissionis Christi de fide nunquam defecturâ in Petro, quae ad totam successionem ipso fatente pertinet, nil obesse, quominus in successionis decursu praedicatio veritatis in Petri Sede identidem deficiat, modo ne in totâ successionis serie dilabatur penitus, et effluat,

C c

Dixi,

Dixi, Cl. Antistiti non sine aliquâ ejus injuriâ tribui opus *Defensionis* posse; quod ne temere dictum quis putet, documento mihi est aliquo comprobandum. Unum inter alia seligam, quod ex hoc ipso loco eruitur, unde nobis haec tota exorta est disputatio. Nempe *Defensor*, quò suam probet interpretationem, affert in primis exemplum Petri, quem dicere non veretur, incredulum fuisse, etiam postquam illud audivit: *Rogavi pro te, ut non deficiat fides tua*. Sunt haec ejus verba c. 5. „ Nam et Petrus negavit, et „ incredulus fuit, postquam etiam audivit illud: *Rogavi pro te, ut „ non deficiat fides tua*, sed statim exurgit confirmaturus fratres. „ &c. „ Itane vero? Non horruit *Defensor* immanem hunc errorem Bossuetio adscribere, Petrum incredulum fuisse, postquam etiam audivit: *Rogavi pro te &c.* Atqui nec dicere hoc *Defensor* potuit, quin ipse sibi turpiter, apertissimeque repugnaret, qui nimirum capite IV. proxime superiori prolata illâ precatione Christi: *Rogavi pro te &c.* ita disserit: „ Est enim primum Pe- „ trus singularis homo, cui Christus teste Augustino promise- „ rit: *ut haberet in fide liberrimam, fortissimam, invictissi- „ mam, perseverantissimam voluntatem*. „ (De Corrupt. et Gr.c.8. n.17.) Annon plane immemor sui, qui c.5. dicat, etiam post Christi precationem incredulum fuisse Petrum, quem c. 4. dixerit, atque Augustini auctoritate confirmaverit, eâ precatione adeptum esse, ut haberet in fide invictissimam, perseverantissimamque voluntatem? Cui testimonio consentaneum aliud est, nec minus insigne (lib. 1. cont. mendac. c. 6. n. 13.) „ Quis ita „ evanescat, ut existimet, Apostolum Petrum hoc habuisse in „ corde, quod in ore, quando Christum negavit? Nempe in il- „ lâ negatione intus veritatem tenebat, et foris mendacium praeferebat. „ In eandem Sententiam Bossuetius ipse (Medit. in Evang.) exponens illud Lucae 22.: *Ego autem rogavi &c.* „ Quis, „ inquit, dubitare valeat, quin hac precatione Petrus acceperit „ fidem constantem, invictam, immobilem, et insuper adeo „ abundantem, ut potis esset confirmare non vulgus tantum Fi- „ delium, sed et Fratres suos Apostolos, ac Pastores Gregis? „ Quibus perspectis temere dictum videri non debet, Bossuetio sine aliquâ ejus injuriâ tribui opus non posse, in quo perhibetur ille tale quid existimasse, quod teste Augustino existimare nemo queat, quin prorsus desipiat; quodque suis verbis Bossuetius ipse aperte

aperte refutaverit. Quo plane confirmatur huic *Defensionis* operi, siquidem a Bossuetio informari coeptum est, alienae postmodum manûs operam accessisse, nec tamen ita cautam, ut fraus non ipsa se prodât.

Nec vero hic sistendum; sed insuper, quod magnopere interest, ostendendum, frustra actatis hujusce Novatores in hâc sententiâ Defensoris praesidium sibi quaerere, quo se se muniant adversûs tot illa Sedis Apostolicae dogmatica Decreta a Pio V. ad Pium usque VI. edita, quae obtrectatores isti velut non iniqua modo, sed et erroris plena per summam impudentiam calumniari, ac traducere non perhorrescunt. Duo nempe statuit *Defensor*; Unum ex ipsâ Evangelii litterâ petitum, perpetuâque Patrum consensione firmatum, promissum fuisse a Christo, verae fidei praedicationem in Petri successione non defecturam: Alterum, quod addit de suo, promissioni Christi non officere, quod identidem unus, alterve Pontifex a verae fidei praedicatione aberret, modo retineatur, *errorem eum statim* repellendum; ipsamque fidem, si quandoque iu aliquibus Pontificibus vacillet, aut concidat, ab eorum Successoribus *statim* vindicandam, *statimque* adeo revicturam. Tum subjungit: „ Neque porro aliter ad consummationem usque Saeculi in totâ „ Pontificum successione eventurum esse, certâ fide credimus. „ Sic itaque sentit *Defensor*, si quandoque cuiquam Pontifici error aliquis exciderit, *certâ fide* tenendum, fieri non posse, ut error in Successores propagetur, sed futurum omnino Domino providente, ut errore *statim* a Successoribus depulso violata fides *statim* reviviscat. Quam longe porro ab hâc sentiendi ratione discedunt Obtrectatores nostri, qui, dum Apostolicae Sedis dogmatica Decreta continuatâ successione, ut diximus, a Pio V. ad Pium VI. edita erroris insimulant, palam profitentur, id in Romanâ successione jam dudum evenisse, quod contra *Defensor* statuit certâ fide credendum, evenire non posse; quippe error per totam illam continentem seriem propagatus, et confirmatus non statim depulsus fuisse, sed potius coaluisse dicendus esset; jamque a duobus ante saeculis magistra erroris effecta esset illa Romana Cathedra, quae desinere non potest esse Cathedra veritatis, quin soluto Catholicae Societatis vinculo Catholica Ecclesia penitus concidat: Quae portenta Christi promissis

missis, Majorumque traditioni adversa, prorsusque a fide aliena esse, non fatetur modo, sed et constanter docet ille ipse *Defensor*, cujus tota proinde sententia, tametsi eâ parte commentitia, quam superius refutavimus, non modo non suffragatur Adversariorum pertinaciae, sed et ei plane, atque apertissime refragatur.

8. ADDIT. AD PAG. 50. lin. antepenult. verb. Quid vero etc.

Fatetur Febronius, a Photio primùm illud invecum commentum esse, non repugnare, quin Primatus a Romanâ Sede divulgus in aliam Sedem transferatur. Quâ confessione nil aptius allèrri potnit, quo istud ipsum commentum refutetur; sive quia novum, sive quia ex impuro fonte profectum. Describendum omnino, quod in eam rem rectissime scriptum est a Febronio primo illo suo lib. de *Statu Ecclesiae* c. 2. §. 3. n. 4. „ Inter tot Romanos Pontifices, primorum praesertim Saeculorum, Sanctitate, et doctrinâ conspicuos ne unus quidem deprehenditur, qui sibi, aut „ Ecclesiae suae collatam hanc praerogativam non crediderit, ut „ esset totius Ecclesiae Caput. E contra intra reliquas omnes „ Christiani Orbis Ecclesias, illas etiam, quae ab Apostolis fundatae sunt, nullam offendimus, ejus Praesul eo devenerit „ ambitionis, ut se totius Ecclesiae Caput affirmare, non veretur uno excepto Photio Constantinopolitanae Urbis Episcopo, „ qui praeter alia multa, quae per summam impudentiam dixit, scripsit, egit, hoc etiam cum suis affirmare non timuit: „ Quando de Romanâ Urbe Imperatores Constantinopolim sunt „ translati, tum et Primatum Romanae Sedis ad Constantinopolitanam Ecclesiam transmigrasse, et cum dignitatibus Regiis Ecclesiae Romanae privilegia translata esse. Nicolaus I. „ Epist. 70. ad Episc. Galliae n. 7. Ast nullâ id ratione sustineri potuit; et sequuta tempora docuerunt, per translationem Regiae „ Sedis Ecclesiae Romanae nequidquam de suo Primatu decessisse. Et vero, antequam Byzantium migraret Constantinus, „ quid Praesulibus Romanis conferbat Imperatorum praesentia, nisi ut vexationum acrumnas, et incommoda, et quascumque „ saevientium Principum furor inferre poenas poterat, mortem „ denique ipsam citius, ac facilius subirent? „

Ita.

Itaque veterator ille Photius inferendae hujusce calumniae de translatâ in Constantinopolitanam Sedem Primatûs dignitate occasionem inde attripuit, quod, quum a Constantino M. Urbs Byzantium nova Roma dicta esset translatis in eam antiquae Romae privilegiis, et ornamentis, Romani quoque Primatûs dignitas a vetre in hanc novam Romam confluxisse censenda esset. Non eo usque progredi ausus est Photius, ut diceret, Ecclesiae Primatum dimoveri a Romanâ Sede, atque in aliam quamcumque transferri posse. Noverat ille, ab Ecclesiae primordiis omnium animis penitus iusitum, defixumque esse, in Romanâ Sede, quae Petri Successionem complecteretur, Primatûs dignitatem divinitus, atque adeo inviolate consistere: Ne igitur in hunc perennem, firmum, stabilem Ecclesiae sensum irrumpere velle videretur, subdole simulatam novae istius Romae speciem, imaginemque obtulit, quâ fucum faceret, incautisque persuaderet, non a se Primatum a Romanâ Sede divelli, quod Christianae aures non tulissent, sed in eâ Sede reponi, quae Romana optimo jure censeretur, utpote in eâ Urbe collocata, quae nova Roma effecta omnia veteris Romae decora, et ornamenta collegisset. Ut proinde vel ex hac ipsâ insigni fraude Photii manifestum prodeat indicium, quam firma, quam rata ad illa usque tempora fidelium persuasio, Ecclesiaeque traditio constiterit, non aliâ in Civitate Primatum posse consistere, quam quae vere, ac propriè Roma diceretur, et esset. Quo uno patet, quam temere prae Photio illorum se se jactet audacia, qui putant, nil sibi opus esse novam Romam quaerere, immo fas esse quemcumque vel in remotissimis Africae, vel Americae plagis, quem opportuniorem judicaverint, angulum deligere, in quem Primatum Ecclesiae amandare valeant. Quâ de re dictum etiam in *Confutatione duorum libellorum etc.*

9. ADDIT. AD PAG. 52. POS. X.

Definitioni Concilii Florentini de Romani Pontificis Primatu consentanea innuit esse Febronius, quae de obedientiâ Romano Pontifici debitâ decreta sunt in formulâ fidei profitendae a Pio IV. praescriptâ. De quâ Bossuetio haec adscribit ex l. i. *Defens.* c. 1. de prompta. „ Certum est, a Pio IV. ea selecta esse verba

„ verba, quae quaestiones omnes in Scholis quidem Catholicis
 „ utrinque disputatas relinquant integras; quae autem ad fidem
 „ spectent, aperte, et sine ullâ tergiversatione decendant. „ Et
 „ paucis interjectis, haec Sanctae fidei summa; caetera, quae de-
 „ inde incurrunt, jam non in fide, sed in quaestione sunt po-
 „ sita, inter Catholicos pacifico animo disputanda. „

Quae sunt in quaestione posita, inter Catholicos pacifico animo disputanda esse, nemo Catholico sensu imbutus abnuerit. Cavendum tamen, ne in omnibus generatim, quae a Catholicis etiam Viris in quaestione adducuntur, putemus, nil interesse, utri parti Vir Catholicus adjungere se se debeat. Certe Cl. Bossuetius multa, et quidem acriter in Richardo Simonio reprehendit, quae audax ille Scriptor ab omni reprehensione tuto hoc nomine contendebat, quod talia essent, quae nullâ fuissent adhuc erroris labe notata. Quam defensionem probe Bossuetius imprudenti homini eripit hâc praesertim gravi animadversione, nimirum: „ praeter id, quod haereticum directe sit, aut erro-
 „ neum, aut contra fidem; alia esse, quae fidem obscurant; quae
 „ potentiores ejusdem probationes infirmant; aut eam in suis
 „ consecrariis offendunt, „ ut proinde non satis tutus quisquam sit censendus hoc tantum nomine, quod ea defendat, quae nullo sunt adhuc expresso, ac solemnî Ecclesiae judicio damnata. Quod quidem non immerito in multa transtuleris, quae Febronius contra communiorum, veriorumque in Catholicâ Ecclesiâ sentiendi rationem defendenda suscepit.

10. ADDIT. AD POS. XIII. pag. 58.

Ab articulis Cleri Gallicani an. 1682. sumit Febronius. 13. suae Positionis exordium: „ Inter quatuor Articulos, *inquit*, „ quos an. 1682. Clerus Gallicanus tamquam genuinum, et a „ Majoribus acceptum suae Ecclesiae sensum declaravit, postre- „ mus hic est: *In fidei quaestionibus praecipuas Summi Ponti- „ fici esse partes, ejusque Decreta ad omnes, et singulas Eccle- „ sias pertinere; nec tamen irreformabile esse judicium, nisi Ec- „ clesiae judicium accesserit.*

Nostri non est muneris in hâc Febroniani Commentarii suscep-
 ptâ disquisitione a Febronio ipso in Gallicanos Articulos desilire,
 atque

atque in eisdem minutatim discutiendis immorari; quod magnâ cum laude multi quidem praestantes Viri, atque inter ceteros Cl. Ursius cumulatissime praestitit. Monendum tamen, vehementer illos fallere, aut falli, qui hos articulos efferunt, quasi editi fuissent velut totidem Gallicanae fidei, vel doctrinae decreta, non ut opiniones, quas *potiores tantum*, vel etiam *optimas* censuere Gallicani Praesules, sive qui Comitibus illis interfuere, sive qui eos sequuti sunt. Cujus rei, quae forte mira non paucis accidet, expromenda statim auctoritas, quae certam fidem faciat. Profero itaque Bossuetium, seu potius Acta ipsa Comitiorum; quorum excerpta in *praevia Dissertatione* ad *opus Defensionis* referuntur. Ibi §. 6. producto responso Cameracensis Archiepiscopi, qui de propositis articulis sententiam suam rogatus per litteras responderat, se illis assentiri hâc adjectâ clausulâ: „ praesertim quod „ non ea esset mens Sacri Conventûs, ut ex illâ Sententiâ de „ cretum fidei faceret, sed tantum ut eam *opinionem* adoptaret: „ *tum subicit Defensor ex actis*: „ Quae probata ab omnibus, et „ ad rei memoriam sempiternam in Acta relata sunt die Junii 19. „ horâ post meridiem tertiâ an. 1682.: „ *ac pergit porro*: „ En „ perspicuis verbis Gallicani Patres testantur, ac probant, non „ eo se animo fuisse, ut decretum de fide conderent, sed ut „ eam opinionem tamquam potiore, atque omnium optimam „ (nimia profecto confidentia, seu in suo sensu abundantia!) „ adoptarent: Opinionem sane: Non ut Eminentissimus Da- „ guirreus objectabat *Catholicae doctrinae formulam* „ Legatur Declaratio, verba expendantur, nihil reperietur, quod „ fidei formulam sapiat. Sane ab initio memoratur Ecclesiae „ Gallicanae decreta: An decreta de fide, ad quae sub anima- „ rum periculo constringantur? De his ne verbum quidem: de- „ creta dixerunt notissimis vocibus, ac latiuissimis, priscam et „ inolitam (*non a primis certe Saeculis ab Irenaeo ad Bernar- „ dum usque*), id est consuetam in his partibus Sententiam, non „ fidem, quâ omnes tenerentur. Idcirco nec pignit Gallos ad „ Episcopatum promoveendos datis ad Pontificem Maximum litte- „ ris id vere, id obedientissime profiteri, et subscribere: *Quid „ quid in iisdem Comitibus circa Ecclesiasticam potestatem, et „ Pontificiam Auctoritatem decretum censi potuit, pro non de- „ creto haberi velle; mens nempe, inquirunt, nostra non fuit* „ *quid.*

„ *quidquam decernere* . „ Quod in ipso Conventu clarâ voce testatos ex gestis vidimus .

Itaque (quod est diligenter advertendum) ipsismet gestis , et actis Parisiensis istius Conventus manifesti erroris convicta tenetur , et constricta inconsideratissima eorum temeritas , et impudentia , inter quos Auctor libelli , cui titulus , *Vox veritatis* , qui jactant in vulgus (p. 20.) : „ Sacrum Concilium Constantiense „ definisse tamquam spectantem ad fidem articulum Cleri „ Gallicani , quo statuitur , non esse irreformabile judicium Patrum , pater , talemque inerrantiam non residere , nisi in Ecclesiâ . „ Certe si Praesules Gallicani hunc suum articulum habuissent velut articulum fidei a Concilio Constantiensi definitum , an illi *clarâ voce* testati essent , nonnisi opinionis loco , quam tantummodo potiorum judicavissent , sententiam illam a se propositam esse , quam jam ante ex Oecumenici Concilii decreto ad fidem spectare agnovissent ? Siccine putassent , fas esse articulum fidei in opinionem dumtaxat , vel etiam *optimam* arbitratu suo commutare ? Hâc proinde clarâ , perspicuâ , exploratâ Praesulum Gallicanorum confessione prorsus evertitur istorum calumniam , qui Constantiensibus decretis adversus Pontificis Romani Supremam auctoritatem abuti non desinunt . Quâ de re plenius in memoratâ *Confutatione* disseruimus . Ceterum , etsi non sit nobis hoc loco de articulis Gallicanis proposita peculiaris , ac directa disceptatio , seu contentio , quid sit de ipsâ summâ rerum sentiendum , ex his intelligi potuit , quae , ut sese obtulit occasio , in Febronio animadvertenda censuimus .

11. ADDIT. AD PAG. 64. §. Nec Propterea etc.

In eamdem Sententiam Patres Oecumenici Concilii V. Colat. 8. : „ Licet enim Sancti Spiritus gratia et circa singulos „ Apostolos abundaret , ut non indigerent alieno consilio ad ea , „ quae agenda erant , non tamen aliter voluerunt de eo , quod „ movebatur , si oporteret gentes circumcidi , definire prius , „ quam communiter congregati Divinarum Scripturarum testimoniis unusquisque sua dicta confirmaverunt . „

AD-

12. ADDIT. AD EAMD. PAG. 64. §. Sed jam promenda etc.

Ineptam explosimus Vol. 2. *Confut.* interpretationem, quâ Irenaei auctoritati illudere voluisse videtur Auctor libelli inscripti, *Riflessioni sopra il Breve ec.*, dum fidei perpetuitatem in Ecclesiâ Romanâ, quam Irenaeus ex Pontificum Successione repetit, mavult ille ex turbâ repetere cujusque generis hominum Romam pro suis utilitatibus undique confluentium.

13. ADDIT. AD PAG. 66. §. Tertullianus etc.

Quam subdolê, ac fallaciter Auctor *Analysis lib. praescript.* a Tertulliani sensu in alienum plane Sententiam illius detorqueat de petendâ ex Apostolicis Ecclesiis fidei regulâ, liquido est a nobis Vol. 1. *Confut.* demonstratum. Quo ex loco nonnihil etiam lucis iis forte affulserit, quae hîc disseruntur adversûs opiuiorem, quam veriûs errorem ex communi Theologorum sensu *de notis Theologicis* dici oportuit, eorum, qui statuunt, veritatem sic interdum in Ecclesiâ obscurari, ut in paucis tantum resideat: manifestum, inquam, errorem, utpote, qui aperte pugnet cum Catholico Dogmate de perpetuo spectabili Ecclesiae statu a Christo constituto.

14. ADDIT. AD calc. Anim. in Pos. XIII., et XIV. pag. 70.

Quam probata Patribus Africanis fuerit Innocentii I. Sententia de nîrmo, rato, stabilique judicio Romanae Sedis in causis fidei, patet ex Epist. Augustini (186.) suo, et Alypii nomine ad Paulinum datâ, quâ de Pontificis rescripto ad litteras Carthaginensis, et Milevitanae Synodi sic loquitur: „ Ad omnia nobis ille „ rescripsit eo modo, quo fas erat, atque oportebat Apostolicae Sedis Antistitem. „ In eo rescripto dixerat Pontifex Divinâ decretum Sententiâ, quod sancte servatum fuerat a Patribus, „ ut quidquid (Epist. 181. ad Carthag.), quamvis in disjunctis, remotisque provinciis ageretur, non priûs ducerent finiri, nisi ad hujus (Apostolicae) Sedis notitiam perveniret, ut tota hujus auctoritate justa quae fuerit, pronunti-

D d tia-

„tiatio firmaretur. „ Ad haec rescripti verba, *non priûs finiendum*, quam Sedis Apostolicae auctoritate *firmaretur*, manifeste se refert Augustinus (Serm. 131. de Verbis Evang. Joan. Edit. Maur.), quum memoratis rescriptis, quae de causâ Pelagii Româ venerant, ostendit, causam eam *finitam* esse, posteaquam quod non priûs *finiendum* erat, quam Sedis Apostolicae iudicio *firmaretur*, per ea rescripta tum demum firmatum, atque adeo finitum esset. Sic locorum collatione sponte suâ emergit, lucetque per se se Augustini mens in eâ celebri sententiâ, eâ semque clarissimâ; cui quaesitis undique contortis interpretationibus tenebras offundere perperam nituntur Supremae Pontificiae auctoritatis oppugnatores.

15. ADDIT. AD PAG. 77. *lin. penult. Verb.* Verum haec etc.

Paucis reverâ tota res absolvi potest. Extat (act. 15.) Apostolorum Decretum, quo Divino afflante Spiritu definita quaestio est de legalibus Antiochiae suborta. Decreti nullo Saecularis Potestatis interventu facta est promulgatio. Peto: justa ne, an injusta? Injustam si dixeris, reum te facis detestabilis, execrandae contumeliae in Spiritum Sanctum, quo Auctore Apostolicum editum est, promulgatumque decretum: quippe scriptum est: *Visum est Spiritui Sancto, et nobis*. Sin justam fateri cogeris, simul et cogeris legitimam in Apostolis ejus decreti, nullâ aliunde petitâ veniâ, ferendi, ac promulgandi potestatem fateri. Quam potestatem Apostolis divinitus traditam in Successores eodem jure propagatam plane demonstrat vel a primis Ecclesiae Saeculis multiplex illa series, et continuatio decretorum de omni re Spirituali, et Ecclesiasticâ, quae a Conciliis, Pontificibusve nativâ, nec aliunde, quam a Christo quaesitâ auctoritate prodierunt. De hâc Ecclesiae potestate nulli alteri potestati obnoxia plenius in *Confut.*, et in eâ, quae subsequuta est, *Apologia compendiaris*. Quin et a Febronio plures in rem eandem auctoritates extremis positionibus prolatas vidimus, quas tamen solitis artibus eludere postmodum, at frustra eludere nititur.

16. ADDIT. AD PAG. 81. lin. 9. *Verb. Verbis Benedicti etc.*

Deprompta ex parte videntur illa verba ex Epistolâ Concilii Africani ad Papam Coelestinum, quae extat ap. Labb. Tom. 2. col. 1364. edit. Ven. Sed, quae ibi dicuntur de Appellationibus, detorquet Scriptor ad Relationes, de quibus nulla ibi mentio. Quamquam nec in eâ Epistolâ jus impugnatur appellationum, sed in eis recipiendis rogant Patres, modum quemdam institui. De appellationibus plura quidem in operis decursu concessimus. Verum nunc demum totum id juris in praeclarissimâ Pii VI. *Responsione super Nuntiaturis* luculenter adeo explicatum est; tot invictis ex omni saeculorum memoriâ collectis auctoritatibus, et monumentis comprobato, ut vel pertinacissimis obrectatoribus omnem deinceps calumniandi aditum praecluserit.

17. ADDIT. AD PAG. 90. §. Subinde agit &c.

Inter causas extraordinarias convocandi Concilii absque interventu Papae hanc etiam recenset Febronius p. 124. : *Si de eo judicando agatur*. Quo loco minime praetereundum est, excepto casu haeresis, quae tamen in Pontificem non nisi ut privatum hominem cadere potest, quo de casu V. Bellarminus *de Rom. Pont.* l. 2. c. 30., nullo alio eventu, nullâve de causâ Pontificem, saltem non dubium, nullius plane sive Concilii, sive cujusvis alterius potestatis judicio subiacere posse. Quod late probat, et exequitur idem Bellarminus lib. cit. c. 26., et post Bellarminum Natalis Alexander Hist. Eccles. Saec. 6. Dissert. 1., tum et Clarissimi ejus Editores *Animadversione subjectâ §. unico* sic inscripto: „ Quae in Romanâ Synodo gesta sunt in causâ Symmachi, quae, „ que refert (Nat.) ex Ennodio, et Avito, plene demonstrant, „ Romanum Pontificem nec Synodi Oecumenicae judicio subesse. „ Alia etiam in eandem rem adnectuntur. „ Plura et nos in explanationum decursu attulimus, plenius etiam in *Confutatione*.

18. ADDIT. AD PAG. 91. §. Monet ad extremum &c.

Positionem hanc snam concludit Febronius his verbis: „ Porro dum dicimus, Concilia Generalia suam sortiri firmitatem „ independenter a quâcumque aliâ acceptatione, id intelligimus „ *de Decretis Fidei, et Morum*. „ Ecclesiam constituendae disciplinae potestatem habere nulli alii potestati obnoxiam, manifeste patet vel ex ipso Apostolorum Decreto (act. 15.) paullo supra memorato. In hoc ipso Commentario potestatis hujusce immunitatem Febronius nonnullis locis asseruit, singulariter Posit. I. quod attinet ad electiones, ordinationes, deputationes Sacrorum Ministrorum, ut jam ei integrum non sit ab eâ sententiâ discedere, quin a se ipse dissentiat.

19. ADDIT. AD PAG. 96. §. Subinde post &c.

Longe ante Isidorianam Collectionem S. Gregorius M. scribens (1.9. Epist. 59.) ad Johannem Syracusanum de causâ Primatis Byzaceni narrat, quemadmodum illum, quum in quodam crimine accusatus fuisset, *piissimus Imperator juxta Statuta Canonica per nos (sic Pontifex) voluit judicari*. Jam ergo Statutis Canonicis sancitum erat, ut Episcopus, qui esset in crimine, apud Sedem Apostolicam judicaretur. Nec alias partes hâc in re piissimus Imperator sibi sumserat, quam ut vis sua Canonibus constaret. Byzacenus tamen persolutis Theodoro Magistro Militum decem auri libris ei se judicio subduxit. Postmodum mutare consilium visus est, verum utrumne sincere dubitabat Pontifex; an, ut pergit dicere, *quia a Coëpiscopis suis impetitur, nobis modo talia loquatur*. Ac demum subjungit: *Nam quod se dicit Sedi Apostolicæ subjeci, si qua culpa in Episcopis invenitur, nescio, quis ei Episcopus subjectus non sit*. Usque adeo itaque certum erat, Episcopum de crimine accusatum apud Sedem Apostolicam esse judicandum, ut Byzacenus palam a suis Coëpiscopis impeteretur, quod contra Statuta Canonica quaereret ei se judicio subducere. Quod vero addit Gregorius, si quâ in culpâ Episcopus invenitur, hoc ipso illum Apostolicæ Sedi subjeci, satis ostendit, Episcopi Rei judicium ad Apostolicam Sedem nativo, proprioque jure pertinere. Quod

Quod postremis verbis recitat Febronius ex Lâmino Pritanio depromptum: *non admodum necessarium hominibus, fidei, et Ecclesiae esse cultum novi alicujus Sancti, fidemque de illius beatitudine coelesti*: praeterquam quod religiosis auribus minùs dignum est, in eo non satis Lamindus attendisse videtur, voluisse Christum, in perpetuâ istâ Sanctitatis continuatione ad finem usque Saeculi prorogandâ perpetuam suae Divinae praesentiae nusquam in Ecclesiâ defuturæ notam extare splendidissimam. Fuit hoc nimis plenum Divinae Sapientiae Christi consilium, et institutum, ut, quum vellet Ecclesiam velut Civitatem in monte positam lucere in oculis gentium omnium, et nationum, nunquam in eâ splendescere desinerent praeclara illa quum Sanctitatis, tum aliarum gratiarum dona, quae missus a se Spiritus Sanctus cumulatissime in Discipulos primitus effudit. Liqueat porro ad invictam Divini hujusce instituti, ac promissi fidem, et constantiam declarandum nihil magis pertinere, quam ut perpetuo adsint in Ecclesiâ, qui praeclaris maximarum virtutum ornamentis; qui signis, et prodigiis, quibus manifesta se prodit ostensio Divinae virtutis, admirabilem illam referant, ac repraesentent Sanctitatis formam, et speciem, quae in Majorum documentis, et exemplis haereditariâ quâdam, nec unquam interruptâ successione prae-luxerit. Tanti interest sartum, tectumque servari pium istum inveteratum morem, quo per cultum sanctis viris aetatis cujusque delatum mirifica haec Sanctitatis continuatio, quae propria dos est Ecclesiae, solemnibus Decretis testata ad omnem futuri temporis memoriam consecratur, ut proinde, qui de sacrâ istiusmodi actorum auctoritate secus, quam par est, existimant, hae illi videantur non solum beatis hisce regni heredibus, ac domesticis Dei coelestes honores coelesti vitâ partos invidere, sed et non parum detrudere de significatione permanentis ejus in Ecclesiâ Christi praesentiae, quâ per afflatum Divini Spiritûs perennis ei vis indita est pariendi filios, in quibus vita Christi omnium virtutum splendore omni tempore manifestata cernatur.

Certe, quod minime praetereundum est, in hac singulari Sanctitatis notâ tantus, tamque unius Ecclesiae Catholicae proprius inest splendor virtutis, ut vel infensissimi ejus hostes fateri cogantur, nulli alteri Societati, nulli Sectae contigisse, ut ad hanc laudis praestantiam aspirare unquam licuerit. Hanc sane confes-

sio-

sionem vis veritatis ex ore expressit contumeliosissimi, si quis unquam fuit Catholici nominis obtrectatoris, qui nempe recensens praeclara charitatis officia, quae ex instituto S. Vincentii a Paulo (1) delicatae, ac nobiles Puellae sublevandis aegrotantium miseris impendunt, in hanc vocem erumpit: fatendum nullibi praeterquam inter Catholicos tantam prodere sese admirabilitatem virtutis. Qui si paullum in se rediisset, id quoque sibi fatendum esse perspexisset, nonnisi munere prorsus Divino insigne hoc decus Ecclesiae Catholicae obvenire potuisse, ut amplissimarum, quae supra humanam conditionem eminent, virtutum una Sedes esset; unum, perpetuumque constitutum domicilium.

Quae, ut graviore, seu potius ratâ certâque auctoritate firmetur, praestat illustre documentum adscribere, idque honoris causâ, ex iis praesertim litteris, ac decretis depromptum, quibus Patriae nostrae singulare decus, et Ornamentum Franciscum Salesium S. M. Pontifex Max. Alexander VII. in Beatorum primûm, deinde in Sanctorum numerum retulit. „ Spiritus Sanctus (inquit „ ille prioribus tabulis Bullar: tom. 6. p. 184.) quum in divinis „ Scripturis Viros gloriosos, nimirum Sanctos laudari praecipit „ eorumque Sapientiam, et laudem narrari a populis, et nuntiari ab „ Ecclesiâ, docet Nos, atque illuminat, quid nostris etiam „ temporibus agere debeamus. Quapropter Apostolicae gubernationis curam, et cogitationes in id sollicitè intendimus, ut non „ modo eorum, qui priscis, sed et qui proximis aetati nostrae „ Seculis Sanctitate, ac Virtutibus eximie clamerunt, nomen, et „ gloria ubique gentium innotescat, pioque fidelium cultu, et „ honore palam veneretur. „

Posterioribus vero „ Quae quum ita se habeant, Antecessores nostri Spiritu Sancto instructi laudabilem in Ecclesiâ morem „ induxere, nempe in excelso loco Sanctitatem constituendi, ut „ veluti lumen illius lucis Vicarium, quae de se dixit: Ego sum „ lux mundi, et qui sequitur me, non ambulat in tenebris: non „ sub modio absconditum, sed in candelabro elatum luceat coram hominibus, eosdemque a veneratione ad imitationem viâ „ stratâ ad coelestis, et triumphantis Hierosolymae nunquam interituras delicias dirigat, inferatque. Et sane viros de Christianâ „ Re-

(1) Consulatur, si placet Opusculum gallico Sermone inscriptum; *Discours sur la Divinité de la Religion Chrétienne &c.*

„ Republicâ morum Sanctimoniâ , et fidei prædicatione bene
 „ meritis debitis , hoc est divinis honoribus non prosequi, quic-
 „ quid sibi velit impietas , indecorum , ac justitiæ absonum ha-
 „ beretur „ Quibus de causis, pergit, „ inter nomina Ca-
 „ tholicæ Ecclesiæ veneranda Franciscum de Sales Episcopum
 „ Genevensem , doctrinâ celebrem , sanctitate admirabilem ,
 „ ætatiq; huic nostræ contra hæreses medicamen , præsidium-
 „ que referre Numine inspirante decrevimus . „

In eandem Sententiam Benedictus XIV. „ Benignitatem Dei
 „ nostri , et divitiis bonitatis ejus in Servi Dei Alexandri Saulii ,
 „ primûm Aleriae , deinde Papæ Antistitis virtutibus , ac meri-
 „ tis extollere , et prædicare , non religionis modo debitum es-
 „ se ducimus officium , sed nihil etiam intelligimus in hæc tem-
 „ porum conditione esse opportunius , quam ut universis Chri-
 „ stiânelibus , et animarum maxime Pastoribus uberiora suppe-
 „ rant ad imitationem exempla , atque in ejusdem patrocinio , fa-
 „ ctisque admirandis præsidia ad pacem , tranquillitatem , et
 „ salutem tam inter Christianos omnes , quam inter eos potissi-
 „ mûm populos procurandam , quos ab illo per viginti , et ampliûs
 „ annos non tamquam solius Aleriae Episcopo , sed totius Cor-
 „ sicæ Apostolo olim salutaribus monitis , ac legibus instructos ,
 „ et moribus correctis , extinctis odiis , conciliatis animis , re-
 „ formatisque Clericis viam mandatorum Dei currere edoctos
 „ ipsa rerum humanarum , divinarumque perturbatio jam dudum
 „ inibi exorta a traditâ Sanctissimâ disciplinâ alienos tenet . „
 „ Quo loco fas sit et hoc subjicere , S. Franciscum Salesium , quum
 „ de Christianæ doctrinæ , ac disciplinæ institutionibus edendis ro-
 „ garetur , respondisse , id operis Alexandri Saulii Catechismo sic
 „ præstitum esse , ut nil plus in eo genere sibi elaborandum super-
 „ esset .

20. ADDIT. AD PAG. 158. Si Johanni &c.

Fallitur , seu potius fallere de industriâ more suo velle vi-
 „ detur Launojus , dum generatim enuntiat a Tridentinâ Synodo sta-
 „ tutum „ Ut Episcopi *etiam* tamquam Apostolicæ Sedis Delegati
 „ Monasteria , quaelibet exempta visitarent , et corrigerent . „
 „ Quasi hæc formulâ non aliud propositum fuerit Tridentinis Patri-
 „ bus ,

bus, quam ut ordinariae Episcoporum auctoritati velut cumulo loco Pontificiae auctoritatis robur adjicerent; nec adeo Episcopos decretis illis impediri, quominus jure ordinario, et suo id totum peragere possint, quod *etiam* poterunt jure *Delegationis*, siquidem eo uti placuerit. Fallitur, inquam, aut fallit Launojus. Non enim semper, non ubique Tridentinum, dum de istiusmodi delegatione verba facit, eâ formulâ utitur, quam unam legentium oculis subjicit Launojus. Saepe enim omissâ particulâ *etiam* absolute, ac simpliciter edicit, ac declarat, quid possint Episcopi *tamquam Apostolicae Sedis Delegati*. Si, ex. gr., vocola *etiam* apposita legitur Sess. 21. c. 4., deest Sess. 5. c. 1. et 2., Sess. 13. c. 5., Sess. 21. c. 6. &c. An crebram istam formulæ commutationem censebimus casu fortuito imprudentibus Tridentinis Patribus excidisse? Quis hoc nisi effreni Launojauâ audaciâ instinctus dicere audeat? Quod si quibuscumque locis adjecta est particula *etiam*, indicio id est, aliquid in Episcopis juris ordinarii Patres agnovisse in eâ re gerendâ, de quâ agitur, profectò aliis locis, quibus consultò praetermissa est, manifeste hoc ipso indicat, id totum Patres non ex ordinario Episcoporum jure, sed ex Apostolicâ Delegatione repetere.

21. ADDIT. AD PAG. 168. LIN. 8.

Jacobum Apostolum, Fratrem Domini Ecclesiae Hierosolymitanæ velut proprium, ac peculiarem Episcopum praefuisse constat Clementis Alexaud., Eusebii, Epiphani, Chrysostomi testimonio, totiusque pene antiquitatis consensu. Certum porro, Apostolatûs auctoritatem in Jacobo non secus, atque in aliis Apostolis summam in totâ Ecclesiâ nullius alterius Apostoli, praeterquam Petri, auctoritati subjectam fuisse. Itaque si tota illa potestatis amplitudo, quae fuit in Apostolis, in Episcopos tamquam Successores propagata esset, profectò Episcopi, qui Jacobo in Hierosolymitano Episcopatu succedere, utpote pari atque Jacobus potestate praediti, non alteri potuissent Episcopo subijci, praeterquam Petri Successori Romano Pontifici. Atqui vel ipsi primi Jacobi Successores in Hierosolymitanâ Sede longe abfuerunt ab eâ potestatis amplitudine. Ait quidem Thomassinus (Part. 1. l. 1. c. 12. n. 5.) „simillimum veri esse, Judaizantis il-

lius

„Ilius Ecclesiae Episcopos primos quindecim circumpositis Ecclesiis omnibus imperitasse. „ At primum quidquid istud juris fuerit, etsi monumento aliquo, non merâ conjecturâ niteretur, non aliud fuit, quam species quaedam Metropolitici juris in subiectas illas Provincias; jus proinde longe inferius illâ summâ potestate, quâ Jacobus in universâ Ecclesiâ potitus fuerat: Deinde tametsi post excisam Hierosolimam Ecclesiastica haec Sedes in Aeliam translata est, non ideo abrupta fuisse, aut interitus Hierosolymitana putanda est Episcopalis successio. Quippe animadvertit ipsemet Thomassinus n. 4. „ tribus, quatuorve primis „ Saeculis apud Fideles, Scriptoresque Ecclesiasticos summo in „ honore fuisse dignitatem, Sanctitatemque Hierosolymitanæ „ Ecclesiae. „ Quod manifesto argumento est, Episcopos, quâ Aeliae sederent, semper habitos fuisse Hierosolymitanos Episcopos, utpote quibus honos ille haberetur, quem propter honorem Christi Hierosolymitanæ Sedi deberi omnes agnoscerent, ac profiterentur. Quid plura? Quum in promptu sit Nicaenae I. Synodi Oecumenicae auctoritas longe gravissima Can. 7. his verbis comprehensa „ Quia consuetudo obtinuit, et antiqua traditio, ut „ Aeliae Episcopus honoretur, habeat consequentiam honoris „ salvâ Metropoli propriâ dignitate. „ Quo decreto manifeste ostendunt Patres Nicaeni, servatam se agnovisse Jacobi successionem in illis Episcopis, qui, quum dirutâ Hierosolimâ Aeliam commigrare coacti fuissent, instauratâ postmodum per Constantinum Hierosolimâ in eam velut propriam Sedem remigrassent. Quod et expressius cernitur in Arabicâ horum Canonum versione, seu paraphrasi, quam auctore Christiano Lupo constat saltem Zenonis temporibus anteriorem esse.

At, quamquam in hac Hierosolymitanâ Sede vigere jam ab initio coepisset, ac propagari Jacobi Successio, nihilominus, ut plane demonstrat idem Christianus Lupus (Schol. in Can. 7. Nicaen.), Apostoli Ecclesiasticam Hierarchiam Romanae Rei, publicae accommodantes (quod quemadmodum intelligendum „ sit, alio loco disseruimus) Palaestinae Provinciae Metropolim „ posuere Caesarëam. „ Tamen, ut Sanctae Civitati, ubi Dominus glorificatus, ejusque primo Episcopo Jacobo Apostolo debitus honor servaretur, ei Sedi data est honoris *consequentia*, id est primus locus post Metropolitam, „ ut esset Provinciae illius

E c

Pro-

„ Protothronus , plene tamen subjectus Sedī Caesareensi . Hoc-
 „ ce (pergit vir idem doctissimus) utriusque Ecclesiae privile-
 „ gium confirmat noster Canon , uti liquet ex S. Hieronymo in
 „ Epist. adversus errores Joannis Hierosolymitani Episcopi di-
 „ cente , secundum Nicaenos Canones totius Orientis Metropo-
 „ lim esse Antiochiam , Palestinae autem Caesaream , cujus
 „ Hierosolyma non sit , nisi Parochia suffraganea . Quod idem
 „ tradit S. Epiphanius in Epist. adversus objecta ejusdem Joan-
 „ nis &c. „

Tametsi ergo antiqua traditio , et ex antiquā traditione Pa-
 tres Nicaeni constitutam sive Hierosolymae , sive Aeliae , ac vel-
 lut in unā , eademque Sede continuatam , ac propagatam Jacobi
 Apostoli successionem agnoscerent , eidemque praecipuum quem-
 dam honorem decernerent , quem Sedis , et loci Sanctitas posce-
 re videbatur , non ideo minus ab Apostolicis ducta temporibus.
 Metropolitana Caesareae jura in eam subjectam Sedem sarta , te-
 ctaque esse voluerunt , novoque solemnī decreto confirmanda
 censuerunt . Redit ergo , et quidem firmitus propositum superius
 argumentum : Quae fuit in Jacobo Apostolici muneris propria
 potestas , nullius alterius Apostoli , praeterquam Supremi Capi-
 tis Petri , potestati subjecta esse potuit . Proinde si tota hujusce
 potestatis amplitudo in Simeonem , aliosque deinceps Jacobi Suc-
 cessores transisset , nec Simeon ipsimet tum etiam superstiti
 Apostolo Johanni , nec alii ordine subsequentes Hierosolymitani
 Antistites ulli unquam alterius cujusve Sedis Antistiti subjecti esse
 potuissent , praeterquam , ut dictum est , Romano Pontifici . At-
 qui reverā Caesareensi Metropolitae subjecti fuere . Non ergo in
 Jacobi Successores per meavit tota illa Apostolicae potestatis am-
 plitudo , quae fuit in Jacobo .

Stat igitur , quod ex antiquā traditione communi consensu
 Theologi , canonique juris Interpretes docent , ac tuentur ,
 quos inter Petrum de Marca , Bossuetium , Thomassinum , Na-
 talem Alexandrum , Schellam ipsam Parisiensem in suis adversus
 Spalatensem latis decretis nominatim in *Confutatione* testes , et
 auctores produximus , stat , inquam , duplicem in Apostolis di-
 stinguendam potestatem , unam extraordinariam , quae ipsis ex-
 tinctis tota in Petri Sedem confluit ; Alteram ordinariam , Epi-
 scopatus propriam in Episcopos tamquam Successores prorogan-
 dam .

dam; ut proinde non inventum recentius de industria confectum, sed ex Ecclesiasticae Hierarchiae primordiis ductum constet, esse commune istud effatum, quod brevi hâc, et accuratâ verborum comprehensione sole t efferrî: *Apostolis Episcopos in Episcopatu, non in Apostolatu succedere*. Nil igitur ex Apostolicâ istâ successione praesidii sibi comparare possunt Febroniani ad universalem eam potestatem vindicandam, quam a principio in singulis Episcopis viginisse perperam contendunt.

Ad pag. 165. §. Itaque sic &c. Nullis Canonum Decretis limitari posse auctoritatem R. Pontificis, quin ille ipsa *Canonum patrum* (Conc. Rom. Sub Symmacho) *decreta librare, atque, ut necessitas temporum exposcit, relaxare, ac temperare valeat*, pluribus a Thomassino, et Constantio collectis ex remotiore memoriâ monumentis demonstravimus vol. 1. Confut. pag. 115., et seq.

Ead. pag. lin. antepenult. Huic Sanctioni praeluxerat S. Innocentius I. epist. 2. ad Victorium cap. 3. apud Coustant, ubi *secundum Synodum Nicaenam coram Congregatis Provinciae Episcopis* terminandas edicit Clericorum causas, *sine praejudicio tamen R. Ecclesiae, cui in omnibus debet reverentia custodiri*.

Pag. 166. §. Provocat &c. Quam nullum hinc sibi patrocinium arceat Febronius, quum ex ipsis Comitiorum actis, de quibus heic pag. 207., et latius in *Confut.*, tum remotâ omni dubitatione is potuit, ac debuit intelligere ex Constit. *Inter Multiplices* Alexandri VIII.

22. ADDIT. ULT.

DE INSCRIPTIONE

Quam bene de se meriti sive Patruî, sive Avunculî monumento Nepotes B. M. Joannis Nicolai de Hontheim adjiciendam curarunt.

Quum prope absoluta esset commissa typis hujusce operis editio, facta nobis copia est inscriptionis istius depromptae *Ex Novellis litterariis Wurtzburgensibus in Appendice Sectionis IX. Sabbato 28. Julii 1792. pag. 595.* his verbis: „ Darum Trevi-
„ ris celebri D. Suffraganeo de Hontheim in Ecclesiâ Collegiatâ
„ ad S. Simeonem DD. Nepotum sumtibus sequens Epitaphium
„ positum est „

E c 2

Hic

HIC SANCTE QUIESCIT

JOANNES NICOLAUS AB HONTHEIM
ANTIQUA ET ILLUSTRIS TREVIRO-
RUM FAMILIA

NATUS 27. JANUARIJ MDCCI.

EPISCOPUS MYRIOPHITANUS

TRIUM ARCHIEPISCOPORUM ELECTORUM TREVIRENSIUM
FRANCISCI GEORGII, JOANNIS PHILIPPI, ET CLEMENTIS WENGESLAE
SUFFRAGANEUS ET IN SPIRITUALIBUS VICARIUS GENERALIS,
CONSILIARIUS INTIMUS STATUS,

ALMAE UNIVERSITATIS

PRIMO LUMEN, DEIN CANCELLARIUS, RESTITUTOR ET MECOENAS,
COLLEGIATA ECCLESIAE S. SIMEONIS TREVIS CA-
NONICUS CAPITULARIS
OLINQUE DECANUS ET INSTAURATOR,
DOMINUS IN MONTQUINTIN, COUVREUX, ROUVROY ET DAMPICOURS ETC.

VIR

PIETATE, BENEFICENTIA, MORUM CANDORE, SANA DOCTRINA
ET OMNIGENA ERUDITIONE EGREGIUS,
PLURIMIS HISQUE PRÆSTANTISSIMIS OPERIBUS CLARUS.

QUIBUS PRÆCIPUE

PATRIAM TREVIRENSEM PRIMUM PRAGMATICA DONAVIT HISTORIA,
ET IN IMMORTALI SUO FEBRONIO,

QUEM NEC ARGUMENTA CONVELLERUNT, NEC FULMINA,
ECCLESIAM CHRISTI AD PRIMUM REVOCANS STATUM
LEGITIMIS POTESTATI ROMANI PONTIFICIS ASSIGNAVIT LIMITES.

SEC OMNEM

INTER ASSIDUA LITTERARUM STUDIA, ET INDEFESSOS EPISCOPATUS LABORES
VITAM PARTIENS.

CETERUM

MENTIS TRANQUILLITATEM, QUAM ET IN ADVERSIS SERVABAT SEMPER,

RELIIQUIS OMNIBUS MUNDI BONIS PRÆFERENS,

ET IN PROVECTISSIMA ETIAM SENECTUTE

CUNCTIS ADHUC ANIMI ET MIRIS ADHUC CORPORIS VIRIBUS POLLENS

TANDEN IN SIBI GRATISSIMO SEMPER MONTIS QUINTINI SECESSU

DIGNAM COELO ANIMAM PLACIDE EFFLAVIT

II. SEPTEMBRIS MDCCCLXXX.

ANNO ÆTATIS LXXXX. EPISCOPATUS XXXXIII.

JAM IN VITA

A CONIUNCTISSIMO IPSI OMNIBUS VINCULIS AMICO,

QUI ET OBSETRICEM FEBRONIO PRÆBUERAT MANUM,

SEQUENTI CELEBRATUS ELOGIO.

QUOD MARCA EST GALLIS, BELGIS ESPENIUS, HONTHEIM

LUMINE GERMANIS, SORTE, DECORE FUIT.

Quod

Quod insigni monumento Nepotes memoriam honestare cogitarint sui sive Patruī, sive Avunculi amplissimi Antistitis Joannis Nicolai de Hontheim, in eo pietatis officium cum grati animi testificatione conjunctum libens agnosco.

Quod Honthemii nomini ex Febronianā labe, ac larvā laudem praecipue quaesierint, in hoc vero prudentiam eorum, et quod majus est, Religionis studium vehementer desidero.

De parte illā, quā in gravissimis, quibus Honthemius functus est muneribus, fidem ejus, aequitatem, beneficentiam commendant, sentio mihi esse tacendum, qui partes susceperim in doctrinam, et Scripta, non in vitam inquirendi, moresve Honthemii.

De laude vero, quam ei tribuunt velut Historiae Trevirensis parenti, dispar est ratio: quippe, si qua laus ex illā Historiā (quam tamen identidem suis notis velut totidem maculis aspersit) parta est Honthemio, haec tota necesse est vertatur in dedecus, ignominiamque Febronii.

Explicat Honthemius, ac describit (prout suis locis in hocce ipso Commentario notavimus), quae doctrinae, quae disciplinae ratio in amplissimā suā Trevirensi Ecclesiā sub Romanis ab eo tempore viguerit, quo eam Magnus Athanasius viderat, commendabatque „Apostolicorum *Virorum* ingenii fundatam, item „*Sanctam*, atque cum Catholicā Ecclesiā *unam*, et consentaneam, *miraculis illustrem*, cum Romanā Apostolicā Sede „*conjunctam*, in Galliā *primam*, in Belgicā *Matrem*, & *Matri* „*gissram* „.

Summa huc redit, quam Honthemius verbis expressit Rhemensis Episcopi ad S. Nicerinum Trevirensensem: „Sicut de articulis fidei judicium penes Ecclesiae Patres esse dignoscitur, ita „et in materiā disciplinae jus statuendi, et Canones condendi „.

Mentem eandem, ac Sententiam sub Francis perstitisse perspicue innotuit Honthemius testans, „Congregatos in Synodis Episcopos condidisse Canones auctoritate, et jure suo. „Nec diffiretur, quin jam tum apud suos recepta esset Sententia *de infallibilitate Summi Pontificis*, eamque adeo *in Gallicanā Ecclesiā antiquiorem esse, atque nonnullis videri voluit*.

Subinde progrediens ad explicandam Trevirorum Jurisprudentiam sub Germanis, quae, et quanta esset apud Treviros de

SU-

Supremâ auctoritate Summi Pontificis existimatio, declarat Honthemius Egilberti sui testimonio, qui, „ ut ut persequeretur Pam Gregorium VII., tamen memor Canonum scripsit Episcopis An. 1082., ferre Sententiam contra Apostolicum non est „ tutum; immo insanum, et omnino nefarium aliquid audere in „ illum, qui vice Sancti Petri fungitur legatione ipsius Christi. „

Hic jam quaero ex Amico laudatore isto, quisquis ille est, qui etiam de Obstetrice manu praestitâ Febronio praepostere gloriatur, num in Febronio eam ipsam recognoscat Sententiarum constantiam, quam in Trevirensium Annalium monumentis Honthemius deprehendit, nec sine commendatione in lucem extulit? Quod si longe aliter seussisse Febronius convincitur sive de proprio immuni Ecclesiae jure ut in judiciis fidei, sic et in cendis legibus disciplinae, sive de summâ Romani Pontificis auctoritate, atque Auctore Honthemio sensere Patres, per quos vetus Trevirensis Ecclesiae traditio in posteros propagata est, quis non intelligat, si quam laudem, quaecumque tandem ea sit, ex Historiâ Trevirensi Honthemius adeptus est, hujus laudis fructum Honthemio Febronium diripuisse, suâque a Majorum institutis improbâ defectione fictae isti personae, quâ se tegere voluit, perpetuam turpitudinis notam inussisse?

At Febronium, inquit laudator, *nec argumenta convellerunt nec fulmina*. Arroganter, et impie. Non vacat, non hujus est loci argumenta repetere, quae Sapientissimis Viris Febronium refellere adgressis nec defuere unquam, nec deesse potuerunt. Verum aliis missis argumentis, an non apud Catholicae mentis homines valere potuit, ac debuit superiorum aetatum vigens ad haec usque temporis Amplissimi sui Antistitis voce confirmata Trevirensis Ecclesiae traditio, quâ erumpens ex ejus sinu profana novitas probatae vetustatis auctoritate obruta jam ab ortu ipso, penitusque convulsa censeretur?

Quid dicam de impio contemptu fulminum? Quo velut in ultimo desperatae causae perfugium ejicere se solent damnati perduelles non ad effugiendam justae damnationis ignominiam, sed ad suam magis, magisque prodendam in erroris perversitate pertinaciam. Quos tamen non impietatis modo, sed et stultitiae poeniteret suae, si tantummodo reputare vellent, nullam unquam ab omni saeculorum memoriâ doctrinae rationem in Ecclesiâ co-

luisse

luisse, quam semel Petri Sedes Apostolico fulmine perstrinxerit.

Laudatur Febronius, quod *Ecclesiam Christi ad primævum revocans statum legitimos potestati Romani Pontificis assignavit limites*. Plane consueto Novatorum more, et exemplo, quibus id semper inisum fuit, ut procacem novandi licentiam instaurandae antiquitatis studio fictis causis obtegerent. Sic olim hoc unum agere se dictitarunt Arius, et Nestorius, ut de Trinitate, deque Personâ Christi corruptam doctrinam, Novatiani dilapsam poenitentiae disciplinam in primævum statum reducerent. Sic deinceps quotquot Seculis labentibus extitere importuni turbatores, qui temere arreptâ emendandae sive doctrinae, sive disciplinae provinciâ Ecclesiam foedâ, misereque dilacerarunt.

Sed est, quod mireris magis, adscitum videlicet ab laudatore isto personatum hominem velut Judicem, et Arbitrum regundorum finium Ecclesiasticae potestatis, qui Romano Pontifici legitimos limites assignaverit. Probum enimvero, sapientemque Judicem, et aestimatorem, cui hâc in causâ id unum propositum fuisse, ut Sacratissima Primatus jura obtineret, affirmare non vercor, quum copiosius ab aliis praestantissimis Viris, tum et in hisce animadversionibus invictè, perspicuèque demonstratum esse. Quod ne arrogantius a me dictum quisquam existimet, facit ipsa conditio causae; quam sic tractandam suscepi, ut non tam acumen ingenii posceret ad eruendam veritatem, quam in rebus exponendis fidem, ac diligentiam ad repellendam calumniam.

Atqui pietatis etiam causâ inductum se clamat Febronius ad moderanda Pontificatus jura, nempe ut offensos Pontificiae Majestatis nimio splendore Protestantium animos placaret, atque ad unitatem, unitatisque centrum planiore viâ reduceret. O admirabilem licentiam, et miserabilem inscientiam disserendi! Haecine directa via est, haecine plana, et idonea ratio devios ad unitatem, unitatisque centrum reducendi, quâ vis illa tota solvitur, quae in centro, seu summo vertice unitatis, et capite inest ex instituto Christi, omninoque inesse debet ad partes universas colligendas, in ordine continendas, in unâ corporis compage devinciendas? Sane quum Bossuetium (a) inter, et Molanum ageretur *de methodo reunionis Protestantium cum Ecclesiâ Româ*.

(a) Edit. Leodien. an. 1767, Tom. 14. pag. 115.

Romano Catholicis, hoc a primario isto Protestantium Doctore *primum concessum* editum est, „ Ut Romanus Pontifex pro Supre-
 „ mo Patriarchâ, seu primo totius Ecclesiae Episcopo habeatur,
 „ eique Protestantes debitum in Spiritualibus obsequium prae-
 „ stent. „ Quo jam plus quiddam videri possit Romano Pontifici
 ab hoc *Protestante* concessum, quam placuerit Febronio eidem
 concedere. Quid porro Clar. Bossuetius? „ Rogo, inquit Ca-
 „ tholicus Antistes, quale ei (Rom. Pont.) *praestituri sint in*
 „ *Spiritualibus obsequium, a quo in ipsâ fidei causâ dissentiant?* „
 Nimirum illud est, quod urgere ille adversus Protestantes nun-
 quam destitit, communionem cum Romanâ Sede, quâ Ecclesiae
 unitas maxime nititur, unius, ejusdemque fidei societate maxi-
 me contineri. Hanc porro fidei Societatem cum Romanâ Sede
 quâ omnino tueri Febronius possit, qui ut parum firmam rejicere
 non vereatur illorum sententiam, *qui a plurimâ parte Episcoporum*
definitioni Romani Pontificis extra Concilium adhaerentium
ultimatum, et irrefragabile judicium constitui existimant?

Dein advertit Bossuetius, longe praviorem etiam ex illo *primo*
 Protestantis Doctoris concessio difficultatem emergere, nempe
 de *Primatu Pontificis, et Ecclesiae Romanae*: An ei tribuatur
 ut *Petri Successori, ac tenenti Cathedram Petri Apostolorum*
Principis, quod est in Ecclesiâ etiam orientali, primisque Oe-
cumenicis Conciliis perovulgatum? Quod si (subjungit Clar. Bos-
 suetius) Protestantes iniquum putaverint, ad illud Divinum jus
 a se toties oppugnatum recognoscendum adigi, quanto erit ini-
 quius, eo adigi Pontificem, ut ad tantos clamores, atque ad sup-
 primendum longe antiquissimum, ac maxime authenticum Sedis
 suae privilegium, ac titulum sponte conniveat, neque quidquam
 hiscat. Non aliam itaque viam reducendorum ad unitatem Pro-
 testantium agnoscebat Bossuetius, quam ut et ipsi cum Ecclesiâ
 etiam Orientali, cumque primis Oecumenicis Conciliis Primatum
 in Romanae Sedis Pontifice Divino plane jure constitutum agno-
 scerent. Quid Febronius? Qui prae Orientali Ecclesiâ, prae
 ipsismet primis Oecumenicis Conciliis palam ostendit, multo
 potiores sibi fuisse clamores Protestantium, dum (cap. 2. §. 3.)
 statuit „ per rationes convenientiae *humanâ auctoritate Romanae*
 „ Urbis Antistiti sacrum Primatum creditum fuisse; „ nec ve-
 retur putidam fabulam refricare depromptam ex Protestante Sen-
 ten-

ekendorffio. ,, eam Saeculo XVI. fuisse constantinensem Sententiam Regni Galliae in Articulis Germanis Smalcaldae propositis ,, his verbis expressam : *Sentire Regem Gallorum , jure tantum humano , non Divino Romanum Pontificem habere Primatum* ,

Perperam Febronius igitur subdolum illud suum ostentat studium unitatis, quo crimen a se repellat violatae Primatus auctoritatis, quâ velut vinculo Catholica Unitas maxime adstringitur. Futile, immo improbum genus excusationis, quo vitium vitio cumulatur, cujus profecto illum magis etiam pudere debuerat, si aut legisset, aut meminisset, quod multae doctrinae Viri alioquin heterodoxus Georgius Bullus (Judicium Ecclesiae Catholicae de necessitate credendi &c. c. 3, §. 6. Ticini an. 1786.) scripsit *de nuperis tam Samosatensianae, tum Arianæ Sectae instauratoribus*, qui ,, doctrinam de Christo coessentiali Dei Filio, adeoque de SSâ Trinitate *opprobria*, in Ecclesiâ omnino ,, supprimendam esse contendunt, ne scilicet Judaeorum, et ,, Turcarum conversioni impedimento illa ulterius sit : hoc est, ,, volunt nos revera Christianos esse desinere, ut Infideles quoque ,, quo modo Christiani fiant .,,

Lusus dein poëticus additur, quo Febronius is fuisse Germanis fingitur, qui fuit Gallis Marca, Espenius Belgis. Ludicrum dictum magis, quam consideratum; nec satis in Gallos, Belgasve honorificum, quasi non omni aetate longe praestantiores Galli, ac Belgae Duces, ac Magistros habuerint, e quorum limpidis fontibus potius, quam e torbidis rivulis mallerent colendae Religionis documenta haurire, institutaque disciplinae.

Quamquam nec idipsum satis apposite ad inentem, sententiamque Febronii, qui non ita se addixit Petro de Marca, ut non saepe ab eo deflectere, ac in pejus ruere dubitaverit. Appellationem a Papae Decreto ad futurum Concilium velut novum quid in Ecclesiam inductum dixerat Marca (Concord. l. 4. c. 17. §. 1.) *quia nunquam in Ecclesiâ admitta fuit provocatio a Papa ad Concilium*. Contra Febronius (de Statu Ecclesiae c. 6.) veritus non est hunc §. 10. titulum adscribere : *Legitimitas appellationis a Romano Pontifice ad generale Concilium omnibus Saeculis, et ab omnibus Nationibus in Ecclesiâ agnita fuit*. Quin et hoc ipso Commentario (Pos. 30.) non omittit animadvertere, Illustrissimum de Marca, propterea quod censuerit, appellationes a Papâ

ad Concilium a vetere disciplinâ alienas esse, hoc nomine vapu-
fasse a Bossueto. Ac revera non in Petro de Marcâ, sed in hoc
Bossueto intueri sibi visus est (Posit. 11.) Febronius *Sydes Ec-
clesiae recentius nunquam a se deserendum*: Cujus Syderis clari-
tatem utinam saltem non a vero Bossuetio in Pseudo-Bossuetium,
seu e mentium *Definitionis* Auctorem perperam transtulisset.

Espenius vero, quamquam non semper fidus interpretis ejus
juris, quod collectis a Gregorio IX., & aliis additis Decretali-
bus continetur, tamen illud habuit, ac suscepit velut jus legitimâ,
ratâque auctoritate constitutum. Quid porro Febronius? Prae-
clarum nempe se praebet assectatorem Espenii, qui Corpus id
juris funditus evertere molitur, in quo interpretaudo Espenius
aetatem penè consumpsit omnem. Etenim in Praemonitu ad li-
brum *de statu Ecclesiae* sic ille *Doctores Theologiae, et Juris
Canonici* admonendos censuit: „ In Decretalibus, Extravagan-
„ tibus, et Clementinis formam Ecclesiae Monarchicam stabilitam
„ esse observant eruditi, et a nobis per decursum hujus ope-
„ ris demonstratum est. Has Canonum collectiones Grego-
„ rius IX., Bonifacius VIII., et Joannes XXII. legum more non
„ publicaverunt solemniter, sed eas ad Doctores, et Scholares in
„ celeberrimâ tum Bononiensi Academiâ degentes direxerunt, ut
„ per illos traderentur, per hos vero haerirentur haec Monar-
„ chiae Sacrae fundamenta. Atque ita facile, et
„ quasi naturaliter evenit, ut per medium eorumdem Doctorum
„ juris Canonici, ac dein Theologiae Monarchicus ille status
„ tamquam genuinus, et viuce verus utique reciperetur, et per
„ totum Occidentem stabiliretur. . . . Ego hoc Systema refutare.
„ aggressus sum . . .

Itane Febronius formam hanc *Statûs Papalis Monarchici* re-
futare aggreditur, quem Joannes ipse Gersonius primus ab eo
memoratus inter Viros, *probatissimis quorum scriptis Sancta
Mater Ecclesia tantum debet*, negari sine novâ haereseos non
posse, fuisse a Christo immediate institutum firmiter asseruit;
Facultas Parisiensis contra Spalatensem Apostatam suis Decretis
confirmavit? Aliunde an compos sui homo, qui se Catholicum.
Sanctae Matri Ecclesiae addictum professus aggreditur systema
refutare, quod ille ipse fateatur a quatuor saltem saeculis *per
totum Occidentem stabilitum*? quasi vero in causâ, quae doctrinam,
ac

ac fidem attingit, invehi quomodocumque potuisset in Ecclesiam, in eâque stabiliri doctrina, quae a superiorum ac-
 dissideret. Duplex itaque hoc loco peccatum Febronii, ntrum-
 que Catholico Viro indignum, sive quod juris jam dudum legiti-
 mē constitui ratam auctoritatem convellere aggreditur, sive
 quod ad eam convellendam talem rationem adhibet, quae in cau-
 sâ doctrinae inter priora Ecclesiae, posterioraque Saecula dissid-
 ium inducit Catholicis auribus minime ferendum.

Nec porro insolens in Febronio videri debet odium hoc Mo-
 narchiae in statu hierarchico, qui ei formae minus aequum se
 praebeat in statu etiam politico. Nam accedens (de Statu Ec-
 clesiae c. 1. §. 8. num. 5.) ad eorum refellendam rationem, qui
 Monarchiam in Ecclesiâ hoc etiam nomine defendunt, quod par
 sit existimare, Christum, quum perfectissimam Societatem in-
 stitueret, perfectissimam in eâ regiminis formam constituisse,
 primum hoc ipsum in dubium vocat, *Monarchicum statum reli-
 quis esse perfectiorem*. Deinde addit, hoc esse hujus formae prop-
 rium, *quod facile solet in despotismum declinare*. Quod si
 vitiosum genere suo id omne est, quod facile solet in vitium de-
 clinare, vitiosam dicat, oportet, suapte naturâ Monarchiam
 quisquis amet sequi Febronium. Falsum crimen; contumeliosum
 in eam regiminis formam, cujus legitima constitutio abest a de-
 spotismo quam plurimum. Crimeu invidiosum, quo nullum aptius
 ad incitandos imperitae multitudinis animos, inflammandumque
 odium, quo caeco interdum furore abrepta effervescit in Summos
 Imperantes, quibus velut sublimioribus Potestatibus Dei ordina-
 tione constitutis debito etiam Religionis officio obsequentes prae-
 bere se debent quotquot illorum imperio reguntur. Quo etiam in-
 telligi potest, quanto in errore versentur, qui adeo faciles aures Fe-
 bronianis istis praebere solent, putantque, tantumdem firmitatis acce-
 dere Potestati Civili, quantum per istos de Sacrorum jure detrahitur.

Nec magis faveat Febronius Imperio mere Aristocratico, quod
 ait, *semen esse discordiarum*, ut proinde omni ex parte hoc loco
 Marcam suum deserat, qui Monarchiam in Ecclesiâ cum aliquâ
 quidem commistione Aristocratiae, veram tamen Monarchiam
 agnoscit (concord. l. 2. c. 16. n. 6.) (a) F f 2 Quod

(a) De hac Aristocratiae admisione supra dictum est (ad Posit. 1.),
 ubi eam vidimus tum a V. Bellarmino, tum et in egregiis notis ad Hist.
 Nat.

Quod si removenda Monarchia, cujus vel nomen ipsum horret Febrogus in Ecclesiastico saltem regimine; si nec ipsum placet Aristocraticum regimen, (quale tamen reapse viget in omni bene constituta Democratia, ubi semper multo major pars incolarum expers prorsus est publicae administrationis, et auctoritatis), quid aliud remanet, quam absona illa anarchici status forma, seu perversio, qua summa rerum ad ultimam summam potestate revolvitur ad plebem? cujus vis quam facile incitatur, quas semel incitata, quam exitiales turbas, ac ruias edat quum in Sacra, tum et in civili politia, non est quod dicam; res ipsa clamat.

Nunc ut ad laudatorem propius redeam, utinam non ei placuisset in sui Febronii laudibus candorem animi cum perpetua pacatae mentis tranquillitate conjugere! Non me causa cogeret dicere, quae libens reticuissem. In illo suo Praemonitu Febronius, quo loco *Episcopi Ecclesiae Catholicae* alloquitur, post exposita mala, quae ex rigore, et inflexibilitate *Romanae Aulae praetensa, et impudica sua jura sustinendi* in ipsam Romanam Sedem, universamque Ecclesiam redundasse comminiscitur, universos Episcopos Episcopus ipse graviter, ac severe monet, atque hortatur, ut officii sui memores laboranti Ecclesiae hac in parte consulant, ac succurrant: „Vestrum, si id alii serio, „et cum effectu praestare omittant, erit illud agere, atque „eniti, ut Ordini vestro restituantur jura illa ex Christi placito, ac vero jure sacro propria. . . . Timor in Episcopos suos „fungentes Apostolico manere non cadit, aut saltem cadere „non debet. . . . Deplorandum sane foret, et vestro Characteri „re indignum, si qui ex vobis propter spem transitoriam vestrae, vestrorumque fortunae sibi vellent adsciscere illud vac „mutorum non valentium latrare. . . . Itaque uno spiritu, et con-

Nat. Alexandri sic explicatam, ut nil de summa, & absoluta Monarchiae vi, ac ratione detrahat, quod pollet Romanus Pontifex in universa Ecclesia. Verum, quum non pauci ex infesta Novatorum turba, et colluvie postmodum emergerint, qui vocis illius ambiguitatem in alienum plane ac depravatam sensum deficerent, ita sapientissimi posthac viri (ut 2. addit. notavimus) hanc merito deserendam formulam censuere, quae minus caute errandi periculum afferret, quorum nos iudicio, ac sententiae libentissime subscribimus.

„ consociatis viribus vestram, Ecclesiae, et Dei causam susci-
 „ pite; et evanescet omnis, si quae adhuc superesse posset etiam
 „ vana metuendi ratio. „

Hic jam prodet se candor ille animi, ac pacate mentis invicta tranquillitas, et constantia Febronii. Causam hanc praecclamam agere ille susceperat. Quo fructu, quo exitu, quam ille sui laboris, et industriae opinionem sibi finxerit, amplissime testatum reliquit in illo suo Praemonitu ad Doctores Theologiae, et Juris Canonici. „ Prius, *inquit*, totam compagem Operis
 „ legite iterum atque iterum; et Historiam Ecclesiae praesertim
 „ Conciliari simul adhibita deprehendetis, si aequo animo esse
 „ volueritis, nec ad legendum cum immaturo proposito refutan-
 „ di accedere, quod nostra haec Ecclesiastici regiminis ratio non
 „ tantum sit vera, sancta, et Catholice genuina, sed etiam
 „ sanctae, quam colo, amo, veneror, Sedi prae Monarchismo
 „ salubrior. „

Praetereo dicere, quam odiosum sit, quam ab ingenio animi candore alienum odium ipsum, seu aversum, intestinumque animum velle obtegere simulatione benevolentiae. Propero ad factum Febronii. Vix edito illo *de Statu Ecclesiae libro singulari* sub nomine Justinii Febronii an. 1763. Bullioni apud Guillelmum Evrardi, illico subortus rumor, atque in dies increbrascens verum libri auctorem Hontheimium nuntiavit sub ficto illo nomine latere. Nulla ille interposita mora illo eodem anno 1763. quum in aliis, tum praecipue in Coloniensi Ephemeride n. 87. monitum inserendum curavit, quo insigni mendacio se negavit auctorem operis. Egregium enim vero Evangelicae simplicitatis documentum! Sic Episcopus aut erubuit, aut timuit Auctorem se profiteri formae illius Ecclesiastici Regiminis, quam *veram*, quam *sanctam*, quam *genuine Catholicam*, qua una laboranti Ecclesiae consuli, ac succurri posse declaraverat? Sic ille Apostolicum illud invictum robur animi praestitit, quod velut Episcopalis muneris praecipuum officium universis Christiani Orbis Episcopis commendavit, ac praecepit? Sic personam suam non indignum putavit os mutum sibi adsciscere canis aperta fronte latrare non valentis?

Quem porro ex opere illo placidae tranquillitatis fructum retulerit, atque ad exitum usque vitae perduxerit, conjectura capi potest.

porerit ex documento Germanicis typis edito, cujus exemplum subijcimus.

D I S P O S I T I O

Reverendissimi, et Illustrissimi Domini Domini

JOANNIS NICOLAI AB HONTHEIM

Episcopi Myriophitani, Suffraganei Trevirensis.

*Die secundâ Septembris 1790. pie in Domino defuncti propriâ ejus
manu scripta, subscripta, et sigillo suo munita tenoris*

NOLO equidem, ut post meum obitum quidquam in meam laudem publicetur; neque enim ad id ulla suppetit materia. Verumtamen, quum variis titulis, atque scriptis hoc in mundo apparuerim, de quibus diversa a diversis Judicia prodixisse non ignoro; atque Episcopum omnino deceat hoc saeculum non relinquere sine testimonio probatae fidei, hinc ejus loco post meum ex hac vitâ decessum publicari cupio Epistolam a Reverendissimo, et Celsissimo S. R. J. Principe Abbate divi Blasii in nigrâ Sylva Viro notorie doctissimo, et religiosissimo ad me die decimâ decurrentis Mensis amice exaratam. Dabam Treviris 25. Februarii 1788.

L. S.

Joannes Nicolaus ab Hontheim Episcopus Myriophitanus
Suffraganeus Trevirensis manu propriâ

Extremâ Epistolae parte, quae sola facit ad rem, Celsissimus Abbas admonito Honthemio de quâdam lucubratione suâ satis amplâ proxime praelo submitteudâ inscriptâ: *„Ecclesia militans Regnum Christi: niti hanc subjecit, iis principiis, quae, inquit, in Commentario in Retractationem tuam statuisti, qui Senectuti tuae tranquillitatem reddit, quâ diutissime frue- re. „ (a)*

Multa

(a) Hujus Epistolae summam referunt etiam Clarissimi Auctores *Ephemer. Eccl. Rom.* Supplem. an. 1792. Tom. IV. Cod. 1. p. 89. quo loco praeclarum Celsissimi Abbatis Opus magno Ecclesiae bono postea editum meritis laudibus extollunt, adduntque in Febroniano Commentario nil amplius deri Jerandum fuisse, quam ut cum principiis in opere illo luculenter expositis plane consentiret. Quo sane nullus jam ambigendi locus relinquitur, quin

Multa in Prooemio notavimus immania errorum capita in actis Retractionis reprobata, quaeque jure ac meritò fuisse reprobanda confirmat Honthemius in subjecto Suae Retractioni Commentario, tametsi non paucis adhuc, nec levibus maculis consperso. Quam ergo *pro testimonio probatae suae fidei* ad hanc Epistolam se refert Honthemius *post suum ex hac vita decessum publicandam*, hoc jam saltem ostendit, se illa ex animo repudiasse immania capita errorum, quae suae Retractioni subjecerat, quibus totus refertus est *singularis liber de statu Ecclesiae*. Non ergo in eo libro, non in eà formà, quam tum sibi finxerat Ecclesiastici regiminis conquiscescendum sibi putavit Honthemius, nec in eà placide conquiscentes *animam effudit*.

Quo etiam mirabilius videri debet, hominem, qui se ostentat consiliorum Honthemii participem, Honthemio laudem, gloriam sibi quaesivisse ex obstetrice manu praestitã ei libro, cujus, quum ederetur, Honthemium ipsum piguit, aut puduit auctorem se fateri; cujus dein editi sic eum poenituit, ut illum deliberato consilio publicã retractione reprobandum sibi censuerit; morti vero proximus ad eum se Commentarium retulerit, quo fatetur, vehementer se in primo illo scribendo libro errasse, suumque id novum opus Apostolicae Sedis judicio, ac Sententiae ita subjicit, ut ad errata, quaecumque adhuc irrepsissent, ex praescripto Summi Pontificis emendanda paratum se, ac promptum obsequentissimo animo proficetur.

Certe homini recogitanti, quam nefario se scelere obstringat quisquis inconsutilem Christi tunicam, unitatem videlicet Ecclesiae discindere moliatur; Petram concutere, quam Ecclesiae suae firmissimum fundamentum Christus constituit; Oves, quas pascendas Petro commisit, a Petri pascuis in aliena pascua tradu-

quin Cl. Praesul non Religionis minùs, quam doctrinae laude spectatissimus, dum ad extremum Epistolae *principia* memorat Febroniani Commentarii, ad illa tantummodo respexerit pleraque Positionum capita, quae proprio nomine *printipia* dici possunt, quibus illustrandis, confirmandisque multam ac sane probandam Febronius visus est operam navasse, minime vero ad subjectas inanes commentitias exceptiones, quas videtur velut totidem de industria quaesita effugia patere sibi voluisse, ut quandocumque libuisset, elabi valeret, *principisque* ipsis rite a se positis velut per lantes rimas sese furtive subducere.

ducere, is, quisquis est, si miserante Deo non sinitur penitus in funestâ illâ tranquillitate obdurescere, quâ Deo vindice plectuntur interdum, qui laetantur, quum male fecerint; si excitante gratiâ conscientiae stimulus agitatus veram sibi pacem animi reddi cupit, ac precatur, non aliunde oboriri haec potest, quam ex malefacti poenitentia, sinceroque animo reconciliandae gratiae, colendaeque unitatis, et concordiae cum eâ Cathedrâ unitatis origine, super quam Ecclesia aedificata est, quam qui deserit, frustra se in Ecclesiâ esse confidit. Nemini certe magis cordi esse debuit, quam Trevirensi Suffraganeo puram, integramque servare Trevirorum antiquam traditionem a SSâis Viris retentam, ac propagatam, solemnî Synodali totius pene Germaniae Decreto confirmatam, ab Inclytae Germanicae Nationis Apostolo Bonifacio his litteris ad Cudbertum Archiepiscopum promulgatam (Labb. Tom. 8. Edit. Ven. Col. 281.) „Decrevimus autem in nostro Synodali Conventu, et confessi sumus fidem Catholicam, et unitatem, et subjectionem Romanae Ecclesiae sine tenus vitae nostrae velle servare; Sancto Petro, et Vicario ejus velle subjici „.

Hanc debitam, Divino mandato praeceptam, et institutam subjectionem amantissimo Patri PIO SEXTO Honthemius in suae Retraccionis actu spondit: hanc et in posteriore Commentario, maxime vero in adjectâ Epistolâ plenius confirmavit; Quo major ex miserentis Dei bonitate spes affulget, hæc illum piâ, devotâque mente praeditum in complexu Petri, sanctoque pacis osculo animam effluisse.

Ex his plane poterit quisque intelligere, quam bene amicus iste laudator de Honthemio meritis sit; quam bene amici nomini, memoriae, honori consuluerit, qui laudis Honthemio impertientiae argumentum, et materiam maluerit ex reprobando, reprobatâque malefacto potius, quam ex laudabili malefacti, meritâque laudatâ poenitentia reperere.

F I N I S.

INDEX RERUM PRAECIPUARUM

NUMERUS INNUIT PAGINAS.

ABS.

ABSOLVERE. Quomodo differant potestas absolvendi, et potestas dispensandi 101.

ACACIUM Sententiae non constitunt iudicium proprie dogmaticum 70.

ACCEPTATIO LEGUM. Si haec in Republica necessaria fuit, ubi Populus erat Rex, id valere nequit, ubicumque Populus Regem habet 83. Independentem a quacunque alia acceptatione Generalia Concilia sortiuntur firmitatem. 91. 173. Impium, et nefarium est veritatem non acceptare statim atque ab Ecclesia proposita est 176. 177.

ALIA. In eam translata est Sedes Episcop. Hierosolymae excisae 117.

S. AGAPITUS PP. Imperialium Constitutionum de rebus ad Ecclesiasticam disciplinam pertinentibus (ex Nat. Alex.) nulla in Ecclesia auctoritas, nisi quatenus cum S. Canonibus consentiebant 186. 179.

S. AGATHO PP. Ejus Epistola lecta in VI. Synodo. Praeclarum in ea testimonium, quod R. Ecclesia nunquam a veritatis via deflexa esset, et quod ejus auctoritatem semper omnis Catholica Ecclesia amplectens in cunctis sequuta est. 38. 121. In ea Epistola Confessionem a Deo scriptam, ab antiqua illa Romana Civitate oblatam, ac Petrum per Agathonem loquentem, agnoscunt VI. Synodi Patres 199.

ALEXANDRINA Sedes utpote a Petro instituta in inferiora Sedes auctoritatem tenuit, ac jurisdictionem 41. „ Summum ejus in Romanam Sedem obsequium, et cuius Divino Primatum suum agnoscebat. 44. 45. „ Ex Bachinio in quibuslibet Ecclesiis, aut Provinciis omnia Alexandrini Episcopi nutu peragebantur. 45. Praeter eam, et Antioche-

ANT.

niam non aliae ab initio Sedes ampliori auctoritate antecelluerunt. 169. Praeter Alexandrinam usque ad Demetrium nullam aliam tota Aegypto fuisse Sedem Episcopalem proditum est in Chronico Alexandrino 170.

ALLIACENSIS. Ad Sanctam Sedem Apostolicam pertinet auctoritate judiciali Suprema circa ea, quae sunt Fidei, judicialiter definire. 90. Temerarium foret notare de Simoniaci pravitate statum, quo Summus Pontifex subventiones recipit inannatis Oblationibus, Decimis &c. 145.

S. ANDROSIVS testatur, Valentinianum Imp. contestatum esse, Sacerdotes de Sacerdotibus judicare. 80. Ad Valentinianum de rebus fidei iudicate attentantem scribit. 174. 175.

S. ANASTASIUS PP. Universa Africana Ecclesia ad Anastasium confugit, ut dispensationem eliceret, qua Clerici a partibus Donatistarum severtentes in suscepris Ordinibus relinquerentur. 101.

ANDEGAVENSES Collationes norant, tametsi minus antiquis foret Reservationum usus, non minus certum futurum de illis sancendis Jus Romanorum Pontificum. 99.

ANNATAE. De illis quid tractatum in Basilicensi Concilio. Nulla in iis Simonia. 145. Antequam a Romano exigenter Pontifice, ab Episcopis, Abbatibus, Ecclesiis Majoribus exigebantur. 146. Eas solvere primum est. 146.

ANTIOCHENA In Sede, utpote a Petro instituta, viguit in inferiores Sedes auctoritas, et iurisdiclio. 44. „ Summum „ ejus obsequium erga Sedem Romanam „ et cuius Divino Primatu suum Ecclesiasticum Primatum fluxisse agnoscebat. 44. 45. „ De ea dispositi S. In-

G g nocen-

APCTO Libelli: *Kiffessione sopra il Brevet* factur, ex Cypriano Petrum solum ante ceteros Apostolos Clavium potestatem accepisse. 191. Absurda ejus Commentatio, qua detorquet, ac perverit Irenaei testimonium de Fidei perpetuitate stabilita in Ecclesia Romana per Successionem Pontificum. 209.

AUCTOR libri: *Voce della Verità*: Notat, Petrum primum consensisse Cathedram Episcopalem: quid inde sequatur. 191. Perperam negat Concilium Constantinense adversus inerrantiam Summi Pontificis. 208.

S. AUGUSTINUS Quo sensu dixerit, Petrum gessisse personam totius Ecclesiae, quum audire meruit: *Isti dabo* &c. 23. 25. In Romana Ecclesia semper Apostolicae Cathedrae viguit Principatus. 69. 69. Testatur plures Haereticos siue Congregatione Synodi damnatos esse. Not. 61. Quantum Romanae Sedi tribuere Augustinus, intelligi potest ex ejus Epist. 186. 67. A Pelagio P.P. memoratur Epist. ad Episcopos Thusciae. 69. Quum uerint eges firmatae, non licet iudici de ipsis judicare, sed secundum ipsas. 105. Non agnovit in deo Primatē auctoritatem dispensandi quoad Ordinationes. 106. Petrus, quum Christum negavit, non habuit in corde quod in ore. 102. Augustino cum Augustino collato licet illa ejus Sententia, *Gaudia frui* &c. 110.

AURELIANENSIS Synodus an. 549. statuit, quum de fide agitur, satis esse, si sanciatur Constitutio, quae Romanae Sedis nitatur auctoritate. 57. Praetermissa mentione Ephesini, et Chalcedonensis Concilii in una Sedia Apostolicae Sententia conquiescit. 135.

BAL.

BALLERINIUS. Quo sensu intelligat, duas Unitates Fidei, et Charitatis tam Ecclesiae, utque membrorum esse proprias, et, qui alterutra eatat, desinat esse in vera Ecclesia. 21. Aui madvetit, quod non ex Isidoriana Collectioe profluit novus ordo judiciorum, sed potius ex ordine jam recepto Isidoriana Collectio. 96. Docte disserit de Isidoriana Collectione. 115.

BARTHELIUS Notat, oriturum in Ecclesia Fidei, ac Disciplinae perversionem, nisi Episcopi Supremi unitus Capitis auctoritate in officio contineantur. 6. 32. 33. Moderator est Launojo, non ratiō accurate Tridentini Concilium exponit. 161.

BASILIENTIS Synodus non dicit, se tribuere Romano Pontifici, sed in illo agnoscit potestatem, cui nullo pacto derogatur Statuti Concilio. 101. 111. **S. BASILIUS** quum expromendam censebat Sententiam Romani Pontificis, non propriorum iudicium exercebat, sed fixam, certaque Sententiam. 17.

BASNAGII Cavillationes revincuntur iis, quae disputat Natalis Alexander de Appellationibus. 120.

BELLARMINUS. Quum universo Ordini Sacerdotali datae dicuntur Claves, sermo est de potestate Ordinis, quae in Ordinatione suscipitur, cui, ut exerceatur, accedat, oportet, Jurisdictione ab Episcopis recepta. Not. 18. Explicatio Constitutionis Monarchicae in Ecclesia ab eo allata nil detrahit Supremae Auctoritati Summi Pontificis. 22. 189. Bellarminiana Ecclesiae definitio adversus Laanojum vindicatur a Febronio cum Tournellio. 30. Episcopi in Conciliis non Consiliiarii, sed Iudices sunt. 63. Plane, et copiose explicat indiciones Conciliorum expletas ab Imperatoribus. 90.

BENEDICTUS VIII. Acta sui Concilii an. 1173. recognovit, et Decreto spectanti Constitutionem *Evangelium* fidem habendam reservavit. 77.

BENEDICTUS XIV. Merito ei videtur Primatus connexionem Sedi Romanae non ita esse de jure humano, ut possit ab Ecclesia dissolvi. 48. Docet, quomodo se gerere debeant Episcopi erga Sedem Apostolicam, si quam tunc Potestatem Constitutionem pro sua Diocesis minus opportunitate censeant. 86. Docet, Episcopus contra jus commune nihil posse. 108. Videntur quoad concedendas dispensationes in impedimentis Matrimonii. 112.

BENEFICIORUM Reservationes sanae rationi, et aequitati consonae sunt. 140. Primario Ecclesiae usui Beneficia ad Episcopi, seu Ordinarii loci collationem pertinebant. 140. Non tamen ra-

tione adducta a Febronio, quod olim Ordinario esset vice collationis. 142.

S. BERNARDUS. Oportet ad Romanum Apostolorum secleri ea praeferri, quae de Fide continentur; quippe dignum est ibi potissimum resarciri damna fidei, ubi non possit Fides sentire defectum. 38. Episcopi assignatos habuit greges singuli singulos; Papae Universi credidit. 47.

BASILIUS Severinus observat, ad Romanam tantum Sedem pertinere dispensare in his, quae contra Canones praesumpta sunt; nulliusque Concilii Provincialis tantam esse auctoritatem, ut inconsulta Sede Apostolica id praestare potuerit. 104.

BITHYNIENSE Concilium an. 1518. Lutheri Dogma reprobatur, seu potius pro reprobo habere se testatur, quod fuerat a Sede Apostolica jam pridem reprobatum. 73.

BONIFATIUS Habet pro firmo, nusquam evenire posse, ut primatus in Romana Sede desinat. 51. Sedis Apostolicae confirmationem requirit in dubio de firmitate Concilii Generalis. 91. Consilium fuit Christi, ut uni primatus largiretur, quod pluribus erat postmodum largiturus, sic tamen, ut posterior concessio nil de priore detraxerit. 190. Ratio, qua fidei perpetuitatem asserit in Ecclesia, valet aequae ad fidei perpetuitatem in Sede Romana, sine intermissione assevandam. 200. Multa reprehendit in Richardo Simonio, quae hic ab omni reprehensione tuta continebat, quod nulla fuissent adhuc erroris labe mutata. 206. Apostolorum Potestas una et extraordinaria, ordinaria altera. 218. Negat debitum in Spiritualibus obsequium Romano Pontifici ab his praestari posse, qui ab eo in causa fidei dissentiant. 224.

BREZACENSIS Primas iudicandus apud Sedem Apostolicam. 221.

CAESA.

S. CASSARIUS Arelatensis. A Persona S. B. Petri Episcopatus sumit exordium. 192.

CANONES. Trigesimus tertius inter Apostolicos suppeditat argumentum auctoritatis primatum Sedium in subjectos

Episcopos. 45. Apostolicis Canonibus perspicitur, Episcoporum Auctoritatem certis, ac circumscriptis terminis definitam jam ab initio fuisse. 103. Iis continentur antiquae disciplinae lineamenta. 107. Nulli unquam Canones vim, et efficaciam in universa Ecclesia obtinuerunt, nisi qui Pontificiae Auctoritatis accessione firmati essent. 105.

CANONIZATIONES Sanctorum etiam olim fiebant de consensu saltem tacito R.R. Pontificum. 117. Sine auctoritate Ecclesiae nemo venerandus pro Sancto. 117. Maximi interest sarum, tutumque servari morem canonizandi Sanctos. 211.

CAROLI V. Edicto, quo Bullae Leonis X. insinuitur, Lutherus pro Haeretico habetur. 71. 75.

CARTHAGINENSIS Concilii Patres antiquae regulae formam sequenti ad Petrum, idem ad sui nominis, et honoris Auctorem referri debere agnoverunt, quod in suo Concilio tractandum susceperat. 67. 68. Qui etiam nil prius ducere esse finendum, nisi ad ejus Sedis notitiam perveniret, quae iuxta Sententia firmaretur. Idem confirmant Alii Patres Epist. ad Theodorum Papam. 83. Carthaginensis Concilii III. Patres non se potestatem suo Primati dare testantur, sed quae ipsi competere, agnoscere. 141. 143. Synodus Carthaginensis an. 525. Monasteriorum immunitatis documenta suppeditat. 143. 149.

CATHEDRA Auctoritatis non in alio ab Hieronymo agnita est, quam in eo, qui Cathedram teneret. 37. Recedunt a Patrum mente, qui Cathedram se jungere moliantur ab eo, qui praecit Cathedrae. 37. Cathedrae Romanae auctoritatem a Petri Primatu prodire satis innuit Tertullianus. 66. 67. Cathedra Petri coudere si posset, Ecclesia non haberet Societatis vinculum, fieretque Schismatica, et dissipata. 197. Evenire nequit, ut Romana Cathedra destinata esse Cathedra veritatis. 193. Romanae Cathedrae Fides secerat nequit a Fide, quam in ea praedicant Rom. Pontifices. 198.

CHARITATIS Nomine Ballerianus designat illud Communions Vinculum, quod Schismate solvitur. 23. Vinculum Charitatis constringit Unitatem Catholicam.

licam; refertur ad Charitatem velut terminum, unde accipit formam. 25.

CARISTOS. Christum Ecclesiam regebat per multos Ministros sine mortali Monarchia, errot Jo. Hus damnatus a Parisiensibus. 20. Christi promissum primario, et per se in Petro, ejusque Successoribus id praestat, quod Petro directe promissum est. 205. Ne Christi promissum intermissionem aliquam patiat, obstat Promittentis inviolata Fidelitas, et Omnipotentia. 207.

S. CHRYSOLOGUS Petrus ait, B. Petrum in propria Sede vivere, praesidere, praestare quaterentibus fidei veritatem. 69. 130. 198.

CLAVES Ita Petro, et Unitati concessae, ut unum aliud non excludat. 17. Clavium potestas non derivatur in Pastores ab Universitate Ecclesiae illam principaliter, et radicaliter obtinente. 17. Claves ex S. Augustino non aliter unitati datae, quam per S. Petrum. 23. Ex Tertulliano Claves refectae sunt Petro, et per eum Ecclesiae. 24. 192. Ex S. Optato Claves ceteris communicandas solus S. Petrus accepit. 24. Ex S. Thoma ut in potestate Clavium Ordo significaretur, primo soli Petro datae sunt. 25. Claves datae Pontifici, et Episcopis: his autem cum subordinatione ad Petri Successorem. 26. Claves, si potestatem significant in membris, quibus communicantur, multo eam excellentiorem demonstrant in Capite. Not. 35. 36. Non imo, eodemque actu datae sunt principaliter Petro, et ceteris Apostolis. 189. Per partitionem, qua potestas Clavium in ceteros Apostolos deinde diffusa est, nihil detractum fuit de plenitudine, quae primitus in uno Petro vixit. 190.

S. CORIESTINUS PP. I. Excommunicationis et Depositionis Sententiam in Nestorium tulit; et ad Ecclesiae communionem ab eo restituit, quos Nestorius excommunicaverat. 38. Ejus Epist. ad Episcopos Illyrici evincit Febronius, jus Romani Pontificis esse, ut ad Petri Sedem de singulis Provinciis referant Sacerdotes. 78. De restitutione S. Athanasii per Sedem Apostolicam facta loquitur Coelestinus velut de re nota. 93. Primam Causae Nestorii cognitionem ad se traxit. 94. Romanus Pontifex in speculis esse constitutus, ut, quae coeclenda

sunt, resecet; quae observanda, sanciat. 108. 109. Post Capicula de gratia, quae subjiuntur ejus Epistolae ad Venerium, dicitur, non opinemur Catholicum, quod apparuerit praefixis Sententiae esse contrarium. 129.

CONCILIA Orientis irrita habebantur, nisi Romani Episcopi auctoritate firmarentur. 108. Provincialibus Conciliis, nisi libero Summi Pontificis consensu, restitui nequit Episcoporum Confirmatio Translatio, Deposito. 114. Conciliorum Provincialium Potestas veteri etiam jure, utpote quae superiori Primatus auctoritati subdici debuit, non recte dicitur Suprema. 114. Quae Synodi praescriberent, testatae sunt, 50 praescribere ad normam Decretorum Apostolicorum. 114. A conciliis Provincialibus non est in Romanum Pontificem translata Potestas; sed quam semper habuit, semper alicubi exercit; iis supersedentibus coepit ubique sola exercere. 116. 117. Quod in Provinciali fuerit Concilio examinatum, illud examini Romani Pontificis subdici jubet Tridentinum. 172.

CONCILIUM OCCIDENTUM. Quod ad grassantem haeresim restringendum, praesentem, eamque opportunissimam operam Generalis Concilii Convocatio afferte quandoque valeat, ultro conceditur. Quod circa Concilium error damnari ultumato nequeat, a Catholico Dogmate plane abhorret. 38. Leges jure suo ferre potest, quibus Episcopi omnes indistinctim adstricti teneantur. 40. Solis Concilii Occidentis declarari unanimum Ecclesiae consentium, atque sola eorum Decreta firma esse, et irrevocabilia, propositio est a Facultate ipsa Parisiensi notata ut haeretica. 61. Ad firmitatem Decretorum Concilii nunquam necesse fuit, ut singulatin rogi- retur particularium omnium Ecclesiarum Sententia, quantum Episcopi aberant. 63. Non desunt exempla haereticam, quae primum ab Ecclesia dispecta irrevocabili judicio damnatae, novam rursus propter Sectatorum pertinaciam in Synodis damnationem subire. 64. Sum. Pont. Jure Divino compescit jus indistentis, dirigit, et confirmandi Universalia Concilia. 88. Quam Summi Imperantes operant, et auxiliium practice in Convocatione Concilii.

- ciliorum, non jure Clavium praestiterunt, e quo forma, et vis pendet Ecclesiastici Conventus, quale est Concilium. 89. 90. Concilia Generalia firmitatem sortiuntur independentem a quacunque alia actione. 91. Accedat tamen oportet Confirmatio Romani Pontificis. 91. Nuncquam licitum creditum est Apostolicae Definitioni, quam semper Oecumenicae Synodi ratam habuerunt, contradicere, ac repugnare. 128. 129. Chalcedonenses Patres formam sibi datam a Romano Pontifice protestati sunt, quam sequuntur 130.
- CONCORDATA Religione servanda. Summa Pontificum fides in se vaudis Concordatis suo assensu firmatis non aliud postulat, quam ut aequa fides illis rependatur. 144.
- S. CONGRÉGATIO Concilii semper inuenta, ne quid de Episcoporum juribus ducatur. 86. 87.
- CONSENSU Multitudinis non expectato S. Paulus munere suo functus est cum incesto Corinthio. 25. 39. Consensus in fide cum Romana Sede vinculum esse potissimum Unitatis Catholicae. 197.
- CONSTANTINENSIS Concilium. Damnata in eo propositio non esse de necessitate salutis credere, Romanam Ecclesiam esse Supremam inter alias Ecclesias. Non ergo separabilis a Romana Sede Primatus. 51. 52. Nilul ex Constantiensibus Decretis concludi posse adversus praetentiam Auctoritatis Pontificiae praee Concilii auctoritate, manifeste colligitur ex ipsismet Gallicanis Comitibus an. 1682. 166. 103.
- CONSTANTINUS. Veterem Ecclesiae disciplinam monet Naz. Alexander erui non posse, nec debere ex ejus Epistola ad Concilium Acaunense, qua Ecclesiae Decreta absque sua approbatione edita prorsus irrita esse jubet. 89. Monitus ab Hostio, ad rebus se misceret Ecclesiasticis. 144.
- CONSTANTINOPOLITANUM. IV. Concilium. In eo eluxit Sententia de Suprema Romano Pontificis auctoritate. 53. Ab uno Romano Pontifice petendas censuit dispensationes. 104. III. Convocatum ad frangendam errantium Concomitiam. 131. S. Agathonis lictis inhaeret. 132. 133. 134. 199.
- CONSTANTINUS M. Proficitur in Concilio Nicaeno, sibi fas non esse de Causis Episcoporum cognoscere. 89.
- CONSTITUTIONI UNIGENITI, ut Dogmatico Sineae Sedis, et Universalis Ecclesiae Decreto omnimoda ab omnibus obediens debetur. 76.
- CONSUETUDO Quamvis vim habet legis inducendae, aut abrogandae, sed ex consensu Legislatoris. Ex quo fit, ut legislatoris imperium vires non trahat ex consuetudine. 41. Consuetudin. quod sibi asseruit Superior, iuribus est tributum Superiortatis. 143.
- CONVICTUS Censuratum est ultimum desperatae causae periculum, quo effugere se solent damnati perduelles. 212.
- COPIES, seu Corporis unitas recipere dicitur quicquid in caput pro toto copiare, totiusque Corporis usu conferre. 14.
- CONSTANT Petrus monet, S. Coelestinum non aminorum vi in tribus RR. Pontificum Decretis, quam Canonum Sententis. 39. Vindicat locum S. Leonis adversus famulum ejusdem Editoris (Quenstedt) 45. Adverte Afros Episcopos adversus transarini Concilii Decretum dispensationem sibi suere ausos non esse sine Apostolicae Sedis consensu. 101. Ex praefato Xiti MI. testimonio recte colligit, absolvere, simpliciter, et controversiae expertem esse Apostolicae Sedis fidem. 139.
- CELIUS EXERCENS pertinet ad intimam Religionis Constitutionem. 5. 185. Maxime interest pium, perpetuumque ab initio morem servari, quo novis Sanctis Cultus decrevit. 211.
- S. CYPRIANUS. Dominus Romanae Ecclesiae Episcopatum omnibus Episcopatibus, atque Ecclesiis fecit esse, ut Solem radiis, ut rivis Fontem, et Radiantem ramis. 69. Ejus tacto evincit Eubonius, jus Romani Pontificis esse, ut ad Petri Sedem de singulis Provinciis referant Sacerdotes. 78. Qui Cathedram Petri, super quam fundata est Ecclesis, describit, in Ecclesia se esse condidit. 91. Rogat S. Stephanum, ut absente Marciano alium jubeat in ejus locum subrogari. 114. 115. Agnovit in Romano Pontifice jus recipiendum appellationum. 123. Objectionem, non potestatem defectum objicit Sententiae S. Stephani. 123.

DAM.

D A M.

S^{DA}MASTUS PP. Ex propria auctoritate, non in vim ullius antecedentis Sententiae damnavit rogantibus Orientalibus Apollinarem, ac Timotheum. 55.

DECRETALIS ROMI. Pontificum venerabiliter suscipiendae sunt. 83. 87. Romana Decretalis si minus conveniat utilitatibus peculiaris ejusdem Ecclesiae, provisum, ac paratum remedium exhibent Pius IV., Benedictus XIV. 86. Dogma est, Decretis fidei, ac morum Fideles omnes, ipsosque Magistratus Civiles adstringi. 88. Pro jure communi recipiendae sunt Decretales Gregorii IX. Bonifacii VIII. Not. 102. Decretalibus tribuantur Descriptio Provinciarum, jura Metropolitani, Ordo servandas in Synodorum judicialis. 114. 115. Ex De Marca in novo jure pressus est insistendum. 116.

**DEGENIO DECLARATIONIS CLERI GAL-
LICANI** AN. 1632. Auctor proficitur, quantumque in Romam infremcent Interorum portae, ac Sacrae Urbis, quod absit, fundamenta concenterent, non propterea praevaliturae. 51. Certum esse, Graeca aeque, ac Latina Concilii Florentini Acta Sacro approbante Concilio Eugenio nomine esse edita. 52. Romanam Ecclesiam ex avita, atque Apostolica traditione eo jure, ea dignitate esse, ut quicumque sibi, eundem etiam Ecclesiae Universe Dacem, Pastoremque eligat. 195. Petri Cathedra, si concidere posset, fierique Magistra erroris, Ecclesiam non habeturam vinculum Societatis, ac Schismaticam, et dissipatam evasuram, quod non est possibile. 197. Romanae Cathedrae fidei a Pontificum suorum fide minime secretum. 198. Haec digna Bossuetio, ejusdemque genuinis scriptis aptissime consentanea. Aliunde in Bossuetium insinuat Contumeliosus, qui ei immancem errorem ennotanter a Bossuetio abominatum adscribit, Petrum etiam postquam illud Christi audivit, Regere pro te. Incredulam fuisse. 202. Quod contendit, nil obesse firmitati promissi Christi de fide nunquam defectu in Sede Petri, quia fides identi-

dem in ea deficiat, modo intelligatur mox revictura, in eo aperte repugnat Bossuetio invicte demonstranti adversus Protestantes, vi promissi Christi fieri non posse, ut vel puncto temporis fides in Ecclesia deficiat. 203.

DEVOTIO. Ubi jus ab inferiori ad Superiorem devolvitur, Superior non accipit ab inferiori, Jura omnia ad Superiores ab inferioribus devolvi possunt. Devolutione semel partum jus, perpetuum est. 117.

DISCIPLINA Recens universalis Ecclesiae non recepta non minorem vim habet in praesentia, quam olim vetus habuerat, dum vigeret. 112. Disciplinam, quae jam inoleverat, plerumque exhibet Hil-doriana Collectio. 115. Praesentis disciplinae mutandae nulla Auctore Febronio penes Laicum Magistratum auctoritas residere potest. 116. Disciplinam Ecclesiae universalem nequit Episcopus in sua Diocesi evertere. 153. Capiti disciplinae mutato si accedat Decretum Romani Pontificis, certum erit, illud non esse contra fidelem, aut bonos mores. 156. Quae pertinent ad Ecclesiasticam disciplinam, ea decernit sola Ecclesiastica Potestas. 173. Una Febronii vocula totam, quanta est, Ecclesiae disciplinam Seculari subiecit Potestati. 179.

DISPENSATIO. Dispensandi auctoritate a Primatu Summi Pontificis auctori non posse agnoverunt ipsi in Basilicenses. 100. Haec indefinita potestas nulli alteri Episcopo competit. 101. Dispensatio non est ex iis, quae compentant, nisi prohibeantur; sed ex iis, quae non compentant, nisi concedantur. 104. 102. Ab Apostolica Sede implorandas censuere dispensationes Universa Ecclesia Africana a Damaso PP. et Tarracensis ab Hilario Marcianus Augustus pro affecto Antiocheno ab Leone M. PP. VIII. Aemulenae Synodi ab Hadriano II. &c. 103. et seq. Est acus jurisdictionis, quam nullus habet interior in leges Superioris. 105. et seq.

DOCTRINA Nulla unquam in Ecclesia coaluit, quam semel Petri Sedes Apostolica fulmine perstrinxerit. 221.

DOGMATICUM Judicium Episcopali Ordinis proprium tunc Febronius. 70.
DA DOMINUS M. ANTONIUS. Propositiones ejus adversus Supremam Romani Doctrinam.

His.

clesiae auctoritatem, et Monarchiae formam a Christo immediate in Ecclesiam institutam censura perstricta a Patiensii Theologica Facultate. 19. 20.
DONATISTAE. Quod scirent sine Romani Pontificis communi-ione esse in posse veram Ecclesiam, Pseudo-Episcopum Romanum sibi creati curarunt, quem ipsi Pontificem Romanum, Fideles Romani per locum appellabant Episcopum Montensem, aut Rupitanum. 69.

ECCL.

ECCLESIA. Ecclesiae Unitas sine Retoris visibilis unitate nequit consistere. 20. Formam Monarchicam Ecclesiae Regimini accommodari non posse perperam negat Febronius cum Putendorfio. 21. 22. Scite Febronius Protestantes reuellit Ecclesiam dicentes *Sacramentum aequale*. 30. Rite idem constituit Ecclesiae Regimen coallescere ex Potestate Legislatoria, Iudiciaria, et coercitiva. 30. 182. Ecclesiam vigore suae institutionis ius habere Fideles cogendi ad obedientiam, et Contumaces contrariis poenis coercendi. 31. Multae haereses nullo generali Concilio vi auctoritatis in Ecclesia perpetuo vigentis profligatae sunt. 61. Huius iudicii firmitas non obest, quod haereses quaedam ab Ecclesia dispersa damnatae novam rursus in Conciliis damnationem subeant propter Sectatorum pertinaciam. 62. Novatores, qui Romani Pontificis potes in causis fidei in hoc uno sitas esse volunt, quod exploratam singularem Ecclesiarum Sententiam colligat, ac proponat; quique alimode Pontificem in suo iudicio labi posse volunt, nullam Ecclesiae dispersae normam relinquunt, in qua fixum, ratumque de quavis quaestione iudicium valeat consistere. 62. Habet Ecclesia ius adigendi Fideles ad subscribendum suae Sententiae, etiam quum damnantur propositiones *in globo*. 76. Viget Ecclesiae Potestas non solum edendi, sed et ita promulgandi Decreta fidei, et Morum, ut statim atque in Fidelium conscientiam deverterint, eisdem nemo sine fidei detrimento repugnare valeat. 88. Sanctitatis Spiritus munus est in Ecclesia deservit. 119. Ec-

clesiae Regimen penes Apostolos, eorumque Successores primis etiam Saeculis absque ullius alterius potestate intervenitu plenum potestatumque constitit. 174. Christus visibilem Ecclesiam fundavit visibili auctoritate regendam, visibilibus officiis administrandam. 181. 182. A Deo manat Potestas, qua semper usa est Ecclesia exterioris etiam disciplinae constituendae, ac sciendae. 192. Nullus unquam Praesul praeter Photium in Ecclesia eo ambitionis devenit, ut se Caput Ecclesiae dicere auderet. 204.

EPISCOPATUM Fuisse primitus indivisum, et potuisse quemlibet Episcopum ubi vis terrarum suam libere exercere potestatem perperam contendit Febronius. 41. 167. 168. 192. Episcopatum divisio Ecclesiae instituto inducta nihil potuit detrudere de primaeve generalis assignatione, qua Christus Petro universum Gregem commisit. 44. A S. Petro Episcopatus, et tota nominis huius Auctoritas emerit. 68. 83. In Episcopatu tantum in Sacerdotii plenitudine eminet potissimum potestas Jurisdictionis. 192. In Episcopatu, non in Apostolatu Apostolis succedunt Episcopi. 219. Quod generatim Episcopali Ordini tributum, non idem tributum singulis Episcopis 109.

EPISCOPI Antea designati, quam formarentur Ecclesiae. Non ergo a Plebe in Pastores potestas derivata. 18. 19. 41. Episcoporum potestas Superiori Romani Pontifici potestati subjecta. Non ergo inflexibilia. 21. 33. 40. 41. 109. Habent Episcopi assignatos greges jure humano; Romano Pontifici Grex totus Divino jure assignatus. 29. 41. 44. 45. 85. 157. In gregibus assignatis non per simplicem Ordinationem, sed per legitimam Missionem explicandae jurisdictionis potestatem nanciscuntur. Haec Missio nonnisi Ecclesiastica, et Canonica potestate obtinetur. 25. Veros, ac legitimos Episcopos esse, qui a Romano Pontifice assumuntur, generatim definitum est Canone Tridentino. Suprema ergo in Romano Pontifice Missionis huius potestas. 25. Itaque vel a primis Ecclesiae temporibus velut Spurii habiti sunt Episcopi, quorum Ordinationem Romanus Pontifex respexit. 111. Sic ordinata est ab initio Ecclesiarum distributio

butio, ut aliae aliis praesent. Hinc Superiorum Praesulum potestas in inferiores. 44. 168. 169. Hinc et ab initio restricta se prole multis in rebus Episcoporum Auctoritas, sive Canonum Statutus, sive pleiore illa potestate, qua primariae Sedes in subjectas utebatur. 39. 45. 67. 84. 85. 108. 141. 167. 169. Falsum proinde, plenam, et indehntam potestatem Episcopos olim vel in suis regendis Dioecibus exercuisse. 26. 46. 103. 105. 110. Nequeunt ergo constitutam Superiori Auctoritate disciplinam suis in Dioecibus pervertere. 110. 172. 173. Episcopis demandatum docendi ministerium cum auctoritate conjunctum, ideoque jure Divino Indici in Causis fidei. 61. Errant proinde, qui non aliud in his judiciis munus Episcopis relinquunt, quam ut de sanctorum Ecclesiarum s. n. n. testimonium ferant. Quo fieret, ut ab suis Ecclesiis docendi Episcopi potius esse viderentur, quam eisdem docendis velut Magistri, ac Doctores praesent. 62. Ex vero haec in omni causa fidei praesentis Romani Pontificis Auctoritas, ut S. S. omni neque Patres nihil usquam aut finitendum, aut finitum ducerent, nisi quod esset Apostolicae Sedis inconcussa pronuntiatione firmatum. 33. 40. 80. 108. Obsecrari unquam nequit Moralis unanimitas Episcopalis Ordinis Capiti suo adhaerentis. 61.

VAN-ESPE Vim legis agnoscit in Corpore Juris Canonici. 102. Quod ait seposita omni positiva reservatione Episcopali auctoritati cohaerere plenariam Canonum relaxandorum potestatem, suis ipsiusmet argumentis retellit. 106. 107.

EXCOMMUNICATIONIS Poena pertinet ad coactionem. 54. Arcet etiam a Civili Fidelium consociatione. 194. Nam infringere potest Ecclesia. 194.

F E B R.

FERNONIUS. Litteris, quibus suam Reformationem cum Clero, Populoque Trevirensi communicavit, se in multas assertiones incidisse fatetur multis capitibus reprobandas. 1. Negaverat initio, se libri ejus auctorem esse, quem es

suum deinceps, et retractandum agnovit. 110. Commemorative suum in Reformationem Summo Pontifici obsequenter subjicit, confirmatque, suae Reformationis actum non fictum, non extortum, sed liberum, quinimmo deliberatum fuisse. VIII. Doctrinarum capita, quae Positionibus plerumque continentur, facile confirmat *Duce veritate et Causae*; non item commentitias exceptiones, quibus ide nitidem elabi velle videtur, in quibus non eam praestat, quam pollicetur *Germanam sinceritatem*. 1. In his plerumque refellitur antiquis monumentis Ecclesiae Trevirensis ex ejus historia Trevirensi depromitis. 185. Agnoscit Claves datas Apostolis, non coerui Fidei; his contineri potestatem Legislatoriam, Judicariam, coercitivam nulli alteri potestati obnoxiam, in aevum omne prorogandam. 1. 1. 6. 25. 26. Poenas Canonicas, quae vel priorum Saeculorum cum invaluerunt, numerat inter eas, quas vigore suae institutionis valet Ecclesia discernere. 12. Ordinem Sacerdotalem excludit a potestate Episcopali Ordini collata pro Regimine Ecclesiae. 17. Odiosa Febronii Sententia de Monarchiae forma etiam in statu politico. 23. 237. Romani Pontificis inerrantis longe antiquius recepta in Ecclesia Gallicana, quam recentiores nonnulli opinantur. 231.

FIDEI Perpetuitas, quae in Romana Ecclesia nunquam delectura est, pendet a perpetuitate Fidei, quae Petro, et ejus Successoribus directae, ac primario promissa est. 100. Verba Fidei praedicatio in Petri Successione non est delectura. 201. Praeter id, quod est contra Fidem, haereticum, erroneum, alia sunt jure, ac merito reprobanda, quae ad fidem obscurandam, aut ad ejus infirmandas probationes pertinent. 106.

FLORENTINUM CONCILIUM. Nihil in eo exprimitur de plena potestate Romani Pontificis, quod non augustissime continetur in act. 8. A communice VIII. Synodi. 31. 54. Graeca aequae, ac Latina ejus acta S. approbante Concilio Eugenii nomine sunt edita. 32. 33. 166.

H

GAL.

GAL.

GALLICANA ECCLESIA censeat, unum Romanum Episcopum esse jure Divino Summum in Ecclesia Pontificem, qui Primatum jurisdictionis habet, cui omnes parere teneantur. 19. Ex Thomassinio Saec. 14. tenebat, Tetro datas esse, Petrique Successoribus Claves, per quos alius deinde Praesulibus consignatur. 46. Nunquam somniavit tunc, ut Romana Dioecesis cum Episcopo, et Plebe sua intercedat, populusque Romanus totus cum suo Pontifice a Fide abruptus, et Primatus Ecclesiae alio transferretur. 51.

S. GELASIUS PP. 1. Decernit, Summorum Pontificum Decretales venerabiliter suscipiendum esse. 82. Redargit eorum incitiam, qui Canones jacebant adversus obedientiam Romanae Sedis debitam. 91. Immo per ipsosmet Canones declarantur, unum esse, Appellationis totius Ecclesiae ad Apostolicam Sedem examen referri debere, ab ipsa vero nunquam appellari. 95. Perpetrant nonnulli contendunt, hos Canones de causis tantum privatis intelligi debere. 115. & seq.

GERSONIUS Haereticum dicit, qui negat, Statum Papalem institutum esse a Deo supernaturaliter, et immediate tanquam habentem Primatum Monarchicum. 10. 21. 46. 126.

S. GREGORIUS M. Romae plura instituit judicia Episcoporum Italiae, atque etiam aliarum Provinciarum. 96. Romano Pontifici totius Ecclesiae cura commissa est. 108. Cum Anglis dispensat quoad Matrimonium. 111. Ecclesias aut Pastore viduas, aut ineptum nactas aliis commendat. 147.

S. GREGORIUS PP. 11. Quoad Matrimonium contrahenda dispensavit cum Germanis. 111. 111.

HIL.

S. HILARUS PP. Nulli fas sit Divinas Constitutiones, vel Apostolicas Sedis Decreta temerare. 80.

HINCMAUS Rhemensis praedicare non dubitat, Metropolitica jura ab Apostoli-

car Sedis auctoritate derivare. 116.
HOTMANNUS Antonius sollemnissimum libertatum, ut dicuntur, Gallicanarum, Superior, quam quidam sibi morem vindicavit, idci est tituli loco. 141.

JAN.

JANUARIANA Haeresis legitime damnata a solis Romanis Pontificibus, non ab aliqua Synodo. 57.

INDIFFERENTIA (civiliter). Hoc nomine latentem viam subdole aperit Febronius, qua Potestati Saeculari totum id restituit, quod ei Duce Canone circa externum Religionis Cultum potest detrahit. 5. 175. 176. 179. 180. 183. 187. 188.

S. INNOCENTIUS 1. Ejus Epistola ad Carthaginense Concilium iaculentis nihil ad asserendam Supremam Apostolicam Sedis auctoritatem. 83. 109. Suis Decretis ornavit Ecclesias Occidentis, et Antiochenam. 114.

S. JOANNES CHRYSOSTOMUS Expresse affirmat, licuisse Petro, et quam maxime licuisse in locum proditoris Judae Successorem ad Apostolatam deligere: prudenti vero consilio abstinuisse, ne cui gratificari voluisse videretur. 43.

S. IRENAEUS. Fatebit Febronius, Irenaeum id juris in Summo Pontifice agnovisse, quo particulares Ecclesias, ut ut multas, valeat ob contumaciam ab universalis Ecclesiae communione abscindere. 54. Docet Irenaeus, pro asserenda fide minime opus esse singularum Ecclesiarum Successiones adire: Satis esse promerere fidem, et traditionem, quam ab Apostolis acceptam servat Ecclesiarum omnium maxima Romae constituta. 61. 68. 103. 109.

ISIDORIANA Collectio proditit ex Judiciorum ordine jam recepto. 96. 111. De ea plura. 115.

IVO CARNOTENSIS. Sedis Apostolicae judiciis obviare est haereticae pravitatis notam incurrere. 17.

JURISDICTIO ECCLESIASTICA Non ante resedit penes Fidei Communitatem; nec inde velut Populari consensu translata est in Magistratus. 19. Ordinarum Apostolicam extitisse in solo Petro, non in ceteris Apostolis, censent DD, Parisienses, 20. Sese explicat po-

rimum in dandis iudiciis. 97. Ejus actus est Dispensatio. Jurisdictionem nullam habet inferior in leges a Superiore conditas. 105. Inter Delegatum, et Ordinariam ita distinguit Tridentinum, ut una confundi cum altera nequeat. 162. Qui delegatam Jurisdictionem Episcopis injuriam esse asserunt, non discedit Febronius, merito refutatus esse. 164.

JUS DIVINUM. Multa ut sint, sacrum humanum praerogant; statim ac facio humano prodicunt, Divino jure sancuntur. 49. 50. 191. 196.

LAT.

LATERANENSE IV. Concilium. In eo Ecclesiae Romanae ordinaria potestas super omnes alias aperte sancita. 41.

LUGDUNENSE Concilium an. 1127. De Corpore Germanici adhaesione minime sollicitum fuit, quam sibi entendum duxit, ne Lutetiana Haeresis in Gallias pervaderet. 75. 78.

LOTHARI. Haeresis jam ante Tridentinum irrevocabili ab Leone X. damnata pro debito Pontificiae auctoritati obsequio universa execrata est Ecclesia. 70. et seq. 136.

LAVOYES. Praepostera ejus interpretatio Tridentini circa Monasteria exorta. 152. 159. 160. 255. Non veretur accusare Tridentinam Synodum, quasi complexione verborum usa sit apud antiquos minus usitata. 160.

S. Leo M. Insigne illius testimonium de vetusto more appellationum ad Sedem Apostolicam 123.

MAR.

DE MARCA Petrus. Novum, et inane illius Commentum, quo in Canone Sardicensi *Revolutionis* notionem, planae, ac perspicuae appellationis voci substituit adgressus est. 91. Plura, et varia collegit iudicia Romae et S. Gregorio M. celebrata in causis Episcoporum quum Italiae, tum et aliarum Provinciarum. 96. Testatur, S. Innocentium Decretis suis Occidentis Ecclesias ornasse, et Antiochenam constitutis suis

disposuisse. 114. Refellit contractum interpretationem Novatorum auctoritatem Cypriani perverentium de Marciani Arelatensis depositione. 115. Faneur alienas a vere disciplina appellationes a Papa ad Concilium. 128.

MARONITAS. More vetusto Patriarcha per totam Regionem Episcopos nati suo amovendis distribuere, qui assignatis partibus praesent. 170.

MATRIMONIUM. Falsum, olim Episcopos praevias ad Matrimonium dispensationes impetratos esse. 110. Haud proinde mirum, reservatam non reperiri facultatem, quae nupquam emergerat. 110. Dispensavit S. Gregorius M. cum Anglis in impedimenti Consanguinitatis: S. Gregorius II. cum Germanis. 111. Per impedimenta dirimentia ab Ecclesia constituta contractus nullus redditur ac proinde quo dogmate constat, Ecclesiam statuere posse impedimenta dirimentia, eodem constat, Ecclesiam potestatem habere circa matrimonium eam ut contractum. 128.

S. MAXIMUS. Antistes Trevirensis auctor fuit Julio Papae, ut S. Athanasium revestiret, ejusque damnatores citaret Romanam. 92.

METROPOLITICA jura ab auctoritate Sedis Apostolicae derivare praedicat Hincmarus Rhemensis. 115. Eiusmodi institutio Ecclesiae est pene coaeva, et juri Divino aliquomodo finitima. 169.

MISSIO. Non ordinati, nec missi a Potestate Ecclesiastica, et Canonica legitimi non sunt Verbi, et Sacramentorum Ministri. 25. Ex missione legitimam Episcopalis auctoritatis exercendae facultatem nanciscuntur Episcopi. Missionis suus cuique gregi Pastor addicatur. 109. Val primis Ecclesiae temporibus Spiritus censebantur Episcopi, quorum Ordinationem Romanus Pontifex respicebat. 112. Etsi missionem plerumque olim Ordinationem pro-hinc consequeretur, distincta nihilominus una erat ab altera. 142. Ordinationis factae praeter Canonum Statuta decrat Missalo. 142. Hujus penes Romanum Pontificem Summa competent fuit auctoritas. 142.

NAT.

NATALIS Alexander, Papam non dubium, extra casum haeresis, negat subiectum esse iudicio cuiusquam Synodi etiam Oecumenicae. 211.

PEL.

PELAGIANORUM pertinaciam ex eo revincit S. Augustinus, quod contra Apostolicæ Sedis auctoritatem perverſam Sententiæ Evangelicæ interpretatione tueri persisterent. 67.

S. PETRUS Ecclesiæ totius regendæ Supremam Potestatem non ab Ecclesiâ, sed a Christo cum Clavibus accepit. 19. Ex Tertulliano Claves relictæ sunt Petro, et per Petrum Ecclesiæ. 24. Ex S. Optato Claves ceteris communicandas Petrus solus accepit. 24. Ex S. Leone Christus nunquam nisi per Petrum dedit, quidquid aliis non negavit. 24. Petro Grex totus commendatus, simulque jus pascendi collatum universale, et immediatum. 41. et seq. Toti Ecclesiæ in Coenaculo collectæ unus Petrus præfuit. Eique maxime licuit alium sufficere Apostolum in locum Judæ. 43. Per totam Ecclesiâ Pascoralis Visitationis munere fungitur universos pertransiens. 41. Ab antiquis diebus Petrus unus inter ceteros a Deo præordinatus, et electus, per cuius os audierint Gentes verbum Evangelii, et crederent. 43. Sic solus Petrus ordinariam, Supremam, immediatam in omni Ecclesiâ a principio potestatem exercuit, in Coenaculo primum, dein extra Coenaculum per totam Judæam, Galilæam, Samariam, atque per Cornelii cooptionem in omni, quantum uoquam patere posset, Gentilitate. 163. Plenitudo potestatis primæ data Petro indefinita, et in omnes; Diffusione potestatis in alios Apostolos nil detractum fuit de plenitudine, quæ primæ data fuit Petro sine ulla exceptione super ipsosmet Apostolos. 120. 121. Non a Grege, non a Coetu Fidelium, non ab Apostolis ipsis, sed a Christo totius Ecclesiæ Caput constitutus. 195. Pe-

trus adhuc in propria Sede vivit, ac præsidet. 69. Suscepta Ecclesiæ gubernacula nunquam dereliquit. 199. Petri Fides, ac Potestas nunquam in Successoribus defectura. 193. et seq.

POTESTAS Canonica, tametsi spectata sine spiritualis, ipso tamen genere corporalis afflictationem inferunt. Has a primis Sæculis Ecclesiâ proprio jure delinquentibus concessis, aut convictis imponere consuevit. Consummatio, quæ quibus se illis impune subterfere, nec illud solvebat obligatione poenæ impostæ subcundæ, nec adeo jus Ecclesiasticæ coercitivæ potentis minuebat poenæ imponendæ. 12. 182. 192.

PALMATUS non Ordinis, inspectionis, ac directionis tantum est, sed veræ auctoritatis, et jurisdictionis. 31. Nunc Primatus cum Romana Sede nullo humano jure solvi posse merito affirmat Benedictus XIV. 46. Ad Petrum usque tempora sic inaudium in Ecclesiâ, posset alio Privatum transferri, ut Valer ille novitatis hujus auctor Constantinopolim velut novam Romam obtruserit, ne videretur a Sede, quæ Romana esset, Primatum velle divellere. 10. 51. 204. et seq.

PROPOSITIONES siye quum singulæ damnantur ut hæreticæ. siye quum plures in globo, jus est Ecclesiæ adigendi Fideles, ut suæ Sententiæ subscribant. 16.

REG.

REGULARIUM exemptio nec a Sæculari Potestate, nec ab ulla particulari Synodo valet abrogari. 347. Lotharingo Cardinali teste Regulares ad tria millia passi Martyrium, quod ejusdem nominis obedientiam Romano Pontifici debuit. 148. Eorum immunitas vetustissima. 146. 163. 144. Exemptionum abusus rite provisum per Tridentinum, et Constitutiones Apostolicas. 158. et seq. Sic temperata eorum immunitas, ut per eam Regulares Episcopos prodesse atque, nocere nunquam valeant. 164.

ROMANA Sedes Petri locus. Primatus Divino jure in Petri Successores prorogandus ab ea divelli non potest. 51. 204. Petri

Perpetua ejus privilegia divinitus radicata impingi possunt, transferri non possunt. 42. 65. Disponente Domino super omnes alias *Ordinarie* potestatis obtinet Primatum. 43. Sola Sedes Petri universalem adivit hereticitatem Apostolorum. 44. Ita ea per Successionem Pontificum Apostolica Traditio conservatur, et propagatur, ut necesse sit, cum ea ceteras Ecclesias, et omnes qui undique sunt Fideles, convenire. 65. 68. Numquam a veritatis via deflexit. Hujus auctoritatem universales Synodi fideliter amplectentes in cunctis sequuntur sunt. 38. 132. In ea non potest fides sentire defectum. 38. Hoc habet ante omnia quod ab haeretica labe mansit immuni. 63. Si considere possit, heretice Cathedra non veritatis, sed erroris, solum Catholicae Societatis vincula Ecclesiae spem Schismatica, et dissipata evaheret. 197. Ab ejus communione, et consecratione in fide netis discedere. 197.

ROMAN. PONT. Beati Petri Successor, verus Christi Vicarius, totius Ecclesiae Caput, omnium Christianorum Pater, ac Doctor: cui in B. Petro pascendi, regendi, ac gubernandi universalem Ecclesiam a Domino Nostro Jesu Christo plena potestas tradita est. 20. et seq. Summam, eamque ordinariam potestatem in Ecclesia universa semper exercere potest in Fideles universos, et in ipsos Ecclesiae totius Episcopos. 43. Quocumque se conferant Pontifices, in ibi velut in propria Ecclesia versantur. 46. Ejus auctoritas in fidei causa dijudicanda. 51. 16. 12. et seq. 91. et seq. 128. 119. Et competit ius divinitus acceptum iudicandi, dirigendi, confirmandi Concilia universalia. 83. 108. 114.

S I R.

S. SENECA PP. Uno ejus iudicio Joviniani haeresis reprobata est. 51. Non se merum exequutorem praestitit Sententiae antea Concilio generali latae. 56. Ejus respectum vis non pendens a Canonibus, sed ex Pontificia auctoritate. 80a.

S. SYMMACUS PP. Quae suorum temporum necessitas relaxanda postulat, quantum fieri poterat, Primatus sui auctoritate temperabat. 104.

SALMASIUS sacri coactus est, in rebus fidei necesse esse concordare cum Ecclesia Romana. 61.

SANCTITATIS continuatione ad finem usque Saeculi proroganda perpetuum suae Divinae Praesentiae notam extare voluit Christus. 113.

B. SAULUS Alexander dictus a Benedicto. XIV. totius Corsicae Apostolus. 115. Ejus Cathedismo laus tributa a S. Francisco Salesio. 115.

T E R.

T. TERTULLIANUS veritatis ab Apostolis traditae testimonium non a singulis per Orbem dispersis, sed ab Apostolicis Ecclesiis petendum docet; inter has Romanam ceteris praestare. 66. 68. 129. Inquit, Claves Dominum Petro, et per eum Ecclesiae reliquias. 192.

S. THOMAS Aquinas. Ut in potestate Regendi, et solvendi Ordo significaretur, primo soli Petro data est, ut ostenderetur, quod ab eo in alios debet ista descendere. 25. Christus in ipsa Roma, quae Caput erat Mundi, etiam Caput Ecclesiae suae statuit in signum Victoriae, ut exinde fides derivaretur in universum Mundum. Not. 90. Qui habet regere multitudinem, habet potestatem dispensandi in lege humana. quae suae auctoritati innititur. 101. Fideles, qui ab Apostolo subieiebantur Episcopo Civitatis, non eximebantur a potestate Apostoli, qui Episcopum praecedat. 169.

THOMASINO. Apostoli Ecclesiarum Fundatores, dum iis Episcopum praedicabant, non illo sua se in eas Ecclesias auctoritate spoliabant. 44. 163. 169. Episcopi in Apostolorum Sedes evecti non in eandem potestatis amplitudinem vocati sunt. 46. Una Petri Sedes tota illa universali auctoritate, qua pollebant Apostoli, cumlata est cum singulari abundantiae privilegio. 46. Hinc Romani Pontifices, quocumque se consulerint, semper ita versati sunt, ut in Ecclesia propria. 46. Haereticum damnationi Apostolica Sedes summam auctoritatis pondus, et vim ineluctabilem, et universalem semper adiecit. 58. Salgnata diensis Synodus falso poenitentium fraudibus, non Romani Pontificis auctoritati obvi-

viam ire voluit. 97. Quamdiu Ecclesia Orientalis Occidentali unita fuit, dispensandi auctoritatem in Romano Pontifice agnovit. 100. 101. Universa Africana Ecclesia pro dispensationibus ad Romanum Pontificem configit. 103. Non a Conciliis Provincialibus in Romanum Pontificem translata sunt potestatis munera, quae sibi Romani Pontifices reservaverunt. 116. 117.

TREVIENSIS Ecclesia, Quo tempore Sanctitate, ac miraculis maxime floret, auctore Honthemio ratum, fixumque habuit, penes Ecclesiae Patres iudicium consistere rebus ad doctrinam, et disciplinam pertinentibus. 151. 154. Longe antiquius, quam multi putant, in ea, et Gallicana Ecclesia Sententia viguit de Romani Pontificis *infallibilitate*. 135. 136. Hoc ipsam confirmat Honthemius Reginonis testimonio scilicet arguentis, qui arbitretur, Petri Sedem aliquo pravo dogmate fallere, aut filii unquam potuisse. 135. Item ex Eilberti testimonio. 151. 152. Synodi Provinciales an. 1549. Moguntina, Trevirensis, Colonien-sis statuunt, nil aliud credendum, tenendum aut docendum, nisi quod Sancta Romana tenet, et docet Ecclesia. 71. 74. Febronius ab avita Ecclesiae suae traditione recedens turpis delationis reus tenetur, et convincitur. 74. 121.

TRIDENTINUM Concilium legitimam missionem ex Ecclesiastica, et Canonica potestate repetit. 15. Summa ejus Missionis penes Pontificem auctoritas prodit se in Canone, quo anathemate

percellit, qui diserint, Episcopos a Romano Pontifice assumptos non esse veros, ac legitimos Episcopos. 15. Praescripto iudiciorum ordine excolpit causas, quas Romanus Pontifex iudicaverit ad se avocare. 98. 121. Declarat, salvam semper in omnibus auctoritatem Sedis Apostolicae intelligi debere. 121. 65. In Episcopis iure proprio non agnovit inesse facultatem eam dispensandi, quam expresse illis tribuit. 102. Delegatam in Episcopis auctoritatem ab ordinaria rite, et consulto secernit. 161. 215. Causas Matrimoniales ad Iudices Ecclesiasticos spectare definit. 178.

V I C.

VICARIUS. Ejus error est, Papam non esse proximam, et immediatum Christi Vicarium. 19. It enim non esse de necessitate salutis et edere, Romanam Ecclesiam esse Supremam inter alias. 54.

S. VICTOR PAPA. Febronius testatur, ab Irenaeo agnitam in eo potestatem Ecclesias ut in multis ab universae Ecclesiae Corpore abscindendi. 54.

UNANIMITAS moralis. Inaniter laborat Febronius in investigando tempore, quo per moralem hanc unanimiorem damata irrevocabilitate fuerit haereticis Lutheri. 70. 71. Leonis X. Decreto adversus Lutherum Catholicae Ecclesiae nulla suscepta ulterioris unanimiatis pervolgatione acquieverunt. 71.

ERRATA

SIC

CORRIGE

<i>Pag. 29. lin. 30. Aricio</i>	<i>S. Siricio</i>
<i>Pag. 55. lin. 4. lib. 8.</i>	<i>lib. 7.</i>
<i>Pag. 125. lin. 17. Ephesinae</i>	<i>Ephesini</i>
<i>Pag. 175. lin. 1. Tom. 2. pag. 861.</i>	<i>Tom. 3. pag. 909.</i>
<i>Pag. 189. lin. 25. dedit, principaliter eas</i>	<i>dedit principaliter, eas</i>
<i>Pag. 226. lin. prout solvitur. Dein Adde:</i>	<i>Quo, unitas Catholica constringitur,</i>

et ad Chacitatemque terminum refertur.

11A1

1582542

15

[

